

# მ ო ა მ ბ ე

თ ვ ი უ რ ი ქ უ რ ნ ა ლ ი

წელიწადი მუათე

**№ I**

ი ა ნ ვ ა რ ი, 1903



ტფილისი

საქართველოს სახელმწიფო ბიბლიოთეკა

1903

Дозв. пенз. Тифлисъ, 20 Января, 1902 г.

## შინაარსი

	ბმ.
I— ჩემი პირველი სიხვარული.—(ეტიუდი) შ. აბაგვის- ზირელისა . . . . .	1
II— ვაი ზაჟისაგან.—ოთხ-მოქმედებიანი კომედია ა. გრი- ბოედოვისა, თარგმანი განდგეილისა (დასასრული) . . . . .	27
III— ხენთი.— რუს- ოსმაღოს (1877— 1878 წ. (უკანასკნელ ომის დროის ისტორიული რომანი. რაფუფისა (თარგმანი სამხურდიან) ბ. ევანგულოვისა (გაგრძელება) . . . . .	53
IV— სამნი.— შ. გორკისა, თარგმანი ი. ზოდუძემოდვიანო- ვისა. (გაგრძელება) . . . . .	107
V— მევზე ლირი (გაგრძელება). . . . .	1
და მ ა თ ე ბ ა.— საზეჩქენთის ძველი ისტორია დასაწყი- სიდან დამოუკიდებლობის დაკარგვამდე.— ფრან- გულიდან ნათარგმნი ვ. ფ.—სა . . . . .	353—384



— თორმეტისა!..— დინჯად უბასუხა კაცია კაციაშვილმა.

— თორმეტისა და...— თითქმის ყველამ ერთად დავიწყეთ, მაგრამ კაციაშვილმა აღარ დაგვათავებინა:

— მართლა და უცნაური თქვენი ამბები ხმის ამოუღებლივ მოვისმინე, და თუ თქვენ ვერე ყოველ ჩემ სიტყვას ბრკყალებს ჩაჰკიდებთ, მაშინ ისა ჰსჯობია, გავჩუმდე და აღარა ვიამბოთ-რა...

ჩვენ ერთმანეთს შევხედეთ. თვალებით: „ჯერ გაათავოს და შერე...“ ვუთხარით და ერთხმათ ვთხოვეთ:

— კარგი, კარგი განაგრძე! ჩვენ ხმას აღარ ამოვიღებთ.

„სწორედ თორმეტის წლისა შევსრულდი, როდესაც სასწავლებელში გამოცდის შემდეგ გამომიცხადეს, რომ მესამე კლასში გადახვედიო, და სწრაფად შეშის მოედნისკენ გავეშურე, რომ ჩვენებური ურმები, ან კიდევ ჩვენი სოფლის მეზობელ სოფლის ურმები მენახა და გავყოლოდი (შეშის ურმებს მივდევი-მოვდევი ყოველთვის).“

„მეორე დღეს ჩემი პატარა ბოხჩით ჩვენ სახლს დილაადრიანად წავადექი...“

„დედა ჩემი უკვე ფეხზე დამხვდა. ცოცხი ეჭირა ხელში და ეზოსა ჰგვიდა. ურემი შესდგა თუ არა ჩვენ კარ-წინ, რომ გადმოვსულიყავ, დედაჩემი წელში აიხარა და ცოცხით ურმისკენ გამოჰქანდა. დედი ჩემის დანახვაზე თითქმის გადმოვკოტრიალდი ურმიდან, ჩემი ბოხჩის გადმოღებაც კი დამავიწყდა და დედას კისერზე ჩამოვეკიდე...“

„სიხარულით ტიროდა დედა-ჩემი. მკოცნიდა, მკოცნიდა განუწყვეტლივ, და მეც ვკოცნიდი და ვსტიროდი... ცოცხი კი ხელიდან არ გაუგდია...“

— აჰა, ე ბოხჩა ჩამომართვით!..— შემოგვესმა ჩემი მომყვან მეურმის ხმა.

„მხოლოდ მაშინ გავანთავისუფლე დედი ჩემის კისერი და თვალების წმენდით ჩამოვართვი ჩემი ბოხჩა ჩემ მეურმეს, რომელსაც ჩვენს ცრემლებზედ ცრემლი მოჰრეოდა...“

— ღმერთმა მა ბაღის ბედნიერებას შეგასწროს, ჩემო ნათლიდედ, კარგი რამაა!..— ღმობიერებით უთხრა დედა-ჩემს და ურემი გააქრიალა...

— ღმერთმა შენი ჩიტოს ბედნიერებასაც შეგასწროს, ჩემო ღვთისო!..— გააყოლა ეს სიტყვები დედა-ჩემმა და ისევ გულში ჩამიკრა... ცოცხი ხელიდან მაინც არ გაუგდია...

„ჩემ მისვლაზე ჩემმა და - ძმებმა გამოიღვიძეს. ჯერ ისევ სარეცლის სითბოთი გაჟღენთილ ერთის მკერდიდან მეორისაკენ გადავდიოდი და...

„ყველამ გღვიებულ მკერდს-ჩამიკრა, ჩამკოცნა და მათმა სითბომ მეც გამათბო...

„— უთუოდ გშიან?!.

„— უთუოდ გწყურიან?!.

„— უთუოდ გეძინება?!.

„ერთ ხმად გაიძახოდნენ ყველანი ჩემ სახლში, და სარეცელი, საკმელი და სასმელი სწრაფად ყველაფერი გაჩნდა, თითქოს ნატურის თვალი მქონოდეს!..

„თუმცა არც საკმელი, არც სასმელი და არც ძილი არ მინდოდა, მაგრამ უნებურად ვჭამე, უნებურად დავლიე და, წარმოიდგინეთ, უნებურადვე ლოგინში გავგორდი... იმათ ტკბილ ყურში ჩაჩურჩულებაზე ჩავიძინე კიდევაც...

„როდესაც გამომღვიძა, მზე კარგად აწეულიყო. კიდევ საკმელი, კიდევ ალერსი, კოცნა და... გულმა აღარ გამიძლო... ჩემი ტოლ-ამხანაგები, მთლად სოფელი უნდა მენახა...

## II

„— შვილო, ყველას სალაში მიეცი, მოიკითხე!.. დაგლოცვენ!..— ეს სიტყვები გამომაყოლა დედა-ჩემმა თან...

„კარებს გამოვცდი თუ არა, უპირველესს ჩემ მოვალეობად ჩავთვალე მღვდლისკენ წავსულიყავ, რომ მისი ლოცვა-კურთხევა ამელო. კარგი რამ იყო მღვდელი ღვთისმფობი!.. ღრმად მოხუცებულს სულ თაფლი გადმოსდიოდა პირიდან და მეც სულ-მწარედ ვეწაფებოდი მის პირს...

„ჩვენი სახლიდან მოძღვრამდის კარგა გზა იყო... გზაში ბევრი ქალი და ვაჟი შემხვდა, მართლაც ყველა მოვიკითხე, ყველამ ლოცვა-კურთხევით დამტვირთა, და ასე დატვირთულ-მა სიხარულით მოძღვრის ეზოსთან მივირბინე...

„მაგრამ უცრივ შევკრთი და უკან დავიწიე, როდესაც ღვთისაგარ მღვდლის მაგივრად ახალგაზრდა მღვდელი დავინახე. უკან გაბრუნებას ვაპირობდი, რომ მღვდელი შემომეკითხა:

— „შვილო, რა გინდოდაო?

— „არაფერი!..

„დავიბენი..

— „ვისი, ხარ?... აბა, აქ მოდი!..

„გაუბედვად მიუუახლოვდი მოძღვარს; მარჯვენა ხელი მარცხენა ხელს გულზე დავდე და მოწიწებით გავუწოდე ორივე ხელები მოძღვარს.

— „მაკურთხა, ვემთხვიე მის ხელს...

— „ვისი ხარ, შვილო?—უფრო ღმობიერად მკითხა. და თავზე ზელი გადამისვა.

„იმის ხელის გადასმაზე, იმის ხმაზე ტანში სიამოვნების ჟრუანტელმა დამირბინა, და გაბედულად, თვალების წკრიალით ვუპასუხე:

-- „ბაბალესი!..

„სულ პატარა დავეობლდი. მამა არ მახსოვდა. სოფელში ყველა ბაბალეს შვილს მეძახდა და მეც მხოლოდ დედი-ჩემის სახელი ვახსენე.

— „შენა ხარ კაცია კაციაშვილი?! გამარჯვება!.. როდის მოსულობხარ?

„მოძღვარო უცრივ შეიტყვალა. მფარველობითი კილო შეიტყვალა და თანასწორზე გაღვიდა. საჩქაროდ სკამი მომიდგა და ბაასი დავიწყეთ.

„მოძღვრის ამ გვარმა საქციელმა სითამამე მომიმატა და, კარგად მახსოვს, თავისუფლად დავუწყე პასუხის ძლიევა, მსჯელობა...

„ვკითხე, თუ ღვთისავარ მოძღვარს რა მოუვიდა. თურმე საცოდავი გადაცვლილა, და მე კი არ ვიცოდი. დედაჩემსაც არ უთქვამს. საშინლად დამნანდა, თითქმის ცრემლებით ამეფსო თვალები...“

— „ძალიან გიყვარდაა ღვთისავარ მოძღვარი?..“

— „ძალიან! როცა შინ მოვდიოდი, სულ იმასთან ვიყავი ხოლმე და საყდარშიაც მე ვეხმარებოდი. იმასაც ვუყვარდი...“

— „აი, მეც მომეხმარე ხოლმე და...“

„ტყაპ, ტყაპ, ტყაპ!..“ უეცრივ შემომესმა ფეხის ტყაპუნნი. მივიხედე იქით, საიდგანაც მოისმოდა, და სწრაფად შესწყდა ტყაპუნნი. ჩვენ წინ მოკლე კაბით, შიშველა ფეხებით ჩუსტებში წადგმული, გაზებიც კი შიშველი ჰქონდა, თმა გაკრეკილთ თორმეტ-ცამეტის წლის (პირველ შეხედვაზე ასე მეჩვენა) ქალი წინ გამოგვექიმა...

„კანი მეტად ნაზი და თეთრი ჰქონდა. ამ მშვენიერ კანს ქვეშ, თითქოს ნაკვერჩხალი გაულადლადებიათო, გამოჰქვიოდა გაღვიების ელფერი. იმის სახეს აღ-მული ასდიოდა. გაზებსაც კი ასეთი ფერი ედო. შავი თვალები ხომ სულ ცეცხლს აფრქვევდნენ...“

„შეგკრთი. იმასაც ესევე დაემართა. ზორივმ თავები ჩავლუნეთ...“

— „ნუნუ, იციი ეს ვინ არის?..— მიჰმართა მოძღვარმა და ჩემზე ანიშნა: ეს ბაბალეს შვილია, გუშინ რომ ჩვენთან იყო. ამაზე არ გველაპარაკებოდა?!“

— „ეხლა ბაბალესგან მოვრბივარ. მინდოდა მეთქვა, კაცია მოსულა მეთქი, და ეს კი აქ დამხვდა...“

„თავი მალლა ავსწიე. შევხედე ნუნუს, რომელიც მე მომჩერებოდა, და ისევ დავხარე. მის სახეს ვერ გავუძელი.. ასეთი ნაზი კანის ქალი ჯერ არ მენახა...“

— „კაცი, ეს ჩემი ცოლის დაა! ესეც შენსავით მესამე კლასში გადავიდა... შენ ხომ თორმეტის წლისა ხარ?! ესეც თორმეტისაა...“



## III

„ამის შემდეგ მე და ნუნუ დავმეგობრდით. თითქმის ყოველ დღეს ერთად ვაღამებდით. პირველ კვირის განმავლობაში ერთმანეთი ცოდნაში გამოვცადეთ. მე უფრო მცოდნე გამოვდექი. ეს, ცოტა არ იყოს, ნუნუს არ ესიამოვნა და კიდევაც გამწყრალი გამშორდა... კვირის უკანასკნელი დღე ისე დაღამდა, რომ ნუნუ აღარ მინახავს, თუმცა იმ დღეს რამდენჯერმე ჩავუარ ამოვუარე მღვდლის სახლს. იმ საღამოთიც სახბორეზე გავედი, სადაც ჩვენი უბნის გოგო-ბიჭები თავს იყრიდნენ და „კეკემალულობას“, „აგანგალა-განგალას“ და „ნიშხა ნიშხას“ თამაშობდნენ...

„ნუნუც აქ მოდიოდა ხოლმე, მაგრამ ამ დღეს არ მოსულა. გული ჯავრით მევსებოდა, მაგრამ რას ვიზამდი?..“

„დღესაც ვერ ამიხსნია, თუ რად მინდოდა მისი ნახვა! სულ სამი დღის გაცნობილი ვიყავი, ჩემთვის ის არას წარმოადგენდა, და მაშ რად მეჩაგრებოდა გული, რომ ის იმ დღეს ვერა ვნახე?!..“

— მაშინვე მოგდებია და...

— შენ ძალიან ახსნა იცი ხოლმე, ქიტო!..— შეაწყვეტინა ქიტუს სიტყვა კაციამ, როცა იმან კაცის კითხვის განმარტება მოინდომა: — მე მიყვარდა მაშინ დედა, მიყვარდა დამანი. ნუნუ კი ჩემი არც და იყო და არც ძმა; დედა ხომ უფრო არ იქმნებოდა. ამ სიყვარულის გარეშე სხვისა რისამე გაგება არასფრისა არ მქონდა. ტოლ-ამხანაგური?!. რა ვიცი!.. არავის უნახავობას ისე არ დავუჩაგრევიარ, როგორც იმის უნახავობამ დამჩაგრა იმ დღეს...

„მოწყვეტილი, დამარებული შინ დავბრუნდი და მაშინვე ლოგინში გავგორდი. ვახშამიც კი არ ვსჭამე, თუმცა დედაჩემმა ბევრი მიაღერსა და ლოგინშიაც კი მომიტანა საქმელი...“

„მეორე დღეს დილა-ადრიანად ჩემი საწოლის მზადებას შევუდექი. უნდა გითხრათ, რომ სიცხის გამო ყველანი გარედ



დერეფანში ვწვებოდით, რაკი ძირს წოლა მეზარებოდა, რადგანაც ხან-და-ხან ჩვენი მურია ძალლი მოვიდოდა და, თუ ზედ ჩემ ტანზე არ გაიშლართებოდა, ფეხებზედ მაინც დამაწვებოდა. ეს კიდევ არაფერი, რომ გაგდება შემძლებოდეს. თუ შევუტევდი და გაგდებას დავეუპირებდი, ისეთის თვალით შემომხედავდა, ისე გამომიყრიდა თავის გაალმასებურ კბილებს და თანაც ისე წამომიღრენდა, რომ სული ფეხის თითებისკენ გამეპარებოდა, და უნებურად ვინაბებოდი. მეტად გულ-ამღვრელი იყო ჩვენი მურია.

„აი, ნუნუს შემოწყრომაზედ მურიას საქციელი უფრო მემწვავა. იმ ღამეს სულ არ დამიძინია. მურა ზევიდან მაწვა. განძრევას ვერა ვბედავდი, რომ იგი ყანყრატოში არა მწვდომოდა. ჩემები კი ხვრინავდნენ... ვფიქრობდი და ვფიქრობდი, თუ მურას მაინც როგორმე გადავრჩენილიყავ. ფეხები სულ დამიბუჟდა. ის ჩემი ცოდვით სასვე მურა არც კი ინძრეოდა. „გვერდი მაინც იცვალოს—ენატრობდი—რომ მეც ამ დროით ვისარგებლო და გამოვაძრო ფეხები. მაგრამ... მამლებმა იყივლეს... დედა-ჩემი გადაბრუნდა და წამოიძახა: „ღმერთო შენ იყავ ჩემი შვილების მფარველი!..“

„—დედი!..—გულ-საკლავად წავეკნავლე დაბალის ხმით, რომ მურასთვის ძილი არ გამეფრთხო.

„—კაცი, შვილო, რა გინდა?!. არა გძინავს, გენაცვალოს დედა!..—საჩქაროდ გადმომხედა ამ სიტყვებით დედა-ჩემმა და პასუხის მიცემა ვერც კი მოვასწარ, რომ დედი-ჩემის ტატანი და სახრის ტყლაშუნი უეცრივ ერთად გაისმა. ეს დედა-ჩემმა თავისი სახრე, რომელსაც ღამე ყოველთვის თავის გვერდით იდებდა, მურას გადუჭირა...“

„დაფეთიანებული მურა ეზოში გავარდა წკმუტუნით, მერე დაბნევით ოღნავ ყეფა დაიწყო და შემდეგ უფრო მოღხშირა, რადგანაც მეზობლების ძაღლებმაც ხმა მისცეს...“

„მე კი, განთავისუფლებული ამ ტანჯვისგან, დედა-ჩემისკენ გადავგორდი, რომელმაც ფეხები გამიზილა, ჩავეკარ და აღარა გამიგია-რა, რაკი ფეხებში სისხლმა თავისუფლად მო-

ძროხა დაიწყო... ღრმად ჩამეძინა. მგონი, ჩემმა და-ძმებმა გამოიღვიძეს და შეიტყეს, რომ მეორე ღღეს ალერსით დამცინოდნენ...

„სოფელში რაც უნდა გვიან დაიძინო, მაინც დილა-ადრინად გამოგეღვიძება. ისეთი რა მძინარა უნდა იყვე, რომ ყურში მოსაწველი ძროხა ჩაგბლაოდეს და ხბოს თავისკენ იწვევდეს, ხბო კიდევ მოუსვენრად იბრძოდეს და ბლაოდეს, ძალღი გამვლელს საშინელის ყეჯით ზედ ჰვარდებოდეს და ქათმები კიდევ, ნამეტნავად თუ გარედ სწებარ, ზედ თავ-პირზე გახტებოდნენ საკენკის მოლოდინში, რომ არ გამოგეღვიძოს?!“.

„მართალია, ძილის-გუდა ვიყავი, მაგრამ ამ ხმაურობამ მაინც გამომალვიდა. თვალები გავახილეთ თუ არა, მაშინვე ეხო-ში ოთხი ბოძი დავინახე, და სწრაფ თავში აზრმა გამიელვა: აი, იმ ბოძებზე რომ დაიძინო ხოლმე, მურა აღარ შეგაწუხებს!..“

„ეს აზრი რომ არ მომსვლოდა, უეჭველად გვერდს ვიცვლიდი და ისევ ძილს მივსცემდი თავს. მაგრამ ეხლა კი ძილი სულ გამიფრინდა. საჩქაროდ ჩავიცვი. ბოძებთან მივირბინე და გარს შემოვლარე...“

„კარგად მახსოვს, რომ ამ ბოძებზე სიმინდის ძარი იდგა, ეხლა კი მარტო ბოძებილა ერქო; სიმინდის ძარი როდის შესკუპდებოდა ზედ, ამის წარმოდგენა ძნელი იყო. მანამდის კი შინდოდა მესარგებლნა, ზედ ჩემი საწოლი გამემართა, და ამ გვარად მურას გადავრჩენილიყავ...“

„განვიზრახე და განზრახვის ასრულებასაც შევუდექი. მაშინვე ცული, წალდი და ხერხი გარედ გამოვიტანე. ბოძებს შუა ადგილები გადავზომე და ფიჩხილგან ბოძებზე გასადებოთხი ხის გამოარჩევა დავიწყე...“

„ერთი ხე უკვე გავსხიპე, რომ ნაცნობი ხმა შემომესმა:

— „დილა მშვიდობისა, ბაბაღე!!“.

— „ღმერთმა გაგაბედნიეროს, შვილო! — უპასუხა დედა-ჩემმა და ძროხა ნახირისკენ წინ გაიგდო.“

„ნაცნობ ხმის გაგონებაზე კინალამ გავქანდი, მაგრამ ჩქარა თავი შევიკავე და შუბლ ქვევიდგან გავიხედე; ხის ჩორკნა კი არ შემიწყვეტია.

„ნუნუ დედაჩემს ელაპარაკებოდა, მაგრამ თვალები ჩემსკენ ჰქონდა...

„— კაცი, აი, ნუნუ გკითხულობს! — ხმა-მალლივ დამიძახა დედაჩემმა და ძროხას ჯოხი დაარტყა, რომელმაც ისარგებლა დედაჩემის შეფერხებით, რომ თავის ხბოსთვის ძუძუ კარგად მიეცა.

„ძროხა მძიმედ შეინძრა; ხბო უკან მოიგდო. ხბომ კი ლაჯებ შუა თავი შეჰყო და ისე უკან დევნით წოვა დაიწყო. დედაჩემიც მძიმედ აჰყვა ძროხას...

„ნუნუ?..

„ნუნუ ადგილიდგან არ იძვროდა და თვალს მე არ მაშორებდა. არც მე ვაშორებდი თვალს. თუმცა შუბლის ქვეშიდგან კი გავსცქეროდი და ხის ჩორკნას თავს არ ვანებებდი. ნუნუ მძიმედ ჩემკენ წამოვიდა, ჩქარა შორი-ახლოს შესდგა და:

„— რას აკეთებ, კაცი?.. — გაუბედავად შემეკითხა.

„მეტად ველარ შევსძელ თავის შეკავება. მაშინვე მივუახლოვდი და:

„— გამარჯვება, ნუნუ!.. სიხარულით მოვიკითხე.

„ცოტა კიდევაც ვუსაყვედურე, რომ წინა საღამოს სათამაშოდ არ გამოვიდა.

„ნუნუც მომხიარულდა. დაწვრილებით აფუხსენი ჩემი საწოლის გეგმა და ორივენი გულმოდგინეთ შევეუდექით მუშაობას. არც კი გავგიგია, როგორ გავდევით ოთხი კეტი კაპიან ბოდებზე, წნელით როგორ დავამაგრეთ და ზედ შემდეგ როგორ გავაწყეთ წვრილი ჯოხები, წვრილი ფიჩხი და ფუჩიჩი... ლოგინის გაშლა-და უნდოდა ზედ, მეტი არაფერი...

„— აბა, ეხლაც ამოვიდეს ჩემ ლოგინზე მურა!.. — მედიდურად წამოვიძახე, როდესაც ნუნუმ უკანასკნელი ფუჩიჩის კონა მომაწოდა და ზედ გავშაღე...

„რა მურა?!—ცნობის-მოყვარეობით შემეკითხა ნუნუ.

„შემრცხვა. თავი ჩავლუნე,—ვითომც არ გამიგონია...

„—კაცი, მოდი პური ჭამე, თორემ...

„—ეხლავე, დედი, ეხლავე!..—სიხარულით შევაწყვეტინე დედას სიტყვა და ძირს გადმოვხტი...

„მე და ნუნუ შევედით სახლში. იმას კიდევაც დაავიწყდა თავისი კითხვა.

„დედა-ჩემმა კი ორი ჯამი „ჩაფაშრული დო“ \*) წინ დაგვიდგა... სიცილ-კისკისით დავიწყეთ ჭამა. დედა-ჩემმაც თავისთვის მოიდგა ჯამი და ისიც ჩვენთან ერთად შეექცეოდა...

„—ნეტავი თქვენ ბედნიერებას შემასწრო, შვილებო!

„მე და ნუნუმ ერთმანეთს შევხედეთ, ორივე გავწითლდით და ორივემ თავები ჩავლუნეთ... თითქოს, ისე სიამოვნებითაც აღარ ვჭამდით დოს...

„დოს ჭამაში გავაპარეთ სირცხვილი; ჩქარა ისევ მხიარულად, სიცილით დავიწყეთ ლაპარაკი და სიცილით ორივე გარედ გავცვივდით, როდესაც ჯამები დავაცალიერეთ.

## 17

„ნუნუ და მე შევრიგდით. ის ნაკლების ცოდნით არ უკადრისობდა და მე კიდევ მეტით არ ვამაყობდი... თითქოს ორივეს დაგვავიწყდა ყველაფერი, რომ ერთხელაც არ გვიხსენებია ჩვენი უზრახობა... ნუნუზე არას გეტყვით, და მე კი ერთხელაც არ გამხსენებია მთელი ზაფხულის განმავლობაში. მე მხოლოდ ის მიხაროდა, რომ ნუნუს ყოველ დღე ვხედავდი.

„რად?..

„არ ვიცი! ეხლაც, ვამბობ, ვერ ამიხსნია, მისი გაღვივებული თვალები, მისი სახე სიხარულს რად მგვრიდა და რად მიხდოდა მუდამ ჩემთან ყოფილიყო, ან კიდევ მე მასთან

\*) ქოთანში ხმელ პურს ჩამტვრევენ და შემდეგ დოს ჩაასხამენ. ერთი-ორი საათის შემდეგ შეიძლება იმისი ჭამა.

ვყოფილიყავი. ასეც იყო. ჩვენ ერთმანერთს მხოლოდ ძილი გვაშორებდა. ის თავის სიძის სახლში იძინებდა და მე კიდევ ჩემ სიმინდის ძარის ბოძებზე გამართულ ტახტზე. მურა აღარ მაწუხებდა, და მეც თავისუფლად ვსუნთქავდი... ისე სიამოვნებით არას ღროს არ მძინებია, როგორც იმ დღეებში...

„ნუნუს ძალიან მოსწონდა ჩემი საძილო... „ნეტავი შენა, რომ მაგისთანა კარგ ადგილას გძინავსო“ ხშირად მეტყოდა ხოლმე ნუნუს. მისს სიტყვებზე მე მხოლოდ ვიღრვიჯებოდი...

„ერთ საღამოს, როდესაც ადრე ვახშამი ვქამეთ, და ჩვენები დასაძინებლად ლოგინში ჩაწვენენ, მე და ნუნუს ჩემ საწოლთან მივედით და ვლაპარაკობდით, ვიცინოდით. მიდგმულ კიბეზე ავედით და ჩემ ლოგინზე გულ-აღმა გადავვკორდით. ორივენი გაფრთხილდით და მოქათქათე ვარსკვლავებს მზერა დავუწყეთ...“

„უმთვარო ღამე იყო. ცა მოწმენდილი. უხვად მოზნეული ვარსკვლავები უფრო მკაფიოდ მოკრთოდნენ, ციმციმობდნენ და ჩვენ თვალს აცეცებდნენ... სარტყლად გადავლებული „ხარის ნავალი“ გადაჭქიმოდა ზედ შუაზე ცას. „ირმის ნახტომი“ კი შუა ცაზე სწყდებოდა...“

„თვალები მითამაშებდნენ. ყველაფერს თვალს ვაყოლებდით. ცა ხან ღრმად-მუქ-ლოურჯად მეჩვენებოდა, ხან კიდევ ცრიაგად... ერთი ვარსკვლავიდან მეორეზე გადახტოდა ჩემი თვალი და...“

„— ნეტავი შენა, კაცი, რომ ცის ქვეშ გძინავს!..“

„უეცრივ წამოიძახა ნუნუს და თავი ჩემკენ გადმოხარა.“

„მაშინვე მეც მისკენ გადავხარე თავი და, ძმობას გეფიცებით, ცაზე არც ერთი ვარსკვლავი ისე მოეღვარე და მიმზიდველი არ იყო, როგორც იმ წამს მისი თვალები...“

„— თუ გინდა, აქ დაიძინე, ნუნუს!.. — უნებურად წამოვიძახე და მთლად მისკენ გადავბრუნდი.“

„ისიც გადმობრუნდა. მარჯვენა მკლავი მის კისერ ქვეშ ავატარე და მარცხენა კიდევ ზევიდან გადავაფლე. ნუნუს ჩემ ხელს მოჰყვა. იმანაც გადმოხვია ხელი. მეც და იმანაც თვა-



ლები დავხუჭეთ. უფრო მივიწიეთ ერთმანეთისკენ, და მისი სუნთქვა ლოყას მიორთქლავდა, ისე ახლოს ვიწექით...

„— ადრე გელვიდება ხოლმე, კაცი? — დამეკითხა ნუნუ ცოტა სიჩუმის შემდეგ.

„— ძალიან! — ვუბასუბე და უფრო იმისკენ მივიწიე.  
„იმანაც მოიწია.

„— არა მგონია, ჩემზე ადრე გელვიდებოდეს!

„— ღმერთმანი, ძალიან ადრე მეღვიდება!..

„— დღეს დედა-შენმა არა თქვა, ფეხით რო დაითრიოს ვინმემ, ვერ გაიგებსო!..

„— ეგ მხოლოდ ღამობით... დილით კი...

„ნუნუმ ამ დროს თავი ოდნავ მალლა ასწია, მისი ლოყა ჩემ ლოყას შეეხო. მაშინვე დაუშვა თავი და სწრაფად ჩემი ტუჩები მისას შეეხნენ. მისებს წინააღმდეგობა არ გაუწევიათ...“

„— ღმერთმანი, ადრე მეღვიდება!..

„— მე უფრო ადრე მეღვიდება!.. — დაიჟინა ნუნუმ.

„— დავნაძლევდეთ!..

„— დავნაძლევდეთ!..

„ორივენი წამოვჯექით ლოგინში...

„— როცა მე გამეღვიდება, დედა არ მომიკვდება, სიძეს ისევა სძინავს ხოლმე!..

„— მე მაინც შენზე ადრე მეღვიდება!.. აი, გუშინ დილას ხბო გამოიქცა თქვენკენ; უკან დავედევნე, და თქვენი კარი ჯერ ისევ მოხურული იყო... — ცოტათი ვიმტყუნე...“

„— დედა არ მომიკვდება, გუშინ ნახირიც არ დამდგარიყო, რომ ავდექი!..

„— მაშ დავნაძლევდეთ!

— დავნაძლევდეთ!

— რაზე?..

— თუ გინდა კოცნაზე!

— კარგი!

„— ბაბაღეე!.. — ამ დროს გაისმა ხმა ჩვენს ახლოს და ჩვენც ლაპარაკი შევწყვიტეთ.

„მურამ აღარ დაგვაცადა. იმან გასცა ჰასუხი და წინ გულუხტა.

„ჩვენებმა ვერც კი გაიგეს, ისე დასძინებოდათ.

„— ჩვენი ბიჭია!..— მაშინვე წამოიძახა ნუნუმ და ძირს ჩავიდა.

„მეც უკან ჩავყევი.

„— გადი, შე ვერანავ!— უტევედა ბიჭი მურას, რომელიც გამალგებით ზედა ჰვარდებოდა.

„— ვინა ხარ?— დავეკითხე მე და ნუნუს წინ გადევრბინე.

„მურა გაჩუმდა ჩემ ხმაზე.

„— ნუნუ მანდ არის?..

„— აქა ვარ!..— უბასუხა ნუნუმ...

„— დრო არის, წამოდიო „ფოფოლიამ“!..

„— მოვდივარ!..

„— კაცი, — მერე მე მომიბრუნდა, — მაშ, აბა, დილაზე ვინ უფრო აღრე აღგება!

„— კარგი!..

„...დავიძინო?.. არა!... დავიძინო?!. არა... არა... ჰო... არა... ვეკითხებოდი ჩემ თავს და „ჰო“, „არას“ გავიძახდი, როდესაც ფეხის ხმა მისწყდა, და საბანა წავიხურე:

„არა... არა... ჰოოო... არააა...

„ჟრიაბული გააქვთ ჩვენ ეზოში ხეებზე ფრინველთ, საქათმეში მამლები და დედლები ფრიალობენ, გარედ გამოსვლას ჰლამობენ; ძროხები ბლავიან და ხბორები ხომ...

„ჰოო... არა... არა... ჰო!..

„წამოვჯექი ლოგინში. თვალები მოვიფშენიტე...

„არა... არა... ჰო... ჰოოო... არააა... — ვიმეორებდი უგონოდ....

„ცა გაცრიაგებულიყო. ფრინველი ჟივილს უფრო უმატებდა... ხმაურობა გამეფებულიყო. მაგრამ ჩვენები დერეფანში ისევ იწვნენ. მურაც ხმას არ იღებდა...

„— დილა-მშვიდობისა, კაცი, რა აღრე გავიღვიძნია?..



„მივხედე. ჩვენი მიზობლის რძალი იყო. კოკა მხარზე ედო. წყლის მოსატანად მიდიოდა. ჩემ პასუხს არ მოუცადა. ქალის ჩუსტებს მიაწკაპუნებდა...“

„ჰო... არა...“

„...მართლა!..—უეცრივ წამოვიძახე და საჩქაროდ ჩაცმა დავიწყე.“

„სწრაფად ჩემ გონებას ბინდი გადაეყარა, და ყველაფერი შომაგონდა. მომაგონდა, რომ ნუნუს დაენაძლევედი და...“

— ძალიან სულელი ჰყოფილხარ, ჩემო კაცი, მაშინვე!..—  
 შეაწყვეტინა კიდეც ანდრო დარახველიძემ...—შენ ადგილას, რომ ეყოფილიყავ, კარგად გამოვიძინებდი... შენ აკოცებდი, თუ ის გაკოცებდა, სულ ერთი არ იქმნებოდა შენთვის?..

— კოცნა კი არა, ჯობნა მინდოდა!—გულ-უბრყვილოდ უპასუხა კაციამ...“

— ჰო და, აკი გეუბნები: პატარაობითვე სულელი ჰყოფილხარ!..

— კარგი, ხმა გაიწყვიტე!:.—შევუტიეთ თითქმის ყველამ ერთად ანდროს და შემდეგ კაციას შევთხოვეთ, რომ განეგრძობ...“

„ანდროს დიდი გონება—დაიწყო კაციამ:—ბავშვის მოქმედებას, აბა, როგორ მიაქცევს ყურადღებას და გამოიკვლევს?!. მე კი, როგორც სულელს, „მაშინვე“ გამარჯვება მინდოდა. მხოლოდ ამ აზრით დავიწყე ფაცი-ფუციო ტანისამოსის ჩაცმა და კოცნა სრულებით არ გამხსენებია...“

„ყველაფერი ავხსენი, მაგრამ ის კი ველარ გამოვიკვლიე: შეძინა იმ ღამეს, თუ არა?.. თუ შეძინა, მაშ რა კითხვითაც დამიძინა, იმავეთი გამომღვიძებია.—„ჰოო... არა...““ ვიძახდი ღამეც და დილითაც...“

„— შვილო, კაცი, საით გამგზავრებულხარ?.. დამიძახა დედა-ჩემმა დერეფნიდან, როდესაც ჩემი საწოლიდან გადმოვხტი.“

„მიდგმულ კიბეზე არც-კი ჩამოველი, ისე გადმოვხტი...“

„— არსად, ეხლავე მოვალ!..“

„— მოდი, გენაცვალოს დედა, შვილო, ხბო დამიჭირე, ძროხას ჩამოვწველავ...“

„— სანამ შენ ადგები, მეც მოვალ! ვუპასუხე და მოვკურცხლე.“

„დედა-ჩემის ხმა მომესმა და სიტყვები კი აღარა. უკან რა სიტყვები დამადევნა, არ გამოგონია.“

„გზაში დამხვდა ვინმე თულა, არ ვიცი. სწრაფად ჩვენი მღვდლის კარებთან მივირბინე. შევაქრიალე თუ არა ეზოს კარი, მღვდელი დავინახე, რომელიც ის-ის იყო ოთახიდან გამოვიდა. ეტყობოდა, ჯერ პირიც არ დაებანა, რომ თმა და წვერი ისევ აბურძღნული ჰქონდა...“

„— კაცი, რა ამბავია?!—გაკვირვებით დამეკითხა მღვდელი.“

„— ნუნუს ღვიძავს?!—გულის ფანცქალით ვკითხე პასუხად.“

„უეცრივ—მღვდლის დანახვაზე—შევკრთი, და გული ამი-ფანცქალდა. მეგონა, ნუნუც ამდგარი იქნებოდა...“

„— არა!.. რა იყო?...“

„— ვაჯობე!.. ვაჯობე!..—სიხარულით ტაში გავეკარ და სიცილით მღვდელს მოვეხვით.“

„— კაცი, ვერა გავიგე-რა... აბა, შვილო, დალაგებით მი-თხარი, რა ამბავია — დამეკითხა მღვდელი და თან აღერსით თავზე ხელს მისვამდა, როდესაც სიხარულით მის წინ ვბტო-დი და ხელებს ვაფათურებდი მის კაბის ნაოქებზე.“

„— წუხელის მე და ნუნუ დაენაღვედით, ვინ უფრო აღრე ადგებოდა...“

„— ჰო, ეხლა კი მივხვდი, ნუნუმ რად მითხრა დილაზე აღრე გამაღვიძეო! მე კიდევაც დამავიწყდა.“

„— ეგ რა ჯობნება იქნებოდა, თქვენ რომ გამოგეღვიძე-ბინათ!..“

„— განა შენ თითონ გამოიღვიძე?“

„— მაშ!.. არ ვიცი, მთელ ღამეს მეძინა, თუ მეღვიძა!“

„— როგორ?“

„— ისე!..

„— ჰმ!.. მერე სანაძღაოში რა გერგება?..

„— ერთხელ კოცნა.

„— ხა, ხა, ხა, ხა!... მართლა?!

„— თქვენი მადლი არ მრისხავდეს, მართალს მოგახსენებ (ამ სიტყვებს დედა-ჩემი ჰხმარობდა ხოლმე მღვდელთან ლაპარაკის დროს, და მეც ეს სიტყვა-სიტყვით გავიმეორე).

— „ხა, ხა, ხა, ხა!.. უფრო გულიანად გაღიხარხარა და დაუმატა ჩემთვის გაუგებარი სიტყვები: „ო, სანკტა სიმპლიციტას“!...

„შემდეგში, როდესაც ილოვანისკისაგან შეთხუპნულ ისტორიის სახელმძღვანელოს „ვკბილავდი“ და ეს ლექსი შემხვდა, მომაგონდა მღვდელი, ნუნუ, და მხოლოდ მაშინ მივხვდი, თუ რადა სთქვა. მაშინ კი ვერა გავიგე-რა...

„— ღმერთმანი, ძარტო ერთხელად კოცნაზე დავნაძღვე-დით!. — წავილულლულე, რადგანაც მღვდლის ხარხარზე და გაუგებარ სიტყვებზე შევკრთი...

„— ეეჰ, ჩემო კაცი, რატომ მაგრე შევკრთი?!.. უეცრივ ხარხარი შესწყვიტა მღვდელმა და თავზე ხელის სმით ოთახში შემიყვანა.

„მღვდლის დარბაზი ფარდით ორად იყო გაყოფილი. კარგად ვიცი, სადაც იძინებდა ნუნუ. დარბაზში შევიდოდით თუ არა, მაშინვე პირველად ნუნუს საწოლს დავინახავდით. ფარდის იქით კი მღვდელი და მისი ცოლი იძინებდნენ...

„— აჰა, ნუნუ აგერ არა წევს!..

„— ჰა, ისევ სძინავს!..— სიხარულით წამოვიძახე, როდესაც ნუნუს ლოგინში თვალი მოვკარი, და საჩქაროდ იმასთან მივირბინე.

„სრულებითაც არ შევუმკრთაღვარ, რომ ნუნუ თითქმის უსაბნოდ და უარარაოდ იყო. ის იყო მის შიშველ მკლავისთვის ხელი უნდა წამეველო და გამეღვიძებინა, რომ მღვდელმა წამოიძახა:

„— აბა, კაცი, სანაძლევეო ეხლავე უნდა აიღო და ძალიან მაგრადაც აკოცო მძინარეს...“

„— რა ამბავია, მღვდელი?!.— ფარდის იქითგან დაეკითხა მღვდლის ცოლი ნამძინარევის ხმით და ტახტი შეაჭრიალა. უთუოდ გვერდი იცვალა.“

„— ვინაა?— ნუნუმ უეცრივ თვალები მოიფშენიდა და წამოიწია.“

„უკან დავიწიე...“

„— იციი, „ფოფოლია“, ნუნუ კაციას დაჰნაძლევებია ერთ კოცნაზე!..“

„— რაოოო?..“

„ამ დროს ნუნუს თვალები და ჩემები ერთმანეთს შეხვდნენ და... ნუნუ სწრაფად წაეხვია საბანში და პირქვე წაწვა. თვალი მოვკარ, რომ მისი სხეული აწითლდა, და მეც მხოლოდ მაშინ ამეწოა ლოყები და ყურები.“

„— რაოო?!.— უფრო გამორკვევით იკიანა მღვდლის ცოლმა.“

„— ვინც ადრე ადგებოდა დღეს, იმას უნდა ეკოცნა და, აი, კაციამ აჯობა. ეხლა...“

„— არა, ღმერთმანი, არა!..— მწუხარებით გამოიკნავლა საბნის ქვეშიდგან ნუნუმ.“

„ამ ხმაზე ხომ სულ ჩემი დამემართა. სხეული სულ შემიტენიანდა, ამიცახცახდა; ყურებმაც კიდევ უტილი დამიწყეს. თავის სორო ძვირფასად გამიხდა... უეცრივ გავტრიალდი და შურდულის ქვის სისწრაფით გარედ გავვარდი...“

„— სანაძლეო აქა გრჩება, სად გარბიხარ?!— სიცილით გამომაყოლა ეს სიტყვები მღვდელმა...“

„უკანაც აღარ მიმიხედნა. მოვრბოდი, და სირცხვილი-საგან ვიწოდი; სახე მეხრუკებოდა...“

„ღეღაჩემი ის-ის იყო საწველლით ხელში სახლიდგან გამოვიდა და ძროხასთან მევინა, როდესაც მე მივირბინე და სწრაფად ხბოსკენ გავქანდი. ხბო ბლავილით გაჰქანდა, კარი გავუღე თუ არა, და საჩქაროდ ცურს დაეტაკა...“

„— ოჰო, ჩქარა დაჰბრუნდი, შვილო!—გაკვირვებით და-  
მეკითხა დედაჩემი და ხბოს მოსაგერისებლად იქავე ჩაჯდა.

„არა ვუბასუხე-რა...“

„ხბო ბოძზე გამოვაბი, დედაჩემმა საწველელი ყრუთ აა-  
ხმაურა: მე კი სახე მეწოდა, თვალწინ სულ მღვდლის სახლი  
მედგა და ყურებში ხომ მხოლოდ მღვდლის სიცილი...“

„— უი, დამიდგეს თვალები!! აქნობამდის ხბო არ მიგი-  
შვია! მწუხარებით წარმოსთქვა დედა-ჩემმა და ხბო აუშვა..“

„თურმე დედა-ჩემს ჩამოეწველა ძროხა, რძე შინ შეეტანა  
და ცეცხლზე შემოედგა. მე კი ისევ ისე გარინდული ვიდექი  
და მეგონა, რომ ჯერ ისევ ჰსწველავდა.“

„ხბო გიჟივით ძროხის ცურს ეძგერა და თავის ჯლაგუნით  
საჩქაროდ პირის ნაპობის კუთხეები აიქაფა...“



„ორმა კვირამაც გაიარა, რომ მღვდლის სიცილი ისევ  
ყურებში მედგა. ყოველ ამ ხმაზე ვწითლდებოდი, და ქირის  
ოფლს მასხამდა. იმის სახლს თოფის სროლაზე ვერიდებოდი  
და ნუნუსთვის ხომ თვლიც აღარ დამიკრავს. არ ვიცოდი, სად  
იყო და სად არა. ვფიქრობდი: „უთუოდ გარედ აღარ უშვე-  
ბენ-მეთქი“. ეს გარემოება სულ ტანში მშლიდა...“

„ერთად ერთი ჩემი გართობა ვენახში სიარული იყო.  
დილა ადრინად ნახევარ ჰურს ილლიაში ამოვიდებდი და ვენა-  
ხისკენ მივეშურებოდი. იქ შუა ვენახში თუთის ქვეშ ვგორა-  
ობდი და მარტო ნუნუსზე ვფიქრობდი.“

„რაკი ტფილისის სკოლაში ვსწავლობდი, დედა-ჩემი ამი-  
სთვის დიდ თავისუფლებას მაძლევდა. ჩემ სულიერ ვითარე-  
ბაში არ ერეოდა...“ „დაისვენოს, ქა!..—იტყოდა ხოლმე დედა-  
ჩემი, როდესაც მის დაკითხვაზე: „სად მიხვალ?“ მოკლედ ვუ-  
ბასუხებდი: „ვენახში“...—მთელ ცხრა თვეს სულ აწი... აწი  
ულდას...“



„მესამე კვირაც გადიოდა, რომ ნუნუს შესახებ არა გამიგია-რა. განა ვერ გავიგებდი, მაგრამ მრცხვენოდა, დავკითხებოდი ვისმე... ვერა ვპედავდი...“

„სწორედ მესამე კვირის პარასკევს დღესაც ჩვეულებრივ ვენახში თუთის ქვეშ გულ-აღმა ბალახებში გადაწოლილი ვიყავი, და ჩემი გონება დამწყვდევულს, ხელაფეხ შეკრულ ნუნუს თავს დასტრიალებდა, რომ უეცრივ ვაზის ფოთლებმა შრიალი დაიწყეს, ბალახიც ახმაურდა, და ფეხის ხმა მოისმა...“

„ყოველივე ეს მეუცხოვა... თითქმის სამი კვირის განმავლობაში აქ ვიწექი, ყოველ წამს ერთსა და იმავე არსებაზე ვფიქრობდი, და არც ერთხელ ჩემი მყუდროება არას დაურღვევია. გული ამიტოვდა... შიშმა შემიპყრო, უნებურათ წამოვდექ და იქით მივტრიალდი, საიდგანაც შრიალი მომესმა...“

„ვაზის ხშირი ფოთლები გაირღვა და... შევკივლე კიდევაც... ნუნუ გამოჩნდა... ჩემ დანახვაზე ის აწითლდა. მწვანე ფოთლებ შუა იგი ღვიოდა...“

„— ნუნუ!“

„— კაცი!...“

„და... ორივენი... არა, ორნი, ერთ არსებად გარდაქმნილნი, ჩავეხვივნით თუბის ქვეშ...“

„მხოლოდ გონს მაშინ მოვედით, როდესაც ბინდი შემოგვეპარა. ნუნუ ვენახს გავაცილე და მოვშორდი, რომ ერთად არავის არ ვენახეთ...“

„ამის შემდეგ მე და ნუნუ თუთის ქვეშ ყოველ დღე ვხედავდით ერთმანეთს რამდენიმე წუთით მაინც, თუ დიდ ხნობით სხვა-და-სხვა მიზეზების გამო ერთად ყოფნა არ შეგვეძლო...“

„შევფიცეთ ერთმანეთს საუკუნო სიყვარულით, ცოლქმრობა აღუთქვით ერთმანეთს... ყოველ დღე ერთსა და იმავს ვიმეორებდით, და ერთმანეთისადმი გრძობა უფრო გვიძლიერდებოდა... ღამე ჩვენთვის სასჯელი იყო, დღე კი—სანატრელი...“

„ამასობაში ენ კენისთვემაც მოატანა. გადავსწყვიტეთ ტფილისისაკენ ერთად მოგზაურობა, მაგრამ სრულებით სხვადასხვა დროს მოგვიხდა წასვლა...“

„ტფილისში ნუნუ ველარ ვნახე. განა კი არ ვიციდი, სადაც იყო, მაგრამ მისვლას ვერა ვბედავდი, მერიდებოდა, და მგონი კიდევაც რომ გამებედნა მისვლა, არ მაჩვენებდნენ, რადგანაც მოსწავლე ქალების ნახვა მხოლოდ ნათესავებს შეეძლოთ. რა გაეწყობოდა, უნდა გარემოებას დავმორჩილებოდი და კიდევაც დავმორჩილდი. იმედი ისევ ზაფხულზე დავამყარე. ზაფხულის მოსვლა ასე არას დროს არ მომნატრებია, როგორც ამ ზამთარს. ყოველი განვლილი დღე ზაფხულს მიახლოვებდა და სიხარულს მგერიდა. დღესასწაულების დროს კი სახლში არ მიშვებდნენ, რადგანაც მალობებელთა გუნდში ვიყავი.“

„წინად—სოფელში—თითქმის ყოველ ღამეს სიზმარშიაც ვხედავდი, და აქ კი—წარმოიდგინეთ ჩემი გაბრაზება—ერთხელაც აღარ მესიზრმა...“

## VI

„...— შეილო, ეხლა ახალი მღვდელი მოგვივიდა. ის თავის სოფელში გადიკვანესო...—მიპასუხა დედა-ჩემმა, როდესაც მისვლის უმაღლეს მღვდელზე ვკითხე.“

„პირს კატა მეცა. მაგრამ რაღა გაეწყობოდა... ეხლა ნუნუს ნახვის იმედი სულ დავკარგე. როგორღა მოვხვდებოდი?.. მე ჩემი სოფლის მეტი სხვა სოფელი არ მენახა, და, აბა, ვინ წამიყვანდა მღვდლის სოფელში. ერთხელ კიდევაც ვკითხე დედა-ჩემს: „შორს არის მეთქი ის სოფელი“, და „მგონი ზღვის იქით არისო“ მიპასუხა...“

„...ნუნუ... ნუნუ... სულ თვალ-წინ მედგა ნუნუ. თუთის ხე მოწმე იყო. იქ... იქ ვებაჟსებოდი, ვეალერსებოდი ნუნუს ლანდს. . ლანდიც იგრევე მხიარულობდა, როგორც ნამდვილი... ეხლა ლანდს დავუშვებოდი და ტკბილად, ნეტარად



ვატარებდი დროს. ის ყოველთვის ჩემთან იყო. დღეცა და ღამეც ჩემთან იყო, და არავინ გვაშორებდა ერთმანეთს...

„ერთხელ, მხოლოდ ერთხელ კინალამ არ დამაშორეს ჩემ მეგობარს!. მარიამობის თვის ნახევარში დარჩენილ კოდის პურის ასაღებად მოვიდა ჩვენ სოფელში ის მღვდელი და ნამდვილი ნუნუ ჩაერია ჩვენ შორის... მღვდლის დანახვამ ნამდვილი ნუნუ მომაგონა და სიხარულით მივეგებე მღვდელს. იმანაც მხიარულად მიმიღო. მაგრამ არც მე და არც იმას ნუნუ არ გვიხსენებია... ნამდვილი ნუნუ ისევ მიიმალა და მეგობრები უფრო დავკავშირდით. მეგობრები ენკენისთვეში ერთად წავედით. ერთად ვსწავლობდით და ერთმანეთს ვამხნევებდით...

სამმა წელიწადმა ისე გაირბინა, რომ ვერც კი გავიგე. ამ წელს მითხრეს, რომ ნუნუ დაინიშნა და ჯვარს ენკენისთვეში იწერსო. ეს ჩემთვის მოულოდნელი არ იყო. თითქოს ვიცოდი, რომ ასე მოხდებოდა. სრულებით არა მწყენია. საშაკიეროდ ჩემი გრძნობა უფრო მეტკბილა. ჩემი მეგობარი, რომელიც ჩემთან განუშორებელი იყო, უფრო შემეძვიარდა. ჩემი ნუნუ უფრო მეგრძნობიერა.

„ამის შემდეგ ნამდვილ ნუნუზე აღარა მსმენია-რა. თითქოს ის ჩემთვის მომკვდარიყოს, ისე მიმაფიწყდა. აღარც ვკითხულობდი... და, აი, დღეს, სწორედ დღეს სურამიდან დილის მატარებელით წამოველი და გორში, თუმცა მშვიდა, როგორღაც მეზარებოდა, ვაგონიდან არ გავსულვარ, კარების პირდაპირ ვიჯექი და გამსვლელ-შემომსვლელს დაღვრემილი თვალს ვადევნებდი; მაგრამ გონება კი, არ ვიცი, სად დაფრინავდა. ამ დროს კარებში გამოჩნდა ჩემი ნუნუ, განხორციელებული ჩემი ნუნუ, რომელსაც ამ თვრამეტის წლის წინად დაუშეგობრდი. ის ისევ ისე ღვიოდა, ისევ ისე თვალებს აბრიალებდა, როგორც ამ თვრამეტის წლის წინად, ფმაც კი ისევ ისე გაკრეჭილი ჰქონდა. წელიწადებს იმაზე არ ემოქმედნა...

„სწორედ ისევე-ისე ამიციქრიალდა გული, როგორც მაშინ თუთის ქვეშ, როცა მისი ფეხის ხმა შემომესმა, და ვაზის ფოთლებ-შუა ღვიოდა.

„— ნუნუ!..—წამოვიძახე და სწრაფად გულში ჩავიკარ...

„რალაც ჭყვილი, რალაც ყვირილი, ტირილი შემომესმა. მე გაგიჟებით ვუკოცნიდი ჩემ ნუნუს თვალებს, ლოყებს, გაღვიებულ ტუჩებს, ყელ-ყურს...

„— ეს ვინ ოხერი ჰკოცნის ჩემ ქალს!..—მკაფიოდ შემომესმა ვილასიც ხმა და ვიგრძენ, რომ ვილაც სასტიკად თმას მაგლეჯს.

„მემწვავა... მხოლოდ ეხლა მოვაშორე ჩემი ტუჩები ნუნუსას და თვალები დავაშტერე... ვგრძნობდი, თმას მაგლეჯდნენ, მაგრამ ნუნუს გაციებულმა სახემ გადამრია. გული წასვლოდა. სწრაფად ავიტაცე და სკამზე დავასვენე...

„— ნუნუ!.. ჩემო ნუნუ!.. გონს მოდი!.. ჩემო!.. ჩემო!.. შენი კაცია ვარ, ჩემო ნუნუ!..—ვემუდარებოდი და თან ენჯღრევიდი, ცრემლს ვაფრქვევიდი...

„— კაცი, შენა ხარ?!.

„— მე ვარ, მე!.. მაგრამ ნუნუ არა მცნობს!.. წყალმ მომეციოთ!.. მოვაბრუნოთ!..

„ჩქარა წყალი გაჩნდა. ვილაც დედაკაცი აპკურებდა და ეხვეოდა ჩემთან ერთად... ნუნუმ თვალები გაახილა... თავს ორი ჟანდარმი გვედგა... მაშინ ვერას მივხვდი. ეხლა კი კარგად ვგრძნობ, ვგრძნობ კი არა, დარწმუნებული ვარ, რომ ჟანდარმები მოიწვიეს ოქმის შესადგენად. მაგრამ ისინიც ვერას მივხვდი ნენ. მე და ის დედაკაცი გულ-წასულ ქალს ვეხვეოდით: ადროს მატარებელიც შეირყა... ჟანდარმებმა ვერა გაიგეს-რა და გავიდნენ. მხოლოდ გარს ხალხიც დამშვიდდა, როდესაც ნუნუმ თვალები გაახილა და დედაკაცმა გულში მიიკრა... დავრჩით ჩვენ სამნი და ორი კიდევ თვალ ცრემლიანი ცხრა ათი წლის ყმაწვილი...

„— ნუნუ, რა და დაგემართა, რომ...

„— კაცი...—მომიბრუნდა ის დედაკაცი, რომელმაც ნუნუ გულში ჩაიკრა:—ამას ნუნუ არა ჰქვია... ეს ნათელაა!..

„— როგორ?!.. ეგ ნუნუა და არა...“

„— ჩემი ქალია და მე უფრო კარგად ვიცი, რაცა ჰქვიაან! ამას ნათელა ჰქვიაან და მე კიდევ ნინო, რომელსაც ამ თვრამეტის წლის წინად კაცია კაციაშვილი ნუნუს ეძახდა!..“

„— რად გიკვირს, კაცი?!— განაგრძო ნამდვილმა ნუნუმ, ოც და ათის წლის ნუნუმ, რაკი ხმის ამოუღებლივ თვალე დაჭყეტილი შეეცქეროდი ამ დარგვალეებულ, გაბებლილ, ლეშს...“

„ალარაფერი არა უგვანდა-რა ნუნუს...“

„— ნუ გეშინიან, შვილო, აიხედე მალლა, ეს ჩვენი კაციაა!..“

„— უკაცრავად!.. მე...— მე მხოლოდ ეხლა შემრცხვა ჩემი საქციელისგან.“

„— ბევრჯერ ამაზე უარესი გადაძდება ხოლმე ადამიანს. ამისთვის... სხვა, როგორ მოეწყე ცხოვრების ტალღებში? ხომ მკვიდრ ნავში ჰზინარ და დამსხვრევისა არ გეშინიან?!— უეცრივ შეცვალა ლაპარაკი...“

„— ეხლა, ქალბატონო...“

„— ოჰო, ე ქალბატონობით მოხსენება როდის დაიწყე?...“

„— აი, ეხლა, როცა ჩემი ნუნუ უეცრივ დავკარგე...“

„— კაცი, შენი ნუნუ ეხლა კი არა, დიდიხანია, რაც დაჰკარგე!..“

„— ნინო, გულ ახლით გეტყვი, რომ ნუნუ ყოველთვის ჩემთან იყო ისეთი, როგორიც გავიცანი. ის ჩემ ხსოვნაში არ შეცვლილა, და მიზეზიც ეს იყო, რომ შენი ნათელა აგრე შევურაცხეყავ... ახ, რა მგზავსება აქვს ჩემ ნუნუსთან... როგორც ვაშლი გასქრა...“

„— ჰო, ძალიანა ჰგავს...“

„— ჰგავს და... მაგრამ მიაშბე, ნინო, სად, როგორ... მთლად შენი ცხოვრება...“

„— რა ცხოვრება, ჩემო კაცია, აი, შენ თვალ-წინ არის მთელი ჩემი ცხოვრება. დედა სამი შვილისა და...“

„თვალი მივაღწე და მხოლოდ ეხლა-ღა შევნიშნე, რომ ნათელას გარდა ორი ვაჟი კიდევ გვერდით უჯდა...“

— „ნათელა ჩემი სიყვარულის შვილია. ესენიც ერთი-ერთმანეთის მომდევნოები არიან. ნათელა ეხლა თოთხმეტის წლისა შესრულდა, და მეც ამათ წლოვანებას ვაღწევთ თვალს... ჩემისთანა ქალი როცა გათხოვდება, იგი სარჩულად ედება ოჯახს... და მუდმივ სარჩულად რჩება... შენ?... არა გკითხავ, რადგან ნაც კარგად დავინახე, რომ შენ ოცდა ათის წლისაც ისევ თორმეტი წლის ბავშვის სული გაქვს... აი, შენ სახსოვრად ჩემ უფროს ვაჟს შენი სახელი დავარქვი...“

„მაშ, — უნებურად გავიფიქრე, — ესეც ჰფიქრობდა ჩემზე მაშინაც კი, როდესაც სხვისა იყო, როდესაც... მაგრამ რად მინდოდა, რომ ჰფიქრობდა. ხომ ეს სულ სხვა არსებაა და ჩემი ნუნუ კი...“ უეცრივ დავლონდი და ნათელას შევხედე, რომელსაც თავისივე ფერი მოსვლოდა და დაღონებული თვალები ჩემთვის მოეპყრო...

„მატარებელი შედგა. მცხეთას მოვსულიყავით. ბუფეტში შევედი, ღვეზილები და კამფეტები ვიყიდე და ისევ ვაგონში შევბრუნდი. თვალები გაუბრწყინდათ ბავშვებს... ჩქარა ღრუბელი სულ გაიფანტა. ჩემი იქ ყოფნა აქნობადის თუ ლოდნავით ბავშვების გონებას აწვებოდა, ეხლა სასიამოვნოდ აღიზიანებდა მათ გრძნობას... ნათელამაც კი მორთო ტიტინი, სიცილი...“ ჩემი ნუნუა, ჩემი“... გატაცებით უსიტყვოდ გავიძახდი და თვალს აღარ ვაშორებდი...

„ტფილისში ჩამოსვლა ველარც კი შევიტყე. სახლამდის მივააცილე, და მე და ნათელა მეგობრულად გავშორდით ერთმანეთს...“

„სწორედ თქვენ შეგხვდით, როცა იმათ მოვშორდი და დანარჩენი დღევანდელი ამბავი თქვენც კარგად იცით...“

ასე დააბოლოვა კაცია კაციაშვილმა თავისი „პირველი სიყვარული“-ს ამბავი...

— მაშ გაუმარჯოს შენ ორთავიან ნუნუ-ნათელას!.. — უეცრივ წამოიძახა ანდრო დარახველიძემ სიცილით და სავსე

ქიქა აიღო... კაციაშ შუბლი შეიქმუხნა. ხმა არ ამოუღია ანდროს ოხუნჯობაზე...

ორი წელიწადი არ გასულა, რომ ქუჩაში ვიღამაც დაშინდა. მივიხედე და კაცია დავინახე. ჩემკენ მოეშურებოდა...

— ორი დღეა დაგეძებ, კიდევ კარგი, ქუჩაში შეგხვდი; თორემ შენი ბინისა ვერა გავიგე-რა...

— რა ამბავია?!.

— ისეთი არაფერი, მაგრამ მაინც საჭირო იყავი ჩემთვის.

— მიმსახურე...

— კვირას მეჯვარედ უნდა გამომყვე, ეგება ანდროც ვიპოვოთ სადმე.

— როგორ, განა ცოლს ირთავ?.. მერე შენი „პირველი სიყვარული“

— „ჩემი პირველი სიყვარული“ უკანასკნელად დარჩა...

— ვერა გამიგია-რა!

— „ორთავიან „უნუ-ნათელაზე“ ვიწერ ჯვარს!..

მ. შავსანიძე



# მანი ჰკუისსაგან\*)

(დასასრული)

## მოქმედება მეოთხე

(ღამე. ფამუსოვის სახლის შესავალი, დიდი კიბეა, რომელიც მიდის მეორე სადგომისკენ და ამ სადგომიდან აქეთ-იქით ბევრი გასავალი მოსჩანს, ძირს, მარჯვნივ დერეფანზე გამოსავალია და შვეიცრის ბინა! მარცხნივ შალხაღინის ოთახია. მკრთალი სინათლეა. ღაქიები მოკლიან ოაფიანთ ბატონების გამოსვლას, ზოგს ჩასძინებია, ზოგიც ფუსფუსებს).

### კამოსვლა პირველი

(გრაფინია ბებია და გრაფინია შვილიშვილი, წინ ღაქია მოუძღვით).

ღაქია. კარეტა გრაფინია ხრუმინას!

გრ. შვილი. (ვიდრე ჩააცმევდნენ). ეჰ, ამ ფამუსოვს რა ბალი ჰქონდა!

ხმა ვერვის გავეც, ვერც ვითამაშე!

ყველა იქ მყოფი ჯოჯოსა ჰგავდა!

გრ. ბებია. წავიდეთ, შვილო, ღონე აღარ მაქვს!

ბებრები თქვენდენს კი ვერ შესძლებენ!

ერთხელ მოხდება, რომ მე ბალიდან

სასაფლაოზედ წამასვენებენ (ორივე გადის).

\*) იხ. „მოამბე“ № 12.

## კამოსვლა მეორე

(გორიქები ერთი ლაქია იმთ გვერდით ფუსფუსებს,  
მეორე კიბის კარებიდან გასძახის).

ლაქია. კარეტა გორიჩისა!

ნატ. დმ. გენაცვა,

რას მოგწყენია, ჩემო სულიკო!

(ჭკოცნის ქმარს შუბლზე)

ჩემო სიცოცხლე, ფამუსოვისას  
ხომ მხიარულად გაატარე დრო?

ზლატ. მის. ნატაშა ჩემო, ხომ კარვად იცი,  
რომ მე ბალებში მუდამ ვთვლემ და ვთვლებ;  
არ მიყვარს, მაგრამ შენი მონა ვარ  
და რაც შენა გსურს, იმას ვასრულებ.  
ხომ ხშირად არის, გათენებამდი  
ძილ-მორეული შენთვის ვდარაჯობ.  
შინდა გაამო და თუმცა არ მსურს,  
მაგრამ ხან ვბტუნავ, ბუქნას ვთამაშობ.

ნატ. დმ. გინდა იცრუო და ვერ ახერხებ:  
ვითომ სიბერე შემოგერია (გაღია, ლაქია თან მიყვება),

ზლ. მის. (გუჯ კრილათ) დიახაც, ბალი კარგი რამ არის,  
მაგრამ მონება მწარე ხვედრია!  
ძალას ვინ გვატანს, ცოლი შევიერთოთ?..  
ეჰ, ბედის წერას ვერ გადაუხვალ...

ლაქია. (კიბიდან) ქალბატონი ზის კარეტაში და  
თქვენზედა ჯავრობს.

ზლ. მის. აჰა მოვდივარ (შიდახ).



## გამოსვლა შესაძე

**ნატკა.** აბა გასძახე ჩქარა კარეტას! (ჯაქია გადის)  
 აი, ეს ღლეცა მსწრაფელ გაიპარა.  
 და მასთან გაჰქრა ჩემი იმედიც,  
 ჩემი ოცნება და სულის ძალა...  
 რას მოველოდი? რას ვეძებდი აქ  
 და რისი პოვნის მქონდა იმედი?  
 ვინ შემხვდა გრძნობით, და ან რომელმაც  
 გაიზიარა ჩემი სვე-ბედი?  
 ხმა სიხარულის: ხვევნა და კოცნა.—  
 ფარისევლური და უმნიშვნელო!  
 ამას ჰგავს, როცა ტრიალ მინდორზე  
 გზას დასდგომიხარ და უნდა განვლო  
 თვალის წინ გიძევს ვაკე გაშლილი,  
 მიდი ერთ ადგილს და დაისვენე,  
 მაგრამ რას ჰხედავ: იგივე მინდორი  
 და ირგვლივ იგივე სიცარიელე.  
 სითაც გაჰხედავ: მარჯვნივ, თუ მარცხნივ—  
 სამარის მსგავსად სდუმს ყველაფერი...  
 რაც მეტსა ვფიქრობ, უფრო გულს მიკლავს  
 და ჩემს გაჩენას ზიზღით ვუცქერი.  
 მზად არის? (ჯაქია მობრუნდება)

**ჯაქია.** არა! თურმე მეეტლე  
 სადღაც წასულა და იმას ვეძებ.

**ნატკა.** გასწი საჩქაროდ, იპოვნე სადმე,  
 ამაღამ აქ ხომ არ დავიძინებ. (ჯაქია მიდის)

## გამოსვლა მეოთხე

ჩაცკი და რეპეტილოვი.

რეპეტილოვა (შემოიხიბუნს. კიბიღვან, ძირს დაეცემა და წამოდგება).

ფუ! ვერ ვიმარჯვე! ოჰ, ღმერთო ჩემო!  
თვალეებს მოვ-ფშენეტ... აქ როგორ გაჩნდი?

ჩემო ძვირფასო! ჩემო კეთილო!

ჩემო სულის დგმავ! რა დროზე შეგხვდი!..

ნეტა იცოდე, ჩემზე რა არ სთქვევს:

სულელიაო, დაჩერჩეტობსო, —

ცრუ-მორწმუნეა, ბრიყვი და სჯერა  
ვითომც მომავალს წინაღვე ჰგრძნობსო.

აი, ამ წუთშიც... გთხოვ შენვე ახსნა:

თითქო ვიცოდი: გამოვეჩქარე...

უცბათ წამოვდე ფეხი რაღაცას  
და მთელის ტანით ძირს გავიშალე...

გინდა დამცინე, რა მენაღვლება, —

რეპეტილოვი ცრუაო, ყბედი, —

მე კი მიყვარხარ, სული და გული  
შენკენ მომიწევს, შენკენ მოვილტვი.

მთელი ქვეყანა რომ დაიარო,

ჩემებრ მეგობარს ვერსად მონახავ,

ჩემსავით ერთგულს, ჩემებრ სარწმუნოს,

ღმერთს გეფიცები, ცოლშვილს ვიფიცავ;

თუ რომ ვცრუობდე, მთელმა ქვეყანამ

დამგმოს, განმაგდოს და შემაჩვენოს,

აქავე მოვკვდე უზიარებლად,

ციური რისხვა გადმომეფლინოს.

ჩაცკი. კმარა ამდენი სიბრიყვის ჩმახვა!

რეპეტილ. შენ არ გიყვარვარ! ცხადი საქმეა!

სხვებთან ისიც ვარ და ესეც, მაგრამ

შენთან სიცრუევე როდი მტრგია.  
 მე საწყალი ვარ, დასაცინარი,  
 უსწავლელი და ყოვლად სულელი...

**ჩატკა.** აი საკვირვლად თავის დამცრობა!  
**რეპეტ.** გამლანძღე; ჩემს ბედს მე თითონ ვწყევლი,  
 როცა ვიგონებ უქმად გავლილ დროს!  
 მითხარ, რომელი საათი არის?

**ჩატკა.** საათს რად მკითხავ? არ გეძინება?  
 დროა შინ წასვლის და მოსვენების;  
 თუ ბალისათვის მობრძანებულხარ,  
 შეგიძლიან, რომ უკან მიბრძანდე.

**რეპეტ.** რის ბალი, ძმაო! ვისა სცალიან  
 დაღამებიდან გათენებამდე.  
 თავს ვერ დაახწევ, სულ საქმეში ვარ...  
 ერთი წიგნია არ წაგიკითხავს...

**ჩატკა.** შენ წაგიკითხავს? რეპეტილოვი  
 ხარ შენ, თუ არა? რაღაც ეჭვი მაქვს!

**რეპეტ.** გინდ ავაზაკი მიწოდე, ვიცო,  
 მე ეს სახელი დავიმსახურე:  
 ბრიყვებს ავყევი, დავუმეგობრდი  
 და ჩემი ღღენი უქმად ვატარე...  
 ვფიქრობდი მხოლოდ ბალ-სადილებზე,  
 შვილს ვივიწყებდი, ცოლს ვატყუებდი,  
 თან მოცეკვავე ქალები მყავდა,  
 და ბანქოშიაც მუდამ ვაგებდი...  
 ბევრჯელ ზედი-ზედ მთელი კვირითაც  
 არ მიძინია! სულ მთვრალი ვეგდე,  
 ვგმობდი სამართალს, სჯულს, სინდისს...

**ჩატკა.** გესმის!

იცრუე, მაგრამ ზომა იცოდე.  
 მაგეებს გარდა სხვაც ბევრი ზნე გჭირს,  
 რისთვისაც თავი უნდა მოგძულდეს.

**რეპეტ.** მაშ, მომილოცე! ახლა მე მხოლოდ

ვუმეგობრდები გონიერ კაცებს.  
მთელ ღამეს მუქთად როდი ვწანწალებ.

ჩატკი.

ვთქვათ, მაგალითად, როგორც ამალამ?

რეპეტ.

ეს ერთი ღამე რა სათქმელია!

სამაგიეროდ მკითხე—სად ვიყავ?

ჩატკი.

განა ვერ გატყობ: უთუოდ კლუბში!

რეპეტ.

ღიახ! გაიმბობ ჩემს აღსარებას:

ინგლისელთ კლუბში ვიყავი ახლა,  
რომ დავსწრებოდი საერთო კრებას.

თუ ღმერთი გწამდეს, კი ნურა გრჯის-რა!

სიტყვა მივეცი, რომ არვის ვეტყვი.

ჩვენ შევადგინეთ ამხანაგობა

და ჩუმათა გვაქვს ხოლმე კრებები.

თავს ვიყრით ყოველ ხუთშაბათობით,

ჩვენი კავშირი საიდუმლოა.

ჩატკი.

ეჰ, ძმავე, მე ვშიშობ! როგორ? კლუბში ხართ?

რეპეტ. დღი.

ღიახ!

ჩატკი.

კარგია მაგგვარი ზომა,

რომ ყველას კისრის მტვრევით გაგრეკვენ  
თქვენს კავშირსა და თქვენს საიდუმლოს.

რეპეტ. დღი.

უბრალოდ შიშობ! ისე ვღრიალებთ,

რომ ვერ გაიგებს, ვინც უნდა იყოს...

მე თითონ როცა სასამართლოზე,

ან მსაჯულებაზე სჯას მოჰყვებიან, —

ხმასაც არ ვიღებ, არა მესმის რა

და კარგადა ვგრძნობ, რომ უგნური ვარ.

აჰ ალექსანდრე! — შენ-ღა გვაკლიხარ!..

გთხოვ, გამახარე და წამომყევი.

ეხლავ წავიდეთ, რაღას უყურებ?

თუ დაიჯერებ, კარგ ბედს ეწევი.

იცი რა კაცებს გაგაცნობ იქა!

მე კი არ მგვანან! ვის ეკადრება!

რანი არიან! ახალ გაზრდობის

სიამაყე და ქება-დიდება!

**ჩაჭკა.** ღმერთმა მშვიდობა მოგცეთ სუყველას,  
მაგრამ წამოსვლით კი ვერ წამოვალ.  
რისთვის წამოგყვე შუა ღამეში?  
სჯობს დავიძინებ—სახლისკენ წავალ.

**რეპეტ.** ხელი აიღე! რა დროს ძილია?  
ახლანდელ დროში ვინ-ღა იძინებს?  
რალასა ჰფიქრობ, ნუ იგვიანებ,  
ბარემ წამოდი, თუ ღმერთი გწამდეს.  
გაჰბედე... ჩვენც ხომ გამბედავნი ვართ:  
იმ გვარად ვყვირით თორმეტი კაცი,  
რომ გაიგონო, ასე იფიქრებ,  
თითქო ერთი ხმით ყვირისო ასი.

**ჩაჭკა.** მაგრე საშინლად რატომა ყვირით?

**რეპეტ.** ვყვირით ძმობილო, ვყვირით და ვყვირით.

**ჩაჭკა.** ყვირილის მეტსა არას აკეთებთ  
და მაგისთვის კლუბში თავს იყრით?

**რეპეტ.** აქ ვერას გეტყვი... არცა მცალიიან...

ეს სახელმწიფო საქმეს ეხება...

ხომ კარგად იცი, ჯერ ახალია

და ასე უცბათ არ შეიძლება...

სამაგიეროთ რა კაცებია!

გეტყვი: ერთია კნიაზ გრიგორი,

სულ სიცილით გვხოცს. ერთად ერთია,

როს სიბრიყვეში არა ჰყავს ტოლი.

მთელი სიცოცხლე ინგლისელებთან

გაატარა და იმათაც ჰბაძავს:

რომ ლაპარაკობს, კბილს კბილზე აჭერს

და მათებურათ იკრექს ხოლმე თმას.

განა არ იცნობ? ოჰ, ჩემო კარგო,

უნდა გაიცნო! ეს ხომ გითხარი...

მეორე—ევდოკიმ ფარკულოვი,

მომღერალია გასაოცარი.

თუ არ უსმენია იმის სიმღერა,—

საჭირო არის, რომ გაიგონო.  
 განსაკუთრებით მღერის ამ ერთ ხმას,  
 ანონ ლა—შიარ მი ნო-ნო-ნო ნო!  
 ჩვენ გვირვეია კიდევ ორი ძმა:  
 ლევან და ბორინკ, რა ვაჟებია!  
 უნდა გამოვტყდე, იმათ შესახებ  
 ვერც-კი ვახერხებ, რომ რამე გითხრა.  
 და თუ ნიჭს ბრძანებ—ძლიერი ნიჭი  
 მხოლოდ იპოლიტ მარკელიჩსა აქვს!  
 მისი საკუთარ თხზულებიდან  
 თუნდ წვრალმანი რამ არ წაგიკითხავს?  
 წაიკითხე, ძმავ! თუმცა აღარ სწერს!  
 აი, ეგენი უნდა გასცოცხონ,  
 და მერე ცოდვის მოსანანებლად  
 გადაეწყვიტოთ: სწერონ და სწერონ.  
 შეგიძლიან, რომ მისი ნაწერი  
 ჟურნალებშიაც იპოვნო სადმე,  
 ნაწყვეტებია! სათაურათ აქვს:  
 „შეხედულება“ და „ერთი რამე“.  
 მერე რაზეა ეს „ერთი რამე“?  
 სუყველაფერზე, ყველას ეხება!  
 ბევრი რამ იცის! ჩვენც ვუფრთხილდებით;  
 შავი ღლისათვის გამოგვადგება...  
 ერთიც გვყავს კიდევ, რომ მთელს რუსეთში  
 მისთანა გოგრა არავისა აქვს.  
 სახელს არ გეტყვი, ისეც მიხვდები,  
 როცა აგიწერ იმის ღირსებას....  
 ღამის რაინდი, ხმალში გამწვევი,  
 ნაციმბირალი... ზორბათ ხელ-მრუდობს.  
 ასეა, ძმაო, არ შეიძლება,  
 ჭკვიანმა კაცმა არ იცუღლოტოს...  
 როცა ეხება მაღალ ზნეობას,  
 დემონის მსგავსად მოგვაჯადოვებს,



თვალთაგან ცეცხლს ჰყრის, სახე ენთება,  
თითონაც სტირის და ჩვენც გვატირებს.

აი კაცები! ამით შესაღარს,

იპოვნე სადმე? არა მგონია!

ვზივარ მათ შორის და, რა თქმა უნდა,

რომ ჩემი თავი ბრიყვი მგონია.

ცოტათ ჩამოვრჩი.—ჩემს სიზარმაცეს

რომ მოვიგონებ—გული მიკვდება,

მაგრამ ხან ჭკუას ძალას დავატან

და სულ უეცრად ზმა წამომცდება.

ექვსი ჩემ სიტყვებს გაიზებირებს,

და სასიმღეროდ შეადგენს კილოს,

მეორე ექვსი ნოტებს ამზადებს,

რომ სამუსიკოდ შეახმატკბილოს.

იცინე, ძმაო, რაც მიყვარს-მიყვარს!

ღმერთმა ხომ ნიჭი არ მიწყალობა,

სანაცვლოდ მომცა კეთილი გული,

და ამით ვპოვე სხვის თანაგრძნობა!

ვცრუობ კი, მაგრამ მაპატივებენ...

(კიბის კარებთან) კარეტა სკალოზუბის!

ვისიო?

დაქაა.

რებეტ.

### გამოსვლა მესუთე

იგინივე და სკალოზუბი. (კიბიდან ჩამოდის)

რებეტ.

ოჰ, სკალოზუბო! ჩემო სიცოცხლე?

მოიცა! საით! გთხოვ დამენმარო!.. (შაკრათ ეხვევა)

ჩატკა.

სად დავემალო? (შედის შკეიჭრის ოთახში)

რებეტ.

(სკალოზუბს) დიდი ხანია.

შენი ამბავი არა ვიცი რა!

სთქვეს, პოლკშიაო! იცნობთ ერთმანეთს?



ოჰ ეს ჯიუტი, რა რიგად გაჰქრა!  
 რა საქიროა... რაკი შენ შეგხვდი...  
 გთხოვ წამოხვიდე, უარი არ თქვა!  
 თავად გრიგორთან აი, ამ წუთში  
 ორმოცი კაცი ერთად დაგხვდება.  
 მერე რა ჰკუთის პატრონებს ნახან?  
 არ მოგწყინდება! მთელ დამეს სჯიან.  
 ჯერ დაგაპრობენ შამპანით, მერე  
 ისეთ რამეებს დაგასწავლიან,  
 რომ ჩვენ იმგვარებს რა მოგვაფიქრებს.

**სკალაზ.** გამშორდი! ეგ მე თვალს ვერ ამიხვევს,  
 სხვებს დაუძახე და მე თუ გინდა,  
 გამოგიგზავნით ერთს ჩემ ფეთვებელს  
 ის მოგარჯულებთ ზქვენ და თქვენს თავადს,  
 ყველას სამ რიგად ჩამოგამწყრივებსთ,  
 თუ ბიჭია და კრინტს დასძრავს ვინმე—  
 ყველას მუცელში ენას ჩაუგდება.

**რეპეტ.** სულ სამსახურზე ჰფიქრობ შენ, „მონშერ“!  
 ყური დამიგდე რაები გითხრა:  
 მეც მივიღებდი ჩინს და ორდენებს,  
 მაგრამ ამისი ბედი არ დამყვა!  
 ვერ წარმოიდგენ, რა უბედო ვარ?!  
 სამოქალაქო ნაწილში მქონდა  
 თანამდებობა. ბარონ-ფონ კლოკი  
 მაშინ მინისტრის ადგილს ელოდა,  
 მე კი ვსცდილობდი იმის სიძობას.  
 ორივე ცოლ ქმარს დავუახლოვედი,  
 და ღმერთმა მტერსაც კი ააშოროს,  
 რასაც მე მათზე ფულებს ვფლანგავდი!  
 ის ფანტანკაზე ცხოვრობდა მაშინ,  
 მეც იმათ გვერდით სახლი ავაგე,  
 სახლი, რა სახლი! უზარ-მანარი  
 და კლოკის ქალი ცოლად შევიერთე.

მერე რა მომცეს მზითვად?—ბრაწები!  
 სამსახურის მხრით—სულ არაფერი.  
 რა ვქნათ სიმამრი რომ ნემეცი მყავს!  
 ამით სიკეთეს რას გამოვფელი?  
 იცი, საყვედურს ერიდებოდა,  
 ვითომ მიდგომა არ შემწამონო,  
 ნათესავს აძლევს თანამედებობას  
 უყვარს და სწყალობს—ეს არა სთქვანო.  
 ადგილს აძლევდა ყველა ტუტუსა,  
 ზნეობით გახრწნილს, ლოთს და საზიზღარს,  
 ახლა სუყველა კაცები გახდნენ:  
 ერთი ჩახედე ადრეს-კალენდარს,  
 ფუ, სამსახური საძაგლობა!  
 რა კარგად უთქვამს ეს ლახმატივესა  
 „წამალს ვთხოულობთ, მხოლოდ წამალსო,  
 რადგანაც კუჭი ველარ ინელეებს“...

(გაჩერდება, საიდანაც შეჭხედავს, რომ უეცრად სკალფუბის  
 ადგილი ზაგორეცკიმ დაიჭირა).

## გამოსვლა მეექვსე

რეჟეტილავი და ზაგორეცკი.

- ზაგორ.** ვთხოვთ რომ განაგრძოთ, გულ-ახლით გეტყვით:  
 მეც თქვენისთანა ლიბერალი ვარ:  
 პირდაპირ ვიტყვი, რაც სათქმელია  
 და ამით ბევრჯელ წამებული ვარ.
- რეჟეტ.** (მწუხარედ). როგორ ჩუმ-ჩუმად იპარებიან!  
 ერთი გამშორდა, მეორეც გაჰყვა:  
 ჯერ ჩაცკი იყო, გაჰქრა უეცრად  
 და სკალოზუბიც ხელიდან დამსხლტა.
- ზაგორ.** რა აზრისა ხართ ჩაცკის შესახებ?

რეპეტ. ჩაცკი არაა უჭკლო კაცი.  
 აი, ამ წუთში ერთად ვიყავით  
 და საქმეებზე გვექონდა ბაასი.  
 ვილაპარაკეთ ერთ ვოდვეილზე...  
 დიახ ვოდვეილს რა შეედრება!  
 ჩვენ... მე და იმას... ერთნაირი გვაქვს  
 გემოვნება და შეხედულება.

ზაგორ. მერე და განა ვერ შეამჩნიეთ,  
 რომ იმას ტვინი არეული აქვს?

რეპეტ. რა სიცრუეა?

ზაგორ. ყველასა აჯერა!

რეპეტ. სულ ტყუილია!

ზაგორ. ჰკითხეთ სუყველას.

რეპეტ. მოგონილია!

ზაგორ. აი,—რა კარგ დროს  
 მოდის თავადი თავის ცოლ-შვილით!  
 ამათა ჰკითხეთ.

რეპეტ. სულ სიცრუეა!

### გამოსვლა მეპვიდე

(რეპეტიტორი, ზაგორეცკი. კნიაზი და კნეინა თავის ექვსი  
 ქალით, ცოტახანს შემდეგ შადხაღინს ხდესტოვისა ჩამოჰყავს  
 მკლავი-მკლავში გაურდილი ღაქია ფუსფუსებს)

ზაგორ. გთხოვთ, კნიაზებო, თქვენი აზრი სთქვით,  
 შეშლილი არის ჩაცკი, თუ არა?—

1) კნიაზნა. რა საეჭვოა?

2) კნიაზნა. ქვეყანა ატყობს.

3) კნიაზნა. დრანსკებს, ხვოროვეებს, ვორლინსკებს, ყველას  
 გაგებული აქვს!

4) კნიაზნა. მერე ვინ ექვობს?

**ზაკაკ.** აი, არ სჯერა ამ ვაჟ-ბატონს!

**ნ) კნაყნა.** თქვენ?

**ეგელანა.** თქვენა, ბატონო რეპეტილიოვო?  
 თქვენა მუსიო! თქვენ არა გჯერათ?  
 რატომ არ გჯერათ, რაა საექვო?  
 ვანა რიგია უმრავლესობას  
 წინააღმდეგე, არ დაერწმუნო?  
 ეს როგორ მოხდა? მაგ გვარი ქცევა  
 სასირცხვილოა და სასაცილო!

**რეპეტ.** (ეუჩებს დაიცაბს). გთხოვთ მაპატივოთ, მე არ ვიცოდი,  
 რომ ეს ხმა ხალხში გავარდნილია.

**კნაყნა.** რას დამალავდენ! ახლა იმასთან  
 ლაპარაკისაც კი გვეშინია.  
 აქამდინაც კი დრო იყო, რომ ის  
 შეშლილათ ეცნოთ და დაემწყვდიათ.  
 რომ მოუსმინოთ, იმის ნეკიც კი  
 სხვა კაცზე უფრო ბრძენი გგონიათ;  
 ასე გასინჯეთ, კნაზ პეტრეზეც  
 უფრო ჭკვიანათ თავს მოგაჩვენებს.  
 მე კი მგონია, ეგ თქვენი ჩაცკი  
 უფრო მხარს უჭერს იაკობელებს...  
 წავიდეთ, კნაზ! ერთს კარეტაში  
 შენა, კატო და ზიზი ჩასხდებით.

**ხლესტ.** კნაყნა, ბანქოს ვალი მიგყვებათ.

**კნაყნა.** ჩემზედვე დარჩეს, დედავ!

**ეგელანა** (ერთმანეთს ემშვიდობებიან). მშვიდობით!  
 (თავადის რჯახობა და ზაკარეცკი გადიან).

გამოსვლა ქერვე

რეპეტილიოვი, ხლესტოვისა და მელჩაღინი.

**რეპეტ.** დმერთო მაღალო!.. ანჭის ნილოვნა!..  
 რა მოუვიდა უბედურ ჩაცკის!

**ხდესტ.**

ერთი მიბრძანეთ, რაში გვრგებს ჭკუა!  
 ათას გვარ შრომას ვეწევით რისთვის!  
 ღვთის განგებაა! თუმცა, ვინ იცის,  
 ეგებ უწამლონ და კიდევ მორჩეს!  
 მაგრამ შენა კი, ჩემო კეთილო,  
 მაგრე დარჩები, ვერ-რა მოგარჩენს!  
 რა დროს მობრძანდა! მალჩალინ, აგერ  
 მივუახლოვდით შენს საკუჭნაოს.  
 მე აღარ მინდა გაყოლა, წადი,  
 მადლობელი ვარ, ღმერთმა გიშველოს!  
 (მაჯჩადინი მიდის თავის ოთახისაკენ)  
 მშვიდობით, შვილო, დროა დაწყნარდე (მიდის).

### გამოსვლა მეცხრე

რეპატილოფი. (თავის ჯაქიას)

თენდება კიდევ! საით წავიდე!  
 აქ მოდი, ჩამსვი მეც კარეტაში...  
 და სადაც გინდა, იქ წამიყვანე!  
 (მიდის კარეტით. უკანასკნელი ჯამბა ქჭრება)

### გამოსვლა მათეუ

ჩაცკა. (შვეიცარის ოთახიდან გამოდის)

**ჩაცკა.**

რა ამბავია! ნუ თუ ჩემს ყურებს  
 სუყველაფერი ნამდვილად ესმა!..  
 არა, ხუმრობა როდი არის ეს!..  
 ცხადი შურია და ბოროტება!  
 რა ჯადოსნობით! ჩემზე რა რიგად-  
 იმეორებენ ამ სისულელეს!

ზოგი უზომოდ მხიარულია  
 და ზოგიერთიც ვითომ მიბრალებს!  
 ოჰ, რომ გვაქცია გულთა მხილავად  
 და შევიძლებდეთ კაცთა გასინჯვას,  
 ნეტავი მათში უფრო ბოროტსა  
 რას ვიპოვიდით:—სულსა თუ ენას?  
 ვინ შესთხზა ესა? სჯერათ სულელებს!  
 ბებრუხანებმაც დაჰკრეს ნალარა!  
 აი მიხვედრა ჩვენის ხალხისა!  
 აი სამშობლო ჩემი ქვეყანა!..  
 არა, აქ ყოფნა ეხლავ მომბეზრდა:  
 ნეტავ სოფიოს თუ ვინმემ უთხრა?  
 უეჭველია, რომ უამბობდნენ,  
 ისიც სიცოცხლსა და ხარხარს მოჰყვია!..  
 განა თუ ჩემი დამცირება სურს!  
 ან გულში უდევს ცუდი განზრახვა!  
 არა!—ტყუილს და მართალს არ ეძებს,  
 მისთვის ერთია—მე ვარ ეს თუ—სხვა.  
 მას მტკიცე გრძნობით არავინ უყვარს,  
 მაგრამ ის შიში! ის გულის წასვლა!  
 რის ნიშანია? მაგრამ ამაებს  
 იწვევს სისუსტე, ძარღვების აშლა!...  
 არეულ ძარღვებს მცირე აშფოთებს,  
 მცირეც ეყოფა მის დაწყნარებას.  
 მე კი ეს ტრფობის ძალა მეგონა...  
 მაგრამ მოვტყუვდი... სულაც არ უყვარს!  
 ნაზი გრძნობა აქვს და დიდი რამე  
 როდღი სჭირია იმის გულ-წასვლას:  
 გრძნობას დაჰკარგავს, ძალღს ან და კატას  
 კუდზე რომ ვინმემ ფეხი დაადგას?!..  
 (შეორე საკათულის კარებიდან გამოჩნდება, ხელში სან-  
 თელი უჭირავს).

მალჩალინ თქვენ ხართ?

(სახქარათ მოხუკავს კარებს)

სოფია



ჩაცკი.

ის არის! ისა!

ოჰ! თავბრუ მესხმის! სისხლი მიღელავს!  
 გამოჩნდა! გაჰქრა! ნუ თუ მე მხოლოდ  
 თვალი მოვკარი არჩდილ-ჩვენებას?  
 იქნება მართლაც გადავირიე!  
 საშინელს რამეს ელის ეს გულია!  
 არა! ჩვენება არ იყო ესა!  
 აქ პაემანი აქვთ დანიშნული!  
 თავს რად ვიტყუებ? მალჩალინს უხმო!  
 აი, აქვია მისი ოთახი!

დაქაა

ჩაცკი

(კიბიდან). კარე..  
 (ხელს ჰკრავს). დაჩუმდი!.. ვიქნები აქა,  
 თუნდაც ვიცადო გათენებამდი!..  
 რაკი ნალველს ვსვამ, სავსე ფთალას  
 ბოლომდე დავცილი! რაღას ვუცადო?  
 მოცდა განსაცდელს ვერ აგვაშორებს!  
 აი, ვილაცამ კარიც გააღო! (ეფარება სვეტს.)

### გამოსულა მეთერთმეტე

ჩაცკი დამაღუღია. ღიზს გამოჩნდება. ხელში სანთელი უჭირავს

ღიზა.

ოჰ აღარ ძალ-მიძს! ბნელს დერეფანში!..  
 შუა ღამისას.. გული მისკდება!  
 შიშით ვკანკალებ! კაცსაც რომ შევხვდე,  
 ღამის აღ-ჭაჯად მომეჩვენება!..  
 ღმერთმა მშვიდობა მისცეს ქალბატონს!  
 ძლიერ კი უყვარს კაცის წვალება!  
 სულ ჩაცკის სახე უდგას თვალის წინ,  
 საცა არ გინდა, ის ეჩვენება!  
 დავინახეო! იქ იყო, ძირსო!  
 ღიზს! არ ნებაეს! აქ რამ ჰქნა ამ დროს!

სწორედ ძალიან კი უნდა ჩაცკის,  
რომ ამ ჯურღმულში სხვას უღარაჯოს!  
რახანი არის, ქისკარს გასცილდა;  
ეგება ახლა გულ და გულ ხვრინავს!  
მოსვენებული არის ლოგინში  
და სახვალიოდ ინახავს ტრფობას...  
მაგრამ მიბრძანა, მის გულის ყვავილს  
შევატყობინო! (ურაკუნებს მაღჩაღინს) გესმით თუ არა!  
ახლავ მოდიო—ქალბატონმა სთქვა,  
არ შემოგესწრონ! გეძახისთ, ჩქარა!..

### ვამოსვლა მეთორმეტე

(ჩაცკი სვეტზე მოფარებულია. ღიზს, მაღჩაღინი იზმორკ-  
ბიან და ამთქნარებენ, სოფია სკომოდან შიშვარება.)

**ღიზს.** ბატონო ჩემო, თქვენ სწორედ ქვა ხართ!  
ან ყინული ხართ!

**მაღჩაღ.** შენ ხარ, ლიზინკა?  
შენ შენდა თავად მოხველი ჩემთან?

**ღიზს.** მე ქალბატონმა გამომავხვენა!

**მაღჩაღ.** ვინ მოიფიქრებს, რომ ჯერ შენს ლოყებს  
ტრფობის აღ-მური არ მოსდებია;  
ხომ არ მოგცლია, რომ იქით-აქეთ  
წასვლა-წამოსვლა ავირჩევია!

**ღიზს.** თქვენ კი, ბატონო ცოლის მძებნელო,  
რას ინახები და რა გამთქნარებს!  
უკეთესია, ვინც ჯვრის წერამდე  
გულს არ მოიძღებს და არ იძინებს..

**მაღჩაღ.** რის ჯვრის წერაო, მერე ვის ვირთავ?

**ღიზს.** ვის და ქალბატონს!

**მაღჩაღ.** იქით გამშორდი!

- უქორწილოთაც კარვად ვქეიფობ  
და ჯერ წინ მიძღვის ბევრი იმედი.
- ღიზა.** რას ამბობთ, რასა, მერე სასიძოთ  
სხვა ვიღანა გვყავს ამორჩეული?
- მადჩად.** რა მოგახსენო! მე როცა ვფიქრობ,  
სულ მიყინდება მთელი სხეული,  
რომ ჯერ თუ არა, როცა იქნება  
თვით ფამუსოვი ხელში ჩაგვიგდებს,  
შეიტყობს ამ ჩვენს კულა-მელობას,  
სახლიდან გაგვრეკს და შეგვაჩვენებს.  
ესეც არ იყოს, გაგიტყდე, გითხრა?  
სოჭი პავლოვნა დიდად არ მომწონს,  
მაინც და მაინც, ვერას ვპოულობ  
მასში მიმზიდველს, სახარბიელოს.  
ღმერთმა ჰქნას, რომ ის თავისი დღენი  
არ მოჰკლებოდეს ბედნიერებას!  
ჩაცკიც უყვარდა ერთ ღროს, მაგრამ დღეს  
ხომ აღარ უყვარს!—მეც ისე მიზამს.  
ჩემო მშვენებავ! ნეტა ნახევარს  
ვგრძნობდე იმასთან, რასაც შენთან ვგრძნობ...  
მოვემზადები, მინდა რომ გულით  
მიეუალერსო და მოვეფქრო  
და რომ შევხედავ—გული არ მიმდის  
(განზე). რა სიმდაბლვა!
- სოჭია**  
**ჩაცკი**  
**ღიზა.**  
**მადჩ.**
- (სვეტის იქიდან). ოჰ! საზღვარო!  
მერე და განა არა გრცხვენიათ?  
მამამ ანდერძათ ეს დამიბარა:  
თავდაპირველად ყველას ვაამო,  
განურჩევლად, მინდა თუ არა:—  
სახლის პატრონსა, ვისთანაც ვდგავარ,  
და სამსახურში ჩემსავე უფროსს,  
იმის ბიჭს, ეზოს დარაჯს, მეკარეს  
და ეზოს ძაღლსაც, რომ არ დამყფუოს..

- ღიზა.** დიდათ საზრუნნი საქმე გქონიათ!
- მაღჩ.** და მეც ამიტომ ვიკატუნებ თავს,  
მიყვარხარ მეთქი, ვარწმუნებ, რადგან  
შინდა ვაამო დიდი კაცის ქალს:
- ღიზა.** იმ კაცის ქალსა, ვინც გაქმევს, გასმევს,  
ხანაც გიბოძებს ჩინსა და ჯილღოს...  
წავიდეთ, კმარა, ბევრი ვიყბედეთ....
- მაღჩ.** წავიდეთ. უნდა დავმორჩილოდეთ დროს.  
მაგრამ დამაცა, გულში ჩაგიკრავ, (ღიზას არა ნებდება).  
ნეტა ის შენათ შეიცვლებოდეს (უნდა წასვლა, სოჭიას  
არ უშვებს).
- სოჭიას** (თითქმის ჩუჩნუჯით)  
ფეხი არ დაძრათ!.. ყველა შევიტყუ...  
და რაც კაცი ხართ—გამოცხადლა ეს...  
თვით ჩემი თავის და ამ კედლების  
მრცხვენია!...
- მაღჩ.** როგორ!... სოჭი პავლოვნა!—
- სოჭიას.** კრინტი არ დასძრათ, დაჩუმიდით, თორემ  
არ შემიძლიან მეტის მოთმენა!..
- მაღჩ.** (დაუნჩქებს. სოჭიას ხელს ჭკრავს)  
ოჰ, მოიგონეთ... ნუ მირისხდებით.
- ხოჭიას.** არას ვიგონებ და ნურც იღებთ ხმას!  
ჰო, სულ-მდაბლო! ეგ მოგონება,  
ვით ბასრი დანა, გულ-მკერდს მილადრავს...
- მაღჩ.** (ფეხებში ჩაუფარდება). გთხოვთ მაპატიოთ!
- სოჭიას.** ნულარ საზიზღრობთ!  
აღექვით ჩქარა, არა გთხოვთ პასუხს.  
მე კარგად ვიცი თქვენი პასუხი:  
ჩვეულებრივად მოიგონებთ ტყულს.
- მაღჩ.** გთხოვთ შემიწყალოთ და მაპატიოთ!
- ხოჭიას.** არ შეიძლება, არა და არა!...
- მაღჩ.** ვხუმრობდი! მე ხომ საიმისო რამ  
მაინც და მაინც არა მითქვამს-რა...

**სოფია.** მომშორდი მეთქი! თორემ ამ წუთში  
მთელს სახლს ყვირილით გამოვალციებ!  
შევატყობინებ ყველას ამ ამბავს,  
თქვენც დაგლუპავთ და თავსაც წაუვარებ!  
(მაღჩაფინი ადგება)

დღეიდან ვითომ ველარც კი გიცნობთ,  
ჩემს ცრემლებს, თხოვნას და გულწრფელ აღერსს  
ამ საათიდან ნულარ მოელით:

არ ღირს მივუძღვნა ეს თქვენისთანებს.  
გახსოვდეთ-კი, რომ თქვენთვის ამ ჭერ ქვეშ  
უკანასკნელი განთიადია.

წადი აქედან. თქვენი დანახვა  
და ხმის მოსმენა—არ შემიძლია.

**მაღჩ.** როგორც მიბძანებთ.

**სოფია.** და თუ არ წახვალთ,  
ყველაფერს მამას შევატყობინებ,  
ჯავრს ამოვიყრი, თქვენც კარგად იცით,  
რომ მე ჩემს თავსა არად ვაფასებ.  
წადით!...—დაიცათ... ჰმადლობდეთ ღმერთს, რომ  
ეს ყველაფერი დღისით არ მოხდა!  
და ბნელმა ღამემ თქვენს უზნეობას  
თავისი კალთა გადააფარა.  
მეც ვმდლობ ღმერთს, რომ ღამით ვიპოვე  
ბორბოტი სულის მახე და კვალი.  
თავს დროზე ვიხსნი შერცხვენისაგან,  
რადგან ვერ მხედავს მქირდავის თვალი,  
როგორც დღეს დილით გულ შემოყრილი  
რომ გავიშხლართე! ვამე და ვაგლახ!...  
ჩაკვი აქ იყო და შემამჩნია...

**ჩაფა.** ახლაც აქ არის, ცბიერო!

**ღიზა და სოფ.** ახ! ახ!

(ღიზას შიშისაგან სანთელი გაუვარდება. მაღჩაფინი თავის  
ოთახში გადის)

## გამოსვლა მეცამეტე

ივინივე, შალხაღინს კარდა.

**ჩატკია.**

ჩქარა გულ-წასვლა! ახლა შეგფერისთ  
 გრძნობის დაკარგვა, სირცხვილ-სიმხდალე!  
 აი, ავხსენი ეს გამოცანა  
 და დავინახე, ვიზეც გამცვალე!  
 მიკვირს, სიბრაზემ არ გადამძლია  
 და მოთმინების ძალ-ღონე მქონდა!  
 თვალთ ვხედავდი ყველაფერს ამას,  
 ვხედავდი, მაგრამ არა მჯეროდა.  
 და სატრფო იგი — ვისთვის შეჰბლალე  
 დედათ სიწმინდე, უმანკოება,  
 ვისთვის ხელ ჰკარ სიყრმის მეგობარს —  
 პასუხს ეკრძაღვის, კარს ეფარება...  
 ოჰ, ცრუ სოფელო! როგორ ბურთივით  
 აღმა და დაღმა აგვათამაშებ!  
 გულ-კეთილთ დასჯი შეუბრალებლად  
 და მალხაღინებს კი ანეტარებ!..

**სოფია** (ცრემლ-მორეული) ნულარ განაგრძობთ! მე ვარ შემცოდე,  
 სუყველაფერში მევე ვიღებ ბრალს;  
 მაგრამ რა რიგად მოვიფიქრებდი,  
 თუ ცბიერებით ამიხვევდა თვალს!..

**ღაზია.**

ბრახუნი ისმის! ხმაურობაა!  
 მგონი, სუყველა აქეთკენ მოდის,  
 მამა თქვენია! ახლა რაღა ვქნათ!  
 აი, ეგ სწორეთ მადლობას გეტყვის!



## გამოსვლა ძეთოთხმეტე

(ივინივე, ფამუსოვი და აუარებელი მსახურები სანთლებით)

**ფამუს.** აქეთ წამოდით, ჩემთან! საჩქაროთ!  
ჩქარა სანთლები! ჩქარა ფარნები.  
სად დაიმაღლნენ ალ-ქაჯნი? ოჰო!  
მემცნაურება ეს სახეები!  
ჩემი ასული! სოჭი პავლოვნა!  
ჩემო უემრცხვენო, რა ჩაიდინე?  
აქ ვისთანა ხარ? რა გინდა ამ დროს?  
დედაშენს ასე რად დაემგვანე?  
განსვენებული ჩემი მეუღლეც  
ხომ ასე იყო: არ დაშინდობდა;  
როგორც ერთ წუთას თვალს დამაცდენდა,  
გვერდით სხვა კაცი გაუჩნდებოდა.  
არა გრცხვენია? არც ღვთის გეშინის!  
რა რიგად მოხდა? რითი მოგხიბლა?  
შენ არ იყავი სულელის ეძახდი  
და სხვებს უამბე მაგისი შეშლა?  
მე გავსულელდი და მე დავბრმავდი,  
ეს შეთქმულობა რომ ვერ გაგიგეთ!  
თქვენც და სტუმრებიც მე მატყუებდით.

**ჩაცვი.** ჩემი სიგიჟეც თქვენ მოიგონეთ?

**ფამუს.** ძმობილო, სიტყვას ბანზე ნუ ავდებ,  
ახლა ადვილად ვერ მომატყუებთ!  
რისთვის დამსაჯა განგებამ, თორემ  
თქვენ თუნდ იჩხუბეთ—ვერ დამარწმუნებთ.  
შენ, ჭილკა, შენ ხომ ნამდვილ კუნძი ხარ!  
კარის მცველობა რისთვის მოგეცი!  
ვერაფერს ჰხედავ, ვერაფერს ამჩნევ!  
სად იყავ, სადა? საით წახვედი?

რატომ კარები არ გადარაზე?  
 რათ არ იფიქრეთ, რატომ ვერ მიხვდით?  
 ყველას ციმბირში გაკვრევენებთ თავს!..  
 თქვე ვერაგებო! გროშზე გამყიდით!..  
 შენ რაღას ბრძანებ, თვალე სრიალაჲ!  
 ეს ყველაფერი შენ მოახდინე...  
 კუზნეცკის ხიდზე რომ ეგდე მუდამ,  
 ეგ მაჭანკლობაც აქ შეისწავლე!  
 მაგრამ, დამაცა! მე გაგასწორებ!  
 გასწი შენს ქოხში და იქ დაეგდე!  
 აქ პრანჭვა-გრეხვის სამაგიეროდ,  
 წაეთერი და ქათმები ზარდე.  
 შენც, ჩემო ქალო, ორის დღის შემდეგ,  
 კარგად იცოდე, აქ არ დაგტოვებ,  
 შენც ბარგს აგიკრავ, გაგიყენებ გზას  
 და მოსკოვისკენ არც მოგახედებ.  
 რომ აღარ შეხვდე ამ მატრაკვეცებს,  
 შორს, ყრუ სოფელში სადმე გაგგზავნი!  
 მამიდა-შენთან, სარატოვისკენ,  
 იქ მოინანე შეცოდებანი.  
 თქვენ კი, მოწყალე ხელმწიფე, გთხოვთ, რომ  
 იქითკენ წასვლა არ განიზრახოთ!  
 და ამას შემდეგ ნულარც მოელით,  
 რომ სახლის კარი ვინმემ გაგიღოთ!  
 ნაღარას დავკრავ და მთელ ქვეყანას  
 შევატყობინებ დღევანდელ საქმეს,  
 მთელ მოსკოვს შევყრი და საჩივარსაც  
 მივართმევ სენატს, მინისტრს, ხელმწიფეს!  
 გონს ვერ მოვსულვარ... უკაცრავად ვარ!  
 მესმის და ვერა გამიგია-რა!  
 თითქო უნდათ რომ კიდევ ამიხსნან...  
 რაღაცას ველი... აზრი მერევა...  
 ბრმა ჩემო თავო! ვის შეჭხაროდი?

ჩატკა.

ვისგან ელოდი სრულს ნეტარებას?  
 ფრთა-გამოსხმული ვისკენ მოჰქროდი?  
 ვის ახლოს ჰგრძნობდი ბედნიერებას?!  
 ვის უმსხვერპლიდი ამ ნარნარ, სიტყვებს?  
 ვის აღმერთებდი?—რამ შეგაცდინა!  
 მაგრამ ამათაც მართლ-მსაჯულებამ  
 ღირსი სასჯელი გადმოუვლინა.  
 ოჰ, ღმერთო ჩემო, თავბრუ მეხვევა!...  
 ვინ მამჯობინეთ, ვინ აირჩიეთ?  
 რა მტრობა გქონდათ, რომ გამიტაცეთ  
 და ტანჯვის ქსელი შემომახვიეთ?  
 რატომ პირდაპირ არ გამიცხადეთ,  
 რომ ყოველივე გადაივიწყეთ,  
 წარსული გრძნობა, ჩვენ გულთა ძვერა.  
 სასაცილობად გადააქციეთ,  
 რაც ჩემში ვერცა თქვენგან სიშორემ  
 და ვერც გართობამ ვერ შეასუსტა!  
 შორს ვიყავ, მაგრამ თქვენით ვცოცხლობდი,  
 თქვენზე ვფიქრობდი განუწყვეტელათ!  
 გეთქვათ, თუ ჩემი მოსვლა, შეხედვა  
 და ლაპარაკი აგრე შეგზიზღდათ.  
 მეც იმავე წუთას მოგშორდებოდით  
 და საუკუნო განშორებისას,  
 იმის შეტყობას არ ვეცდებოდი,  
 ვინ არის იგი, ვინაც თქვენ გიყვარსთ! (ღაცინვით)  
 რომ დაფიქრებით, შეურიგდებით:  
 ან კი ღირს, თავი რომ შეიწუხოთ?  
 თქვენ შეგიძლიანთ რომ მოუაროთ,  
 გამოზარდოთ და გამოიყენოთ.  
 თუ დაგჭირდებათ, გაჰგზავნით სადმე,  
 წახვალთ, — იქნება უკან მდეველი, —  
 ქმარი-მსახური, მონა ცოლისა  
 და მისი კაბის კუდის მწვეელი.

ჰკმარა მე კიდევ ვამაყობ ამით,  
 რომ სამუდამოდ ჩამოგეცალეთ.  
 და თქვენ კი, მამავ, ჩინის მოყვარევ,  
 მაგ უმეტრების ძილით იძინეთ.  
 ნუ გეშინიანთ, ქალს აღარა გთხოვთ,  
 სხვას გამოსძებნით ჩემზე უკეთესს:  
 მდებლად ქედ-მოხრილს, უფრო ღირსეულს,  
 რომ სუყველაფრით სიმამრსა ჰგვანდეს.  
 ჰა! გამოვფხიზლდი, თვალით ამეხილა,  
 განქრა ოცნება და შავი ნისლი,  
 აწ დაჰკრა ჟამმა, გადმოვანთხიო  
 შეგუბებული ნაღველ-შხამ-გესლი!  
 ვტყორცნო ისარი მამას, ქალიშვილს,  
 და ბრიყვს საყვარელს, ვიზეც გამცვალა,  
 დავეგმო სიმუხთლევ წუთი-სოფლისა  
 და საშხალის წილ, მოვცხო სამსალა.  
 ვისთან ვიყავი? სად ჩამოვეარდი?  
 სულ-ყველა მდევხით, ყველა მაგინებს!  
 მთელი ბრბო მტანჯავს და სიყვარულშიც  
 ვხედავ გამცემელს და მოღალატეს!..  
 სიცრუე, შური, გესლიანობა  
 ძვალ რბილში უზის აქ ბერი-კაცებს  
 და ბებრუხანაც, ლაშ-ახეული,  
 ერთ ჭორის გუდას ათასად აქცევს.  
 ვიჟი მიწოდეთ? მართალიცა სთქვით!  
 თქვენთან რომ ერთ დღეს კაცმა იცხოვროს,  
 თუ არ გაგიჟდა, იმასაც შესძლებს,  
 რომ ცეცხლის აღში უვნებლად განვლოს...  
 შორს მოსკოვიდან! ნუთუ ცის ქვეშე  
 ერთს კუნჭულს ვერსად ვიპოვი, ნეტა,  
 სად დევნილ გრძნობას შევაფარებდე!  
 კარეტა, ჩქარა! ჩემი კარეტა!

(ჩქარა გადის. თამუსოვი დიდხანს გაშტეტებული დგას)

## გამოსვლა მეთხუთმეტე

„გინივე, ჩაცვის გარდა.“

**ფამუსოვი.** ახლაც არ გჯერა, რომ გიჟი არის?!  
 არა, სწორედ სთქვი! რა არ მოჩმახა!  
 „მდაბლად ქედ-მოხრილს, სიმამრის მსგავსსო“!  
 და მოსკოვზედაც რა მუქარა სთქვა!  
 უენ ხომ დამმარხე! განა არ არის  
 საგლოფ-საზარი ჩემი გაჩენა?  
 ვაი სირცხვილო! ახლა რას იტყვის  
 კნენა მარი ალექსეევნა!...

განდკილი.



# ს ე ნ თ ი\*)

რუს-ოსმალის (1877—1878 წ.) უკანასკნელ ომის  
დროის ისტორიული რომანი

რ ა ვ ზ ი ს ა

(თარგმანი სომხურიდან)

XXVII

ვიდრე თომას-ეფენდი და ნახევარ ასის-თავი ოდაში ამ ვერაგულ თათბირში იყვნენ, ეზოში ჯარის-კაცნი სულ სხვა გვარ ბაასით ერთობოდნენ.

— მაჰმად, — ჰკითხა ერთმა თავის ამხანაგს, — ამალამ რომ აქ მოგვიხდეს დარჩენა, ამ სომხის რძლებში რომელს ადრჩევ?

— ოჰ, წითელ ლოყებიანი პატარა-რძალი რომ არის, ის ძალიან მომეწონა! — მიუგო აღტაცებულმა მაჰმადმა.

— ჩემი ჭკუა და გონება კი სულ იმ შავთვალა ლამაზობაში წაიღო! — სთქვა ისევ პირველმა არა ნაკლები აღფრთოვანებით.

ეტყობოდათ, გაჩხრეკის დროს ჯარის კაცები თავიანთ მოვალეობაზე იმდენს არ ფიქრობდნენ, რამდენსაც მოხუცის რძლებზე. ასეა: ქალის სიახლოვეს მაჰმადიანი ყველაფერს ივიწყებს ხოლმე.

ზოგიერთის ყურადღება კი უფრო მოხუცის მდიდარ მოწყობილობას მიეპყრო.

---

\*) იხ. „მოამბის“ მე-12 №-რი.



— ჩემმა ცოლმა ზაპლა წამართო, — დაიწყო ერთმა მოხუცმა პოლიციელმა, — დღე მუდამ მოსვენებას არ მაძლევს და ჩამჩინებს: გინდა თუ არა რძის ასადულებელი დიდი ქვაბი მიყიდეო. აქ ერთი ქვაბი ვნახე, სწორეთ ისეთია, როგორსაც ჩემი ცოლი თხოულობს! წასვლისას უეჭველათ თან წავიღებ.

ერთმა ახალგაზდა ჯარის-კაცმა სთქვა:

— აქ ერთი მშვენიერი ხალიჩა ვნახე; სწორე გითხრათ: მაძლარს სადილის შემდეგ ზედ წამოგორება და ახალგაზდა ცოლის ხელით მომზადებული ყალიონის გაბოლება რათაც უნდა ღირს!

მოხუცმა პოლიციელმა, რომელიც ნადავლს უფრო გამოჩინებისა და სარწმუნოებრივის თვალთ უყურებდა, — ახალგაზდა ჯარის კაცს შენიშნა:

— მაგგვარი ხალიჩები უფრო ნამაზის „საჯჯადას\*)“ მაგიერობას უნდა ეწეოდეს.

ერთმა შურითა და ცრუმორწმუნოებით აღსავსე ჯარის-კაცმა სთქვა:

— საკვირველია სწორეთ! „გიაური“ და ამისთანა ლამაზი ცოლები?!. „გიაური“ და ასეთი მდიდარი?!. ჩვენ სახლში ერთი დავლეჯილი ფალასის ნახევიც არა გდია, რომ ღამე ყმაწვილები დაწვენ, და ამათ კი ამოდენა სიმდიდრე აქვთ!.. „გიაურს“ წელზე დაკონკილი ქამარი უნდა ეკრას, რომ ხველების დროს ეთ ალაგას წყდებოდეს...

ეს უკანასკნელი სიტყვები ყოველ მაჰმადიანს პირზე აკერიან. აღმოსავლეთში ქამრის სიმკვიდრე ანუ სიმაგრე და ცოლის სილამაზე სიმდიდრისა და პატივის ნიშანია. მაჰმადიანის აზრით სომეხი როგორც „გიაური“, ისეთი ღარიბი უნდა იყოს, რომ წელზე დაკონკილი ქამარი ეკრას, რათა ხველებისა თუ ცხვირის ცემინების დროს ვეღარ სძლებდეს და წყდებოდეს...

\*) „საჯჯადას“ იმ საფენს ეძახიან, რომელსაც ლოცვის დროს მაჰმადიანები ქვეშ იშლიან. თუ ლოცვის დროს სახლში არიან, მაშინ საუკეთესო საფენს ირჩევენ ხოლმე.

სომეხს არც ლამაზი ცოლის ყოლის ნება აქვს, რადგან ჯერ ერთი „გიაურია“ და მეორეც—რაც რომ მშვენიერი და კარგია, ყველაფერი მაჰმადიანის საკუთრებას უნდა შეადგენდეს...

ზოგიერთნი ჯარის კაცთაგანნი მოხუცის მშვენიერ ბაღჩაში შესულიყვნენ და იქაურობას ისე სთლახნიდნენ, თითქო ბოსტანში დათვი და ღორი შეუშვიათო. ფებ-ქვეშა სთელავდნენ, ანადგურებდნენ იმ მშვენიერ ფერად-ფერად ყვავილებს, რომლის მოყვანაზე მოხუცის რძალ-ქალიშვილებს იმდენი შრომა და ჯაფა გაეწიათ. ხეხილის ტოტებს იწვდიდნენ, რაც ძალი და ღონე ჰქონდათ ძირს ეწეოდნენ, ამტვრევდნენ, რომ ხილი მოეკრიფათ. ჰკრეფავდნენ, შემოსულს სჭამდნენ და მკვახეს კი ფებქვეშა სრესავდნენ. ამ სისაძაგლეს საბრალო მოხუცი შორიდან უყურებდა და გული ეხუთქებოდა. ყოველი ტოტის შოჩხის ხმა გულში ლახვარივით ესობოდა, რადგან ხეხილი შვილებივით უყვარდა. გონიერი თავი გაიქნ-გამოიქნია და თან ძველი სპარსული ანდაზა გაახსენდა: „ჯარის სარდალმა რომ მეზადეს ერთი ვაშლი მოსტაცოს, ჯარი მთელ ბაღს ამრავლებსო“. ასეთივე მტარვალობის მომქმედია ოსმალოც. ვისაც მცენარის შებრალება არა აქვს, ადამიანის შებრალებაც არ ექნება. ოსმალომ ოღონდ ხილი მოკრიფოს, თორემ იმისას არას დაგიდევს, ხე გახმება თუ რა დაემართება. ადამიანს საჩო-საბადებელს წაართმევს და სიცოცხლესაც მოუსპობს... როგორი შეუბრალებლობითაც ოსმალომ თავისი ქვეყნის ტყეები გაჩეხა და გაანადგურა, ისეთივე შეუბრალებლობით გაანადგურა და ანადგურებს კიდევ თავისი ქვეყნის სხვა ერებს...

ამ გვარსავე მტარვალობას უცქეროდა მოხუცი თავის საკუთარ სახლში, მაგრამ ხმის ამოდება კი არ შეეძლო. ბოლოს სამწუხარო სურათის ყურება ვეღარ აიტანა და სამზარეულოში შებრუნდა, სადაც დედაკაცები სადილს ამზადებდნენ. საბრალო მოხუცი! თავის საკუთარ სახლში იყო დატუსაღებული და ამ „სატუსაღოს“ მცველ-დარაჯთა წინ სტუმარ-მოყვარეობის წმიდა მოვალეობას ასრულებდა!

— ეს რა ხალხია? რას ეძებენ, აქაურობას რათ ანგრევენ?— ჰკითხა ცრემლმორეულმა სარამ.

— მაღალმა ღმერთმა უწყის!... — მიუგო ნაღვლიანათ მოხუცმა და უთხრა, რომ სადილი ჩქარა მოემზადებიანათ.

დედაკაცები საშინელ შიშის ზარს შეეპყრო. ყველანი სახლში შემალულიყვნენ, რომ ჯარის-კაცთა უმსგავს თვალს დამალვოდნენ. ოსმალები ისე უღირსად ექცეოდნენ მათს ოჯახს, რომ უნებურად ფიქრობდნენ— აქ რალაც არა ჩვეულებრივი რამ უნდა მომხდარიყოსო. მართალია, ამგვარი სტუმრები მრავალჯერ ჰყოლიათ, მაგრამ მოხუცის ოჯახის პატივი ყოველთვის ხელ-შეუხებელი ყოფილა.

ჰაირაპეტა და აპო, რომელნიც დილით ვარდანთან ერთათ ბ. სალმანის საძებნელად გასულიყვნენ, ჯერაც არ დაბრუნებულებიყვნენ. დანარჩენმა ძმებმა კი რაწამს ოსმალოთა უწყისობა შეიტყეს, მაშინვე სახლს მიაშურეს. საქმის გარემოება რომ შეიტყეს, საშინლად გაბრაზდნენ, მაგრამ ოსმალებზე კი არა, არამედ... თავიანთ უდანაშაულო მამაზე! მონები ჯავრს მუდამ უღონოებზე ყრილობენ. ბატონის მტარვალობა ბუნებრივათა და კანონიერათ მიაჩნიათ და თავისავე მსგავს მონებს ამტყუნებენ— ჯალა რათ გააჯავრეთო? "... ამგვარათვე შვილების მამისადმი ლანძღვა-თრევასა და კიცხვას საზღვარი არა ჰქონდა. საბრალო მოხუცი მუნათითა და საყვედურით აავსეს: ვარდანისა და ბ. სალმანისთანა საეკვო პირთ სახლში რათ უშვებდიო. იმავე დროს მზად იყვნენ ნახევარ ასის-თავისთვის რაც კი რამ იცოდნენ, ყველაფერი შეეტყობინებინათ, თითქო ამით დანაშაული შეუმსუბუქდებოდათ!

— შენი ოჯახი შენივე ხელით დააქციე და მიწასთან გაასწორეო, — ეუბნებოდნენ შვილები.

— დეე დაიქცეს, თუ კი შიგ თქვენისთანა უღირსი შვილები იქნებიან!.. — მიუგო ბრაზმორეულმა მოხუცმა. — ვიდრე თავმოყვარეობისა, პატიოსნებისა და თავისუფალი აზრის ყოველი გრძობა თქვენში მკვდარია და უსიცოცხლო, თქვენ მარტო შეჩვენებისა და არარაობის ღირსნი ხართ!.. ჩემი ნამ-

დვილი შვილებიც სწორედ ისინი არიან, ვისაც წყველა-კრულ-  
ვას უგზავნი, და არც თუ ძალიან ვინაღვლი. თუნდა მათი  
შიზეზით ყველაფერიც დაგვარგო...

მოხუცის უკანასკნელი სიტყვები ბ. სალმანსა და ვარ-  
დანს შეეხებოდა. შვილები უფრო გაცეცხლდნენ. გონიერმა  
შამამ იფიქრა, ვაი თუ რაიმე სისულოლე ჩაიღინონ, ან მოუ-  
ფიქრებლობით ცუდი რამ წამოროშონო, ამიტომ დაამშვიდა  
იგინი და უთხრა: აქ საშიშო არაფერია, რამდენიმე ოქროთი  
ოსმალოს მოხელის პირში „ბურთის ჩაჩრა“ ძალიან ადვილიაო  
და ბოლოს დაუმატა, რომ თომას ეფენდი დამპირდა, ყოველ  
საშუალებას ვიხმარ და მოსალოდნელ უბედურებას თავიდან  
ავაშორებთო. შვილები ცოტა დამშვიდდნენ. ამგვარ ადამია  
ნებზე რომელიმე „დიდი კაცის“ სახელის გაგონებას დიდი გავ-  
ლენა აქვს. ხუმრობა საქმე ხომ არ იყო! თომას-ეფენდი დაჰ-  
პირებოდა, შაშასადამე—ყველაფერს მოაგვარებდა.

ამ დროს ეფენდი ოღის კარებზე გადმოდგა და მოხუცს  
ხმა მისცა:

— მამასახლისო! ჩქარა სადილი, თორემ ამ მკბენართ  
შიანთ.

— მზად გახლავთ, ეფენდი, — მიუგო მოხუცმა, — ამ საათ-  
ში ჭუფრას გაშლიან.

მოხუცის შვილები სუფრის შლას შეუდგნენ: ოღაში  
უფროსთათვის, გარეთ, ხეების ჩრდილში კი — ჯარის კაცთათვის.  
ეს უკანასკნელნი უფრო და უფრო აუტანელი ხდებოდნენ.  
ამგვარ შემთხვევის დროს ოსმალოს ჯარის-კაცი სომხის ოჯახ-  
ში მცირეთი არ კმაყოფილდება; გემოვნებაც მაშინ უნახდე-  
ბა და მაღაც მაშინ ეხსნება; იმგვარ საქმელებსა და სასმელებს  
თხოულობს, რომელთა სახელი ძლივს გაუგონია, ნახვით კი  
თავის დღეში თვალთ არ უნახავს. თანაც, თუ მასპინძელმა  
უპასუხა: „არა გვაქვსო“, უშვერათ ილანძლება. მართალია ამ  
ხელათ ლანძღვა-გინება არა ყოფილა, მაგრამ მოხუცის შვი-  
ლები მაინც საშინლად გაიტანჯნენ, ვიდრე უსირცხვილო  
სტუმრების ამა თუ იმ მოთხოვნილებას დააკმაყოფილებდნენ.



ოდაში სადილს მარტო თომას-ფეენდი და ნახევარ ასნთავი შეექცეოდნენ. მოხუცი მასპინძელი იმათთან არ დაჯდა და მსახურსავით ფეხზე ტრიალებდა, რითაც სურდა სტუმრე ბისტვის განსაკუთრებული პატივი მიეცა. შვილები კი ჯარისკაცებს დასტრიალებდნენ თავს. ჯერ ხნობით ყველა არყითა და მასპინძლის სამზარეულოს ჩინებული საქმელებით იყო გართული. მოხუცმა ამ გარემოებით ისარგებლა, სარა გვერდზე გაიხმო და ჩუმად უთხრა:

— აჰა, შვილო, გასაღებები, წადი და რაც სახლში ძვირფასი რამ არის, ყველაფერი დამალე. ხომ იცი, სადაც უნდა დამალო?

— ვიცი...— მიუგო საბრალო დედაკაცმა და თვალები ცრემლით ავესო. ეს გაფრთხილება იმის ნიშანი იყო, რომ ოჯახს თავზე რაიმე უბედურება დასტრიალებდა.

— ყური დამიგდე, შვილო, გული მაგრათ შეინახე,— განაგრძო მოხუცმა:— ამგვარი განსაცდელი ჩვენ ოჯახს ბევრჯერ განუცდია. ღვთით, ყველაფერი გაივლის, მხოლოდ მოთმინებაა საჭირო. როცა ყველაფერი დამალო, რძლები ყმაწვილებითურთ თავ-თავიანთ მშობლების სახლში დაგზავნე; შენა და ლალა კი ჩვენ ნათლია ზაქოს სახლში გადახვალთ და იქ იქნებით, ვიდრე ვნახავდეთ, ეს ამბავი რითი დაბოლოვდება.

ხაჩოს რძლები ზოგი იმავე სოფელ ო...დან იყო, ზოგი მახლობელ სოფლებიდან, ამიტომ დროებით მათი დაბინავება მშობლების სახლში ძნელი არ იყო. მარტო ერთი სარა იყო შორიდან მოყვანილი: მისი მშობლები ბაიაზეთში ცხოვრობდნენ, სწორეთ ეს იყო მიზეზი, რომ მოხუცმა ურჩია ნათლია ზაქოსთან გახიზნულიყო, რომელსაც ყველაფერში ენდობოდა.

— კიდევ ერთი რამა მაქვს სათქმელი, სარა, ყური დამიგდე,— განაგრძო მოხუცმა:— ჰაირაპეტა, აპო და ვარდანი ბ. დუდუქიანის საძებნელად არიან წასული; იქნება ჯერ არ იციან, რა ამბავია ჩვენ თავს, არგონობით სახლში დაბრუნდებიან და იგინიც ხათანგში გაეხმიან. ამიტომ რაც შეიძლება საჩქაროდ კაცი გაგზავნე, რომ სადაც იყვნენ, მონახოს და

უთხრას სადმე დაიმაღნენ, ვიდრე აქედან რამეს შევატყობინებდეთ.

უკანასკნელმა სიტყვებმა საბრალო სარას უფრო გული მოუკლა. „მაშ ჩემ საყვარელ მეუღლესაც განსაცდელი მოეღოს?—ამბობდა გუნებაში—რა დააშავა, საიმისო რა მოიქმედა?“-ო. ეკითხებოდა თავის თავს, თუმცა სარა იმდენად გონიერი იყო, რომ ქმრის მოქმედება-განზრახვანი არ გამოეპარებოდა. ამ მოქმედება-განძრახვათაგან კი ცუდ შედეგს გამოელოდდა.

— ვინ წავა?... —ჰკითხა მოხუცს მწუხარე ხმით და გონიერი თვალები ცრემლით აევსო.

სარას კითხვა უადგილო არ იყო. განსაცდელის დროს კაცს სხვისი იმედი როგორღა უნდა ჰქონდეს, როდესაც ძმა თავის ძმას ივიწყებს და მტრათაც კი უხდება?... რამდენიმე წუთის წინ სარამ თავის ყურით გაიგონა, ძმები ჰაირაპეტას როგორი კბილების კრაჭუნითა და მძულვარებით ახსენებდნენ.

სარას სამართლიან უკმაყოფილების მიზეზს მოხუცი ძიუხვდა და ნაღვლიანათ მიუგო:

— ვიცი, რომ არავინ წავა... ვიცი, რომ განსაცდელის დროს ყველა ჩამოგვემორდება!.. მაგრამ ვარდანის მსახურნი, საქუა და ელო, გამბედავი და ერთგული ბიჭები არიან, ეცადე საქმის გარემოება ჩქარა ჩააგონო, მაშინვე წავლენ, ჰაირაპეტას, აპოს და ვარდანს მონახვენ და რაც საჭიროა, ეტყვიან. საკმაოა გაიგონ, რომ ბ. დუდუკიანი დაქერილია და ჩვენც სახლს გვიჩრეკენ — დანარჩენს თითონ მიხედებიან.

მოხუცი რომ ამ რჩევა დარიგებას ნორჩა, საქალებოდან გარეთ გამოვიდა დარწმუნებული, რომ გონიერი და მოხერხებული სარა ყველაფერს დარიგებისამებრ შეასრულებდა.

ეზოში მოხუცმა შენიშნა, რომ მთავრობის წეს-რიგისა, კანონისა და სამართლიანობის წარმომადგენელი (ჯარის კაცნი, რომელნიც გლეხის გულ-უხვი სადილით ძალზე გამოძლარიყვნენ და არყითაც ლაზათიანათ გამობრუებულიყვნენ) უწესოების ნამ-



დვილ ბაბილონს წარმოადგენდნენ. საბრალომ თვალები დახუჭა და ისე გაიარა; არ უნდოდა ენახა აშკარა ლირთობა, უსირცხვილობა, რომლის დასჯის ნებაც-კი არა ჰქონდა...

ოსმალოს სამსახურის კაცნი თავიანთ სარწმუნოების წესებს არც ისე გულ მოდგინეთ ასრულებენ, ამიტომაც არის, რომ არყის ხმარება ჩვეულებრივ საგნათ გადაქცევიათ. აკრძალული ნაყოფი ტკბილია ხოლმე. მუსულმანმა ჩვეულებრივი შეზარხოშება არ იცის, იგი სმის დროს მხეცათ გარდაიქცევა ხოლმე. თუ - კი საჭირო იყო, რომ მაჰმადი უუდიდეს წინასწარმეტყველათ წოდებულიყო, მარტო ისიც კმარა, რომ მუსულმანებს მაგარი სასმელის ხმარება აუკრძალა.

იმავე დროს ნაკლებ საყურადღებო საუბარი არც თუ ოდაში იყო. ნახევარ ასის-თავსაც ლაზათიანათ გადაეკრა და, სადილ წინ რომ ეფენდის ოფიციალური კილოთი ელაპარაკებოდა, ეხლა შინაურ-მეგობრულათ ექცეოდა.

— რამდენი ცოლი გყავს? ჰკითხა ეფენდის.

— „ვირსა ჰკითხეს, რამდენი ცოლი გყავსო და პასუხათ მთელ ნახირზე მიუთითაო“.

ეფენდი რომ ლაპარაკში ვირების არაკებს ჩაურთავდა, ცხადი იყო, რომ ჩინებულ გუნებაზე ბრძანდებოდა.

— მაგრამ, ვგონებ, ქრისტიანებს ერთი ცოლის მეტიც ნება არ უნდა ჰქონდეს? შენიშნა ნახევარ ასის-თავმა.

— მაჰმადიანებსაც აკრძალული გაქვთ ღვინო-არყის სმა, მაგრამ დღეს-კი ჩემზე მეტი დალიეთ, მიუგო გახარებულმა ეფენდიმ, რომ შესაფერი პასუხი მიახალა.

ამ დროს ოდაში შევიდა მოხუცი, თან რახათ-ლოხუშითა (ფქვილითა და თაფლით მომზადებული ხავიწის მსგავსი სატკბილობელია) და სმირნის ლედვით სავსე ორი ტაბაკი შეიტანა, სუფრაზე დააწყო და წარმოსთქვა:

— სადილს შემდეგ პირის ჩატკბანურება კარგია ხოლმე.

ესა თქვა და საჩქაროთვე ღრეთ გამოვიდა.

— მოხუცი საკმაოთ კეთილი ვინმე ჩანს, თქვა ნახევარ ამის-თავმა, — ამიტომ მიკვირს, სახლში როგორ შეუშვა ამის-

თანა საეჭვო პირები, როგორც რუსეთის ჯაშუში და სტამბოლელი მოჯანყეა.

— „ვირს ყურები გძელი აქვს, ჭკუა-კი მოკლეო“ მიუგო ეფენდიმ თავისებურათ.— თუ-კი ქვეყნად სულელები ჯერ კიდევ მოიპოვებიან, ეგ, უეჭველათ, შენი „კეთილათ“ წოდებულები უნდა იყვნენ. მოხუციც სწორეთ ამ გვართა რიცხვს ეკუთვნის.

ოსმალთ ნახევარ ასის-თავი ბევრათ უფრო პატიოსანი გრძნობის მექონე იყო, ვიდრე სომეხი ეფენდი.

— მე მგონია, ახალი სამხედრო საქმეთა მაწარმოებელი მავ საბრალოს მაგრა მოსწველავს... უთხრა ეფენდის გულმტკივნეულათ.

— არაფერიც არა უშავს-რა... უჭკუო იქნება ის კაცი, ვინც ამისთანა მეწველ ფურს ჩაიგდებს და არ მოსწველის!

— ფაშას იცნობ? როგორი კაცია? მე პირველათა ვხედავ.

— ძალიან კარგათ, მიუგო ეფენდიმ საქმიან კაცის კილოთი;— მე იმ დღიდან ვიცნობ, როცა ჯერ ისევ ტიგრანაკერტის მაზრის უფროსობა ებარა. ათ წელზე მეტი სძარცვავდა მაზრას, კარგა გამდიდრდა, შემდეგ სტამბოლში წავიდა და ფაშობა გაიკრა.

— როგორი კაცია?

— „მკვდარ ვირს ეძებს, რომ ნალები აჰყაროს“.

ვიდრე ეფენდი და ნახევარ ასის-თავი ამ ლაპარაკში იყვნენ გართულნი, ეზოში კიდევ სიმთვრალისაგან გონება დაკარგული ჯარის კაცები მღეროდნენ, ხარხარებდნენ და თამაშობდნენ,— მოხუცის რძლებს ზოგი ყმაწვრლი ხელში აყევანათ, ზოგისთვისაც ხელი მოეკიდნათ და სახლის უკანა კარიდან მშობელთა სახლებისკენ მიემართებოდნენ. საბრალოებს ცრემლი ღვარივით ჩამოსდიოდათ, თითქო ტყვეთ მიჰყავთ და გრძნობენ, რომ შემდეგში ველარ იხილავენ იმ სახლს, სადაც იმდენი ბედნიერება და სიყვარული ენახათ!...

ამ დროს თავით ფეხამდინ შეიარაღებული საქო და ელოთი მავე კარებით ქუჩაში გამოვიდნენ, მოასხდნენ ცხენებს და

გაჰკურცხლეს. ეშმაკობითა და ვერაგობით გატენილ ეფენდის სრულიათ აზრათ არ მოუვიდა დაეტუსალებინა ეს ორი ზგაზაკი, რომელნიც ვარდანის მარჯვენა ხელს წარმოადგენდნენ და რომელთაც ადვილათ შეეძლოთ მისი (ეფენდის) განძრახვებისთვის ხელი შეეშალათ...

### X X V I I I

თომას-ეფენდი მიზნის მხოლოთ ნაწილს თვლიდა მიღწეულად; უმთავრეს მიზანთან-კი ჯერ შორს იყო. სტეფანიკას ქალობა დიდი ხანია იცოდა; მომნათლავ მღვდლის, ტერ მარუქასაგან ჰქონდა გაგონილი. ერთხელ მღვდელი ეფენდისთან იყო დაპატიჟებული და, როდესაც სიმთვრალისგან აღარაფერი გაეგებოდა, მაშინ წამოროშა, თუმცა ფიცი ჰქონდა მიცემული ხაჩოსთვის, რომ საიდუმლოთ შეინახავდ. აი, სწორეთ ამ დღიდან შეუყვარდა ლალა.

გარნა ამ ზნეობრივათ დაცემულ ადამიანისთვის სიყვარული რას წარმოადგენდა? — მხოლოთ მშვიერ-მწყურვალის ბუნებრივ გრძნობას. ჭამა, სვა, გაძღა — და საჭიროებამაც განვლო, ეფენდი კმაყოფილი იყო, როცა წყურვილი მოკლული ჰქონდა. სიყვარულის სულიერი, იდეალური მხარე-კი მისთვის მიუწვდომელი იყო. სიყვარულს მხოლოთ პირუტყვეულ გრძნობათ სახავდა. მთელი თავისი სიცოცხლე მაჰმადიანობაში დაელამებინა და მათი ზნეობრივი ავლა-დიდება ერთიანათ შეეთვისებინა. მაჰმადიანისთვის ლამაზი ქალი ისეთივე ზიზზიღველი საგანია, როგორც ბავშვისთვის — სათამაშო. ბავშვი სათამაშოთი მხოლოთ იმ დრომდე ერთობა და ნეტარებს, ვიდრე მოსწყინდება, შემდეგ-კი გასტეხავს, გადააგდებს და სხვას მოინდომებს.

თომას-ეფენდი ქალს მხოლოთ დროებით გართობა-კმაყოფილებისათვის იგდებდა ხელში; შემდეგ-კი, როცა სხვა ქალი უფრო მეტათ მოწონებოდა, მზათ იყო პირველი გაეშო და მეორის ხელში მოგდებას შესდგომოდა. მისი უკანასკნელი არჩევანი ლალაზე გაჩერებულიყო. მაგრამ რა იყო მიზეზი, რომ

მიზნის მისაღწევათ იმ გვარ უპატიოსნო და ჯოჯოხეთურ ზრიკებსა ხმარობდა? ნუ თუ არ შეეძლო მოხუცისთვის პირდაპირ მიემართნა და ქალი ეთხოვნა?

მაგრამ ბომას-ეფენდი თანდა-თანობით, მალულათ მოქმედებდა. ცხოვრებაში ყოველი საჭირო საგნისა და მოთხოვნილების მისაღწევათ ეფენდი სულ სხვა ჰანგზე მოქმედებდა.

იგი მყვლეფავი, სხვისი ოფლითა და სისხლით მცხოვრები წურბელა იყო. ამგვარი ადამიანი-კი მიზნის მისაღწევათ აშკარათ არ მოქმედებს, არამედ მიხვეულ-მოხვეული ბილიკით დაბძანდება. მყვლეფავი იმ გვარი მონადირეთაგანია, რომელიც მსხვერპლის ხელში მოსაგდებათ ათას ხრიკებს ხმარობს: მახეს, ზაფანგს, ბადესა და სხ. ვისიმე ზნეობრივით გასათახსირებლათ ეფენდი სწორეთ ასე იქცეოდა. უმანკო ქალის სიყვარული ჯოჯოხეთური, ქაჯური ხრიკებით უნდოდა ხელში მოეგდო; ამიტომ ცდილობდა მისი მოხუცი მამა ისეთს საშინელ მგომარეობაში ჩაეგდო, რომ მეტი ღონე აღარ ჰქონოდა და იძულებული ყოფილიყო ქალი ეფენდისთვის მიეთხოვებინა.

ეფენდი ლალას ისე უცქეროდა, როგორც მშობელი მამის საკუთრებას და როგორც მისი შრომის ნაყოფს. ხარჯის ამქრები იყო და ამიტომ კარგათ იცოდა, რა საშუალებაც უნდა ეხმარა, რომ გლეხის შრომის ნაყოფი ხელში ჩაეგდო. იცოდა, რომ გლეხს სანამ არ აწვალვებ, არ დასტანჯავ და წინააღმდეგობის ყოველ საშუალებას არ მოუსპობ, — ვერაფრით მოსდრეკავ, ოფლით მონაგარს ვერ დაათმობინებ. მოხუც ხაჩოსაც ამავე თვლით უყურებდა, ამიტომ საბრალო მოხუცი არტახებით ისე შებოჭ-დაშარტა, რომ მისი გახსნა-განთავისუფლება მხოლოდ თითონ შეეძლო.

ბომას ეფენდი რომ მოხუცსა და მის შვილებს აბეზლებდა (აბეზლებდა, როგორც პოლიტიკურ დაინაშავეთ, მოჯანყე კაცის თანამოაზრეთა და ომიანობის დროს უცხო ქვეყნის ჯაშუშის დამფარველთ), ერთი სხვა მიზანიც ჰქონდა, სახელდობრ, მთავრობის ნდობისა და ერთგულების დამსახურება უნდოდა. გარდა ამისა, როცა ყველაფერს სურვილისამებრ მო-



აწყობდა, მოხუცს ეტყოდა: „თქვენი სული ჩემ ხელთ არის, ამიტომ იცოდეთ, თუ ლალას არ მომცემ, შენა და შენ შეილებს ჩამოხრჩობა არ ავცდებათ, თქვენს სახლს გადაჰზუგავენ და სარჩო-საბადებელს-კი სახაზინოთ გადასდებენ... ყველა ამის თავიდან აშორება მხოლოდ მე შემძლია და კიდევ ავასრულებ, თუ ჯილდოთ მშვენიერ ლალას მომცემთო“...

ბოროტ-მომქმედ ეფენდის შეეძლო ყველა ეს სისრულეში მოეყვანა, რადგან ხელში ისეთი საბუთი ეჭირა, რომ მთავრობასთან დასამენათ უკეთესი საჭირო აღარ იყო. ეს საბუთი სწორეთ ის უბედური ხურჯინი გახლდათ, რომელიც ეფენდიმ მოხუცის სახლის საკუჭნაოში დამალა და რომელიც ბ. სალმანის ქალღმერთით იყო სავსე. საკუჭნაოს რკინის კარების გასაღები-კი თითონ ეფენდისვე ელო ჯიბეში.

გარნა ჯერ კიდევ არ უნდოდა ბოროტი განძრახვა უმწვერვალეს ხარისხამდე აეყვანა, რადგან დარწმუნებული იყო, რომ მოხუცის დათანხმება არც ისე ძნელი იყო. მაგრამ იმავე დროს ხედავდა, რომ წინ უფრო მძლავრი მოწინააღმდეგე—ვარდანი—ედგა. იმ დღიდან, როდესაც ეფენდის მისართმევით გამზადებული ჩიბუხი ვარდანმა ხელიდან გამოჰგლიჯა სტეფანიკას და ფანჯრიდან გადისროლა; აგრეთვე კიდევ იმ დღიდან, როდესაც ვარდანი სტეფანიკასავე მიზეზით ისე გაცეცხლებული მივარდა ეფენდისა—იმ დღიდან ეს უკანასკნელი დარწმუნებული იყო, რომ ვარდანსა და სტეფანიკას შორის რაიმე კავშირე არსებობდა და უეჭველათ ერთმანეთიც უნდა ჰყვარებოდათ. გარდა ამისა იცოდა, რომ ვარდანი მოხუცის სახლში კარგათ იყო მიღებული და მის სიძობასაც სიხარულით მიეგებებოდნენ. თუგინდ ქალღმერთით არ მიეცათ, ისიც კმაროდა, რომ ლალას უყვარდა; კონდრაბანდისტი ვარდანი ისე მოექცეოდა, როგორც აკრძალულ საქონელს, ე. ი. ერთ ღამეს მოჰკიდებდა ხელსა და გაიტაცებდა. ამისთვის ვარდანს არც გმირობა აკლდა და არც გამბედაობა. — ყველა ეს ეფენდიმ ძალიან კარგათ იცოდა. მაშასადამე როგორ უნდა მოქცეულიყო, რომ ახალგაზდა კაცის განძრახვა ჩაეფუშნა?—საჭირო

იყო მისი თავიდან მოშორება, და ეს მოშორება უეჭველათ მთავრობის ჯარის კაცთა მხედველობის ქვეშ უნდა მომხდარყო, რომ ლალას წაყვანა ვეღარ შესძლებოდა. აი, ვარდანიც ამიტომ მონათლა ჯაშუშის სახელით და მთავრობასთან დააბეზლა.

რა მიზეზი იყო, რომ მოხუცის შვილებთაგან მარტო ჰაირაპეტასა და აპოს ატუსაღებინებდა? ნუ თუ ისიც იცოდა, რომ ეს ორი ძმა ბ. სალმანს მიმხრობოდა? თავის დღეში ეფენდის თავში არ გაუვლიდა, რომ სომხის გლეხს თავისუფლების უბრალო ფიქრის უნარი მაინც ექნებოდა. ეფენდიმ მხოლოდ ის იცოდა, რომ მოხუცის შვილები „ყურ-ყურა ვირები“ იყვნენ, და თუ მათში გამოერეოდნენ იმისთანები, რომ ეფენდი სასიძოთ დაეწუნებინათ და უარი ეთქვათ, — უეჭველათ ჰაირაპეტა და აპო უნდა ყოფილიყვნენ, რადგან წინათვე ჰქონდა შენიშნული, რომ ეს ორი ძმა ცუდი თვალით უცქეროდნენ მას. ამიტომაც, რომ ესენიც გზიდან ჩამოიშოროს, უბრძანა დაეტუსაღებინათ...

აი ასეთს გამოურკვეველ მდგომარეობაში იყო ლალას ბედ-იღბალი. ერთსა და იმავე დროს საბრალო ქალზე სამს ექირა თვალი. სამივე თავისებურათ ცდილობდა ხელში ჩაგდებას. ქურთ ფათათაპ-ბეგს, როგორც უშიშარსა და ცნობილ ავაზაკს, უნდოდა თავისი მხხვერპლი ისე აშკარათ მოეტაცნა, როგორც ღრუბლების სამეფოში მონავარდე არწივი კლდეებზე მსტუნავ შვლის ნუკრს მოიტაცებს ხოლმე. სომეხი ხარჯის მკრებავი-კი ცდილობდა შხამიანი გველივით შემოხვეოდა, მაგარი მუხრუჭი მოექირებინა და დაეხრჩო, რომ შემდეგ ისე გადაეყლაპა. გარნა გულადი და მოურიდებელი კონდრაბანდისტი ვარდანი, როგორც ზევითა ვთქვით, იმის ფიქრში იყო, რომ თუ ნებით არ მისცემდნენ, ძალით გაეტაცნა. ამ სამში ლალას რომლისთვის უცემდა გული — ეს უკვე ვიცით.

ფათათაპ-ბეგი ამ ჟამათ საომარ სამზადისში იყო. და ამიტომ ლალა აღარც-კი აგონდებოდა; ვარდანი ბ. სალმანის განთავისუფლების ფიქრით იყო მოცული. მარტო ერთათ ერთი



ეფენდი იყო მოცლით და საქმეც ისე მოეწყო, რომ გამარჯვება აუცილებლათ მიაჩნდა.

კარგათ გადაკრულმა ნახევარ ასის-თავმა ნასადილევს ხვრინვა ამოუშვა. ჯარის კაცთ ისევ მცველების ადგილი ეჭირათ. მოხუცის ორი შვილი, ჰაირაპეტა და აპო ჯერაც არსად სჩანდნენ. თომას-ეფენდიმ იფიქრა, ლალას შესახებ მოსალაპარაკებლათ ამაზე უკეთეს დროს ველარ ვიხელთებო, ამიტომ მძინარე მოხელეს თავი მიანება და გარეთ გამოვიდა. „რაკი დავიწყე, ბოლოც უნდა გავადევნოვო, ფიქრობდა იგი.—ვირზე შეგდომა ერთი სირცხვილია, ჩამოვარდნა-კი ორიო“...

მოხუცი სევდიანი და ჩაწყვეტილი დახვდა: მარტოთ მარტო მიმჯდარიყო კედლის ძირას და გაყინულ ძვლებს მყუდროზე ითბობდა. შორი ახლო ჯარის კაცნი ლირფულათ ხარხარებდნენ, იცინოდნენ და საზიზლარი ხუმრობით ირთობდნენ თავს. მოსამსახურე ქურთ დედაკაცებს რომ მოიხელთებდნენ, კაბაზე ხელსა სტაცებდნენ, აჩერებდნენ და აძალადებდნენ, რომ ისინიც ხუმრობაში ჩარეულიყვნენ. ხან-კი მსახურებს დაიჭერდნენ და უწყალოთა სცემდნენ, რომ ესა თუ ის ბრძანება აღესრულებინათ. მოხუცი მამა-მთავარი შეჰყურებდა ამ უსირცხვილობას იმ სახლში, სადაც ოჯახობრივი სიწმინდე მუდამ ხელ შეუხებელი ყოფილა, სადაც უცხო კაცის ერთ, ურიგო ღიმილსაც-კი დაუსჯელათ არ ჩაუვლია!.. ეხლა-კი თვალ-წინ ედგა გარყენილ-გარეცხილთა ხროვა, რომელიც სხვა-და-სხვა ბრძანება-განკარგულებას იძლეოდა, თითქო თავიანთი სახლიაო... „ეს რა ამბავია ჩვენ თავს? ფიქრობდა მოხუცი,—რისთვის ეცხოვრობთ?.. რატომ მიწა არ გასქდება, რომ თან ჩავვიტანოს?!.. რატომ ცა არ ჩამოინგრევა და ქვეშ არ მოგვიტანს?!.. ეს რა სიცოცხლეა?.. შენს გაუპატიურებას შენივე თვალით უყურებდე, და ხმას-კი ვერ იღებდე?.. ჯოჯოხეთის ცეცხლი ღმერთს მაშ ვიღასთვის გაუმზადებია?.. ცის მეხი მაშ ვიღასთვის არის დანიშნული?.. რატომ უსამართლონი და საძაგელნი არ ისჯებიანო?...“ საბრალო მოხუცი ასე ოხრავდა და თან ცრემლით ავსებულ თვალებს ცაში აპყრობდა. მაგრამ ციდან არავითარი

პასუხი არ ისმოდა... ალბათ, იმოდენა ტანჯვა-ვაება არ კმაროდა, რომ ყურადღება მიექცია...

ვაჰხედა სახლს და ნახა, რომ ჯარის კაცებს სახლიდან სხვა-და-სხვა ნივთები გამოჰქონდათ. სარა-კი, რომელსაც დანარჩენი რძლები მშობლების სახლებში დაეგზავნა და თითონ ჯერ არ წასულიყო, ცდილობდა ხელიდან გამოეგლიჯნა დიდი ქვაბი. მაგრამ ერთმა პოლიციელმა გულში ხელი წაჰკრა და საბრალო დედაკაცი მიწაზე გააგორა... „ჩემი სახლის ავეჯს ჩემ თვალ წინ იყოფენ და მე-კი არაფრათ მაგდებენ!.. ამბობდა მოხუცი გუნებაში.—რისთვის, რა დავაშავე? ნუ თუ ის, რომ სახლში მივიღე იმისთანა სტუმარი, რომელიც აღიარებდა—გლეხის ნაშრომ-ნაღვაწი, გლეხის საკუთრება უზრუნველ ყოფილი უნდა იყოსო? მსჯიან, დანაშაულობათ მითვლიან, რომ ბინა მივეცი იმისთანა კაცს, რომელიც ძალ-მომრეობის, შეუბრალებელ ძარცვა-რბევისა და მხეცურ მოქმედებათა წინააღმდეგ ლაპარაკობდა!.. რომელიც გვიქადაგებდა, რომ უნდა ეცადნეთ მამა-პაპათა ნაანდერძვე მიწას თქვენვე ჰფლობდეთ, თქვენ საქმეებს თქვენვე განაგებდეთ და აზრთვე მონობის უღლის დამსხვრევასაც ცდილობდეთო... ამ გვარ ფიქრებსა თუ აზრებს ჩვენში რა ჰბადებს, თუ არ ძალ-მომრეობა და უსამართლობა? ჩვენი მყუდროება რომ არ დაერღვიათ, ჩვენი ოჯახი არ გაეუპატიურებინათ, ჩვენი მონაგარი არ გაეტაცნათ, ადამიანურათ მოგვპყრობოდნენ და პირუტყვებივით არ ვეტანჯნეთ, მაშინ ჩვენც კმაყოფილი და მადლიერნი ვიქნებოდით.—„თავისუფლების სიყვარულის გრძნობის მამაო, იტყოდა ხოლმე ბ. დუდუკიანი, — ძალმომრეობაა, დედა-კი—უსამართლობაო“. ამ სიტყვების აზრი, სამწუხაროთ, მხოლოდ ახლა მესმის. ძალმომრევი თითონვე იმრავლებს მტრებს... ოსმალო ხომ ჩვენი სისხლი და ხორცი არ არის, მაგრამ ასე ცუდათ რომ არ მოგვპყრობოდა, არ ავიძულვებდით და იქნება კიდევ შეგვეყვარებოდა“...

ასეთს სავალალო ფიქრებში იყო გართული მოხუცი, ჭული ძალზე უღელავდა და აქეთ-იქით ისე ეხლებოდა, თითქო მფრ-

თონავი ზღვის ტალღებიაო. მაგრამ ქანც-გამოღებული ლომი იმოდენა მგლებთან აბა რას გააწყობდა? თავის მწარე მდგომარეობას ძალიან კარგათა გრძნობდა, მაგრამ ვერაფერი გაეზენდა. მარტო ოხრავდა და გულ დაწყევტით ცნობილ თქმულებას იმეორებდა: „ერთი ხელი ტაშს ვერ დაუკრავსო“. — ყოველ ჩვენ გლესს რომ ისე ეფიქრა, ვინ უწყის, იქნება ჩვენც რამ გეშველებოდა...

ამ დროს ეფენდი მიუახლოვდა, მელაძუა ხარჯის ამკრებმა შეატყო რა მდგომარეობაშიც იყო და, გული რომ უფრო ღრმით დაუკოდოს, შორიდანვე მიმართა:

— მამასახლისო, საქმე ცუდათ, ძალიან ცუდათ მიდის! — ვირი ტალახში ისე ღრმით დაფლულა, რომ ამოყვანა შეუძლებელია...

მოხუცმა ვერა გაიგო რა, მხოლოდ რა წამს ეფენდის თვალი მოჰკრა, მაშინვე ფეხზე წამოდგა.

— დაჯექი, — უთხრა ეფენდიმ და მეგობრულათ მხარზე ხელი დაადო, — მეც შენთან დავჯდები. სალაპარაკოთ ამაზე კარგს ადგილს ველარ ვიპოვნით.

იქვე ერთ ფალასის ნაჭერზე დასხდნენ.

— ესენი როდის წავლენ? ჰკითხა მოხუცმა და აკანკალებული ხელი ჯარის კაცებისკენ გაიშვირა, რომელნიც ჯერაც ისევ უგვანო საქციელში იყვნენ გართულნი.

— „გიჟი ქორწილში წავიდა, ჩემს სახლს ესა სჯობიაო“. — სადა და ან რათ უნდა წავიდნენ? საქმელი აკლიათ თუ სასმელი? მიუგო ეფენდიმ უგულო ღიმილით.

მოხუცის იგრეც მოკლული გული ამ ღიმილმა უფრო შეტათ დაკოდა.

ეფენდიმ რომ ეს შენიშნა, ლაპარაკის კილო შესცვალა.

— შენ დარდი ნუ გაქვს, მამასახლისო! თომას-ეფენდი ცოცხალი იყოს, თორემ თავიდან ერთ დერო ბალანსაც ვერავენ მოგაკლებს.

— რაღა ერთი ბალანი?.. — უპასუხა მოხუცმა ცოტა არა გაჯავრებული კილოთი, — ვერა ხედავ სახლს თვალ წინ მიწ-

გრევენ? ჩემს სარჩო-საბადებელს ჩემ თვალ წინ იყოფენ და შე-კი ხელიც ვერ შემიშლია!..

— რა ვქნათ, ჩვეულება ასეთი აქვთ. — „ძალი რომ საყასბოში შევა, ერთს ძვალს მაინც დაითრევსო“ ნათქვამია. შენც ხომ კარგათ იცი, მამასახლისო, რომ ოსმალო სომხის ოჯახიდან ხელ-ცარიელი არ გამოვა? ეგ კიდეც არაფერი. ღმერთს მადლობა უნდა შესწიროთ, რომ ვნება მარტო შენს ქონებას აღდება და არა ადამიანთა სიცოცხლეს...

მოხუცი მთლათ კანკალმა აიტანა. ნერვები ისე აშლოდა, რომ ყოველ უსიამოვნო სიტყვის გაგონებაზე თავისი ემართებოდა.

— რა არის, რა ამბავია? წამოიძახა მოთმინება დაკარგულმა ხაჩომ, — თუ კიდეც გაქვს რამე სათქმელი, მალე თქვი, რაღასა მტანჯავ? თუ სასიკვდილე ვარ, უმჯობესია ჩქარა მოვკვდე!

— გეტყვი, მამასახლისო, ყველაფერს გეტყვი. შენ მხოლოდ მოთმინება იქონიე, მიუგო ეფენდიმ უფრო დამშვიდებით და განგებ სერიოზული სახე მიიღო.

და მოუყვა: „თუ ვირს ფეხის მოტება არ უნდა, რკინას წიხლი არ უნდა ესროლოსო“... ამ ანდაზიდან ის დასკვნა გამოიყვანა, რომ სომხები ფთხილათ უნდა იყვნენ და ოსმალეთის საწყენი არაფერი ჩაიღინონ, მეტადრე ამ ომიანობის დროსო. მაგალითისთვის ვანის გადაბუგვა მოიტანა და იმის დამტკიცებას შეუდგა, თუ ოსმალეთისადმი ორგულობა დიდი „ხენთობაა“ (სისულელეაო). ვანის რამდენიმე ათასი სომხის დუქანი იმიტომ გადაბუგეს და გაძარცვეს, რომ იქაური სომხები რუსების სასარგებლოდ ჯაშუშობდნენო და დაუმატა: სომხები ამ ომის დროს რუსებისგან არავითარ სარგებლობას არ უნდა გამოელოდნენო. შემდეგ კვალათ ერთგულობის საქოროებას შეეხო და სთქვა: ოსმალო არც ისეთი ცუდია, როგორც ჩვენა გვგონია, და ამიტომ ყოველი აჯანყებისა თუ წინააღმდეგობის აზრი სისულელეთ უნდა ჩაითვალოს. აი, სწორეთ ეს არის მიზეზი, რომ ბ. სალმანის საქციელი შემლო-



ლობის ნაყოფათ მიმაჩნია და ამიტომ არც თუ ძალიან ვიღარ-  
დებ, თუ დიდ სასჯელს მიიღებს. მე მხოლოდ ის მაწუხებს,  
რომ მისი მიზეზით რამდენიმე სხვაც დაისჯებაო...

— ვინ სხვა? სიტყვა გააწყვეტინა მოხუცმა და თან სახეზე  
ნაცრის ფერმა გადაჰკრა.

— შენ და შენი ორი შვილი—ჰაირაპეტა და აპო, აგ-  
რეთვე შენი მეორე სტუმარი ვარდანიც, მიუგო ეფენდიმ.

ჭრილობა ისეთი საშინელი იყო, რომ ადვილ შესძლები-  
იყო დამბლათ ჩავარდნილიყო. მაგრამ ტანჯვა-ვაებით სავსე  
ცხოვრებას, მუდამ განსაცდელის მოლოდინსა და შეწუხებას  
მისი გული ისე გაეკაფებინა, რომ ეფენდის საშინელ სიტყვ-  
ებსაც გაუძლო, აღშფოთება შეიკავა და ჰკითხა:

— ჩვენ რაღა დავაშავეთ?

— მამაცხონებულო, ისე გულ-უბრყვილოდ მეკითხები,  
რომ ბავშვსაც-კი არ ეპატიება! თითქო არ იცოდე, რაც და-  
აშავეთ! მწარე დაცინვით მიუგო ეფენდიმ.—რომელიმე სრუ-  
ლიათ ჯანსაღი კაცი რითია დამნაშავე, რომ ავადმყოფათ მხო-  
ლოდ იმიტომ მიაჩნიათ, რომ უამიან, ან ხოლერიან საზოგა-  
დოებას გამოჰქცევია—რა არის ჭირი თავიდან ავიცილოვო. მა-  
გრამ საზღვარზე იჭერენ, რაღაც ხვრელში აგდებენ და იმდენს  
უბოლებ-უხრჩოლებენ, ვიდრე გაიგუდებოდეს...

— მაშ ჩვენც ხვრელში უნდა შეგვყარონ? წამოიძახა მო-  
ხუცმა და სახის ნაოჭები საშინლათ აუთრთოლდა, რაც წრეს  
გადასულ სიბრაზეს ამტკიცებდა.

— სწორეთ, მიუგო ეფენდიმ გულ გრილათ.

მაგრამ ეფენდი ხომ იმისთვის მივიდა, რომ ლალას გამოთ-  
შოელაპარაკნა, სიყვარული გაემჟღავნებინა და მისი ხელი ეთ-  
ხოვნა? ყველა ეს რათ დაავიწყდა? რა მიზეზი იყო, რომ საბ-  
რალო მამას ასე შეუბრალებლათ სტანჯავდა? როგორც ზე-  
ვითა ვთქვით, თომას-ეფენდი ცდილობდა მოხუცი ისეთს მდგო-  
მარეობაში ჩაედლო და იქამდინ მიეყვანა, რომ ძალა-უნებუ-  
რათ ეფიქრა: „ჩვენი ხსნა მხოლოდ თომას-ეფენდის შეუძლია  
და ამ ხსნას მსხვერპლათ ლალა უნდა შეეწიროსო.“ ამას იმი-

ტომ ცდილობდა, რომ ძალიან კარგათ იცოდა, მოხუცი ქალს ისე ადვილათ არ მიათხოვებდა მეტადრე იმ სიტყვების შემდეგ, რაც ვარდანისგან გაიგონა—ეფენდის მრავალი ცოლი ჰყოლია და ყველასთვის თავი მიუწებებიაო. ეფენდიმ-კი ეს ჭეშმარიტი ბრალდება ვერაფრით დაარღვია.

მაგრამ ცოტა ფიქრის შემდეგ ეფენდი დარწმუნდა, რომ მოუფიქრებლობით საზღვარს გადასცილებოდა და არც საჭირო იყო მოხუცის ასეთ სასოწარკვეთილებამდინ მიყვანა, ამიტომ დამშვიდება დაუწყაო:

— მართალია, რამდენიმე დღით დაგაპატიმრებენ, მაგრამ აინუნშიაც ნუ მოიტან, რადგან ეგ მხოლოდ თვალის ასაბმელათაა საჭირო. თომას-ეფენდი საქმეს ისე არ დაიჭერს, რომ ცუდი რამ შეგემთხვეთ.

მოხუცმა არა უპასუხა-რა. კარგათ ჰხედავდა, რომ ეფენდის დილანდელსა და ახლანდელ ლაპარაკის შუა დიდი საზღვარი იღო, და გულში რაღაც ფარული ეჭვი დაებადა ..

### xxix

დილით ადრე სახლიდან გამოსულმა ვარდანმა, ჰაირაპეტამა და აპომ ჯერ არაფერი იცოდნენ, მათს შინ. არყოფნის დროს სახლში რა ამბებიც მომხდარიყო. არ იცოდნენ თომას-ეფენდის რა ჯოჯოხეთური ქსელი ჰქონდა გაბმული, არც ნანახევარ ასის-თავის მიერ სახლის გაჩხრეკისა და არც ჯარის კაცთა წრეს გადასულ უმსგავს საქციელის ამბავი.

დადიოდნენ სოფლიდან სოფლათ, ეძებდენ ბ. სალმანს, ყოველ გამვლელ-გამომვლელს მის ამბავს ჰკითხავდენ, მაგრამ ვერაფერი გახდნენ, ბოლოს, როგორც იყო, იმ სოფელსა და იმ სახლს მიაგნეს, სადაც ბ. სალმანს უკანასკნელი ღამე გაეტარებინა. სახლის პატრონი გულ-კეთილი კაცი აღმოჩნდა და გულდაწყვეტით უამბო: მე თითონ არ ვიცი საბრალოს რა შეემთხვა. მხოლოდ ის ვიცი, რომ წუხელ შუალამედის სოფლის ახალგაზღობას რაღაც საგნებზე ელაპარაკებოდა.



ახალგაზდობა რომ წავიდა, ყმაწვილი კაცი მარტო დარჩა; ვახშამი მივართვით, შემდეგ ლოგინი გავუშალეთ და ოდაში მოისვენა. დილით ადრე ვნახეთ, რომ ყმაწვილი კაცი აღარსად სჩანდა: ცამ ჩაყლაპა თუ მიწამ—ველარაფერი გავიგეთო. ვარდანი და მისი ამხანაგი იმ ოთახში შევიდნენ, სადაც ბ. სალმანს ღამე გაეთია. ოთახში იატაკზე დაგდებული ქალღლის ნახევი იპოვნეს, რომელზედაც ჩქარი ხელით შემდეგი ეწერა: „დატუსაღებული ვარ“, ქვეშ ორი ასო ჰქონდა მიწერილი: „ლ. ს.“

ვარდანმა ქალღლდს დახედა, ჰაირაპეტას გადასცა და სთქვა:

— დიდი ხანია გული მითხრობდა...

სამნივენი გაქვავებულსავით გაჩერდნენ. ამ ამბავმა ყველაზე საშინელი შთაბეჭდილება იქონია. თვალწინ წარმოუდგათ ორი დიდი დანაკარგი: ერთი ისა რომ მაღალი სურვილებით გატაცებული ყმაწვილი კაცი გამოუცდელიობის მსხვერპლი შეიქნა და მეორეც—შესაძლებელი იყო ამ გარემოებას გამოემყდლებინა და ბოლო მოეღო იმ საერთო საქმისათვის, რომლისთვისაც აღტქმა ჰქონდათ დადებული არასდროს ელატნათ და, თუ საქროება მოითხოვდა—თავიც გაეწირათ.

სახლის პატრონი გაცეხებული შეჰყურებდა და ვერ გამოერკვია იმ ქალღლის ნახევა ყველა ისე რათ დააღონა. კარგა ხანი ისე იყვნენ გაშტერებულნი, ბოლოს გარეთ გამოვიდნენ და სახლის პატრონს ისე გამოემშვიდობნენ, რომ საქმის გარემოებისა არაფერი უთქვამთ.

სალამო იყო. საქონლის ჯოგი ბლავილითა და ხტუნაობით მინდვრიდან ბრუნდებოდა და ქუჩებში მტერის კორიანტელს აყენებდა. ამგვარადვე უხაროდათ სოფლებსაც: მინდორში მუშაობა გაეთავებინათ და სიცილ-ხუმრობით სახლში ბრუნდებოდნენ. არც ერთს მათგანს ფიქრათ არ მოსდიოდა, რომ წინა ღამეს ორი ბოროტ-მოქმედება მომხდარიყო: ახალგაზდა კაცი დაეტუსაღებინათ და ერთი ქალი გაეუპატიურებინათ... და ეს ორივე ბოროტ-მოქმედება ერთსა და იმავე კაცს

ჩაედინა, რომელიც სომხის სახელს ატარებდა და რომელსაც სომხის ბრბო პატივისა სცემდა!..

— გლეხი, — უთხრა ვარდანმა ამხანაგებს, — იგივე ბავშვია, მხოლოდ ჰასაკოსული ბავშვი-კი. ვთქვათ ბავშვი გაგორდა, კოტრიალობს მიწაზე, ამ კოტრიალში უცებ ქვას ანუ კედელს ახლის თავს და იმ დრომდე ტირის, ვიდრე რაიმე ტკივილსა გრძნობს; შემდეგ-კი, როცა ტკივილი უყუჩდება, ყველაფერს ივიწყებს და კვალათ კუნტრუშ-ხტუნვას მოჰყვება, თითქო ჭრაფერიც არა მომხდარა...

— ამ გვარ მორდილ ბავშვებთან საქმის დაჭერა ძალიან ძნელია, — დაუმატა ვარდანმა. — საუკუნოებით ერთსა და იმავე ტალახში გორავენ, მაგრამ მაინც ვერაფერს გრძნობენ: — დღევანდელს შემთხვევას ხვალ სრულიათ ივიწყებენ... ისევ ისე მხიარულებენ, ისევ ისე უდარდელათ შრომობენ და იმას კი აღარ ფიქრობენ რა აქვთ გასახარელი ანუ ვისთვის შრომობენ?..

— თომას-ეფენდის, — განაგრძო მან, — ძლიერ კარგათ გაუცვნია ეს ხალხი: გლეხებს „ვირებს“ ეძახის და იმათ-კი, ვინც ხალხისთვის ფიქრობს — „ხენთებს“ (სულელებს)... მოდი ეხლა შენა და მაგათ აუხსენი, რომ წუხანდელი ყმაწვილი კაცი, რომელიც ისე დალაგებით უმტკიცებდა ადამიანის პიროვნულ უფლების მნიშვნელობას, რა არის შრომა და ადამიანის ცხოვრება როგორ უნდა მოეწყოს, რომ უზრუნველ ყოფილი იყოსო; უთხარი, რომ ეს ყმაწვილი კაცი წუხელ დააპატიმრეს და ხვალ სახრჩობელაზე ჩამოაკონწიალებენ-და, დარწმუნებული ვარ, ყველასგან ერთსა და იმავე პასუხს გაიგონებ — „ხენთი“ იყოვო!..

— მე მგონია, — სთქვა ისევ ვარდანმა, — ბ. სალმანის დასმენაში თომას-ეფენდისაც წილი უნდა ედოს.

— მეც მაგრე მგონია, მიუგო ჰაირაპეტამ.

— ეს უნდა როგორმე დანამდვილებით შევიტყოთ.

ბინდდებოდა. საღამოს ლოცვა გამოსულიყო და სოფლის მოხუცი კაცები თუ დედაკაცები საყდრიდან სახლებში ბრუნ-

დებოდნენ. ვარდანი და მისი ამხანაგები ცდილობდნენ სოფელს ჩქარა გაშორებოდნენ.

— კარგი ნემსები... ჭრელ-ჭრელი ძაფები.. ბჭყვრიალადი-ილგები-ი!.. გაისმა კოჭლი ჩარჩის ნაცნობი ხმა.

ჩარჩი ქუჩის მეორე მხრიდან მოდიოდა ისევე რწვევითა და კოჭლობით, როგორც რამდენიმე დღის წინათ ვარდანს ენახა; ზურგზე იგივე უშველებელი ყუჟი ეკიდა და ხელშიაც იგივე უზარმაზარი კეტი ეჭირა, რომელიც ჰერკულესის ლახტს უფრო მეტათ გავდა, ვიდრე ხელ-ჯოხს. ვარდანი და მისი ამხანაგები რომ დაინახა, მიმართა:

— ბატონებო, ლოთიანათ იყიდეთ რამე, სალამოს სიფთაა, იაფათ მოგცემთ.

— აბა რა გაქვს?

— ყველაფერი, შენი ქირიმე... მიუგო ჩარჩმა და ყუთი მიწაზე დადო.

ვარდანმა საწვრილმანოს ვითომდა თვალიერება დაუწყო და თან ხელში ის ქალაღდის ნახევი ჩაუდო, რომელიც გლეხის ოთახში იპოვნეს. ჩარჩმა ქალაღდს საჩქაროთ თვალი გადაავლო და ძლივს გასაგონი ხმით მიუგო:

— მე უკვე ვიცი...

— რა უნდა ვქნათ?..

კოტა ხნის შემდეგ შეგხედებით და მოვილაპარაკებთ...

— სადა?

— გზა განაგრძეთ .. გიპოვნით.

ყველა ეს ისე უცებად და შეუნიშვნელათ მოხდა, რომ იქ მდგომ ჰაირაპეტასა და აპოს არა გაუგიათ-რა.

ჩარჩმა თავისი ყუთი კვალათ შეჭკრა, ზურგზე მოიკიდა, — „ტყუილათ ჩამომადებინოთო“—სთქვა ხმა მადლა და ერთი გლეხის სახლისკენ გასწია. თან გუნებაში ამბობდა: დღეს გვარიანათ ვივაჭრე, ახლა-კი უნდა შევისვენოო...

ვარდანმა და ამხანაგებმა გზა განაგრძეს. გლეხთა ქოხებში ჭრაქები ინთებოდა.

ოსტატ პეტრეს სახლის წინ გაიარეს, კარებში მეზობელი ოჭო იდგა. რუცა-კი შებინდებისას სომხის გლეხები ვინმე

უცხო მოჰკრავენ თვალს, ნაცნობი იყოს, გინდ უცნობი, ჩვეულებათა აქვთ სახლში მიიწვიონ: „გვესტუმრეთო.“ ამ გვარი შეპატიჟება ბევრისგან გაიგონეს, მაგრამ ყველას მადლობას ეუბნებოდნენ და წინ მიდიოდნენ. გარნა ოსტატ პეტრეს ქობის წინ-კი გაჩერდნენ. მაგრამ მიტომ-კი არა, რომ ოპოს შეპატიჟება გაიგონეს, არამედ იმიტომ, რომ სახლიდან რაღაც არა ჩვეულებრივი ხმა შემოესმათ, თითქო ვიღაც შველას თხოულობსო. მაშინვე ეზოში შევიდნენ. ხმა მოისმოდა საქონლის გომიდან, სადაც სიბნელისგან არაფერი სჩანდა. აპო ქობში შევარდა, ანთებული ჭრაქი გამოარბენინა და და სამნივ გომისკენ გაეშურნენ. შიგ რომ შევიდნენ, თვალწინ შემდეგი სურათი წარმოუდგათ: ახალგაზდა ქალს ყელზე თოკი გადაეგდო და ჭერში იყო ჩამოკიდებული; ერთი დედაკაცი-კი ფეხებზე მოხვეოდა და ცდილობდა მალლა აეწია, რომ ქალს თოკი არ გასჭირებოდა. „გამიშვი, გამიშვი!“... გაიძახოდა ქალი მიხრწნილი ხმით; დედაკაცი-კი მწუხარებით შეჰღრიალებდა: „ბარბარე-ჯან“-ო...

მაშინვე მისცივდნენ, თოკი ჩამოსჭრეს და ცოცხალ-მკვდარი ქალი თავისივე ხელით დამზადებულ საბრძოლველადან ძირს ჩამოიღეს. ერთი წუთი კიდევ რომ დაგვიანებულიყო, ყველაფერი გათავებული იქნებოდა, რადგან დედაკაცს ხელები ძალზე დაღლოდა და იმდენი ღონე აღარ შესწევდა, რომ ქალი დაეხსნა.

ასწიეს საბრალო ქალი და ქობში ამოიტანეს. ჯერაც გონზე არ მოსულიყო. მაშინვე ლოგინი გაუშალეს და ჩააწვინეს. შელურჯებული სახე დრო-გამოშვებით უთრთოდა, მოკუმული ტუჩები-კი ხამუშ ხამუშ მოძრაობაში შოდიოდა და ერთსა და იმავე სიტყვას იმეორებდა—„გამიშვი!“... იქვე მდგომი შუშანა ტიროდა, ძალზე იცრემლებოდა და თან წყევლა-კრულვას უგზავნიდა ვიღაც უცნობს, რომლის სახელიც აღარ ახსოვდა. საბრალო დედაკაცი ჩქარ-ჩქარა ავადმყოფთან მიდიოდა, მის ლამაზ თავს გულში იკრავდა და თან მწუხარეთ ეუბნებოდა: „ბარბარე-ჯან, რაზე იკლავდი თავს?... შენ ხომ არა ხარ



დამნაშავე?... დეე იმ უსირცხვილოს მაგიერი ღმერთმა მის-  
ცესო“...

ვარდანი და მისი ამხანაგები მიხვდნენ, რომ აქ რაღაც საი-  
ღუმლოება იფარებოდა. მაგრამ მისი გამოცნობა გაუძნელდათ,  
რადგან შუშანა არას ამბობდა და სახლში-კი ბავშვების გარდა  
მეტი აღარავინ იყო. ამ სახლის მამაკაცს ჰაირაპეტა კარგათ  
იცნობდა, რადგან ოსტატი პეტრე იმათსა ხშირათ დაიარებოდა  
სხვა-და-სხვა სამეურნეო იარაღების შესაკეთებლათ. ცოლს-კი  
პირველათ ხედავდა. მაგრამ გინდ ბევრჯელაც ენახოს და თუნდა  
ნაცნობიც ყოფილიყო, მაინც უცხო მამაკაცთან გაბედულათ  
ვერ ილაპარაკებდა, მეტადრე იმ გვარ შემთხვევის შესახებ.  
შუშანამ მხოლოდ დალოცა, დახმარებისთვის მადლობა გადაუ-  
ხადა და შეეხვეწა, თუ შეიძლებოდა, პეტრესთვის შეეტყობი-  
ნებინათ.

— სად არის პეტრე? ჰკითხა ჰაირაპეტამ.

— მახლობელ სოფელშია წასული სამუშაოთ, მიუგო  
დედაკაცმა.

ის იყო გარეთ უნდა გამოსულიყვენ პეტრესთან კაცის  
გასაგზავნათ, რომ ავადმყოფმა თვალი გაახილა და წყალი მოი-  
თხოვა. გახარებულმა შუშანამ მაშინვე მიუბრუნა. ავადმო-  
ფმა წყალი ხარბათ დალია, ქალის გალურჯებული სახე ნა-  
ცრის ფრათ შეცვლილიყო და თვლებიც დასწითლებოდა,  
რაც, უეჭველია, სისხლის აღელვებისაგან უნდა წარმომდგარი-  
ყო. ქალმა რომ წყალი დალია, თავი ისევ ბალიშზე მიდო და  
სახეზე საბანი წაიფარა. საბნის ქვეშიდან ჩუმი ქვითინი მოი-  
სმა... ეტყობოდა, ქალი გონზე მოსულიყო და მწარე სინამდვი-  
ლე გახსენებოდა. მართალია, მწარე და ნაღვლიანი ქვითინი  
ადამიანს გულ უკლავდა, მაგრამ ვარდანსა და მის ამხანაგებს  
სახეზე სიხარულის შუქმა გადაჰკრა, რადგან დარწმუნდნენ, რომ  
ქალი სიკვდილს გადაარჩენილიყო.

გარეთ ერთი ბიჭი მონახეს, შავი ფული აჩუქეს და პე-  
ტრეს დასაძახებლათ გაგზავნეს. მეზობელი ოჰო ისევ თავის  
სახლის კარებთან იდგა და არხეინათ აქეთ-იქით იყურებოდა.

თითქო არაფერიც არა მომხდარა-რაო. მიმავალი ვარდანი და მისი ამხანაგები რომ დაინახა, კვალათ შეიპატიჟა:

— მამაცხონებულნო, ამ ბნელ ღამეში სადღა მიხვალთ? ჰეი, რომ იცოდეთ წუხელ რა ქეიფში ვიყავით!—დაუმატა მან:—ამღამაც რამეს მოვაგვარებდით.

— რა ქეიფში? ჰკითხა ჰაირაპეტამ.

მეზობელი ოჰო დიდის აღფრთოვანებით მოუყვა, რომ წუხელ თომას-ეფენდი ოსტატ პეტრეს სახლს ესტუმრა და მეც იქ ვიყავ დაპატიჟებული; დიდი მხიარულება გვქონდა, „ჩაღკები“ საამურათ უკრავდნენ, ქალები ცეკვავდნენ, ბევრი ვჭამეთ და ბევრიც დავლიეთ. ერთი სიტყვით დიდი მხიარულება გვქონდაო. თავისი ნაამბობი შემდეგი სიტყვებით დააბოლოვა:

— მეღა ჩემმა ღმერთმა, თომას-ეფენდი ძალიან კარგი კაცია! იმდენი არაყი მოატანია, რომ შიგ ბანაობაც-კი შეიძლებოდა!

— და ყველანი დაგათროთ, არა? ჰკითხა ვარდანმა.

— მამაცხონებულო, იმოდენა სმისგან ვინ არ დაითვრებოდა? მიუგო ოჰომ სიცილით,—ლაზათიც დათრობაშია.

— პეტრე შინ იყო?

— არა, იმის მაგიერობას მე ვეწეოდო.

— შენი დათრობის შემდეგ-კი შენი ადგილი თომას-ეფენდიმ დაიჭირა... არა?

— მე აღარაფერი მესმოდა, სახლში თურმე აკიდებული მივეტანეთ ვილაცყებს.

ოჰოს ზიზლით გაშორდნენ და თავიანთი გზა განაგრძეს.

— ახლა-კი მესმის საბრალო ქალის საქციელის მიზეზი, წარმოსთქვა ვარდანმა.

— მე-კი იმასაც ვიფხვდი, ბ. სალმანი ვისი დასმენილია...— სთქვა ჰაირაპეტამ.

— უეჭველია,—მიუგო ვარდანმა,— თომას-ეფენდის საქმეა. ეგ ისეთი მელაძეა რამ არის, რომ შეუძლებელია ბ. სალმანის მოქმედების მიზანს არ მიხვედრილიყო და არ დაესმინოს, რათა მთავრობას თავისი ერთგულება და დიდი სამ-



სახური დაუმტკიცოს. და რადგან თითონაც ამავე სოფელში ყოფილა, ადვილათ მისახვედრია, რომ თითონვე დააქვინებდა. როგორც ჩვენ ეფენდის ვიცნობთ, ყველა ეს ისე ადვილი შესაძლებია, რომ უბრალო ექვიც-კი არ უნდა გვექონდეს.

ამხანაგთა შორის სიჩუმე ჩამოვარდა, მარტო მათი წყნარი ნაბიჯის ხმა-ლა ისმოდა. დაფიქრებული წინ მიდიოდნენ; ყველა ერთი აზრით იყო გამსჭვალული, რომ ახალგაზდა კაცის გამოსახსნელათ რაიმე საშუალება გამოენახათ.

— რაცა სთქვი, ვარდან, ყველაფერი მართალია, — სიჩუმე დაარღვია ჰაირაპეტამ, — ეხლა როგორ უნდა მოვიქცეთ?

— ოსმაღეთის მოხელეთა სუსტი მხარე ისე მაქვს შესწავლილი, როგორც ჩემი ხელის გული. რამდენათაც უსამართლონი და უგულონი არიან, იმდენათვე დაუდევრები არიან, — მიუგო ვარდანმა. — ამიტომ მგონია, რომ ბ. სალმანის განთავისუფლება არ გამიძნელდება. ჩემ მსახურთა გმირობა ხომ თქვენთანაც ცხადია, ცხენებიც მზათა გვყავ, ამაღამვე მოვასხდებით და უკან დავედევნებით. სადაც უნდა წაეყვანოთ, იმედი მაქვს, ვიპოვნით და, თუ სხვაფრივ მისი განთავისუფლება არ მოხერხდება, ჩვენ საკუთარ ძალ-ღონესაც გამოვიჩინთ. ოსმალოს მცველთა სიმბდალეს დიდი ხანი შევჩვევივარ.

— ჩვენც მზათა ვართ გამოგყვეთ, მიუგეს ძმებმა, — მარტო როგორ გავიშვებთ?

— თქვენი გამოყოლა არა თუ მეტია, არამედ საშიშოც არის, მიუგო ვარდანმა. — ამასობაში ჩარჩის სიტყვა გაახსენდა „მოგეწვეითო“ და ფეხი შეაყენა. თან ამხანაგებს მიმართა: — ცოტა ხანს დავსხდეთ, თორემ სიარულში ლაპარაკი და რისამე მოფიქრება ძნელია.

თითქო დაქანცულიყო, დარდი და სევდა საშინელი სიმძიმით დასწოლოდა გულზე, რომელშიაც რაღაც ფრთონა, რაღაც მღელვარება იბადებოდა და ეს ფრთონა თანდა-თან უფრო ძლიერდებოდა...

გზას გადაუხვიეს, ნესვის ბოსტანში შევიდნენ და ერთ პატარა წამოხურულ ქოხში დასხდნენ. ბოსტანში მცველთაგა-

ნი არავინ სჩანდა, რადგან ნესვი ჯერ არ იყო შემოსული და ამიტომ ქურდის შიში არა ჰქონდათ. ამ გვარი ქოხი დაქანცულ მგზავრთათვის სწორეთ მისწრებაა ხოლმე: სიცხეშიაც შეიძლება თავის შეფარება და ნიაღვარშიაც, ეს უკანასკნელი კი იმ მხარეს ხშირი მოვლენაა.

კარგი მოწმენდილი და ნათელი ღამე იყო, თუმცა მთვარე არსად სჩანდა. შორიდან მოჩანდა სოფელი — ში ანთებულ ქრაქების შუქი, დრო — გამოშვებით ძაღლების ყრუ, გამაფრთხილებელი ყეფა მოისმოდა.

ვარდანმა შეწყვეტილი ლაპარაკი განაგრძო. გაიშეორა, რომ ყოველი ღონისძიება უნდა ვიხმაროთ ბ. სალმანის გასანთავისუფლებათ, თორემ სიკვდილი არ ასცდებოა. ამ საქმეში თქვენი ჩარევა კი სახიფათოდ მიმაჩნია, მით უფრო, რომ ეს ცდა ან კეთილათ დაგვირგვინდება, ან ყოველი შრომა ამაოთ ზაგვივლის და ორსავე შემთხვევაში-კი ოსმალთა ჯავრის ამოყრა არ აგცდებათო. რადგანაცაო, — განაგრძო მან, — ვინ იცის, იქნება ეს საქმე უბრძოლველათ არ დაბოლოვდეს, იქნება მკვლელობაც მოხდეს და ამ საქმეში რომ თქვენც მონაწილეობა მიიღოთ, მაშინ, როგორც აქაურებს, დაუსჯელათ არ დაგტოვებენ, თქვენს გარდა თქვენი ნათესაობაცა და მთელი თქვენი ოჯახიც დაისჯებოა. მე-კი არაფრის შიშიცარ უნდა მქონდეს, რადგან უცხოელი ვარ, სხვა სახელმწიფოს ქვეშევრდომი, შემიძლია, ყოველი ჩემი განძრახვა სისრულეში მოვიყვანო, შეძღვე დავკრა ფეხი და გავიქცე. პოვნით მე ვერავინ მიპოვნის, მეტადრე ამ ომიანობის დროსაო.

ათას ქარ-ცეცხლში გამოვლილ ვარდანის დალაგებული მსჯელობა რომ მოისმინეს, ძმებმა უპასუხეს:

— ტანისამოსს გამოვიცვლით და ველარ გვიცნობენ.

— სულ ერთია, როგორც უნდა მოიქცეთ, არაფერი დაიმალება. თომას-ეფენდისთანები აქ ბევრნი არიან, დაბეზლება: არ გაუჭირდებათ. ოღონდ ოსმალების გული-კი რითიმე მოიგონ, თორემ აქაური სომხები არავის დაინდობენ, თუნდა ამით.

თავიანთი მოძმენიც დაიღუპნენ... სომეხს თავისზე დიდი მტერი სხვა არავინა ჰყავს...

უკანასკნელი სიტყვები ისეთი კბილების ღრქენით წარმოსთქვა, თითქო ვისიმე გაგლეჯა უნდაო. იმ დღის მომხდარი ამბების მწუხარე შთაბეჭდილებას მისი ნერვები საშინლათ აღეძრა. ერთი მხრივ საყვარელი მეგობრის დატუსაღებისა და საერთო საქმისადმი ხალხის უზომო გულ-გრილობისა, მეორეს მხრივ საბრალო ბარბარეს სამწუხარო ამბისა და ეფენდის სხვა მრავალბოროტ-მოქმედებისა გამო გული საშინელი სიბრაზით გავსებოდა, თუმცა ჯერაც არა იცოდა-რა, რაც იმ დღეს ამ საზიზღარ კაცს სისაძაგლე და ათასი უწესოება ჩაედინა მოხუცის სახლში. ისე იყო აღელვებული, აღშფოთებას იქამდინ მიეყვანა, რომ ლალა თითქმის აღარც-კი ახსოვდა; დავიწყებოდა ის ნაზი არსება, რომელსაც ვარდანის გულში პირველი ადგილი ეჭირა. უცებ მისი სახე თვალ წინ წარმოუდგა, მისი დაღონებული და მუდარებით სავსე თვალები ისე გამოიყურებოდა, თითქო ეუბნება: „სად მიხვალ? მარტოს რათ მტოვებ? საყვარელ მეგობრის გამოსახსნელათ მიდინარ, მაგრამ განა მე - კოშენი საყვარელი არსება არა ვარ?! სიტყვა არ მომეცი, წავიყვან, ამ ქვეყანას გაგაშორებო? აქ ველარ გავძლებ... მეშინია, ძალიან მეშინია ქურთებისაო!“...

ვარდანის გრძნობათა შორის საშინელი ბრძოლა იყო ატეხილი. წინ ედგა ორი არსება: საყვარელი ქალი და გულითადი მეგობარი. ორივეს დახმარება ესაჭიროებოდა, ორივეს სიცოცხლე განსაცდელში იყო ჩავარდნილი.

ფათთაჰ-ბეგის განძრახვა ვარდანმა ჯერ დანამდვილებით არ იცოდა. ის-კი ძალიან კარგათ იცოდა თომას - ეფენდი საბრალო ქალს რა ვერაგულ მახეს უგებდა; კარგათ იცოდა, რომ საზიზღარი მიზნის მისაღწევათ ეფენდი არავითარ საშუალებას არ დაიშურებდა.

პატარა ჩალურ ქოხში ერთხანათ სიჩუმე ჩამოფარდა. ჰაირაპეტაც იმავე ფიქრს გაეტაცნა. ვარდანისა და ლალას სიყვარულის ამბავი იცოდა და ამიტომ იგი, ვარდანი, თავის სიძედ

ჰყავდა დასახული. ეხლა-კი ვარდანი შორდებოდა, მეგობრის გამოსახსნელათ მიდიოდა. ან როგორმე ოსმალებს ხელიდან გამოჰგლეჯდა ან კიდევ შეაკვდებოდა. ორსვე შემთხვევაში-კი ლალას დაღუპვა არ ასცდებოდა. ვინ იყო თავდები, რომ ვარდანის დაბრუნებამდინ ლალას ფათათაჰ-ბეგი არ გაიტაცებდა? იქნება ვარდანმა ეს გარემოება არ იცის, ფიქრობდა ჰაირაპეტა, — და არც ეცოდინება, რადგან ბეგის განძრახვა არ შეეგვიტყობინებია. ეხლა რატომ არ უნდა შეეატყობინო? მაგრამ როგორ ვუთხრა? ვარდანს არც ერთ ჩვენი ოჯახის წევრისთვის არაფერი უთქვამს, რომ ლალა მიყვარს და მისი შერთვა მინდაო. ეს საიდუმლო მარტო სარამ იცოდა, ისიც შემთხვევით. ერთი ერთმანეთზე მომხდარმა ამბებმა ვარდანს დრო აღარ მისცა, გულზე გაეხსნა და ყველაფერი გამოემჟღავნებინა. ეს ახალი და საშიშარი გადაწყვეტილება ხომ ლალას სრულიად აშორებდა. ჰაირაპეტას იმედი, რომ ვარდანი ლალას წაიყვანდა, ისეთ შორს ქვეყანას წაიყვანდა, სადაც სისხლის მსმელ ფათათაჰ-ბეგს ხელი ვერ მისწვდომოდა, ეხლა უწყალოთ ინთქებოდა.

მეორე მხრივ ნაკლებათ გულს არც თუ ბ. სალმანის დაკარგვა უკლავდა. ეს თავ-განწირული ახალგაზდა ვარდანზე ნაკლებ არ შეუყვარდა და პატივისცა სცემდა. ამიტომ მისი თავის განებება ოსმალების ხელში, რომელნიც ციხეში ჩალოპობას, ტანჯვა-წამებასა და შემდეგ სიკვდილს არ აცდენდნენ, — უგულობათ მიაჩნდა და ეს უგულობა მის თვალში უფრო გაათკეცდებოდა, ვარდანისთვის რომ შეეტყობინებია, ლალას რა უბედურობაც მოელოდდა ქურთი ბეგის მხრივ, რადგან ვარდანს კეთილ განძრახვაზე ხელს ააღებინებდა და მით ბ. სალმანის დახსნის საქმეს ერთიან ჩაშლიდა.

ამ გვართ ვარდანი და ჰაირაპეტა საქმეთა აწეწ-დაწეწასა და სამწუხარო გარემოებას ფიქრების ხაოსში შეეცურებინა. ლალაცა და დატუსაღებული ახალგაზდაც ჩქარ დახმარებას საჭიროებდნენ. მაგრამ ჯერ რომელს უნდა დახმარებოდნენ? — ამის გადაწყვეტა უძნელდებოდათ.



რალას ჰფიქრობდა მესამე ამხანაგი აპო, ეს აშენებულ ოჯახის გაუფუჭებელი და გულადი წევრი?— შეიძლება ითქვას, რომ არაფერს. იგი იმ გვარ ადამიანთა რიცხვს ეკუთვნოდა, რომელნიც რა მხარესაც უნდა გასწიოთ, წამოგყვებიან. განსხვავება მხოლოდ იმაში მდგომარეობდა, რომ ცუდ მხარეს ვერ წაიყვანდით. აპო კარგი და მარჯვე იარაღი იყო ცეცხლიდან რაიმე საგნების გამოსაღებათ, მოხმარება-კი პატრონის შნაობაზე იყო დამოკიდებული.

ვარდანის გულწრფელმა აღსარებამ საქმე ცოტა გამოარკვია. არაფერი არ დამალა— ლალასადმი სიყვარულის ამბავი დაწვრილებით უამბო და უთხრა, რომ ლალას სიტყვა მივეცი, გაგიტაცებ მეთქი და ლალაც დამთანხმდა. იძულებული ვარ ეს უწყსო განძრახვა სისრულეში მოვიყვანო, რადგან იმედო არა მაქვს, რომ მოხუცმა ქალი ნებიო მომათხოვოს. მე კიდევ შემინიშნავს და დარწმუნებულიცა ვარ, რომ მამათქვენს ეფენდიზე უჭირავს თვალი, სასიძოთ ის უნდაო.

— ეფენდიზე ლაპარაკიც-კი მეტია, განაგრძო მან, — რადგან ორივენი კარგათ იცნობთ და დღეს ხომ უფრო უკეთ გაიცანით. — იმაზე ქალის გათხოვება იმას ეგვანება, რომ აილოთ და მგელს ანუ ძაღლს ჩაუგდოთ კლანჭებში. მაგრამ მე ისევ ის ფიქრი მტანჯავს: როგორც გითხარით, ბ. სალმანის დასახსნელათ უნდა წავიდე, ამ განძრახვაზე ხელის აღება არ შემიძლია. ასეთი მეგობრისა და ამხანაგის დახსნის სურვილი მძიმე ვალათ მაწევს. გარდა ამისა, მისი ამ გვარ განსაცდელში ჩავარდნის მიზეზათ, სხვათა შორის, ჩემ თავსაცა ვთვლი: ვამხნევებდი, ვაქეზებდი და მის გულში უიმისოთაც ანთებულ ცეცხლს უფრო ვალუებდი. ამით მისი დაღუპვა უფრო დავაჩქარე, ამიტომ უნდა ვეცადო, რომ როგორმე დავიხსნა.

— მეორე მხრივ, ხანაგრძო მან, — წინ უშველებელი დაბრკოლება მედობება და აღარ ვიცი რა ვქნა? არ ვიცი შევიძლებ თუ არა ლალას დატოვებას? ვინ უწყის, იქნება ეფენდიმ საქმე ისე დაატრიალოს, რომ ლალა იმ საძაგელს ჩაუვარ-

დეს ხელში?—მაშინ როგორი უნდა იყოს ლალას მდგომარეობა?...

ჰაირაპეტამ მიუგო, რომ ლალამ ჩემ ცოლს, სარას ყველაფერი უამბო, ცოლმა კიდევ მე გადმომცა, ამ გვართ თქვენი სულიერი ურთიერთობა ჩემთან ცხადია. ამიტომ მეცა და, ვგონებ, ჩვენი ძმებიც ძლიერ მოხარულნი ვიქნებით, თუ დაეჩქარები და ლალას გაიტაცებო.

— არა თუ ეფენდის მიზეზი, — დაუმატა მან, — არამედ სხვა უფრო უექველი მიზეზი გვაიძულებს, ლალა, რაც შეიძლება, ჩქარა მოვაშოროთ აქაურობას...

— სხვა რომელიღა მიზეზია? ჰკითხა ვარდანმა და სიბრაზისგან თვალები აენტო.

ჰაირაპეტა მოუყვა და ქურთი ბეგის განძრახვა დაწვრილებით უამბო. უამბო აგრეთვე, რომ ბეგის ცოლი ხურშიდა საშინლათ ეწინააღმდეგება ქმრის სურვილს, სარას საიდუმლოთ მოელაპარაკა და ურჩია, ლალა შორს სადმე გაგზავნეთო. ერთი სიტყვით, ყველაფერი უამბო, რაც ლალას შესახები რამ მომხდარიყო და რაც ჯერ ვარდანმა არ იცოდა.

ღრმა სევდით მოცული ისმენდა ვარდანი ჰაირაპეტას ლაპარაკს და ყოველი მისი სიტყვა გულში შხამიან ისარივით ესობოდა.

— ყველა ეგ იცოდით და მაინც მიმაღავდით?— წამოიძახა ვარდანმა საშინელი სიბრაზით, — მოლოდინში იყავით, რომ ქურთი ბეგი მობძანებულიყო არხენათ, თქვენი და გაეტაცნა და თქვენ-კი თვალეზ-დაჭყეტილი გეცქირნათ თქვენი საკუთარი გაუპატიურებისათვის?!...

ვარდანს ეხლა კი ესმოდა ლალას იმ ნაღველითა და სასო წარკვეთილებით საფსე სიტყვების მნიშვნელობა, რომელიც დღევანდლამდინ ვერ აეხსნა; — ესმოდა, რომ იმ შუალამისას, როცა მოხუცის ბაღჩაში ერთმანეთს პირველად შეხვდნენ, ნაცვლათ იმისა, რომ განმარტოების წუთები ხვევნა-კოცნითა და სიყვარულის სანეტარო ლაპარაკით დაეტკობოთ, — ლალა მშვენიერ თვალთაგან მწუხარე ცრემლს აფრქვევდა და საში-



წელი აღელვებით გაიძახოდა: „არა, სონასთან არ წავალ!.. სამარისა მეშინია!.. ქურთებისაც მეშინია,—დამიხსენ, უცხო ქვეყანაში წამიყვანე!“ .. როგორც სჩანს, სკოდნია რა სამწუხარო ბედიც მოელოდდა და მიტომაც ისეთი სიბრალულით მიამბობდა თავის ტოლ-ამხანაგ ნარგიზას ხვედრს, თუ ქურთებმა როგორ მოიტაცეს, როგორ წაიყვანეს და როგორი უბედური შექმნილიყო.

არის ხოლმე იმ გვარი წუთები, როდესაც ადამიანს უბედურებისა, განსაცდელისა და მწარე შემთხვევათა უსასტიკეს ქარცეცხლშიაც-კი გული უფრო მეტს შეუღრეკელობას ღებულობს და როდესაც წყეული ბედის მუხანათობა უმაღლეს წერტილს მიაღწევს, მაშინ ყველა ამას აღარაფრათ აგდებს და თითქმის კიდევ დასცინის ხოლმე.

ვარდანიც სწორეთ ამ გვარ მდგომარეობაში იყო; ფიქრებს, გრძნობასა და სულიერ ტანჯვას აღარ ებრძოდა და ისე გამოიყურებოდა, თითქო დამშვიდებულაო. ყველაფერი ერთბაშით გადაეწყვიტა, ასე რომ უკვე მოფიქრებული ჰქონდა, როგორც უნდა მოქცეულიყო.—მეგობრის სიყვარულს სატრფოს სიყვარული დაეწირდილა.—მეგობრის დაკარგვასთან ერთათ უნდა დაკარგულიყო აგრეთვე იდეალი, დაბეჩავებული და გატყავებული გლეხის განთავისუფლების იდეალი, რომელზედაც იყო დამოკიდებული არა თუ მარტო ლალასი, არამედ მრავალ ათასის დედაკაცისა და ქალიშვილის პატიოსნება და ხსნა. „მარტო ლალასთვის რათ უნდა ვიზრუნო? ფიქრობდა ვარდანი, —საერთო საქმე დავტოვო და კერძოს გამოვუდგე?“—ო...

— ყველა ამის შემდეგ—სთქვა მან,—იგივე უნდა გაგიმეორროთ, რაც ამ რამდენიმე წუთის წინათ გითხარით. ბ. სალმანს ასე არ დავტოვებ, უნდა ვეცადო, რითაც იყოს გავანთავისუფლო. რაღა თქმა უნდა, უყურადღებოდ არც ლალას დავტოვებთ: მის შესახება რამე უნდა ვილოწოთ. აი ჩემი რჩევა, ყური დამიგდეთ...

— არავითარი ღონისძიებაც არ არის საჭირო... გაისმა ზოხი ხმა და ქოხის გვერდით კოჭლი ჩარჩის უშველებელი ტანი გამოჩნდა.

ვარდანმა რომ კოჭლი ჩარჩი დაინახა, გული რაღაც გამოურკვეველი სიხარულით აღევსო; ჰაირაპეტასა და აპოს-კი სახე უსიამოვნოთ მოეხუშათ, რადგან დარწმუნდნენ, რომ ეს მატანტალა ჩუმათ ყურს უგდებდა. ამ უცხო კაცის ამბისა არაფერი იცოდნენ, მაგრამ როცა ნახეს, რომ ვარდანმა ხელი შეგობრულათ მოჰკიდა და გვერდით მოისო, მაშინ ცოტა დამშვიდდნენ, მეტადრე როდესაც ვარდანმა გამოუცხადა—ნუ გეშინიანთ, ჩვენთანაა...

ვარნა მელიქ-მანსური ახლა ის აღარ იყო, რაც რამდენიმე საათის წინ მატანტალა ჩარჩის ტანისამოსით ენახათ. ისე გამოცვლილიყო, რომ თვით ვარდანმაც-კი ძლივს იცნო. ლაზების ეროვნულ ტანისამოსში გამოწყობილიყო და თავიდან ფეხებამდინ იარაღში იყო ჩამჯდარი.

— დიდხანს დარჩენა არ შემიძლია, თქვა მან საჩქაროთ, — ზომ იცით, რომ ჩვენი „მედუდუკე“ მახეშია გაბმული? უნდა როგორმე დავიხსნათ.

— ჩვენც სწორეთ მაგაზე ვლაპარაკობდით, მიუგო ვარდანმა.

— თქვენ იმის დარდი ნუ გაქვთ: ხვალ თუ არა, ზევ მაინც თავისუფალი იქნება, თქვა მელიქ მანსურმა და ფეხზე წამოდგა.—თქვენ მხოლოდ ჩვენი საერთო საქმე განაგრძეთ. ახლა-კი ღამე მშვიდობისათ.

— მარტოკა მიდიხარ? ჰკითხა ვარდანმა.

— არა, აგერ იქ ამხანაგები მელიან.

ესა სთქვა და ხელი გაიშვირა მახლობელ მთებისკენ, სადაც ღამის სიბნელეში ცხენოსანთა გუნდი ოდნავ მოჩანდა.

— ვინ არიან? ჰკითხა ვარდანმა.

— რამდენიმე მთიელი ახალგაზდაა.— ნახვამდის.

ვარდანს კიდევ რაღაც უნდოდა ეთქვა, მაგრამ მელიქ მანსური უკვე შორს იყო წასული,

ჰაირაპეტა და აპო გაშტერებული იყვნენ. ჯერ არაფერი იცოდნენ, ვინ ანუ რა ხელობის კაცი იყო ეს საიდუმლოებით მოცული ჩარჩი. ვარდანმა ყველაფერი უამბო, რაც-კი მის შესახებ იცოდა; ძმები ეხლა-კი მიხვდნენ ყველაფერს და თან დარწმუნდნენ, რომ ეს მოხერხებული და გამოცდილი აღამიანი ბ. სალმანის დახსნას მოახერხებდა.

ამის შემდეგ დასტოვეს სადარაჯო ქოხი და სახლისკენ გაემართნენ.

მოხუცის მიერ გაგზავნილმა საქომა და ელომ, ვარდანის ერთგულ თანამგზავრთ, ბევრი იარეს, იქაურობა გადააბრუნეს, მაგრამ ვარდანი და მისი ამხანაგები ვერსად იპოვეს, რომ შინ მომხდარი ამბები შეეტყობინებინათ და მოხუცის დანაბარები გადაეცათ.

— ელო, უთხრა საქომ, — საქმე ცუდათ ღრის, ძალიან სიფრთხილზე გემართებს, რომ, თუ ვინიცობაა ბატონს ცუდი რამ შეემთხვეს, დახმარება არ დავახანოთ.

— მეც მაგ აზრისა ვარ, მიუგო ელომ.

ამხანაგებმა გარდასწყვიტეს ხაჩოს სახლის შორი - ახლო დამალოლიყვნენ და იქიდან ეთვლიერებინათ, რომ ვარდანის და მისი ამხანაგების მოსვლა არ გამოჰპაროდათ.



შუა ღამე გადასული იყო, როდესაც ვარდანი, ჰაირაპეტა და აპო სახლში დაბრუნდნენ. ჯერაც არაფერი იცოდნენ მათს შინ არ ყოფნის დროს სახლში რა ამბებიც მომხდარიყო. ეზოს კარები არხეინათ შეაღეს და შევიდნენ. იქვე მდგომმა მცველებმა კარები მაშინვე ჩაკეტეს. ნახევარ ასისთავი თავისი საზიზლარი გუნდით ოდაში ბრძანდებოდა. ზოგიერთი საძაგელი ზაფთები-კი ჯერაც ისევ ეზოში დაეთრეოდნენ და მონადირე ძაღლებივით დასუნსულელებდნენ, რომ ხელში მოეგდოთ რამე.

სახლის ქალ-რძლები აღარსად ჩანდნენ, ეტყობოდათ, სადმე გახიზნულიყვნენ. ამ გვარ შემთხვევების დროს, როცა რომე-

ლიმე სახლს რაიმე ბრალი ედება და სამხედრო მხედველობის ქვეშა ვარდება, ქალ-რძლებს ყოველთვის სახლს აშორებენ.

ვარდანი და მისი ამხანაგები გაოცებული იდგნენ და ვერ გამოერკვიათ,—ეს დომხალივითარეული ბრბო რას ნიშნავდა. საქმის სინამდვილე აზრათაც არ მოსდიოდათ, რადგან მამასახლისისა და, საზოგადოდ, ყოველი სომხის გლეხის სახლში ჯარის კაცთა დაბინავება გუნდებათ იმ მხარეში ჩვეულებრივ ამბავს წარმოადგენდა. ყოველთვის, როცა-კი გლეხი ამ გვარ სტუმრებს იღებს, იძულებულია, ცოლი, ქალი თუ რძალი სახლს მოაშოროს, რათა სტუმართა ვნებათა-ღელვის მსხვერპლი არ შეიქმნენ, რასაკვირველია, თუსტუმარი იმდენათ პატიოსანია, რომ მასპინძელს ხმალს არ დააჭერს და არ დააძალებს—შინ დასტოვე ჩემდა სამსახურათო...

ცოტა ხნის შემდეგ ერთი ძმა გამოჩნდა და ჰაირაპეტას ზარდაცემული ხმით მიმართა:

— ნახე იმ „პამპულამ“ რა ოინები გვიყო?.. მოდი ეხლა და მთავრობას პასუხი გაეცი!.. იმ ლაწირაკს პირველ დღესვე ამოვკრავდი პანლურს და აქედან გავუძახებდი, მაგრამ მაცდურით ჩაერიე და ნება არ მომეცი... წადი ეხლა და პასუხიც შენ გაეცი...

ჰაირაპეტამ არაფერი უპასუხა; მიხვდა, რომ ძმის ლანძღვა-თრევა ბ. სალმანს შეეხებოდა და რაღაც სამწუხარო ამბავი მომხდარიყო...

— ძმაო, მახეში ჩვენც გავებით .. წარმოსთქვა ვარდანმა სიცილით.—ესლა გვაკლდა!..

ზაფთებმა აღარ დაახანეს. მისცვივდნენ სამივეს, ხელი ჩაავლეს და ნახევარ ასის-თავთან შეიყვანეს. თომას - ეფენდი აღარსად სჩანდა. საჭირო განკარგულების მიცემის შემდეგ წასულიყო და სოფლის მღვდელ, ტერ-მარუქასა სწევოდა. ოღაში მარტო მოხუცი და ნახევარ ასის-თავი იყვნენ, კარებში-კი რამდენიმე ჯარის კაცი ატუზულიყვნენ. ვარდანი შევიდა თუ არა, ოსმალს მოხელის ნებართვისთვის აღარ მოუცდია, მივიდა და ხაჩოს გვერდით დაჯდა. ჰაირაპეტა და აპო-კი ფეხზე დადგნენ.

— სადაური ხარ, სომეხო?

სიტყვა „სომეხო“ რაღაც ზიზლიანი კილოთი წარმოსთქვა; ვარდანი აენტო, მაგრამ მაინც თავი შეიკავა და მიუგო:

— რუსეთელი.

— აქ რა საქმისთვისა ხართ მოსული?

— სავაჭროთ.

— ბაშფორთი გაქვს?

— მქონდა, მაგრამ დამეკარგა.

— მაგის შეტყობა ადვილია: თქვენ მხოლოდ ის მითხარით, საზღვრის რომელ საბაჟოზე გამოიარეთ? ბაშფორთის გამოთ შევეკითხებით, თქვენი ვინაობა იქ ცხადი იქნება.

— მე კონდრაბანტისტი ვარ, ჩემი ხელობის კაცს საბაჟოჭირივით ეჯავრება და შორს გაუბნის. ამასაც გეტყვით, რომ ბაშფორთი არასოდესაც არა მქონია.

— მარტო კონდრაბანტისტი რომ ყოფილიყავით, იქნება გვეპატიებინა, მაგრამ თქვენ უფრო მძიმე ბრალი გედებათ.

— რა ბრალი?

— თქვენ ჯაშუში ყოფილხართ.

— მართალია... უეჭველია, თომას-ეფენდი გეტყობათ... მართლაც და იგი ქეშმარიტი მოლაპარაკეა... — მიუგო ვარდანმა დაცინვით.

— ვისაც უნდა ეთქვას, ეგ სულ ერთია, წარმოსთქვა ნახევარ ასის-თავმა ისეთი კილოთი, რომ სამსახურის კაცის გულ-გრილობა არ შეუცვლია; — სავაჭრო პირებს, მეტადრე ამ ომიანობის დროს, ჩვენი ქვეყნიდან ვაძევებთ. ამაღამ აქ დაგამწყვდევთ, ხვალ დილით-კი სამხედრო საქმეთა მწარმოებელთან გაგგზავნით და თითონ იცის, როგორც მოგეპყრობათ.

— თუ ჩემი ბედი სამხედრო საქმეთა მწარმოებელთან უნდა გადაწყვეტილიყო, მაშ ჩვენების დაწვრილებით ჩამორთმევა რაღა საჭირო იყო? თქვენი მოვალეობა იყო მარტო დაჯტუსაღებინეთ, ეგ არის და ეგ. მაგრამ თქვენ სულ მაგრე იცით. აქ უკანასკნელი ზაფთი რომ რომელიმე დამნაშავეს გამოუყენო, ყველა იმის კვლევა ძიებას შეუდგება, რაც მხოლოდ უმაღლეს სასამართლოს საქმეა.



თუმცა ნახევარ ასის-თავმა ამ გვარი კილო შეურაცხებით შიილო, მაგრამ მაინც არაფერი უპასუხა. ოთხ ზაფხოს უბრძანა, რომ ვარდანი წაეყვანათ და დაემწყვდიათ. ვარდანმა არავითარი წინააღმდეგობაც არ გაუწია და თავის ნებით გაჰყვა.

ვარდანი რომ გაიყვანეს, ჯერი ახლა ჰაირაპეტასა და აპოზე მიდგა.

— ამათი ჩვენების ჩამორთმევა საქირთ არ არის, ბრძანა ნახევარ ასის-თავმა: — მაგათი დანაშაული იგრეც ცხადია. წაიყვანეთ, დაამწყვდიეთ და ფთხილათ იყავით.

მოხუცი ისე გაშტერებულიყო, თითქო ბურანშიაო, მის თვალ წინ მომხდარი ამბები სიზმარი ეგონა. რათ მომატყუა ეფენდიმ? ჰფიქრობდა იგი. ნუ თუ ყველა ეს მართლა მართო მოსაჩვენებლათა და თვალის ასაბმელათ არის მოხერხებულიო?

ვარდანი, ჰაირაპეტა და აპო წაიყვანეს და ერთს შენობაში ჩაამწყვდიეს, რომელიც ბელლის მაგიერობას ეწეოდა. იატაკი და კედლები ქვით იყო ნაგები, ქვები ისე იყო დაწყობილი, რომ სადმე ქუჭრუტანა არ დარჩენილიყო და თავი არ შეპარულიყო. ფანჯრები ვიწროები ჰქონდა დატანებული და ზედაც წვრილათ დახვრეტილი რკინა ჰქონდა აკრული, რომ ფრინველი ვერ შემძვრალიყო. ერთი სიტყვით ხორბლისთვის დანიშნული შენობა იმ დამეს მკვიდრ ციხეთ გარდაიქმნა. კუთხეში ზეთის ქრაქი ბეუტავდა და ბნელ თაღებიან ბელელს ოდნავ ანათებდა.

ჰაირაპეტა და აპო სდუმდნენ, სახეზე მწარე სასოწარკვეთილება და უიმედობის სევდა დამჩნეოდათ. ოსმალოს მოხეტლეთა შეუბრალებლობა კარგათ ჰქონდათ გაცნობილი. საკმაო იყო სულ უბრალო რამ, ხშირათ მათგანვე გამოგონილი, როც სრულიად უდანაშაულო კაცი დამნაშავის სკამზე წამოესკუბებინათ. მზათ იყვნენ უდანაშაულო ეწვალებინათ, სისხლი გამოეწოვათ და მთლათ გაენადგურებინათ, როდესაც ეს უდანაშაულო ცოტათ თუ ბევრათ შეძლებული სომეხი იყო. ეხლაკი დამწყვდეულთა დამნაშავის სკამზე წამოსასკუბებლათ ბევრი საბუთი მოეპოვებოდათ. მაგრამ ეს საბუთები საიდან წარმოს-

დგა; ანუ ვისი დაბეზლებული იყვნენ—ამის შესახებ-კი გარკვეულ აზრს ვერ დასდგომოდნენ.

ვარდანი-კი, თითქო არაფერიაო, დამშვიდებული გამოიყურებოდა და ეს მისი სიმშვიდე, მისი სიწყნარე მღელვარე ზღვის იმ გვარ დამშვიდებას მოგაგონებდათ, რომელიც საშინელ ფრთონას მოსდევს ხოლმე.

— რას დაფიქრებულხართ, ყველაფერს ერთი არაკით აგინსნით,—უთხრა მან თავის თანა ტუსალთ,—ტყის ხეებმა თავიანთ მეფეს ამბავი წაუღეს და მოახსენეს: ერთი რაღაც წყეული იარაღი გაჩნდა და შეუბრალებლათ მუსრს გვაელებსო. მეფემ იკითხა: „იმ იარაღს სახელათრა ჰქვიან?“—ო.—ცულიო—მიუგეს ხეებმა. მეფემ კვლავ იკითხა: „რა გვარი მოწყობილობისააო?“ — თავი რკინისა აქვს, ტარი-კი ხისაო, მიუგეს ხეებმა. მეფემ თავი გაიქნია და ნაღვლიანათ წარმოსთქვა: „ტარი რომ ჩვენთაგანი ჰქონია, ძალიან საშიშო იარაღი იქნებაო“.

ტარი ჩვენთაგანია!.. — გაიმეორა მწუხარედ ვარდანმა;— ჩვენი გამძარცველი, ჩვენი მტანჯველი, ჩვენი დამმონავეებული, ჩვენი გამათახსირებელი და ჩვენი სახლის დამქცევი იარაღის ტარი ჩვენივე სომეხთაგანია. თომას-ეფენდები, სოფლის მულთეზიმიდან მოკიდებული, ვიდრე ბრწყინვალე პორტის სომხის ბობოღებამდინ, მტრის ხელში სულ ამ გვარი ტარები არიან. ამ გვარი წყეული, დამღუპველი ტარები სომხეთის ისტორიის არც ერთ ხანას არა ჰკლებია. ჩვენი ისტორიის გადათვალთვრების დროს თუ შეხვდეთ, რომ სამშობლო და ერი მტრის ხელში ჩავარდნილიყოს,—იციოდეთ, შიგ სომხის ხელი ერევა. თუ ნახოთ, რომ სომხის მეფე ტახტიდან გადმოგდებულიყოს და მისი კვერთხი უცხო ხელში გადასულიყოს,— იციოდეთ შიგ სომხის ხელი ერევა; როცა შეხვდეთ, რომ სომხის მეფე ღალატით გაეძევებინოთ და მისი სატახტო ქალაქის კარები მტერს ღია დახვედროდეს,—იციოდეთ შიგ სომხის ხელი ურევია; როცა შეხვდეთ, რომ სამშობლოს მიწა სომხის სისხლით მორწყულიყოს, ადგილ-საცხოვრებელი ცეცხლს გაენადვურებინოს და მცხოვრებნი ტყვეთ წაეყვანოთ,—იციოდეთ შიგ სომ-

ხის ხელი ურევია; როცა შეხვდეთ, რომ სარწმუნოებისა, ეროვნობისა და წმინდა ეკლესიის ღალატი მომხდარიყოს,—იცოდეთ შიგ სომხის ხელი ურევია... ერთი სიტყვით, ყოველ ჩვენს უბედურებას, ყოველ ტანჯვა-ვაებას და მტრისგან მოყენებულ ძალმომრეობა-მტარვალობას ტარათ ჩვენივე სომეხი ჰქონია ვაკეთებელი. სომეხი თვითონვე ანგრევს თავის ეროვნულ საძირკველს, თავის ხელითვე ანადგურებს თავის წმიდათა-წმიდას და ყოველ გვარ ეროვნულ ძვირფას განძს... სხვას რაღათ ვამტყუნებთ?

ჰაირაპეტა და აპო ღრმა მწუხარებით უგდებდნენ ყურს. ბოლოს ჰაირაპეტამ ჰკითხა:

— მაშ ჩვენი იმედები მთლათ დაინთქა?.. მაშ დაწყებული შენობა ისე ჩაგვეშალა, რომ მიწას აცილებაც-კი ვერ ეღირსა?...

— თითქო წინასწარმეტყველის წინათ-გრძნობა ჩამძახოდა, იმთავითვე ვგრძნობდი, რომ საქმე ამით დასრულდებოდა, და სხვა რომელიმე შედეგის მოლოდინი ნამდვილი სისულელე იქნებოდა, მიუგო ვარდანმა.— თვით ბ. სალმანიც-კი ყოყმანში იყო და დაწყებული საქმის კეთილი ნაყოფის მოლოდინი სავსებით არა სწამდა. სიტყვა-სიტყვით მახსოვს მისი უიმედო სიტყვები, როდესაც იმედებით აღსავსე ახალგაზდა მეუბნებოდა:— „როცა ხალხის მოძრაობის რაიმე იდეალი მხოლოდ რამდენიმე პირთა ოცნებაა, არ გასაზოგადოებულა და ბრბოს ერთ ნაწილსაც-კი არ შეუგნია, — ერთის დაკვრით განაცარ-მტვერდება, თუ-კი მოწინავე პირები აღარ იქნებიან. გარნა სულ სხვაა უმრავლესობა, ბრბო: თუ ბრბოში რაიმე აზრმა გაიდგა ფესვი, მისი აღმოფხვრა შეუძლებელია“.

— ჩვენაო, — ამბობდა იგი, — ახლა მხოლოდ მთესველთა მოვალეობას უნდა ვასრულებდეთ და არა მომკალთა. სამკალი მომავალ თაობას უნდა დავუტოვოთ“. და აი სწორედ ეს იყო მიზეზი, რომ უკანასკნელ ღროს უფრო მკვიდრის, უფრო ღროისა და მიზნის შესაფერ დაწესებულე<sup>ა</sup>თა დამკვიდრებას შეუდგა, სახელდობრ — სასწავლებლების აგებას. ბ.

სალმანის მოქმედებას მიზნათ აჯანყება არა ჰქონია: მის მოღვაწეობას პირველში უფრო რევოლუციონური ელფერი სდევდა, შემდეგში-კი წინასწარ მომზადების იერი დაეტყო. ერთხელ ისეთი მხიარული ღიმილით მომმართა, როგორც მის გაციებულ სახეზე არასოდეს არ შემინიშნავს: ვარდანო, მიტხრა, — ჩვენ რომ ხალხის განათლების საქმეს ვკისრულობთ, არა რომ ჯერ ჩვენც გაუნათლებლები ვართ, ჯერ ბევრი რამ უნდა ვისწავლოთ, თვით იმავე ხალხისგანაც-კი, რომლის მოძღვრობასაც ჩვენა ვკისრულობთ. ხალხი უდიდესი მასწავლებელია. ყოველ მის გარდმოცემა-თქმულებაში უსაზღვრო სიბრძნე იხატებაო. აბა მოისმინეო, მიტხრა, ჩვენი და ოსმალების დამოკიდებულებას ხალხი როგორ ახასიეთებს: „ძალღს დაუმეგობრდი, მაგრამ ჯოხს-კი ხელიდან ნუ გააგდებო“. მართლაც ეს არაკი უმთავრესს საშუალებას შეიცავს, თუ მაჰმადიანებთან როგორი დამოკიდებულება უნდა ვიქონიოთ. ოსმალები მკბენარნი არიან: ჯოხი ყოველთვის ხელთ უნდა გვეპყრას, რომ მათმა ბასრმა კბილებმა არაფერი გვავნონ. და აი სწორეთ ეს იყო მიზეზი, რომ ბ, სალმანი სულ იმის ცდაში იყო, ხალხი შეეიარაღებინა და თავის დაცვის ფარგალში ჩაეყენებინა.

ვარდანის ლაპარაკს ჰაირაპეტა და აპო დიდის ყურადღებით ისმენდნენ. საკუთარი წყლული დავიწყებოდათ, დავიწყებოდათ ის მწარე ხვედრი, რომელიც მეორე დილით მოელოდდათ, და მთლათ საზოგადო წყლულების ფიქრს მისცემოდნენ. მართალია, ბ. სალმანისაგანაც ბევრჯელ გაეგონათ ამ გვარი აზრები, მაგრამ ასე საფუძვლიანათ-კი არასოდეს არ შეუუგნიათ.

ვარდანი ხომ მთლათ მკვერ-მეტყველებათ გარდაქცეულიყო; თითქო საპყრობილეს აღუფრთოვანებიაო, დაუყენებლივ ლაპარაკობდა. მთელი თავისი სიცოცხლის განმავლობაში ციხეში მრავალჯერ მჯდარიყო, მაგრამ ციხიდან მუდამ ნაღვლიანი შთაბეჭდილება გამოუტანია; ეხლა კი ფითქო უხაროდა, რაღაც კმაყოფილებასა გრძნობდა. იმ დროს იგი, სასიკვდილოთ გამზადებულ ტუსაღს მოგაგონებდათ, რომელიც სასიკვდილო



ბოძზეა აღმართული, მალლიდან უსამართლო ქვეყანას ღრმა მწუხარებითა და ზიზლით გაჰყურებს და ბოროტ, უგულო ადამიანთა ქკუა-მოკლეობას დასცინის, თან-კი გუნებაში გაიძახის: „აი მთელი თქვენი ძალა! ამაზე მეტი ხომ აღარაფერი შეგიძლიათ?!.. თქვენ მხოლოდ ჩემს სხეულსა ჰკლავთ, მაგრამ ჩემი დათესილი ფიქრებისა და აზრების მოკვლა-გაქრობა-კი არ შეგიძლიათ...“

—„ძალს გაუმეგობრდი, მაგრამ ჯოხს-კი ხელიდან ნუ დააგდებო!“... განაგრძო ვარდანმა.—ცხოვრების ამ გვარი ვითარება ელ-ქაჯებსა ჰბადებს ხოლმე — ჩემისთანა ელ-ქაჯებს (ЧУДОВИЩЕ)... ჩემო მეგობრებო, თქვენ, უეჭველია, ისეთი არაგგონივართ, როგორიც ნამდვილათა ვარ. მაგრამ რადგან შესაძლებელია ამის მეტათ ველარ შეგვხვდეს ლაპარაკი (ვინ იცის რა მოგველის!), ამიტომ ყური დამიგდეთ. მე იმ ადამიანთა რიცხვს ვეკუთვნი, რომელნიც ავის ავით მიწყყას პატარაობითვე ეჩვევიან. ჩემი ხელები მრავალჯერ შეღებილა ადამიანის სისხლით, მაგრამ უდანაშაულოს სისხლით კი—არასდროს. ერთხელ სასულიერო წოდებათა რიცხვშიაც ვიყავი შერიცხული, მაგრამ დაბადებიდან (ბიბლია) მხოლოდ ეს ვისწავლე: „თვალი თვალისა წილ და კბილი კბილისა წილო“. როცა ამოვიკითხე, რომ იელოვას წინასწარმეტყველმა, მამულის სიყვარულით გატაცებულმა მოსემ ურიის მტანჯველი ეგვიპტელი მოკლა და მისი გვამი ნილოსის ლაშში დაფლავა,—გული განუსაზღვრელი ზიზლით ამევსო და წყველა-კრულვას ვუთვლიდი ამ ერებს, რომლებიც სომხებს ისევე სტანჯავდნენ, როგორც ეგვიპტელნი-ურიებს. როცა ამოვიკითხე, რომ იელოვას წინასწარმეტყველმა მოსემ რამდენიმე უცხო ტომი გაანადგურა, ვიდრე აღთქმულ ქვეყანას უცხოელთაგან გაანთავისუფლებდა და ზედ ისრაელის შვილებს დაასახლებდაო,—ვიფიქრე: ასევე უნდა მოვექცეთ ოსმალებს, ქურთებსა და ჩერქეზებს, რომელნიც ჩვენ მამა-პაპათაგან ნაანდერძევ მიწა-წყალზე გაბატონებულან-მეთქი. ეს იგივე ბუნების კანონია, რომელსაც ბ. სალმანი მცენარეთა მაგალითებით გვიხსნიდა. მცენარეთა



ერთი მოდგმა მეორესა სჩაგრავს, სულს უხუთავს და სპობს და მის ადგილს თითონ იკერს. თუ არ გვინდა, რომ ამ არსებობისთვის ბრძოლამ დედა-მიწის პირიდან აღგვეავოს, წინა-აღმდეგობის უნარი უნდა გვექონდეს; ამ თვისებას, ამ უნოსა და უნარს სახელათ თავის დაცვა ეწოდება. ბ. სალმანის უმთავრესი მიზანიც სწორეთ ის იყო, რომ ხალხს ეს თვისება შეესისხლ-ხორცებინა.

— ეს თვისება მე აღრევე შევითვისე. იქნება მორალისტმა უზნეო, სისხლის მსმელი მხეცი მიცოდოს, ღვდელმა კიდევ — ცოდვილი დამიძახოს, — მაგრამ არაფერია, დეე რაც უნდათ, ის მიწოდონ, მე მაინც ისე მოვიქცევი, როგორც ცხოვრება მოითხოვს. მაგრამ თუ ოდესმე ადამიანები ბოროტ-მოქმედებას დაეხსნებიან, ქვეყნადაც მშვიდობიანობა და ქრისტიანული ძმობა-სიყვარული დამყარდება, მაშინ მზათა ვარ ყველაფერი დავივიწყო, ყველაზე გულ-კეთილი შევიქნე და ჩემი ღღევანდელი მტრები ძმურათ გადავკოცნო...

ასე და ამ გვართ ჩვენი ტუსაღნი ჯერ კიდევ დიდხანს საუბრობდნენ, ვიდრე ჭრაქში ჩასხმული ზეთი გამოიღეოდა. რამდენსამე წუთს კიდევ ციმციმებდა, შემდეგ შიშხინი დაიწყო და კიდევ ჩაქრა. ციხე-ბელელში კუმეტი სიბნელე გამეფდა.



სწორეთ იმავე ღამეს, რა ღამესაც ვარდანი, ჰაირაპეტა და აპო ციხე-ბელელში ფილოსოფოსობდნენ, უბედური მამულის უბედური ხალხის ჭირ-ვარამს მოსთქვამდნენ, — თომას-ფენდი სოფლის მღვდელ ტერ-მარუქასთან გაბრტყელებულიყო; ვახშამი გაეთავებინა და სიამოვნებისაგან სახე გაბწყინებული ტერტერას ემასლაათებოდა.

ეს სწორეთ ის ტერტერა იყო, რომელმაც ბ. სალმანს იმდენი უსიამოვნება მიაყენა; ეხლა-კი მისი დაღუპვის ამბავი აწუხებდა, მაგრამ აწუხებდა არა იმიტომ, რომ ერთი შესა-

წიშნავი პირი საზოგადო სამოღვაწეო ასპარეზს უნდა ჩამოშორებოდა, არამედ—საზოგადოთ ყოველი სომხის დაღუპვა სამწუხაროთ მიაჩნდა. ტერ-მარუქა ბოროტი კაცი არ იყო, და თუ მოძრაობას ეწინააღმდეგებოდა და ბ. სალმანის სასწავლებლების დაარსების საქმესაც ხელს უშლიდა, ესეც მხოლოდ გულკეთილობით მოსდიოდა, რადგან მავნებლათ მიაჩნდა.

ვიდრე მღვდლათ ეკურთხებოდა, იგი ერთი უბრალო გლეხი ყოფილიყო, ცოტათ თუ ბევრათ წერა-კითხვა ბავშვობისას წმ. იოვანეს მონასტერში ესწავლა. მიწათ-მოქმედება, ანუ სოფლის მეურნეობა ვერ მოუხდა, გაღარიბდა და ბედის საძიებლათ უცხო მხარეს მიმართა. არც თუ ბედის შაძიებლობამ შესძინა რამე. ბევრი იარა, ბევრს საქმეს მოჰკიდა ხელი, მაგრამ ყველგან საქმე ცუდათ წაუვიდა, ბოლოს ვანში ამოჰყო თავი, ყავა-ხანა გახსნა, მაგრამ, რადგან აქაც საქმე ცუდათ წაუვიდა, უგროშ-კაპეიკოთ სამშობლოშივე დაბრუნდა. ცხოვრებისთვის რომ სხვა საშუალება ვერაფერი იპოვა, ტერტერათ ეკურთხა.

იმ ღამეს მღვდელთან სოფლის შესანიშნავი პედაგოგი სიმონა დიაკვანიც იყო დაპატიჟებული, როგორც სახლის სიძე-ბატონი. სიმონა თავის თავს დიდ სწავლულათ სთვლიდა (ღვთის წინაშე, სოფლელნიც ამავე აზრისანი იყვნენ) და თავი უფრო იმითი მოჰქონდა, რომ ტერტერას სიძე იყო.

სალაპარაკო საგნათ მოხუც ხაჩოს სახლში მომხდარი ამბები გამხდარიყო. ამ ამბავმა მთელს სოფელს თავხარი დასცა და უფრო მეტათ-კი ტერტერა სწუხდა.

—„ვირი ფიქრს უნდება, ცხენი-კი შეექცევაო“, ნათქვამია, შამაო, განაგრძო ეფენდიმ წუთის წინ გაწყვეტილი ლაპარაკი.— ქვეყნის წესი სულ ასეთი ყოფილა და ასეც იქნება. რაც რომ ღმერთს დაუდგენია, ადამიანი ვერ შესცვლის. ღმერთს ერთი ბატონათ გაუჩენია, მეორე—მუშათ. ერთი ფიქრსა და შრომას უნდება, მეორე-კი სკამს. სომეხი შრომას არის დაჩვეული, ოსმალთა და ქურთი-კი კამას. მშრომელი, მომგები რომ არ იყოს, მჭამელი ვერ იცხოვრებდა. აგრეთვე მჭამელი რომ არ

იყოს, მშრომელიც ვერ იცხოვრებდა. ოსმალები და ქურთები ხმლით გვიფარავენ, ჩვენ-კი იგინი ჩვენი შრომით უნდა შევიწინახოთ. ღმეტს ოსმალოსთვის ხმალი მიუცია, სომხისთვის - კი გუთანნი, ამიტომ ერთი მეორის ადგილს ვერ დაიჭერს.

— ეგ მართალია, ეფენდი, — მიუგო მღვდელმა და თან პირჯვარი გამოისახა, — უფალი ჩვენი იესო ქრისტეც წმინდა სახარებაში სწორეთ მაგასვე ბრძანებს: თუ ღვთის ნება არ იქნება, ხიდან ფოთოლიც-კი არ ჩამოვარდება; მის უნებლივ თავზე ერთი თმაც არ გათეთრდება, — ყველა მისი ნებაა.

— მართალია, სრული ქეშმარიტებაა... დაადასტურა სიმონა დიაკვანმა პირჯვრის წერიტვე.

ლაპარაკი ახლა ომიანობისა გამო გლახთა საშინელ ძარცვა-რბევაზე ჩამოვარდა. მღვდელი არსებულ ძარცვა-გლეჯას საკუთარ ანგარიშების თვალთა ხედვის ისრითა ზომავდა და ამიტომ დაიჩივლა: მთავრობის გადასახადები ისეა გაძლიერებული, რომ გლეხის მთელი შემოსავალი ძლივს ასდის და თუ რამ გადარჩება, იმასაც ქურთები სტაცებენო, — ამიტომო, განაგრძო ამოოხვრით, — ჩემი შემოსავალი ძალიან მცირეა; ხშირად ქორწილისა, ნათლობისა და დამარხვის წესს ისევასრულებ, რომ ჩემ ჯიბეში ერთი ფარაც კი არ ჩადის. გლეხები მპირდებიან — შემდეგ მოგცემთო, მაგრამ ან მოცემის სახსარი არა აქვსთ, ან კიდევ მატყუებენ; ეს არის მიზეზი, რომ ბევრი ნისია მაქვსო. ახლა კი გადავსწყვიტე, რომ ამის შემდეგ არც მოვნათლო, არც ჯვარი დავწერო და არც დავმარხო, ვიღრე ფულს არ ჩამაბარებენ, რადგან მეც აღამიანი ვარ და ცხოვრება მეჭირვებაო.

— მამაო, — მიუგო ეფენდიმ საქმის მცოდნე კაცის კილოთი, — გლეხს თქვენ ჩემსავით არ იცნობთ: „ღმერთს მისთვის ერთი სული მიუცია და ისიც ვეღარ გამოუერთმევია“, მაგრამ როცა მიქელ-გაბრიელი ცელით თავზე დაადგება, მაშინ კი, გაგინახიან, აძლევს. ჩვენც ამ ანდაზით უნდა ვიხელმძღვანელოთ. გლეხი ვიღრე „კურთხეულ ჯოხს“ არ იგემებს, ფულს არ იძლევს. თქვენ ეგ ნისიების ანგარიში დაამზადეთ, ქალალ-

დი მე გადმომეცით, მე კიდევ ერთ-ერთს ზაფხოს გარდაცემ და ის შეგიგროვებს. არავის ნებას არ მივცემ, რომ შენი ერთი გროში შექამოს.

— კურთხეულ იყვენით, ეფენდი, ღმერთმა დიდხანს გა ცოცხლოთ, — მიუგო მღვდელმა, — ანგარიში ახლაც მზათა მაქვს.

— წაიკითხეთ, ვნახო რამდენია.

ტერტერამ უბიდან გამოიღო ერთი გაჭუჭყიანებული, გაქონილ გაპოხილი და გაყვითლებული ქალაღი, რომელიც დიდხანს უბეში ტარებისაგან მთლათ მიფხრეწილ-მოფხრეწილიყო და პირველ ყოფილ ფერსაც გამოსთხოვებოდა. ეს ქალაღი მისი ანგარიშის დავთარი გახლდათ. დავთრის ოთხ გვერდზე მსხვილი ასოებითა და ბრუდე ხელით მღვდლის ნი-სიები იყო ჩამწკრივებული. ქალაღი თვალებთან მიიტანა, წაიკითხვას შეეცადა, მაგრამ, რადგან ვერ შეიძლო, სიმონა დიაკვანს გადასცა და უთხრა:

— დაიქი, დიაკვანო, წაიკითხე, თორემ თვალთ აღარ მიჭრის.

სიმონა დიაკვანმა დავთარი ჩამოართო, რამდენჯერმე ჩაახველა, თანაც კისერი მოიფხანა, შემდეგ წელში გაიმართა, თვალებთან მიიტანა და ისეთის მჭევრმეტყველური კილოთი წაიკითხა, თითქო ეპისტოლესა კითხულობსო.

— „კოჭლ მუკოს ქალი მოვენათლე, ფული დარჩა 5 ყურუში; ერთი კვირის უკან ქალი გადაეცვალა, დავმარხე, ფული დარჩა 7 ყურუში. ხულოს ბიქს ჯვარი დავწერე, ფული დარჩა 10 ყურუში; მივიღე 30 კონა ბალახი, დაიქერს 3 ყურუშს. ფანოს ცოლი რომ ავათ იყო, წაველი სახლში, სამი თავი სამკურნალო სახარება წავეუკითხე, ფული დარჩა 3 ყურუში. საგოას ბიქს წყლიდან ჯვარი ამოვალებინე (წყალ-კურთხევის დღეს), ბარსოა 30 ყურუშს იძლეოდა—მე ამომალებინეო; საგოას ვუხათრე, 20 ყურუშათ მოვეურიგდი, ფული დარჩა 20 ყურუში; მითხრა კალოობას ხორბალს მოგცემო, მიველი და ვთხოვე, მაგრამ არ მომცა,—გზირიც მოწამეა“...

ასე და ამ გვარად ერთი გაუთავებელი ისტორია იყო გაჭიანურებული. სისწორით რომ ვთქვათ, ეს დავთარი მარტონისიების დავთარი არ იყო: იგი ნამდვილი სარკე იყო მღვდლის რამდენიმე წლის მოღვაწეობისა; მართალია რიგზე ვერ იყო დაწყობილი, მაგრამ მაინც საკმაო საბუთებს შეიცავდა იმისას, თუ სოფლის მღვდელი რა საქმეშია გართული.

— რიგიანი ანგარიშია, — სთქვა ეფენდიმ და კითხვა გააწყვეტინა, რადგან მოთმინება წაერთო. — მამაო, როგორც გითხარით, ეგ ანგარიში მე გადმომეცით, მთელს შევაკრებინებ. ნ... შენის სოფლის გლეხებიც მაგრე აგვიანებდნენ სამონასტრო „ნაყოფს“ (ღალა), თავის დროზე არ აძლევდნენ; არქიმანდრიტმა წერილით მომმართა — შემიკრიბეთო, მაშინვე დავგზავნე ჩემი ზაფთები და ერთს დღეში მთელი შევაკრებინე; შემდეგში მონასტრისგან ლოცვა-კურთხევა მივიღე.

ნისიების ამგვარ საშუალებით მოკრება ტერტერამ კანონიერად დაინახა, ეფენდის წინადადება სიხარულით მიიღო, კვლავ მადლობა გადაუხადა და მისი ძვირფასი სიცოცხლეც ლოცვა-კურთხევით მოიხსენია.

გარნა რა იყო მიზეზი, რომ ეფენდიმ ამგვარი საქმის შესრულება იკისრა? იგი იმგვარ კაცთაგანი იყო, რომ თუ არა რაიმე მუხანი, ანუ გამოორჩომა, ამგვარ სიკეთეს არავის უზამდა. მაშ ეხლა რაღამ აიძულა იმდენი გულ-კეთილობაც კი ეხმარა, რომ შეჰპირდა — შეათედს არ ავიღებო, იმ შეათედს, რომელიც ოსმალეთში კანონიერ გარდასახადათ ითვლება, როდესაც რომელიმე ვალი მთავრობის მოხელის ბრძანებისამებრ ნაღდდება.

— მამა აბრამის ლოცვა-კურთხევა იყოს თქვენზე, ეფენდი, ღმერთმა გაგაძლიეროთ, — უთხრა მღვდელმა, როდესაც უკანასკნელი დაპირება მოისმინა.

ნისიების ერთი ამგვარი დავთარიც სიმონა დიაკვანსა სდებოდა უბეში; იმასაც ჰქონდა თავის შეგირდებისაგან მისაღები ნისიები და აზრად ჰქონდა ანგარიში ეფენდისთვისვე გარდაე-



ცა. მაგრამ სიმამრმა — მღვდელმა — ყურში წასჩურჩულა: „მოიცა, ჯერ ჩემი შეაგროვოს, შენი შემდეგისთვის იყოსო“...

ტერ-მარუქას ოჯახი რიცხვით ძლიერ პატარა იყო; მისი ერთათ-ერთი ვაჟიშვილი გარდაცვლილიყო და ცოლი და ორი ბაღლი დარჩენოდა. რძალი მეორეთ აღარ გათხოვილიყო, მამათილის სახლში დარჩენილიყო და თავის უმადურ სიცოცხლეს ბავშვების აღზრდასა სწირავდა. თითონ მღვდელი დიდი ხანია დაქვრივებულიყო და სრულიად განმარტოებულ ცხოვრებას მისცემოდა.

ხსენებულ ღამეს რომ რძალი ვახშმის მირთმევას მორჩილიყო, თავის ავადმყოფ შვილს მისჯდომოდა და მის მოვლაში იყო გართული. საბრალო დედაკაცი ბავშვის საწოლთან შიმჯდარიყო, ავადმყოფის ფერ-მკრთალ სახეს მწარე სევდით დაჰყურებდა, გახურებულ შუბლსა და მაჯებს ჩქარ-ჩქარა უშინჯავდა და თან მის მძიმე სუნთქვას ყურს უგდებდა. ამ ბავშვის ყურებით თვალ წინ იყენებდა იმის სურათს, რომელიც გულით ჰყვარებოდა; დაკარგული ქმრის ნუგეშს უბედური იმ ბავშვში ჰპოვებდა და დარდასა თუ ვარამსაც მითი იქარვებდა. მთელი ყურადღება მაზედ ჰქონდა მიპყრობილი, ამიტომ სრულიად არაფერი ესმოდა, რასაც სახლში ლაპარაკობდნენ: ერთიან მშობლიურ გრძნობათა და სიბრალულათა გარდაქცეულიყო და თვალ წინ მარტო ავადმყოფს ბავშვს-ლა ხედავდა.

ეფენდის დანაპირებით გახარებულმა მღვდელმა მოისურვა, რომ მხიარულებისთვის უფრო მეტი სიცოცხლე მიეცა, რძალს უბრძანა, გამოჟურჯული ბოთლი კვლავ არყით აევსოდა, გარდა ამისა, „მაზაც<sup>\*)</sup>“ მოემზადებინა. მართალია, ვახშმში კიდევ გაეთავებინათ, მაგრამ ადგილობრივ ჩვეულებათა მიხედვით, საპატიო სტუმრის განსაკუთრებული პატივისცემა იმაში გამოიხატებოდა, რომ სმა ვახშმის უკანაც გაგრძელებულიყო.

\*) „მაზა“ ევრედ წოდებულ „დესერტსა“ ნიშნავს, ანუ ჩაროზს, რომელსაც გამხმარ ხილულისგან ამზადებენ.

რძალი ისე იყო აღშფოთებული, რომ მღვდელს ორჯელ განმეორება დასჭირდა, ვიდრე გააგონებდა, რასაც თხოულობდა. არყის შოვნა ძნელი არ იყო, ვინაიდან ეს საგანი ტერტერას სახლის განუშორებელ სტუმარს წარმოადგენდა; რძალი მა შუშა მაშინვე გაავსო. მაგრამ „მაზა“ რილათი უნდა მოემზადებინა? სახლში ტკბილეული არაფერი მოიპოვებოდა. ამის გამოაშკარავება-კი, სხვა არა იყოს-რა, სირცხვილათ მიაჩნდა. სომხის სახლში სტუმრის დასახვედრად ყველაფერი უნდა იპოვებოდეს. ცოტა ხნის ფიქრის შემდეგ გადასწყვიტა სასესხებლად მეზობელთან გასულიყო.

გარეთ საშინელი სიბნელე სუფევდა, თან კოკისპირული წვიმა ასხამდა. საბრალო დედაკაცი ეზოში გავიდა, ნიაღვარი გატოპა და ბანზე ავიდა, რომ მეზობლისას გადასულიყო. ამ დროს საშინელი რახა-რუხი შემოესმა, მეზობლის კარებს არახუნებდნენ, ოსმალურათ რაღაც მუქარას უთვლიდნენ და უბრძანებდნენ კარები გაეღოთ; შიგნიდან კი ძალზე ფიციებოდნენ, რომ ვისაც დაეძებთ, აქ არ არიანო... ვის დაეძებდნენ? ან ეს რა ჯურა ოსმალეები იყვნენ, რომ ასე უდროვოთ სომხის სახლში შევარდნასა ცდილობდნენ?

ამ ჟღავი-ჟღუვზე ზულო (ტერტერას რძლის სახელი ზულო იყო) ძალზე შეშინდა; ვედარც მეზობლისას გადასულიყო, ვედარც უკან მობრუნებულყო, უძრავად იქვე ბანზე გაჩერდა. ამ დროს რაღაც ჩურჩული შემოესმა; მოჩურჩულეთ ეტყობოდათ, რომ ბანის კიბეზე ამოდიოდნენ და არ იცოდნენ, რომელ მხარეს გაქცეულიყვნენ.

— წყნარად, სტეფანიკ...

— საით წავიდე, სარა?..

ზულომ მაშინვე იცნო, ვინც იყვნენ. როცა ნახა, რომ ეს საბრალონი შველას საჭიროებდნენ, გული მიეცა და შიშის სადღაც გაუქრა. მოხუც ხაჩოს სახლში მომხდარი ამბები ზულოსაც გაეგო. კარგად იცოდა, რომ იმ სახლის რძლები და ქალიშვილები სხვა-და-სხვა სახლებში უნდა ყოფილიყვნენ გახიზნულნი. ეხლა კი, როგორც ჩანდა, იმათ დაეძებდნენ ოსმა-

ლები. რათა, რა აზრით? — ამასაც მიხვდა... მაშასადამე ქუჩაში რომ ოსმალები იყვნენ და გახელებული კარებს არახუნებდნენ, სწორეთ იმ ჯარის კაცთაგანნი უნდა ყოფილიყვნენ, რომელთაც მოხუცის შეილები დაატუსაღეს.

ცოტა ხნის შემდეგ სარა და სტეფანიკა მღვდლის სახლის ბანზე იყვნენ და, თითქო მონადირეთაგან გაწვალებული, ალყა შემორტყმული და გზა-კვალ არეული ირემიაო, არ იცოდნენ, რომელ მხარეს გაქცეულიყვნენ. წვიმა-კი ისევ კოკიპირულათ ასხამდა. სოფლის გლეხებს სახლის კარებზე ჩაერაზნათ და ღრმა ძილს მისცემოდნენ. შუალამე კარგა გადასული იყო.

უცებ ძალზე გაიეღვა და მის წამიერ სინათლეს საშინელი ქუხილი მოჰყვა. ელვის შუქზე ზულოს აჩრდილი გამოჩნდა. სტეფანიკამ რომ ეს აჩრდილი შენიშნა, იფიქრა, ოსმალთაგანი იქნებაო, შიშისაგან თავ-ბრუ დაესხა და სარას გულზე შეესვენა. ზულომ აღარ დაახანა, მიუახლოვდა და უთხრა:

— მე ვარ, ნუ გეშინიათ!

— ოჰ, ზულო, შენა ხარ?! მიუგო სარამ ცახცახით, — თუ ღმერთი გწამს, სადმე დაგვმალე, თორემ ახლავ დაგვიჭერენ... გაგვიტაცებენ!..

ზულო გაშტერდა და არ იცოდა, რა მოეგვარებინა. ეს საბრალონი სად უნდა წაეყვანა ან სად უნდა დაემალნა? შინ საექვო სტუმრები ეგულებოდა ამ გვარ ლტოლვილებს ძნელათ თუ მღვდელი მიიღებდა. მიუხედავათ ამისა, იფიქრა ზულომ, ამ საბრალოებს რითიმე უნდა დაეხმარო. კარგათ იცოდა, რა უპატიურებაც მოელოდდათ, ოსმალებს რომ ხელში ჩაეარდნოდნენ. მეორე მხრით-კი საშინელი პასუხის გება მოელოდდა, სამალავი ადგილი რომ მიეცა იმ დამნაშავეთათვის, რომელთა დანაშაულიც მხოლოთ იმაში მდგომარეობდა, რომ ქალებათ დაბადებულიყვნენ... დიალ, ყველა ეს კარგათ იცოდა, მაგრამ სიბრალოლმა მაინც დასძლია შიში და ყოყმანი, მოახლოვებულმა განსაცდელმა-კი შევლისა და ხსნის საშუალება გამრანახვინა.

— წავიდეთ, თქვა ზულომ და სტეფანიკას ხელი მოჰკიდა. მაგრამ რადგან საბრალო ქალი ჯერაც გონს ვერ მოსულიყო, ამიტომ ორივემ ხელი მოსქიდეს და თითქმის აყვანილი წაიყვანეს.

ბანიდან ძირს ჩამოვიდნენ. საშინლათ ბნელოდა, თვალში თითი რომ ეტაკებინათ, ვერაფერს დაინახავდით. უცებ გაისმა საშინელი რახვანი, რომელიც წვიმისა და ქარის ხმაურობამ მაშინვე შთანთქა. როგორც ეტყობოდა, ოსმალებს მეზობლის კარები შეემტვრიათ.

ტერტერას სახლს გვერდით ერთი საბძელო ჰქონდა მიდგმული, რომელსაც ეზოდან კარები ჰქონდა დატნებული; ზულომ ლტოლვილნი სწორეთ იქ დამალა. საბძელოში თივა ყოფილიყო და სტეფანიკა და სარა შიგ ჩაიმაღნენ.

კიდევ დაგხედავთ, უთხრა ზულომ, საბძლის კარები გამოკეტა და გამობრუნდა.

წვიმის ხმაურობისა გამო ტერტერამა და მისმა სტუმრებმა გარეთ მომხდარი ამბისა ვერაფერი შეიტყეს. ზულომ კი არაფერი შეატყობინა. მხოლოდ ტერტერას მიუახლოვდა და ყურში წასჩურჩულა, რომ მეზობლებსა სძინავთ, ამიტომ „მაზას“ მოსამზადებლათ ვერაფერი ვიშოვნეო.

— მე თითონ ვიპოვნი რამეს, სთქვა მღვდელმა და წამოდგა; საკუქნაო ოთახში გავიდა და იქაურობას ქოთება დაუწყო.

ეფენდიმ ამ გარემოებით ისარგებლა, ზულოს მიუახლოვდა და ჩუმათ უთხრა:

— შენ თითონ „მაზა“ ხარ... სხვა „მაზა“ რაღათ გვინდა? სიმონა დიაკვანი ისე ჩამთვრალიყო, რომ ვერაფერი გაიგო. ეფენდის უზნეობით გაბრაზებულმა ზულომ-კი პასუხათ უთხრა:

— აი შე ლირფო, უსირცხვილო, შენა!..

სომხის დედაკაცი ყოველ გვარ შეწუხებას, ყოველგვარ უსამართლობას უჩუმდებდა, ითმენს, მაგრამ როდესაც მის ზნეობასა და პატიოსნებას შეეხებიან, მაშინ-კი მოთმინება ეკარგება. გაწიწმატებული ზულომ გამოშორდა და ავადმყოფ შვილს

გვერდით მოუჯდა; შვილს გამოლოცებოდა, ცოტა არა დაშვილებს ეტყობოდა. დედა რომ დაინახა, უთხრა:

— დედილო, თოროსასა სცემე, კოჭებს მართმევს.

თოროსა ავადმყოფის უფროსი ძმა იყო, უეჭველია, ავადმყოფს სიზმარში ენახა, რომ კოჭებს ართმევდა.

დედამ დასამშვიდებლათ უთხრა:

— აი, ჩემო თვალის სინათლევე, თოროსამ კოჭები უკანვე დაგიბრუნა! უყურე, შვილო, აი აქ არის.

დედამ ლეიბის ქვეშიდან ბავშვის კოჭები გამოიღო და ხელში მისცა. ბავშვმა მისუსტებული ხელებით თამაშობდა დაუწყაო. დედა სიხარულით შეჰყურებდა. ეფენდის შეურაცხება სადღაც მიმალულიყო, ყველაფერი დავიწყებოდა, რადგან საყვარელ ბავშვს უკეთესობა ეტყობოდა. გარნა ამ გვარმა მდგომარეობამ დიდხანს არ გასტანა, საბრალო დედა ახლა სხვა უსიამოვნებამ დააღონა. ტერტერას საკუქნაო ოთახი მთლათ აქოთებინა, მაგრამ შენახული საგანი მაინც ვერ ეპოვნა; ამიტომ ზულოს მიუახლოვდა და ჰკითხა, რომ საკუქნაოში შაქარი მქონდა შენახული და აღარსადა სჩანსო. რძალმა უპასუხა: მე ავიღე და, რადგან იმდღეს ბავშვს დიდი სიცხე მქონდა და გამოსანელებელი სასმელი უნდა დამეღვეინებინა, შარბათი მოვუმზადე და ის დავალევინეო.

— აი შხამი და ნაღველიმც დაუღვევია!... შეჰყვირა გაცეცხლებულმა სულის მამამ.— არ იცოდი, რომ შაქარი სტუმრისთვის იყო? აბა, ახლა რაღა ვქნათ?

ზულომ არაფერი უპასუხა, მაგრამ ნაღველიან თვალთაგანკი მწარე ცრემლი ღვარივით ჩამოსქდა.

ნამდვილი რომ ვთქვათ, ტერმარუქა ცუდი გულის კაცი არ იყო, თითქმის გულ-კეთილიც-კი იყო, მაგრამ გულ-კეთილობა უვიცთა ხელში ხშირათ ბოროტებათ გარდაიქცევა ხოლმე. გარდა ამისა, თანამდებობას მისი გული ცოტა არა გაეკაეებინა. რადგან მღვდლები, ექიმები და ჯალათები სამსახურისა გამო მკვდრებს ხშირათ ხვდებიან, სიბრალულის გრძნობაც ნაკლებათა აქვთ. სწორეთ ეს იყო მიზეზი, რომ შვილის-შვილის



ავადმყოფობას უფრო ნაკლებ ყურადღებას აქცევდა, ვიდრე სტუმარ-მოყვარეობის სურვილს, რათა თომას - ეფენდისთან სტუმრისთვის თავი მოეწონებინა, მით უფრო, რომ ნისიების მოკრებას დაჰპირებოდა.

— დედილო, რათა ტირი? ჰკითხა ავადმყოფმა გულმტკივნეულათ და აცრემლებულ თვალებში შეაქქერდა, — ნუ ტირი, დედი, ახლა კარგათა ვარ!

ამ სიტყვებზე დედას დარღები გადაავიწყდა და ცრემლი მოიწმინდა. მშობელს იმაზე მეტათ არა ანუგეშებს-რა, როგორც საყვარელი შვილის ერთი ტკბილი სიტყვა, უმანკო ტიტინი. ზულოს ახლა-კი სტეფანიკა და სარაც გაახსენდა და გაიფიქრა: ოსმალები რომ შემოვიდნენ, მოძებნონ და იპოვნონ, იმ საბრალოებს რაღა ეშველებათო. ამიტოა ჩქარობდა, უნდოდა, რომ სტუმრებს ვახშამი ჩქარა გაეთავებინათ, დაეძინათ და თითონ-კი სარასა და სტეფანიკასთან გასულიყო, მაგრამ აუტანელი სტუმრების ლოთობას ბოლო არ ეღებოდა.

ზულოს უნდოდა ის მაინც როგორმე შეეცყო, მეზობლის სახლის აყალ-მაყალი რითი დაბოლოვებულიყო. ვეღარ მოითმინა; ეს აზრი მოითმინებას უკარგავდა. რაღაც მოიმიზეზა, წამოდგა და მეორე ოთახში გავიდა, რომელსაც „გალტიკ“-ს უწოდებდნენ და რომელიც საკუჭნაოს მაგიერობას ეწეოდა. ეს ოთახი და მეზობლის სახლის ოთახი პატარა ქუჭრუტანით იყო შეერთებული. ამ გვარი ქუჭრუტანები საზოგადოათ ყოველსახლსა ჰქონდა დატანებული და გაჭირვების დროს საქმის გარემოებას ერთმანეთს ატყობინებდნენ. მეზობლისას რომ რამე მომხდარიყო, ქუჭრუტანიდან ხმას მისცემდნენ მეორეს და ასე ამ გვარად მთელსსოფელს შეატყობინებდნენ. ე ქუჭრუტანა ნათესავებისა და ახლო მეგობრის სახლებ შუა უფრო დიდი იყო, ასე რომ შეეძლოთ ერთმანეთში წვრილმანი ნივთები გაეწოდებინათ. ხშირათ რომ ვისმე სპიჩკა შემოაკლდებოდა, ანთებულ ჭრაქებს აწვდიდენ ერთმანეთს.

ზულო ამ ქუქრუტანიდან იცქირებოდა, სახლის ერთ ნაწილს კარგად ჰხედავდა და თან ლაპარაკი მოესმოდა:

— ყველას გაგწყვეტავთ, თუ არ გამოაჩენთ!.. რა იქნენ?.. ჩვენ გვითხრეს, რომ აქ არიანო... თქვენ დაგიმაღავთ... მოგვეციოთ ჩქარა!.. თორემ თქვენ ქალებს წავიყვანთ... იმუქრებოდნენ ოსმალები.

მეზობელი ზაქო კი ფეხ ქვეშ ჩავარდნოდათ და ხვეწნა-მუდარით ეუბნებოდა:

— ღმერთი, ცა და დედამიწა მოწამე, რომ აქ არ არიან... ნუ მომკლავთ!.. აი ჩემი სახლი თქვენ ხელთაა... რაც გინდათ, უყავით...

ეს სანახაობა სწორეთ იმ ამბავს მოგაგონებდათ, რომელიც ძველათ სოდომში მოხდა, როცა ღოვტიას სახლში ქალაქის მაწანწალები მივიდნენ და თხოულობდნენ—თქვენ სახლში მყოფი სტუმრები დაგვანებეთო. გულ-კეთილი მამამთავარი-კი ემუდარებოდა, რომ სტუმრებს ხელს ნუ ახლებთ და სანაცვლოთ, თუ გინდათ, ჩემი ქალები წაიყვანეთო... ისრაელის იელოვა (ღმერთი) გულზვაფი და მაგიერის მიმწყველი იყო და ამიტომ კაცთა ბოროტებაც დასაჯა: უზნეო ქალაქი ცეცხლითა და გოგირდით ამობუფა. სომხეთის ღმერთი-კი გულგრილათ დაჰყურებდა სოდომის ბოროტებაზე უფრო სასტიკს ბოროტებას და ბოროტ-მომქმედთ დაუსჯელათ სტოვებდა...

ზულო შიშის ზა<sup>4</sup>მა აიტანა, ძალზე ცახცახებდა, მაგრამ ცქერასა და ყურის გდებას მაინც განაგრძობდა. უცებ რალაც ბრაგვანი მოისმა და ნახა, რომ ზაქო იატაკზე გაგორდა... ქრაქი ჩააქრეს.. ახლა-კი აღარაფერი სჩანდა, ბოროტ-მოქმედების მფარველი სიბნელე გამეფდა... მარტო ოდენ ხვეწნა-მუდარის ხმა-ლა მოესმოდა: „ვიიმე!.. გამიშვი!.. ნუ მკლავ!.. მოგვეცდები!.. სად მიგყევარ?..“

ეს ხმაურობა ზაქოს სახლის ქალ-რძალთა ოხვრა-ვედრების ხმა იყო...

— „ჩუმათ, საძაგელო!“... ვაისმოდა ოხვრა - გმინვის პასუხათ.

ბ. კვანგულავა

(შემდეგი იქნება)



მ. გორკისა

თარგმნილი ივ. პოლუმორდვინოვის მიერ

მეორე დღეს ილია ხმაჩაკმენდილი დადიოდა ქალაქის ერთ უმთავრეს ქუჩაზედ. ის ეხლა აღარ იწვევდა მუშტრებს თავისი სუფთა, წკრიალა ხმით და ხმა-მალლა აღარა სთვლიდა თავისს საქონელს, მხოლოდ გაბოტებული ჩაჰყურებდა ყუთს და გულში კი უნძრევლივ რაღაც მძიმე და შავი გრძნობა ლოდსავით აწვებოდა. მას სულ მოხუცის გესლიანი და ოლიმპიადას მშვიდი ცისფერი თვალები ელანდებოდნენ; მას ჯერ ვერ დაევიწყა ოლიმპიადას ხელის მოძრაობა, როცა მან ფული გაუწოდა. ხმელს, ყინვიან ჰაერში თოვლის ფერფლები დასცურავდნენ და ილიას სახეს უჩხვლეტდნენ...

მან ეს იყო ამსაათში გაუარა პატარა დუქანს, რომელიც ეკკლესიასა და ვაქარ ლუკინის ვეებერთელა სახლს შუა მიკუნჭულიყო. დუქნის შესავალის ზევით ძველი, დაქანებული თუნუქი ეკიდა, რომელზედაც კიდევ ამოიკითხავდა ადამიანი:

„ფულის დახურდავება ვ. გ. პოლუექტოვი. ვყიდულობ წონით ოქრო-ვერცხლს, ხატების მორთულობას, ძვირფასს რამეებს და ძველ ფულებსა“.

ილიას მოელანდა: როცა ჩამოვიარე და დუქანში შევიხედე, კარების შუშის იქით მოხუცი იდგა და დამცინავი ლი-

\*) იხ. „მოამბე“ მე-12 № რი 1902 წ.

მილით თავისს პატარა თავს მიქანდურებდაო. ლუნევს დუქანში შესვლა და მოხუცის დანახვა მოუხდა. მიზეზიც მალე იპოვნა, — როგორც ყველა მეწვრილმანე, ესეც აგროვებდა ხოლმე ძველ ფულებს და მერმე მანათს ექვს აბაზათა ჰყიდდა. ჯიბეში ეხლაც ბევრი ჰქონდა ილიას ძველი ფული.

ილია დაბრუნდა, გაბედულად შეაღო კარები, ძლივს გაძვრა თავისი ყუთით ვიწრო კარებში და ქუდ-მოხდილი მოხუცს მიესალმა:

— გამარჯობათ თქვენი!

მოხუცი დახლს იქით იჯდა, ხელში ხატი ეჭირა და რილაკით ვერცხლსა ხსნიდა. ამ მუშაობას, როგორც ეტყობოდა, ძალიან გაეტაცნა მოხუცი: მან გაკვირით შეხედა შემოსულს ყმაწვილს, ისევ დაუშვა თავი და უმადურად წაილაპარაკა:

— გმადლობ... რა გინდა?...

— ვერ მიცანიტ? — თითონაც არ იცოდა, რად დაეკითხა ილია.

— იქნება გიცანი კიდევ... რისთვის გარჯილხარ?

— ძველ ფულს იყიდით?

— აბა მაჩვენე...

ილიამ ყუთი გვერდზე მოიქცია და ხელი ჯიბისკენ გაიწოდა, რომ პორტმანი ამოეღო. მაგრამ საკვირველი იყო — ჯიბე ვერ ეპოვნა, რადგან მოხუცის სიძულვილით და რილაკის სურვილით შემოფოთებული ხელიც გულსაწით უცახცახებდა. ხელს აფაცურებდა ჯიბეში და თან მოხუცის პატარა მოტვლებილ თავს ჩასჩერებოდა; ტანში ისე აჟრიალებდა, თითქოს ზურგზე ათასი და ათი ათასი ჭინჭველა დაუტოცავსო.

— გეშველება რამე დროზე თუ არა? — უცბად დაეკითხა მოხუცი გაჯავრებულის ხმით.

— ამ საათში!.. — ძალდატანებით, ჩუმათ წარმოსთქვა ილიამ.

ძლივს მოახერხა პორტმანის ამოღება; შემდეგ დახლს მიუახლოვდა და წამოჰყარა, რაც კი პორტმანში ფული ჰქონდა. მოხუცმა თვალი გადააფლო.



— ეგ არის მარტო? ჰმმ.— მერმე წაატანა ხელი და ფულებს სინჯვა დაუწყო:

წვრილი, გაყვითლებული თითებით აიღებდა, დიდხანს სინჯავდა დაბეჯითებით და ცხვირში ჰბუტბუტებდა:

— ეკატერინესი... ანნასი... ეკატერინესი... პავლეს დროისა... ესეც... ოცდა მეთორმეტე წლისა... მმ... ეშმაკმა იცის ეს რა დროინდელია! წაიღე—ეს არ მინდა, გაცვეთილია სულ მთლად...

— ხომ მაინც ეტყობა, რომ ხუთშაურიანია, — მკაცრად წაილაპარაკა ილიამ.

— სამ შაურად თუ გინდა, ავიღებ...

მოხუცმა გაღუგლო ფული, ხელის ჩქარი მოძრაობით გამოსწია უჯრა და ქექა დაიწყო მასში.

ილია შეჟრჟოლდა: გაყინულ რკინასავით მწვევმა ბრაზმა მოიცვა მთლად მისი არსება, — მან ხელი მოიქნია და მისი მძლავრი მუშტი მოხუცს საფეთქელში მოხვდა. მოხუცი კედელს ეცა, და თუმცა მძლავრად დაეჯახა მას თავით, მაინც იმ წამსვე დახლს ეცა, ზედ გადაეფაფხა და წვრილი გამხდარი კისერი ილიასაკენ გაიშვირა. ლუნვეი კარგათ ჰხედავდა, როგორ უბრწყინავდნენ მოხუცს პატარა, მოლუშვილს პირი სახეზედ, თვალები და ესმოდა მაღალი, მაგრამ ხრინწიანი ჩურჩული:

— შენი ჭირიმე... შენი...

— აა, საძაგელო! — სთქვა ჩუმად ილიამ და ზიზღით წაუჭირა მოხუცს ყელში. წაუჭირა და შეარყია, მოხუცი კი მიეყრდნო მას ხელებით გულში და ხრიალებდა. თვალები გადმოოცვივდა, დაუწითლდა და ცრემლთა ნაკადული გადმოღვარა, მისი ჩაშავებული პირიდან გადმოვარდნილმა ენამ რაღაც საოცარი მოძრაობა მორთო, თითქოს მკვლელს ახელებსო. ილიას მოხუცის თბილი ნერწყვით დაუსველდა ხელები და მოხუცის ქრიტინი და ხრიალი მოესმა. უცბათ, მომაკვდავის ყინულსავით ცივი და დაგრეხილი თითები ლუნვეის კისერს შეეხნენ, ილიამ კრიჭა მოუჭირა, თავი მეორე მხარეს გადინარა და უფრო მძლავრად შეარყია მოხუცის მსუბუქი ტანი. ეხლა ვინც უნდა

მოსულიყო და რა ღონეც უნდა ეხმარა, მაინც მოხუცის სუსტ კისერს ხელიდან არ გაუშვებდა და არ დაზოგავდა მას. ზიზღით, სიძულვილით და შიშით გულში შეჭყურებდა ილია თვის მსხვერპლს და ამჩნევდა, რომ მისი მღვრიე თვალები თან და თან უფრო დიდრონდებოდნენ, მაგრამ უფრო მაგრა უჭერდა კისერში, და იმისდა მიხედვით, რომ მოხუცი უფრო მძიმდებოდა, ილიას გული თან-და-თან უმსუბუქდებოდა და უფრო თავისუფლად ჰგრძნობდა თავსა. დაბოლოს ჰკრა თვის მსხვერპლს ხელი და მოხუცი რბილად დაეშვა იატაკზედ.

ილიამ მხოლოდ მაშინ მოიხედა: დუქანში არავინ იყო და სიჩუმე იდგა; კარებს იქით, ქუჩაში თოვლი ჰბარდნიდა. იატაკზედ, ილიას ფეხ ქვეშ ორი საპნის ნაჭერი, პორტმანი და ერთი ხვევა ძაფი ეგდო. ის იმ წუთსვე მიხვდა, რომ ესენი ჩემი ყუთიდან ამოცვივებულიანო, აჰკრიფა და ისევ ყუთში ჩააწყო. მერმე გადიზნიქა და მოხუცს დახედა: ის დაჭლსა და კედელს შუა ჩამჯდარიყო და თავი ძირს ჩამოჰქინდროდა, ისე რომ ზეიდან მისი ყვითელი კეფა-ლა მოსჩანდა. მხოლოდ ეხლა მოჰკრა ილიამ ღია დახლს თვალი და უეცრად ოქრო-ვერცხლმა და დასტებათ დალაგებულმა ქალღმრთის ფულებმა გაუღიმეს... სიხარულით აცახცახებულმა, აჩქარებით ჩაიქანა მან უბეში ჯერ ერთი დასტა, მერმე მეორე და ზარ დაცემულმა უკან მიიხედა...

ქუჩაზე აუჩქარებლივ გამოვიდა. ჯერ სამი ნაბიჯზეც არ გადაედგა, რომ გაჩერდა, ყუთს ფრთხილად ტილო გადაათარა და ისევ თოვლისგან ჩამობნელებულ ჰაერში შეერია. ირგვლივ ისევე ჩამობნელებულიყო, როგორც მის გულში. ილია ჩასჩერებოდა ამ სიბნელეს, მაგრამ ხშირ თოვლის მოძრაობის შეტს ის ვერაფერს ჰხედავდა. უცბათ თვალებში ტკივილი იგრძნო და როცა შეეხო მას მარჯვენა ხელით, ზარ-დაცემული გაშეშდა, თითქოს ფეხები დედამიწას მიეყინვენო, მას მოხუც პოლუეკტოვსავით ეგონა თვალები გადმომცვივინია შუბლიდან და სამუდამოთ ასე დამრჩებიანო; არასოდეს აღარ დამეხუჭებიან და ყველა ცხადათ დაინახავს მათში კაცის მკვლელს

და ქურდსაო. ისინი თითქოს დახოცილიყვნენ. როცა ეხებოდა მათ ხელით, ტკივილს კი ჰგრძნობდა, მაგრამ დახუჭვით კი ველარა ჰხუჭავდა; რაც უფრო მეტს აკვირდებოდა და მეტს ყურადღებას აქცევდა თვის გარეგნობას, უფრო მეტი ეშინოდა და სუნთქვა ეკვროდა. ბოლოს, როგორც იყო, მოახერხა თვალების დახუჭვა. ის ეხლა სიხარულით სტკებებოდა გამეფებულ სიბნელით და უნძრევლად გაჩერებული ერთს ადგილას ნესტიან ჰაერს ღრმათა სუნთქავდა... შეიძლება დიდი ხანი ყოფილიყო ასე გარინდებული, რომ ვილაცა მგზავრი არ დასჯახებოდა.—გონს მოსულმა ილიამ ფიცხლავ მოიხედა, — მის გვერდით ვილამაც თბილ ქურქში გამოწყობილმა, მაღალი ტანის კაცმა გაიარა. ილია იმ დრომდინ შეჰყურებდა მას უკანიდან, სანამ უცნობი მგზავრი ხშირ თოვლის ფერფლში სრულად არ მიიმალა. მაშინ კი გაისწორა ლუნევა ქუდი და ფილაქნით დაგებულ გზას გაუდგა; თვალეში კი ისევ ისევ ტკივილსა ჰგრძნობდა და თავში სიმძიმეს. მხრები უთრთოდნენ, თითები ნება-უნებლიეთ ეკუმშებოდნენ და გულში კი რაღაც უცნობი თავხედი გრძნობა ებადებოდა, რაც შიშის გრძნობას ჰკლავდა მასში და ანადგურებდა.

ჯვარედინ ქუჩაზედ გავიდა თუ არა, ილიამ პოლიციელს მოჰკრა თვალი და ანგარიშ-მიუცემლათ, ნელის და დინჯის ნაბიჯით მისკენ გასწო. მიდიოდა, მაგრამ გული კი უკვდებოდა...

— რა თოვლია! — წაელაპარაკა ილია, როცა მიუახლოვდა პოლიციელს და თვალეში ჩააჩერა.

— ჰო, ძალიან ჰბარდნის! ეხლა კი, მადლობა შენთვის ღმერთო, ცოტა დათბება! — სიამოვნებით უპასუხა პოლიციელმა. სახე დიდი და წითელი ჰქონდა და ნახევარზედ მეტი წვერებითა ჰქონდა დაფარული.

— რა დროა ეხლა? — ჰკითხა ილიამ.

— ვნახოთ! — პოლიციელმა მკლავიდან თოვლი ჩამოიბერტყა და უბეში შეიყო ხელი. ლუნევს კი ერთის მხრით

თუმცა ეწინოდა, მაგრამ მეორეს მხრით ესიამოვნებოდა ამ კაცთან დგომა. მას უცბათ ხმელი, ძალ - დატანებული სიცილი წასქდა.

— რა გაცინებს?—დაეკითხა პოლიციელი და თან ფრჩხილით საათის თავსახურს დაუწყო ხდა.

— როგორ გაუთეთრებინარ თოვლსა!—შესძახა ილიამ.

— მა რა ხეირს დააყრის ადამიანს ამოდენა თოვლი! ორის ნახევარია ეხლა... ხუთი წუთი უკლია ნახევარსა. გასთოშავს, ძმაო, ყინვა... შენ ეხლა შეხვალ დუქანში და დაგთბება, მეკი ექვს საათამდინ უნდა ვერჯო კიდევ აქა...

შეხე შენი ყუთისთვისაც რამდენი შემოუყრია თოვლი... პოლიციელმა ამოიოხრა და საათს დაჭხურა თავი.

— დიალ, მე კი დუქანში წავალ,—სთქვა ილიამ და ღიმილით დაუმატა:

— აი, სწორედ იმ დუქანში შევალ...

— ნუ კი მაჯავრებ...

დუქანში ილია ფანჯარასთან დაჯდა. ამ ფანჯრიდან ის ეკვლესია მოსჩანდა, რომლის გვერდით პოლუეკტოვის დუქანი იყო. მაგრამ ეხლა კი ჰაერში ისე ირყეოდა თოვლი, რომ აღარაფერი მოსჩანდა. ის იჯდა და თოვლის ფერფლს ადევნებდა თვალს, რომელიც დინჯათ მოსკურავდა ჰაერში და ძირს რომ დაეცემოდა, რაღაც საუცხოვო ქსოვილსავით ეფარებოდა ადამიანთა ნაფეხურებს. მას მძლავრად და აჩქარებულად უცემდა გული, მაგრამ თავს კი თავისუფლად ჰგრძნობდა. ის იჯდა და უაზროთ ელოდა, რითი გათავდებოდა საქმე და შემდეგ რა მოხდებოდა; დრო კი ზღაპრით მიდიოდა...

როცა მოსამსახურემ ჩაი მოუტანა, ილიამ ვერ მოითმინა და ჰკითხა:

— ქუჩაში რა ამბავია... არაფერი?

— ცოტა მოთბა!.. მიუგო აჩქარებულად მოსამსახურემ და გაიქცა; ილია კი ისევ ელოდა და ჰგრძნობდა, რომ დაიღალა და ბურანში მიდიოდა. მან დაისხა ჩაი, მაგრამ არცა სვამდა, არც ინძრეოდა და არც თუ რამეზედ ჰფიქრობდა. მე-

რმე დასცხა უცებ, და როცა პალტოს გასხნა დაიწყო, ნიკაპზე ხელი მოიხვედრა, შეერთა—მას ეგონა ეს ჩემი კი არა, სხვისი მტრული და ყინულსავით ცივი ხელები შემეხნენო. შემდეგ ხელები გაისინჯა და თუმცა სუფთები აღმოჩნდნენ, მაინც გაიფიქრა: ცუდი არ იქნებოდა, რომ საპნით გამებანაო...

— პოლუეკტოვი მოუკლავთ!—დაიყვირა უცებ ვილამაც. ილია ისე წამოხტა, თითქოს ამ შეძახებით ამას დაუძახესო. მაგრამ სამიკიტნოში სუყველაფერი აირია, ყველა კარებისკენ მიეჩქარებოდა, ზოგი ქუდს დაეძებდა, ზოგი პალტოს. ილიამ მაგიდაზედ უზალთუნინანი დააგდო, გადიკიდა თავისი ყუთი და ისეთისავე ჩქარის ნაბიჯით გაჰყვა ხალხსა, როგორათაც ყველანი მიდიოდნენ ახალი ამბის შესატყობათ.

მოხუცის დუქანთან ხალხი შეგროვებულიყო კიდევ. მათ შორის პოლიციელებიც დაძწოდნენ და შეშფოთებულნი ჰყვიროდნენ. სხვათა შორის, ის დიდ წვერა პოლიციელიც იქ იყო, რომელსაც წელან გამოელაპარაკა ილია. ის დუქნის კარებში გაჩერებულიყო, დუქანში არავის უშვებდა და შეშინებულის თვალებით ხალხს შეჰყურებდა და მარცხენა ლოყას ისრისავდა სულა, რომელიც უფრო წითელი ჰქონდა; ვიდრე მარჯვენა. ილია ისეთ ადგილას დადგა, რომ მას დაენახა და ხალხის ყაყანს წაუგდო ყურში. მის გვერდით მაღალი, შავ-წვერა ვაჭარი იდგა და წარბებ მოღუშული, სახის მკაცრი გამომეტყველებით პატარა ტანის მოხუცის ლაპარაკს უგდებდა ყურსა.

— ბიქს, ალბათ, ეგონა ბატონი ცუდათ არისო და პეტრ სტეპანოვიჩთან მისულა და ეუბნება—წამობრძანდით, ბატონი ავათ არისო. ის, რასაკვირველია, იმ წუთსვე გამოქანებულა და მოხუცი კი უკვე მკვდარი დახვედრია! არა, შენ ერთი ეს იფიქრე, რა გაბედულებაა და! შუა დღისას, ამისთანა დიდს ქუჩაზედ... ღმერთო, ღმერთო!..

შავ-წვერა ვაჭარმა ხმა-მაღლა ჩაახველა და ბოხი, მკაცრი ხმით წარმოსთქვა:

— ეს ღვთის განჩინებაა. ალბათ, არ უნდოდა მისგან მონანიების მიღება... და ამისთანა სიკვდილით მოჰკლა...



ლუნევმა ვაჭრისკენ გაიწია, უნდოდა ერთი კიდეც შეეხედა მისთვის სახეში და ამ წინ წაწევაში ყუთი გამოსდო მასა.

— შენ. ეი! — შეჰყვირა ვაჭარმა, ხელის კვრით მოიშორა და მკაცრად შეხედა ილიას: — სად მიძვრები?

და ისევ თავის თანამესაუბრეს მიუბრუნდა:

— ნათქვამია: ბეწვაც კი არ ჩაჰმოვარდება ადამიანს თავიდან უღვთისნებოთაო...

— მაგას რაღა ლაპარაკი უნდა! — თავის ქნევით დაეთანხმა მოხუცი და ნახევარი ხმით და თან თვალის ჩაკვრით დაუმატა: — ეგ ვინ არ იცის? ღმერთი ყველაფერს ჰხედავს, ბევრს ითმენს, მაგრამ ავ-სულს მაინც აღნიშნავს ხოლმე... ღმერთო მაპატიე! ცოდოა ამაზედ ლაპარაკი, მაგრამ გაჩუმებაც ძნელია... ძნელია, დიად, ძნელია!..

— აი, დაიხსომე ჩემი სიტყვა, — განაგრძო სასტიკმა ვაჭარმა, — დამნაშავეს ვერ იპოვნიან... თორემ ნახავ...

ლუნევმა ჩაიკინა. ის ყურს რომ უგდებდა ამ ლაპარაკს, თავისს გულში რაღაც ძალას და ენერგიას ჰგრძნობდა და თავს მამაცათ იგულვებდა. ასე რომ ვისმეს რომ ეკითხნა ეხლა:

— შენ დაახრჩე?

მას ისე ეგონა შეუდრეკლად და დამშვიდებით მიუგებდა:

— დიად, მე დავახრჩეო...

ამ გრძნობით ილია გაძვრა ხალხში და პოლიციელს ამოუდგა გვერდში. იმან გადმოხედა, გაბრაზებულმა წაჰკრა ხელი და დაუყვირა!

— სად მოძვრები? რა შენი საქმეა აქ ყოფნა, ჰა? გასწი, დაიკარგე!

ილიამ წაიბოროძიკა და ვილაცას დაეჯახა. აქ კიდეც ვილაცამ წაჰკრა ხელი და დაიყვირა:

— წაარტყით ერთი მაგას კისერში!

მაშინ კი გამოვიდა ლუნევი ხალხიდან, ეკკლესიის საფეხურზედ ჩამოჯდა და გულში დასცინოდა ყველას. თოვლის კრაქუნსა და ხალხის გუგუნში მას ხშირად მოესმოდა ხოლმე

ცალ-ცალკე წამოძახილი სიტყვები და ზოგჯერ მთელი ლაპარაკი:

— ე, დასწყევლოს ღმერთმა, რაღა ჩემ მორიგეობის დროს მოუხდა იმ ოხერს...

— მაგისტანა წვრილი ხმა არავისა ჰქონდა ქალაქში.— ამბობდა ვილაცა.

— ეოხ...

— თოვლი ჰბარდნიდა... დუქანი ისეც შექუქკენილია სადღაც... რას დავინახავთ? .

— ტყავს აძრობდა ხალხსა, ტყავს... შებრალება არავისი ჰქონდა...

— ეჰ, რაც გინდა იყოს, მაინც ადამიანი იყო,—მებრალება...

— რასაკვირველია... ეგეც შეიძლება კაცმა შეიბრალოს.

— ყველა გაუმადლარია და ხარბი...

— შეხე, შეხე—ცოლი მოუიდა...

— აჰა...

— ეეჰ, უბედური!—ხმა მაღლა ამოიოხრა ვილაცა და ზღვრეჯილმა გლახმა.

ლუნევი წამოდგა ფეხზე და დაინახა, რომ დათვის ტყავ გადაფარებულ მარხილიდან შუა ხანს გადასული სქელი დედაკაცი გადმოდიოდა. ბოქაული და ვილაცა წითელ უღვაშება კაცი ჰშველიდნენ მას მარხილიდან გადმოსვლას.

— ოჰ, ღმერთო, ღმერთო!—გაისმა ჰაერში მისი შეშინებული და აცახცახებული ხმა. სუყველანი გაჩუმდნენ. ილია უყურებდა მოხუცს და ოლიმპიადას იგონებდა...

— შეილი კი არა ჰყავს?—ჩუმიად იკითხა ვილაცამ.

— ამბობენ, მოსკოვში ჰყავსო...

— ვინ იცის, რა მოუთმენლად ელოდა ამისთანა შემთხვევას...

— მაშ არა და!

ლუნევს ესმოდა ყველა ეს და გული უცახცახებდა. იმას მასიამოვნოდ რჩებოდა, რომ პოლუეკტოვს არავინ იბრალებდა,

მაგრამ იმავე დროს ყველანი, შავ-წვერა ვაჭრის გარდა, სულელ-ლებათ და საზიზღრებად მიაჩნდა. იმ ვაჭარში რაღაც მკაცრი სიწრფელი გამოიხატებოდა, დანარჩენები კი კუნძებსავით იდგნენ ერთ ადგილას, მუჯღლუგუნებს სცემდნენ ილიას და საძაგელი ენით საზიზღარ სიტყვებს ამბობდნენ.

ილიამ იმდენი ხანი იცადა, სანამ მიცვალებული კარში არ გამოასვენეს, მაშინ კი გაყინულ-გათოშილი მოქანცული, მაგრამ დამშვიდებული, დაბრუნდა შინა. შინ რომ მივიდა, კარი ჩაიკეტა და ფული დასთვალა: ორ დასტაში ხუთას ხუთასი მანათი აღმოჩნდა, მესამეში კი რვაას ორმოცდა ათი მანათი იყო. ამათ შორის კუპონების ერთი პატარა დასტა იპოვნა კიდევ, მაგრამ იმათ თვლა აღარ დაუწყო, გაახვია ყველა ეს ქალაქდში, მაგიდას დაეყრდნო და ჩაჭფიქრდა—სად დავმალოვო? ფიქრის დროს მან იგრძნო, რომ თავი მეტის-მეტად დამძიმებოდა და ძილი მოსდიოდა. ფულის დამალვა მალლა ჩარდახ ქვეშ გადასწყვიტა და იმ წუთსვე გასწია იქითკენ, ქალაქდში გახვეული ფულები კი ხელში ეჭირა. დერეფანში იაკობს წააწყდა.

— ოო, მოსულხბარ კიდეცა!—უთხრა იაკობმა, თვალი რომ მოჰკრა ამხანაგს.

— მოველი...

— რამ გადაგაფითრა... ავად ხომ არა ხარ?

— ცოტა შეუძლოთა ვარ...

— ეგ რა გიჭირავს?

— ესა?—დაეკითხა ილია და თან ფულებს დაჰყურებდა— და უცბათ შემკრთალმა, არ წამოძვდესო, აჩქარებით უპასუხა და გაიქნია ჰაერში ქალაქდში გახვეული ფულები:

— ეს... ყაითანია... ისე მიმაქვს...

— ჩაის დასალევათ ხომ მოხვალ?—დაეკითხა იაკობი.

— მე? ამ საათში მოვალ, ამ საათში...

და აჩქარებულის ნაბიჯით გასწია დერეფნიდან; ფეხებს გაუბედავად ადგამდა დედამიწაზე, თავი ტყვიასავით დამძიმებოდა და მთვრალსავით არეოდა. კიბეზე რომ მიდიოდა, ფრთხილობდა—არ ვიხმაურო და არავის წაფაწყდეო. იმ დროს კი,

როცა ბუხრის ძირში ჰფლავდა ფულებს მიწაში, მას ეგონა ბნელ კუნძულში ვიღაცა მიმალულა და თვალს მადევნებო. მას უცბათ იმ კუნძულისკენ აგურის გადაგდება მოუნდა. მაგრამ მალე მოვიდა გონს და ფრთხილად ჩამოვიდა ეზოში. ის ეხლა შიშს აღარა ჰგრძნობდა, თითქოს ფულებთან ერთად ისიც დამარხა მიწაშიო, — მაგრამ გულში კი ახალი გრძნობა დაებადა:

— „რად დავახრჩე?“ — ეკითხებოდა თავის თავს.

სარდაფში როცა ჩავიდა, მაშო, რომელიც ბუხართან მიდგმულ სამოვარს ჩასცქეროდა, მხიარული შეკვივლებით მიეგება:

— ო, რა ადრე მოსულხარ დღეს!

— თოვს, — მიუგო ილიამ და იმ წუთსვე დასძინა გაჯავრებულმა:

— რაღა ადრეა? მოველი როგორც ყოველთვის... სულელი!.. ვერა ჰხედავ ჩამობნელებულია კიდევ.

— აქ შუადღისასაც ბნელა ხოლმე, რა... რა გაღრიალეხ?

— იმასა ვღრიალებ, რომ სუყველანი ჩამციებიხართ გამოძიებელსავით — ადრე მოსულხარ, სად მიდიხარ, რა მიგაქვს... რა თქვენი საქმეა მერე?

მაშო დააცქერდა და ნიშნის მოგებით უთხრა:

— ეჰ, ჰე, ჰე, იღო, როგორ გაამპარტავნდი.

— ეჰ, დამეკარგეთ ერთი თავიდან, — შეიგინა ლუნევმა და მაგიდას მიუჯდა. მაშომ ამოიოხრა წყენით, ზურგი შემოაქცია და სამოვარს დაუწყო ბერვა. სუსტი და პატარა გოგო ხშირად შეიზხევდა შავ ხუჭუქ თმას, ახველებდა და ბოლისაგან შეწუხებული თვალეხს ბეუტავდა. სახე გამხდარი ჰქონდა და ლურჯი რკალები, რომლებიც ირგვლივ შემორტყმოდნენ მის გრძნობიერ თვალეხს, ერთი ორად აორკეცებდნენ მათ სიბრწყინვალეს; ისეთი რაღაც იყო მასში, რაც ერთ იმ ყვაველთაგანს წააგავდა, რომელნიც ბალის მიყრუებულს და მივარდნილ კუთხეებში ჰხარობენ ხოლმე უვარგის ბალახ-ბულახთა შორის. ილია შეჰყურებდა და ჰფიქრობდა: აი, ეს პატარა

გოგო მარტოკა სცხოვრობს ორმოში. დიდ ადამიანსაგით ჰმუშაობს, ყოველგვარ სიხარულს მოკლებულია და ძნელად თუ როდისმე გაუღიმებს მას ბედი; უფრო ჭკუაზედ ახლოა, რომ ისევე ასეთი ცხოვრება ექნება და ჭუჭყს და სივიწროეში დააღამებს თავის წუთი სოფელს. თითონ კი, თუ მოისურვა, ისე ცხოვრებს, როგორც დიდი ხანია უნდოდა და ენატრებოდა—სუფთად, თავისუფლად და პატიოსნურად. მან სიამოვნება იგრძნო ამ ფიქრისაგან, მაგრამ იმავე დროს დამნაშავედაც იგრძნო თავისი თავი მაშოს წინ და ნელის, ალერსიანის ხმით შეეხმაურა:

— მაშო!

— რა იყო... ბრაზიანო!.. უბასუხა გოგომ.

— იცი... მე—საძაგელი კაცი ვარ,—სთქვა ლუნევი და ხმა შეუცახცახდა; გულში კი ჩიტსავით შეუფრთხილდა კითხვა: „უთხრა თუ არა?“ მაშო გაიმართა წელში და ღიმილით გადახედა ილიას.

— ეჰ, არავინ არის, რომ გცემოს, აი რას გეტყვი! შე მაიმუნო, შენა!..

— დაიცა!—დაუყვირა ილიამ.

— რაღა დაცდა უნდა —უთხრა მაშომ, მიუახლოვდა და ხვეწნით უთხრა:

— ილოჯან, შენი ჭირიმე, უთხარი ბიძა შენს მეც წამიყვანოს, უთხარი, შენი ჭირიმე, მუხლებს დაგიკოცნი!

— სადა?—დაეკითხა საკუთარ ფიქრებში გართული ლუნევი. მას ჯერ არ ესმოდა მაშო რას ელაპარაკებოდა და მიტუმეტეს ასე ძლიერად ეხვეწებოდა.

— თან წამოიყვანოს! უჩხარი!

გოგომ ხელები გულზედ დაიწყო და ისე იდგა ილიას წინ, როგორც ხატის წინა სდგანან ხოლმე ვედრების დროს, თვალეზზედაც კი ცრემლებმა შეუთამაშეს.

— ოჰ, რა კარგი იქნებოდა, —ამოოხვრით ამბობდა გოგო:— გახაფხულზედ მონღვრებზედ და მთებზედ ვივლიდი და ვივლიდი განუწყვეტლივ! მთელი დღეები სულ მაგაზედ ვფიქრობ, სიზმარ



შიაც კი სულ გზასა და მგზავრობას ვხედავ. შენი ქირიმე, ილოჯან. ოჰ, რა კარგი იქნებოდა... შენ უარს არ გეტყვის— უთხარი წამიყვანოს! ჩემზედ არაფერი დაეხარჯება... მე ვიგლახავებ და იმას არ შევაწუხებ! ხელ ცალიერს არავინ გამიშვებს— პატარა ვარ, ყველა შემობრალებს... ილოჯან! გინდა ხელებს დაგიკოცნი?

უცბად აიღო გოგომ ილიას ხელი და თავი დაიხარა მისკენ. ილიამ ხელი ჰკრა და ფიცხლავ წამოხტა სკამიდან.

— სულელო! — დაუყვირა ილომ: — განა შესაძლებელია ეგა... მე კაცი დავახრჩე...

მაგრამ იმას თითონვე შეეშინდა თავისი სიტყვებისა და დაუმატა:

— იქნება მეთქი... მე იქნება ისეთი რამე ჩავიდინე, რომ... და შენ კი გინდა ხელზედ მაკოცო?

— რა უშავს! — ეუბნებოდა მაშო და თან და თან უახლოვდებოდა. — ღმერთმანი გაკოცებ — რა დიდი რამე ეგ არის! პეტრუხა რამდენჯერ ცუდია შენზედ, მაგრამ ყოველი ლუკმა პურისთვის ვკოცნი ხოლმე ხელზედ.. მე მეზიზღება, მაგრამ მიბრძანებს ხოლმე — მაკოცეო! მერე დიმიტერს და მჩქმეტავს ხოლმე... საძაგელი!

იმის მიზეზით, რომ წარმოსთქვა საშინელი სიტყვები, თუ იმის მიზეზით, რომ თავი შეიკავა და არ დააბოლოვა, ილიამ უცებ კარგათ იგრძნო თავი და გამხიარულდა. მერმე ალერსიანის ხმით მიუბრუნდა გოგოს:

— კარგი, გაგირიგებ მაგ საქმეს! ღმერთმანი, გაგირიგებ! შენც წახვალ სალოცავად... გარდა ამისა, საგზაო ფულსაც მოგცემ... და ბიძასაც ვეტყვი — მიეცი მეთქი...

— ოჰ, შენი ქირიმე! — შეჰყვირა გახარებულმა მაშომ, ერთი შეიკუნტრუშა და კისერზედ შემოეხვია ილოს.

— დაიცა! დამანებე თავი! — უხუმრად უთხრა ლუნეშმა. გითხარი — წახვალ მეთქი ჩემთვისაც კი ილოცე, კარგი?..

— შენთვისა? ღმერთო!..

კარებში იაკობი გამოჩნდა და გაკვირვებული დაეკითხა მაშოს:

— რა გაკვირებს? ეზოშიაც კი ისმის შენი ხმა...

— იაშა! — შეჭკივლა გახარებულმა გოგომ და ისეთი ჩქარი ლაპარაკი დაიწყო, რომ ძლივსღა იბრუნებდა პირში ენას.

— მივდივარ, მეც მივდივარ, მშვიდობით! აი ილო დაძპირდა მე დავიყოლიებ კუზიანსა და წაგიყვანსო!

მაშომ გადინახარხარა.

— დაიყოლიებ? — დაეკითხა ამხანაგს დაფიქრებული იაკობი.

— რა დიდი საქმეა მერე? ეს რას დაუშლის იმასა... ამისთვის კი კარგია. აბა შეხედე, რასა ჰგავს — ადამიანის ჩრდილად გადაქცეულა...

— მართალია! — სთქვა იაკობმა და ცოტა ხნის სიჩუმის შემდეგ ჩუმად დაუსტვიწა.

— რა იყო? — დაეკითხა ილია.

— დავიღუბე და დავნელდი! ეხლა დავიწყებ მარტოდ-მარტო ცხოვრებას, მარტოდ, როგორც მთვარე ზეცაზედ...

ძიძა დაიჭირე! — სიცილით ურჩია ილიამ.

— არაყის სმას დავიწყებ, — თავის ქნევით დაუმატა იაკობმა. მაშომ შეხედა და თავ-ჩაღუნულმა კარებისკენ გასწია. მხოლოდ იქიდან მოისმა მისი ნაღვლიანი ხმა.

— რა სუსტი რამე ყოფილხარ, იაკობ!..

— თქვენა, ძლიერებო? სტოვებთ ადამიანს უმწეოდ... საძაგლები! თუ კი ვერ გავძლებ მე უთქვენოთ? — სთქვა და მწარედ დაღვრემილი მაგიდას მიუჯდა. შეხედა ილიას და, თითქოს თავისთვის ამბობსო, წაილაპარაკა:

— მეც გავიპარო ჩუმად ტერენტისთან ერთად?

— წადი, მაშ... მე კი წავიდოდი და...

— შენ კი წახვიდოდი! მე რომ წავიდე, მამა ჩემი პოლიციას შეპყრის და საცა უნდა ვიყო, მიპოვნის.

სუყველანი გაჩუმდნენ. ცოტა ხნის შემდეგ იაკობმა ძალდატანებული სიმხიარულით დაიწყო:

— ეჰ, რა კარგია, როცა მთვრალი ხარ! არც არაფერი გესმის, არც არაფერზედ ჰფიქრობ... და ხარ მხიარულად...

მაშომ დასდგა მაგიდაზედ სამოვარი და თავის ქნევით უთხრა:

— ი, უსირცხვილო!

— შენ ეი, ხმა ჩაიკმინდე!—დაუყვია გაჯავრებულმა იაკობმა. შენ თითქმის, რომ არც კი გყავს მამა... მე შენ გითხრა, მამაჩემსავეთ ხელს გიშლის ცხოვრებაში!..

— მშვენივრადა ვცხოვრობ!—მიუგო მაშომ:—რომ შესაძლებელი იყოს, ისე გავექცევოდე ამ ცხოვრებას, რომ უკან არც კი მოვიხედავდი..

— ეჰ სუყველას გვიქირს! - ხმა-დაბლა სთქვა ილიამ და იწვევ ჩაფიქრდა.

ახლად ჩამოვარდნილი სიჩუმე ისევ იაკობმა დაარღვია. გადიხედა ფანჯარაში და ოცნებით წარმოსთქვა:

— ეჰ, რა კარგი იქნებოდა, მართლა რომ სუყველაფერს მოშორებოდა ადამიანი.—დაემჯდარიყავით სადმე ტყის პირას ან მდინარესთან და გადაგვეფიქრა სუყველაფერი...

— ცხოვრებისგან გაქცევა დიდი სისულელეა!—სთქვა ნაწყენმა ილიამ.

იაკობმა დააშტერა მას თვალები და რაღაც შიშითა და კრძალვით უთხრა:

— იცი, მე ხომ ვიპოვნე ის წიგნი...

— რა წიგნი?—

— ძველის ძველია... ტყავის ყდაში არის ჩასმული და დავითნსა ჰგავს, და... მგონი მწვალელებლისა უნდა იყოს, თათარმა მომყიდა სამ უხალთუნადა...

— რა სათაური აქვს?—გულცივად დაეკითხა ილია. იმას სრულიად არ უნდოდა ლაპარაკი, მაგრამ ჰგონებოდა, რომ სიჩუმე არ ევარგებოდა და საშიში იქნებოდა, ამიტომ ძალას ატანდა თავსა და ამხანაგს კითხვებს აძლევდა.

— პირველი ფურცელი მოხეული აქვს,—ხმის დაკლებით განაგრძო იაკობმა,—მაგრამ შიგ. ქვეყნიერობის გაჩენის შესახებ

არის ლაპარაკი. ძნელი საკითხია... და საშინელიც არის... იქა სწვრია—ქვეყნის გაჩენაზედ პირველად მიღესიელი ფალესი დაჰფიქრდაო: „წყლისაგან ყოველი გამოვალს რ იბადების“, ღმერთს კი ფალესმა თურმე ჰაზრი უწოდა, რომელსაც წყლისგან ყოველი გამოჰყავს. კიდევ ლიაგორი ყოფილა ურჯულო, იმას თურმე ღმერთი არა სწამდა. კიდევ ებიკური ყოფილა. ის თურმე ამბობდა: „ღმერთი ჭეშმარიტებასა შიგან არის და არცა რას მისცემდის ადამიანს, არცა კეთილ ჰყოფდეს, არცა სწუხდეს“... მაშასადამე—ღმერთი თუმცა ყოფილა, ადამიანთან მას საქმე არა ჰქონია... მე ასე მესმის. როგორც გინდა იცხოვრე, მე შენზედ თავს არ ვიწუხებო... და შენთან საქმე არა მაქვსო...

ილია წამოდგა სკამიდან და შუბლ-შეკრულმა სიტყვა შეაწყვეტინა ამხანაგს:

— უნდა აიღოს კაცმა ის წიგნი და თავი გამოგიგელოს იმითი!

— რისთვის? შესძახა გაკირვებულმა და ნაწყენმა იაკობმა.

— რისთვის და იმისთვის, რომ აღარც კი ჩაიხედო იმ წიგნში, არამც თუ იკითხო. შენც სულელი ხარ და წიგნი კიდევ სხვა სულელს დაუწვრია!

ლუნევა მაგიდას მოუარა, მჯდომარე ამხანაგისკენ დაიხარა და გატაცებით დაიწყო ლაპარაკი; ყოველი სიტყვა მკვახედ და მედგრად გამოდიოდა იმის ბაგეთაგან და ისე ისმოდა, თითქოს მისდგომია იაკობის დიდ თავს და ჩაქუჩს უკაკუნებსო.

— ღმერთი არის! ის სუყველაფერსა ჰხედავს და ყველაფერი იცის. იმის გარდა — სხვა არავინაა! გესმის? ცხოვრება გამოსაცდელადა გვაქვს მონიჭებული... ცოდლოთი გვცდიან ჩვენა. აბა, დაიჭერ თავსა თუ ვერაო? თუ ვერ შეიკავე თავი—დაისჯები—იცოდე და ელოდე! ხალხისგან კი ნუ ელოდები—იმისგან... გესმის? ელოდე!

— დაიცა!—დაიყვირა იაკობმა:—მერე მე განა მაგას გეუბნებოდი?

— სულ ერთია! ელოდე! შენ ადამიანთა მსაჯული ხარ—ერთი მითხარი? ჰყვიროდა ლუნევი, რაღაც მისთვისაც გაუ-

გებარ სიბრაზისა და დელვისგან ვერ წასული.—ერთი ბეწვი-  
იც კი არ ჩამოვარდება კაცს თავიდან, უიმისნებოთ! გესმის?  
და თუ მე შევცოდე—იმის ნება ყოფილა, მაშა! ტუტუცო!

— გადირიე, თუ როგორ არის შენი საქმე — შეჭყვირა  
შეშინებულმა იაკობმა და კედელს მიეკრა. რა შესცოდე?

ლუნევა ყური მოჰკრა ამკითხვას და, თითქოს ცივი წყა-  
ლი გადაასხესო, უცბათ გამოფხიზლდა. იმან ეჭვის თვალით  
გადახედა იაკობსა და მაშოს, მათაც შეშინებოდათ მისი ყვირი-  
ლისა და აღელვებისა.

— მაგალითად გეუბნები, — ყრუდ წაილაპარაკა ილიამ და  
ისევ თავის ადგილზედ დაჯდა.

— შენ ავათა ხარ, მგონი, — კრძალვით უთხრა მაშომ.

— თვალებიც ამღვრეული გაქვს, — დაუმატა იაკობმა და  
ჩააცქერდა ამხანაგს.

ილიამ ნება-უნებურად გადისვა თვალეზედ ხელი და  
ჩუმის ხმით უბასუხა:

— არა უშავს-რა... გაივლის...

რამდენიმე წუთს შემდეგ მან იგრძნო, რომ ადამიანთა  
შორის ყოფნა უძძიმდა და ჩაიხედ უარი სთქვა და თავისს ოთახ-  
ში წავიდა.

მაგრამ ის იყო მიწვა ლოგინზე, რომ ტერენტიც შემო-  
ვიდა. მას შემდეგ, რაც კუზიანმა სალოცავად წასვლა გადას-  
წყვიტა თვალემა მხიარულად დაუწყეს ბრწყინვა, თითქოს  
უკვე განთავისუფლდა ცოდვისაგანაო. ნელის ნაბიჯით და  
ტუჩებზე შეჩერებული ღიმილით კუზიანი ძმისწულის ლოგინს  
მიუახლოვდა და თხელი წვერის ძიძგნით აღერსიანი ხმით გა-  
მოელაპარაკა:

— დაგინახე, შინ რომ შემოხველი... ვიფიქრე, მოდი წა-  
ვალ და ვილაყებ პატარასა-მეთქი. დიდიხანი აღარ დაგვრჩე-  
ნია ერთად ცხოვრებისა.

— შიდიხარ? — გულ-გრილად დაეკითხა ილია.

— მოთბება თუ არა პატარა, დავიძვრები უკვე... მინდა  
ვნებათა კვირას კიევში ვიყო...



— იცი რას გეტყვი—მოდი, მაშიკოც წაიყვანე თანა...

— სადა?— შეჭყვირა კუზიანმა და ხელები გაპარქყა.

— შენ ყური დამიგდე, — დაბეჯითებით უთხრა ილიამ: — აქ რა გააკეთოს... საქმე არაფერი აქვს... და იმ ხანში კია, რომ... იაკობი, პეტრუხა... და სხ... გესმის? ეს სახლი მახვია სწორედ ყველასთვის... დასწყევლოს ღმერთმა! წავიდეს... იქნება აღარც დაბრუნდეს და ასცდეს უბედურებასა.

— მე სად შემიძლიან... — დაიწყო საბრალოთ ტერენტიმ.

— წაიყვანე-მეთქი გეუბნები! — თავისას გაიძახოდა ილია — ის ასი მანათიცი მაგისთვის წაიღე... მე შენი არა მინდა-რა... ის კი შენთვისაც ილოცებს... იმის ლოცვა-ვედრება გზას არ დაჰკარგავს...

კუზიანი დაფიქრდა და გამოხმობასავით გაიმეორა:

— გზას არ დაჰკარგავს... მართალია! ემაგას... შენ მართალს ამბობ... მე შენ ფულებს ვერ გამოგართმევ... ის ისე დაეტოვოთ, როგორც გადავწყვიტეთ უკვე .. მაშიკოზედ კი... მოფიქრება უნდა...

აქ უცბათ თვალები გაუბრწყინდნენ კუზიანს და ილიასკენ დახრილმა გატაცებით დაიწყო:

— ოო, რო იცოდღე, რა კაცი ვნახე გუშინა! შესანიშნავი კაცია პეტრე ვასილიჩი... სიზოვი გაგიგონია? შესანიშნავი ბრძენი რამ არის! და სწორედ რომ ღმერთმა გამომიგზავნა... ჩემ ტანჯვათა შესამსუბუქებლად და ჩემ იქვთა გასაქარწყლებლად...

ილია გაჩუმებული იწვა. იმას უნდოდა, რომ ბიძა მალე წასულიყო. ნახევრად მოხუჭული თვალებით ის ფანჯარაში იყურებოდა და მეზობლის სახლის მაღალს და ჩაშავებულ კედლის მეტს არასა ჰხედავდა.

— ცოდვეზედ და სულის ცხონებაზედ ვლაპარაკობდით, აღტაცებული განაგრძობდა ტერენტი ჩურჩულს. — მეუბნება: როგორც საქვრეტელისთვის ქვაა საჭირო, რომ მოჩლოუნგებული წვერი წაიღესოსო, ისეც ადამიანისათვის საჭირო ცოდვა,

რომ სული გაიღვიძოს და ყოვლად მოწყალე ღვთის ფერხთა წინ მიიტანოს მსხვერპლად და შეავედროსო...

ილიამ გადაჰხედა ბიძას და გესლიანი ღიმილით დაეკითხა:

— ის კაცი ეშმაკს ხომ არა ჰგავს, სწორედ მითხარი?

— როგორ შეიძლება, ილო, ეგრეთი ლაპარაკი?— შეჰყვირა ტერენტიმ და ცოტას ჩამოშორდა ძმისწულს.— ის მეტი-მეტი წმიდა ადამიანია და კეთილმსახური... იმას ჯერ ეხლავე უფრო დიდი სახელი აქვს გათქმული, ვიდრე პაპაშენს... ეჰჰე, ჩემო ძმაო!

დამდურებით თავი ჩაიქნია და ტუჩები ააცმაცუნა ტერენტიმ.

— კარგი, კარგი!— გესლიანად უთხრა ილიამ:— სხვა რაღა გითხრა კიდევ? და უცებ რაღაც უსიამოვნო, უხეში სიცილით გაღიხარხარა. ბიძა გაკვირვებული მოერიდა და დაეკითხა:

— რა იყო, რა დაგემართა?

— არაფერი. არა, კარგათ უთქვამს და იმ წმინდან კაცსა... სწორეთ საჩემოთ უთქვამს... ოჰ, თქვე ოხრებო! მეც სწორედ მაგ აზრისა ვარ... სწორედ მაგ აზრისა ვარ!

ის გაჩუმდა, დაშტერებით შეჰხედა ბიძას და კედლისკენ გადაბრუნდა...

— კიდევ მითხრა— ისევ დაიწყო ტერენტიმ ფრთხილის ხმით:— ცოდვა მონანების ფრთებს შეასხამს ხოლმე ცოდვილის სულსა და ღმერთთან აღიყვანსო. .

— შენც კი ეშმაკსა ჰგევხარ, ღვთის წინაშე!— შეაწყვეტინა მოულოდნელად ილიამ და ისევ ჩუმი სიცილი მორთო.

კუზიანმა ხელები ააქნია, როგორც ღიმილი ფრთხილი ფრთებს აიქნევს ხოლმე გაფრენის წინ, და შეშინებულ-ნაწყენი ჩაკვდა ერთ ადგილას. ლუნევიკი წამოჯდა ლოჯინში, ჰკრა ბიძას ხელი და მკაცრად უთხრა:

— გამატა!

ტერენტი წამოხტა ფიცხლავ და ოთახის შუა ადგილას გაჩერდა. ის რაღაცნაირად გაშტერებული შეჰყურებდა ტახ-

ტხედ წამომჯდარ და ხელებით დაბჯენილ ძმისწულს, მის შეწეულ მხრებს და დაქინდრულს თავს.

— თუ მონანიება არ მინდა, მაშინ? — მკვახედ დაეკითხა ილია. — იქნება მე ესე ვფიქრობ: მე არ მინდოდა შეცოდება, აზრადაც არა მქონდა... თავის-თავად გამოვიდა ყველაფერი... ყველაფერზე ღვთის ნებაა... მაშინ მე რაღათ უნდა შევიწუხო თავი? იმან ყველაფერი იცის ყველაფერს ხელმძღვანელობს... თუ არ უნდოდა ასე მოვქცეულიყავ, დამიჭერდა, რა... იმან კი არ დამიჭირა... მაშასადავე მე მართალი ვყოფილვარ ჩემ საქმეში. ხალხი სულ ცბიერებითა და ტყუილით ცხოვრობს, მაგრამ ვინ ინანიებს? აბა, რას მეტყვი ამაზედ?

— არ მესმის მე შენი სიტყვები! — წარმოსთქვა დაღვრემილმა ტერენტიმ და ღრმათ ამოიოხრა.

ილიამ ჩაიციხა.

— არ გესმის და ნურც მელაპარაკები... დიად... ის ისევ გადაწვა ლოგინზედ და უთხრა ბიძას:

— მე ცოტა უქეიფოთა ვარ...

— მეც გატყობ...

— ძილია ეხლა ჩემთვის საჭირო... შენ წადი... მინდა პატარა დავიძინო... — მარტო რომ დარჩა, ილიას ეგონა, თავში ქარი მიქრისო. რაც კი გამოეგლო ამ რამდენიმე საათის განმავლობაში, ყველაფერი აერია თავში, რაღაც საოცარ ცხელ ორთქლად ექცა და ტვინსა სწავდა. მას ისე ეგონა დიდა ხანია, რაც ესრე ცუდათა ვგრძნობ თავსა და დღეს კი არა, როდისღაც წინათ დავახრჩე მოხუციო.

თვალე დახუჭული უნძრევლივ იწვა და ყურებში კი მოხუცის სუსტი ხმა უწიოდა:

— „გეშველება რამე დროზედ თუ არა“?

და უცბად გაისმოდა ხრინწიანი:

— „შენი ჭირიმე... შენი“...

შავწვერა ვაჭრის მკაცრი ხმა. მაშეკოს მუქარას უერთდება, მწვალებელთა წიგნის ძველის-ძველი სიტყვები ტერენტის დამრიგებელ ბრძნის სიტყვებში ერეოდა. ილიას ეგონა, ჩემ

ქვეშ ყველაფერი ირყევა, საოცრად ცახცახებს და მეც ქვეით, უფსკრულისკენ მიზიდავსო. შიშს კი აღარა ჰგრძნობდა, მაგრამ დასვენების სურვილი არჩობდა.—მას უნდოდა რაც შეიძლება მალე დაეძინა და დაევიწყა ყველაფერი. მართლაც ჩაიძინა...

მეორე დღეს, გაახილა თუ არა თვალები და მზის სხივებით განათებულ კედელს მოჰკრა თვალი, მიხვდა, რომ დღე კაშკაშა და ყინვიანი უნდა ყოფილიყო. თავი ნისლებითა ჰქონდა მოცული, მაგრამ გული კი დამშვიდებოდა. ილიამ მოიგონა გუშინდელი დღე, ყველაფერი გაითვალისწინა, თავისს თავს ყური წაუგდო და მიხვდა, რომ მან უკვე იცოდა, როგორც უნდა მოქცეულიყო და როგორ დაეჭირა თავი. ნახევარ საათს შემდეგ ის, ყუთ-გადაგდებული, უკვე მიდიოდა მზის სხივებისაგან განათებულ ქუჩაზე და, თოვლის ბრწყინვისაგან შეწუხებული, თვალების ბეუტებით, თავისუფლად ათვალეირებდა გამვლელ-გამომვლელს. ეკვლესიას რომ გაუვლიდა, ის ჩვეულებრივ ქუდს მოიხდიდა და პირჯვარს ისახავდა ხოლმე. ვერცევე მოიქცა იმ ეკვლესიასთანაც, რომელსაც პოლუექტოვის დაკეტილ გაუქმებული დუქანი ამოჰკვროდა გვერდში, და ისე ჩაუარა მას, რომ არც შიში, არც სიბრალული და არც თუ შემაშფოთებელი რამე მას არ უგრძნია. სადილის დროს, დუქანში, გაზეთში მოხუცი პოლუექტოვის თავხედური მკვლევლობის ამბავი ამოიკითხა. როცა იმ სიტყვებამდინ მივიდა: „პოლიციამ მი...ლო ყოველი ზომები ბოროტ-მომქმედის აღმოსაჩენადაო“,—მან ღიმილით ჩაიქნია თავი, რადგან დარწმუნებული იყო, რომ მკვლელს ვერასოდეს ვერ აღმოაჩენენ, თუ მან თითონ არ მოისურვა, რომ დაიჭირონო...

სალამოზე ოლიმპიადასაგან კაცი მოვიდა და ილიასთვის ბარათი მოიტანა. ოლიმპიადა იწერებოდა:

„ცხრა საათზე კუზნეცკის ქუჩაზე გამოდის, აბანოებთან“.

რომ წაიკითხა, ილიამ იგრძნო, რომ მას გულში რაღაც უთრთოდა და თითქოს სიცივისაგანა იკუმშებოდა. მის წინ

საყვარლის მედიდური სახე გამოსცურდა და ყურებში მისი მკვახე, საწყენი სიტყვები მოესმენენ...

— არ შეგეძლო სხვა დროს მოსულიყავ?

ის დაჰყურებდა ბარათს და არ ესმოდა—რად ეძახდა ოლიმპიადა? რაც მეტს უფიქრდებოდა—უფრო ეშინოდა და იქამდის მივიდა, რომ იმისიც კი შეეშინდა—არ გავიგო რად მიძახისო და გულმა საოცარი ფრიალი დაუწყო. ცხრა საათზე მივიდა დანიშნულს ადგილს და როცა მრავალ სხვა ქალებში, რომელნიც წყვილ-წყვილად თუ ცალ-ცალკე დასეირნობდნენ, მაღალს, წერწეტა ტანს მოჰკრა თვალი, შიშმა უფრო მძლავრად ჩაუჭირა მას კლანჭები და უფრო შეაშფოთა. ოლიმპიადას რაღაც ძველი ქურქი ეცვა და თავზე თავსახვევი ეხვია ისე, რომ ილია მის ცისფერ თვალების მეტს ვერაფერსა ჰხედავდა. ილია მივიდა და ხმა-ამოუღებელივ ქალის წინ გაჩერდა...

— წავიდეთ! — უთხრა ქალმა და იმ წუთას დასძინა:

— სახეზე საყელო მოიფარე...

აბანოების გრძელი დერეფანი მათ ჩქარის ნაბიჯით გაიარეს და სახეს იმაღავდნენ, თითქოს რცხვენთან არ გვიცნონო, და ცალკე ნომერში შევიდნენ. ოლიმპიადამ იმ წუთსვე თავსახვევი მოიხადა. ილიამ მოჰკრა თუ არა თვალი მის დამშვიდებულს და ყინვისაგან შეწითლებულ სახეს, ცოტა არ იყო, გამაგრდა, მაგრამ იმ წუთშივე კი იგრძნო, რომ მას ქალის დამშვიდებული სახე არ ესიამოვნებოდა. ქალმა ჩამოჯდა მის გვერდით სავარძელზე, ალერსით შეჰხედა სახეში და სთქვა:

— აბა, ჩემო ჟინო, საცაა მე და შენ გამომძიებელთან წავგათრევენ...

— რადა?— დაეკითხა ილია და უღვაწზე შემდნარი თოვლი მოიწმინდა.

— ოჰ, რა ტუტუცი რამა მყავს... ვითომ და!— დაცინვით და ჩუმად შესძახა ქალმა.

მერე შუბლი შეიკმუხვნა და ჩურჩულით აუწყა ილიას:

— იცი— დღეს ჯაშუში იყო კიდევ ჩემთან. როგორ მოგწონს?



ილიამ შეჰხედა და ცივად უთხრა:

— მე შენს ჯაშუშებთან და სხვა შენ საქმეებთან საქმე არა მაქვს. პირდაპირ მითხარი—რისთვის დამიძახე აქა და მით უმეტესს, რა საჭირო იყო მაგდენი სიფრთხილზე?

ოლიმპიადამ შეჰხედა სახეში, მედიდურად გაიღიმა და უთხრა:

— ჰოო? ჰხედავ... ეწყინა კიდევ... მაშ კარგი! მაგრამ მაგეებისთვის არა მცალიან ეხლა... აი რას გეტყვი: გამომძიებელი დავიბარებს და გამოგკითხავს როდის გამოცანი, ხშირად დაიარებოდი ჩემთან თუ არა და სხვა. სუყველაფერი მართალი უთხარი, არაფერი დამალო... ყველაფერი დაწვრილებით,—გესმის?

— მესმის...—უპასუხა ილიამ და ჩაიცინა:

— დაიცა! მოხუცხედ გკითხავს—შენ უნდა სთქვა, რომ ის არც-კი გინახავს არასოდეს. არც იცნობდი. არც კი გავიგონია, რომ მე საყვარლად ვუჯექი ვისმეს... გესმის?

ქალი გაჯავრებული შეჰყურებდა, და ის კი რაღაც სიამოვნებასა ჰგრძნობდა. იმას ეგონა, ოლიმპიადას ეშინიან ჩემიო; მას ქალის წვალემა მოუხდა და ნახევრად მობჟუტული თვალებით შეჰყურებდა სახეში და ჩუმად იცინოდა. მაშინ კი ფერი ეცვალა ოლიმპიადას, ერთი ნაბიჯი უკან გასდგა და ჩურჩულით დაეკითხა:

— რა იყო? როგორ იყურები? ილია, ილია?

— ერთი ეს მითხარ—რად უნდა ვსთქვა ტყუილი?—დაეკითხა კბილებ დადრკენილი ილია.—მე მინახავს შენთან მოხუცი, მინახავს, დილ!

მარმარილოს მაგიდაზედ დაყრდნობილი, ბრაზით და ნალღველით მორეული ილია დინჯათ და ნელა განაგრძობდა:

— შევეყურებდი მე მაშინ და ვფიქრობდი: აი თურმე ვინა სდგას ჩემ გზაზედ, ვინ მომიწამლა სიცოცხლე-მეთქი და თუ მაშინვე არ დავახრჩე...

— სტყუბ!—დაუყვირა ხმა მალლა ოლიმპიადამ და ხელი მაგიდას დასცხო:—ტყუი-მეთქი! ის შენს გზაზედ სრულიადაც არ იდგა...

— ეგ როგორ გამოდის, რომ არ ვიცი?—მკაცრად დაეკითხა ილია.

— არ იდგა მეთქი. ოღონდ ერთი გეთქვა და ის იქ აღარ იქნებოდა... ყოველთვის არ გეუბნებოდი, როცა მინდა, გავაგდებ მეთქი? მე ამას შენ გავიხსენებდი, შენ კი ჩუმად იყავი და იცინოდო... შენ ხომ არასოდეს არა გყვარებდით ადამიანურადა... შენ თითონ, შენი საკუთარი სურვილით მტოვებდი იმის ხელში... უსინიდიდისო!

— დაიცა, გაჩუმდი!—უთხრა ილიამ და ფეხზედ წამოდგა, მაგრამ იმ წუთსვე ისევ ჩაჯდა სავარძელზედ, რადგან თვისი საყვედურით ქალმა სრულიად დააუძლოურა.

—მე არ მინდა გაჩუმება!—ეუბნებოდა ქალი ხმა მაღლა.— ეგრეთმა ყმაწვილიმა... ჯან საღმა და ჩემმა საყვარელიმა... რა ჰქენი? მოხველი და მითხარი?—აბა, ოლიმპიადა, ამოგვარჩიე: მე თუ ისა? მითხარი ეგა? არა, შენც ყველასავით კატახარ და მეტი არაფერი. .

ილია შეერთა წყენისაგან, თვალთ დაუბნელდა, ხელები მუშტებათ მოკუმშა და ისევ წამოდგა ფეხზედ.

— დაიცა. როგორა ჰბედავ, შე...

— რა? გინდა მცემო? მცემე!—თვალების ელვით, მუქარით წარმოსთქვა ქალმა და იმანაც კბილები დაადრჭინა. აბა... დამარტყი! გავაღებ ამ საათში კარებს და დავიყვირებ, რომ შენ მოჰკალ მოხუცი ჩემი ჩავიხსენებ... აბა ხელი მახელი!..

ილიას შეეშინდა პირველად, მაგრამ შიშმა მხოლოდ უკბინა გულზედ და გაჰქრა უცბათ, გაჰქარწყლდა. ის ეხლა ძლივსღა სუნთქავდა, თითქოს ვიღაცის უხილავმა ხელებმა ყელში წაუჭირეს და სუნთქვის ნებას არ აძლევდნო.

ილია ისევ ჩამოჯდა სავარძელზედ... ცოტა ხანს გაჩუმებული იყო და მერმე ძალ-დატანებულის სიცილით გაიცინა. ის ჰხედავდა, რომ ოლიმპიადა ტუჩებს იკვნეტდა და თითქოს რაღასაც დაეძებდა თვალებით აბანოში, რომელიც საპნისა და ორთქლის სუნით იყო სავსე. აგერ ისიც ჩამოჯდა სავარძელ-

ზედ, აბანოში შესავალ კარებთან, თავი ჩაჰქინდრა და წაე-  
ლაპარაკა:

— იცინე, იცინე... ტარტაროზო!

— კიდევაც, რომ ვიცინებ...

— პირველად გნახე თუ არა, გავიფიქრე: აი ეს არის,  
ეს მიშველის-მეთქი...

— ლიპა!—ჩუმად წამოიძახა ილიამ...

ქალმა პასუხი არ მისცა და არც შეინძრა ადგილიდან.

— ლიპა!—გაიმეორა ლუნევა და იმ გრძნობით, თითქოს  
რალაც უძირო უფსკრულში ჩაეშვაო, დინჯათ წარმოსთქვა:

— მოხუცი ხომ მე მოგვკალი... ღმერთმანი!

ქალი შეკრთა, თავი მაღლა აიღო და ფართოდ დაღებუ-  
ლი თვალებით დააჩერდა ილიას. მერმე ტუჩები შეუცახცახ-  
დნენ და, თითქოს სული უგუბდებოა, ძლივს წარმოსთქვა:

— რეგვენი... შეეშინდა...

ილია მიხვდა, ამას თითონვე შეეშინდა ჩემი სიტყვებისაო,  
შაგრამ მაინც არ სჯერა თუ მართალს ვეუბნებიო. ამ ფიქრით  
წამოდგა ილია, ქალს მიუახლოვდა და გვერდზე მიუჯდა, თან  
რალაც დაფანტულად იღიმებოდა. ქალმა კი მოჰხვია უცებ  
ხელები, გულში ჩაიკრა და კოცნა დაუწყო, თან კი უხეში  
ხმით ეჩურჩულებოდა:

— ილოჯან, ილოჯან! რად მაჯავრებ? მე გამეხარდა, ბე-  
ბერი გველი დაახრჩეს მეთქი...

— მე დავახრჩე, მე, — თავის ქნევით გაუმეორა ილიამ.

— გაჩუმდი!—მოუსვენრად დაუყვირა ქალმა, — ღმერთმა-  
ნი მიხარიან, რომ დაახრჩეს, ახია მაგათზე, ეგრე უნდა მაგათ!  
ყველას, ვინც კი მეხებოდა ხოლმე მე! მარტო შენა ხარ მხო-  
ლოდ კოცხალი ადამიანი, რომელსაც ადამიანური სული გიდა-  
ვია, — მთელს ჩემს სიცოცხლეში მარტო შენ შეგხვდი ადამიანს,  
ჩემო ძვირფასო!

ქალის სიტყვები თან და თან უფრო ჰხიბლავდნენ ილიას,  
უფრო იზიდავდნენ თვისკენ; ის ეხლა მაგრა ჩაეკრა გულში  
და თუმცა სუნთქვა უძნელდებოდა, მაინც ვერ მოეშორებინა

თავი, ჰგრძნობდა რა, რომ ეს ერთად-ერთი ადამიანია, რომელსაც მეგობარი შემძლიან ვუწოდო და რომელიც ეხლა უფროა ჩემთვის საჭირო ვიდრე წინადაო.

— როცა განრისხებული მიყურებ, ჩემო სუფთა, თაქიზო და ქორთა მუხასავით სალო... მაშინ ცხადათა ვგრძნობ ხოლმე ჩემს საძაგელს, უსუფთაო ცხოვრებას და ვხედავ ჩემსა და შენს შორის რა დიდი განსხვავებაა და რამოდენით მაღლა სდგებარ ჩემზე... აი, სწორედ ამ სუფთა ამპარტავნებისთვის მიყვარხარ ესრე...

ლუნევს ღაბა-ღუპით გადმოსცვივდნენ თავზე ოლიმპიადას ცრემლები და რომ იგრძნო მათი სასიამოვნო სითბო, თითონაც თავისუფლად და მსუბუქად მორთო ქვითინი.

ქალმა კი მოჰკიდა თავში ხელები, გრძნობით შეჰყურებდა სახეში და ცრემლებისაგან დასველებულ თვალებს, ლოყებს, ტუჩებს უკოცნიდა და ეუბნებოდა:

— განა არ ვიცი, ჩემი სილამაზე მოგწონს, მაგრამ გულით კი არ გიყვარვარ და მკიცხავ... არ მოგწონს ჩემი ცხოვრება, ვერ აგიტანია... და მოხუციც სწორედ იმიტომ...

— იმაზე ნუ ილაპარაკებ, — შეაწყვეტინა ილიამ, ოლიმპიადას თავსახვევით შეიწმინდა ცრემლები და ფეხზე წამოდგა.

— ეჰ, რაც იქნება, იქნეს! — ჩუმაღ, მაგრამ გადაწყვეტილი დაიწყო ილიამ: — თუ მოისურვებს ღმერთი კაცის დასჯას, ადგილს და დროს ყოველთვის იპოვნის. იმას ვერავინ წაუვა. შენი სიტყვებისთვის კი მადლობელი ვარ, ლიპა, შენ მართალი სთქვი — მე შენთანაც მტყუანი ვარ... მე არ მეგონა, თუ ეგრეთი იყავი... შენ კი თურმე... ეჰ, კარგი... ერთი სიტყვით, მე დამნაშავე ვარ.

ილიას ხმა უწყდებოდა, ტუჩები უთრთოდნენ და თვალეები სისხლით აევსნენ. მორთოლვარე ხელით დინჯად გაისწორა აწეწილი თმა და უცბად ყრუდ დაიკვნესა:

— მე ვარ ყველაფერში დამნაშავე... ყველასთან... რაღა? რა, ეშმაკო...

ოლიმპიადამ წაავლო ხელი და თავისკენ მიიზიდა; ილია დაეშვა მის გვერდით სავარძელში და დაფიქრებით წარმოსთქვა:

— გესმის—მე დავახრჩე, მე, გჯერა თუ არა? მე მეთქი...

— ჩუ!—შეშინებულმა, ნახევარის ხმით დაუყვირა ოლიმპიადამ.—რას შერები?

მაგრათ მოჰხვია მკლავები და შიშისაგან ამღვრეული თვალებით ჩააშტერდა სახეში.

— დამაცა, ისე... თითქოს უცაბედათ გამოვიდაო. ღმერთმა იცის... მე არ მინდოდა. მე მხოლოდ მინდოდა ერთი კიდევ დამენახა იმისი საზიზღარი პირისახე... და შევედი ღუქანში. არაფერი არ მქონია აზრათ. მერე კი უცბად ეშმაკმა წამიტყუილა, ღმერთი არ წამომეშველა და... ფულები კი ტყუილად წამოვიღე... არ უნდა წამომეღო... ეჰ!

სთქვა ეს და ღრმად ამოიოხრა, ატყობდა, რომ ამ სიტყვებთან ერთად რაღაც სიმძიმე ეშვებოდა გულზე. ქალი შეძრწუნებული იყო მისი ნაამბობით; ცახცახით ის თან და თან უფრო მაგრა იკრავდა ილიას გულში და აკანკალებულის ხმით ნაწყვეტ-ნაწყვეტად რაღაცას ეჩურჩულებოდა. უკანასკნელ სიტყვებზედ კი მაინც მიუგო:

— ფული რომ წამოგიღია ეგ კარგია. იტყვიან, გასაცარცვად მოუკლავთო... უმაგისოდ კი იფიქრებდნენ, მიზეზი იქვიანობა იქნებაო.. მაშინ ხომ...

— გამოტეხით არ გამოგტყდები, — ლაპარაკობლა ილია დაფიქრებული:— არ მინდა... ისევ ღმერთმა დამსაჯოს... ადამიანი რა მსაჯულნი არიან? უცოდვო კაცი მე ჯერ არ მინახავს... ერთი არ მანახავს... მე ჯერ მოვიცდი...

— ღმერთო!—სთქვა ამოხვრით ოლიმპიადამ.—ეს რა ამბავია, რა იქნება?... ჩემო კარგო... მე აღარაფერი შემძლიან... არც ლაპარაკი, არც ფიქრი, უნდა წავიდეთ აქედან, დროა!

ქალი წამოდგა, მაგრამ მთვრალსავით წაიბორძიკა. თავი რომ შეიხვია ხელსახოცით, მაშინ კი დამშვიდებული დაეკითხა:



— მაშ რა გვეშველება ეხლა? ნუთუ უნდა დავიღუპნეთ? ილიამ თავი გაიქნია—არაო.

— გამომძიებელთან... სუყველაფერი სთქვი. სუყველაფერი კი არა...

— მითომც მითქვამს... შენა გგონია, თავს ვერ დავიცავ? გგონია, ი ბებრუხუნას გულისთვის და იმის ორი ათასის გულისთვის კატორგაში ამოგყოფ თავსა? უკაცრავად, ამ საქმით არ გავათავებ მე ჩემს ცხოვრებას. არ გავათავებ მეთქი, გესმის?

ვაჟი გაწითლდა აღელვებისაგან და თვალები ცეცხლივით აენტნენ. ქალმა კი დაჰხარა მისკენ თავი და ჩურჩულით დაეკითხა:

— ფული ორი ათასია მარტო?

— ორია და კიდევ რაღაც... ეჰ, ეშმაკმა წაიღოს...

— საწყალო, აქაც ვერ გაუღიმნია ბედსა!—სთქვა ნაღვლიანად ქალმა და თვალეზზედ ცრემლები შეუთამაშდნენ.

ილიამ შეხედა, გაიცინა და მწარედ წარმოსთქვა:

— მერე, განა ფულებისთვის ჩავიდინე მე ეს საქმე. არა, მიხვდი, რომ... დაიცა, მე პირველი გავალ... ვაჟი ყოველთვის პირველი მიდის ხოლმე...

— ჩემთან, რაც შეიძლება, მალე შემოიარე... დამალვა საჭირო არ არის ჩვენთვის... ჩქარა! — ეუბნებოდა აღელვებული ოლიმპიადა.

იმათ აკოცეს ერთმანერთს დიდის, ხანგრძლივის კოცნივდა და ლუნევი წავიდა. ქუჩაში რომ გავიდა, ეტლი დაიჭირა და როცა მოდიოდა, სულ უკან იყურებოდა—ხომ არავინ მომდევსო. ოლიმპიადასთან ლაპარაკმა ცოტა შეღავათი მისცა, შეუმსუბუქა ნაღველი და მისდამი უკეთესი გრძნობა გაუღვიძა გულში. ის არც სიტყვით, არც ქცევით არ შეჰხებია მის დაკოდილს გულისა და როცა გამოუტყდა კაცის კვლაში, ზიზღით კი არ მოიშორა, არამედ თითქოს თავის თავზედაც მიიღო ნაწილი დანაშაულისა. იმ ერთს წუთის წინ კი, როდესაც ოლიმპიადამ ჯერ არა იცოდა-რა, კინაღამ დაჰღუპა და დაჰლუპავდა კიდევცა, ეს ნათლად დაინახა ილიამ იმის სახეზედ...

ჭეტიკრობდა მაზედ და სახეზედ ღიმი უქროდა. მეორე დღეს კი ილიამ თავი მხეცად იგრძნო, რომელსაც მონადირენი სდევნიან და მის კვალს ეძებენ.

ჯერ დილით პეტრუხა შეხვდა დუქანში და ილიას სალამზედ ოდნავ ჩაჰლუნა თავი და ამასთან რაღაც სხვანაირად გადახედა. ტერენტის სულ თვალს ადევნებდა და უსიტყვოდ ოხრავდა. მაგრამ იაკობმა კი ჩაიყვანა მაშოსთან, სარდაფში და შეშინებულის სახით დაეკითხა:

— გუშინ სალამოზედ ბოქაული იყო და სულ შენზედ ელაპარაკებოდა მამაჩემს... რა ამბავია... არ იცი?

— რას ელაპარაკებოდა მერე?—მშვიდათ დაეკითხა ილია.

— რა ვიცი... როგორა სცხოვრობსო... არაყს ხომ არ სვამსო... ქალებზედაც ლაპარაკობდა... ვიღაც ოლიმპიადაც ახსენა, ხომ არ იცით იმაზედ რამეო. რა ამბავია?

— ეშმაკმა იცის იმათი თავი და კისერი, რა ვიცი!—უთხრა ილიამ და წავიდა.

სალამოზედ კიდევ მიიღო ილიამ ოლიმპიადასაგან ბარათი—იწერებოდა:

„ჩვენება ჩამომართვეს შენს შესახებ, —სუყველაფერი დაწვრილებით ვუამბე. ეს სრულიადაც არ არის საშიში და კარგიც არის. ნუ გეშინიან. გააკოცებ ათასჯერ“.

ბარათი ცეცხლში დაწვა ილიამ. ფილიმონოვის სახლში და დუქანში ყველა იმ მკვლევლობაზედ ლაპარაკობდა. ილია ყურს უგდებდა ამ ლაპარაკს და რაღაც სიამოვნებასა ჰგრძნობდა. მას ძალიან მოსწონდა იმ ხალხში სიარული, რომელიც მისი საქციელით იყო გატაცებული, მათთან ლაპარაკი და მათგანვე თხზილი მკვლევლობის დაწვრილებითი გადმოცემა, მას ძალიან მოსწონდა ის აზრი, რომ საკმარისია მან მოისურვოს და ერთს წუთს ყველას განაცვიფრებს.

— ეგ ხომ ჩემი ჩადენილი საქმეაო...

ზოგნი მის სიმარჯვეს და გულადობას აქებდნენ, ზოგნი ნანობდნენ ფულის წაღება მთლად ვერ მოუსწვრიაო, სხვანი შიშობდნენ, ვაი თუ დაიჭირონო და მოხუცი ვაჭარი კი არავის

ებრალებოდა, ერთმა არა სთქვა იმაზედ თბილი სიტყვა. ის, რომ მოკლულისადმი სიბრალულს ვერა ჰხედავდა ხალხში, სწყინდა ილიას, თუმცა თითონაც არ ებრალებოდა, მას არც კი აგონდებოდა პოლუევკტოვი; იმას ის აწუხებდა და ის აღონებდა, რომ მძიმე ცოდვა იღვა კისერზე და შემდეგში სამაგიეროს მოლოდინი უნდა ჰქონოდა. ეს აზრი კი არ აწუხებდა: ისე გაჩუმებულიყო მასში უნძრევლივ და თითქოს მისი სულის ნაწილად გადაქმნილიყო. მაგარი ნივთის დარტყმით გამოწვეულს სიმსივნესავით ის სრულიად არ აწუხებდა, სანამ თითონ არ შეეხებოდა ხოლმე. ილია ღრმათ იყო დარწმუნებული, რომ მოვა ჟამი და დრო და ღვთისგან სასჯელი უთუოდ გადახდება, მან ყველაფერი იცის და ადამიანის სისხლის დაღვრას არ აპატიებს. ის მზათ იყო ყოველ წუთს დამსახურებული სასჯელი მიელო; აი, სწორედ ეს გრძნობა იყო იმის მიზეზი, რომ ილია ისევე გრძნობდა თავსა, როგორც მკვლელობის წინათ. ის ეხლა უფრო გაფაციცებით ადევნებდა ხალხს თვალსა და სიამოვნებით ამჩნევდა მათ ნაკლულევენებას.

ის უფრო მოიღუშა, ჩაჰფიქრდა, მაგრამ წინანდებურად მაინც დილიდან საღამომდის დახეტილობდა ქალაქში თავის საქონლით. იჯდა სამიკიტნოებში, თვალ-ყურს ადევნებდა ხალხსა და ყოველ მათ სიტყვას ყურადღებით ისმენდა. ერთხელ როგორღაც მოაგონდა მიწაში ჩაფლული ფული და გაიფიქრა უნდა ადგილი გამოუცვალოო, მაგრამ მალე გადაიფიქრა: — საჭირო არ არის, ისევე იქ იყვეს... თუ გამჩხრიკეს და იპოვნეს, გამოვტყდები...

მაგრამ არცა სჩხრეკავდნენ და გამოძიებელთანაც არ იბარებდნენ. მხოლოდ მეექვსე დღეს დაიბარეს. წასვლის წინ საცვლები გამოიცვალა, ჩაიცვა უკეთესი ტანთსაცმელი რაც კი მოეძებნებოდა, გაიპრიალა წაღები, მარხილი დაიქირავა და გასწია. მარხილი ხან ჩაექანებოდა ქუჩების უსწორ-მასწორად ადგილებში, ხან ზევით შეხტებოდა ხოლმე. მაგრამ ილია კი სცდილობდა უნძრევლივ და გაქიმული მჯდარიყო, რადგან

ყოველი ძარღვი დაჭიმული ჰქონდა და ეგონა, თუ შევინძერი, რაღაც ცუდი დამემართებაო. გამომძიებლის კიბეზედაც აუჩქარებლივ და ფრთხილად ავიდა, თითქოს შუშის ტანთსაცმელი ეცვასო.

გამომძიებელი ახალგაზდა ყმაზვილი კაცი იყო, თავზედ ხუჭუჭი თმა ეყარა და კუზიან ცხვირზედ ოქროს სათვალეები ჰქონდა. ილიას დანახვაზე იმან ჯერ გამხდარი თეთრი ხელები დაისრისა, მერმე აუჩქარებლივ სათვალეები ჩამოისხნა და წმენდა დაუწყო, თან კი დაშტერებით უყურებდა ილიას სახეში. ილიამ ხმა ამოუღებლივ სალამი მისცა.

— გაპარჯობათ! დაბრძანდით!... აი აქა...

და ხელით მაყვლის ფერ ხავერდ გადაკრულ სკამზედ ანიშნა ილია ჩამოჯდა და იდაყვით ფრთხილად გასწია რაღაც ქალღლები, რომელნიც მაგიდის ნაპირას ელაგნენ. გამომძიებელმა შეამჩნია და ზრდილობიანად მოაშორა ქალღლები; შერე ჩამოჯდა ილიას პირდაპირ მდგარ სკამზედ და ღმა ამოუღებლივ რაღაც წიგნს დაუწყო ფურცვლა, შუბლის ქვეშიდან კი ჩუმად ლუნვეს უყურებდა. ილიას არ მოეწონა ეს სიჩუმე, მიზრუნდა ცოტას და ოთახს დაუწყო თვალღერება; ამისთანა სუფთად და კოპწიად მართულს ოთახს ის პირველადა ჰხედავდა. კედლები სულ მდიდარ ჩარჩოებში ჩასმულ სურათებით და ფერადი ხატებით იყვნენ სავსენი. ერთმა თვანზე ქრისტე იყო დახატული. ის ჩაფიქრებული, მწარედ დაღვრემილი და თავ-ჩაქინდრული მიდიოდა რაღაც ნანგრევებში; ირგვლივ მის ფერხთა ქვეშ ადამიანთა სხეულები და იარაღნი ეყარნენ და ცოტა მოშორებით რაღასაც შავი ბოლი ასდიოდა ზევით—ეტყობოდა, რაღასაც ცეცხლი ეკიდა. ილია კი ხანს უყურებდა ამ სურათს, ძალიან უნდოდა გაეგო მისი შინაარსი და მნიშვნელობა და ის იყო დააპირა კიდევ გამომძიებლისთვის ეკითხნა—რა შინაარსისაა ეს სურათიო, მაგრამ იმ წუთას გამომძიებელმა უცბათ წიგნი დაჰკეცა. ილია შეკრთა და გადაჰხედა გამომძიებელს. მას სახე მოელუშა და ტუჩები რაღაცნაირად ჩამოშვებოდნენ, თითქო რაღაცა სწყენიაო.

— აბა, — დაიწყო მან და თან თითებით აკაკუნებდა მაგიდაზედ, — ილია იაკოვლიჩ ლუნევი, ასეა?

— დიად...

— თქვენ მიხვედრილი ხართ, რათაც დაგიბარეთ?

— არა, — მიუგო ილიამ და ერთი კიდევ გადაჭხედა ფერად სურათსა. ოთახში სისუფთავე და სიფაქიზე იყო. ლუნევს არასოდეს არ ენახა ასეთი სისუფთავე, ამდენი კოპწია და ლამაზი საგნები. გამომძიებელსაც რაღაც სასიამოვნო სუნი ასდიოდა. ყველა ეს ართობდა ლუნევს, ამშვიდებდა და შურიან აზრებს ჰბადავდა მასში.

„შეხე როგორა სცხოვრობს თურმე ხალხი... ალბათ, ხელსაყრელი ყოფილა ქურდების და მკვლევლების მახეში გაბმა... რამდენი ჯამაგირი უნდა ჰქონდეს ნეტავი?“

— არა? — გაიმეორა გამომძიებელმა, თითქოს რაღაცამ გააკვირვაო. — განა ოლიმპიადა პეტროვნამ არაფერი შეგატყობინათ?

— არაფერი... მე დიდი ხანია ოლიმპიადა აღარ მინახავს. გამომძიებელი გადაესვენა სკამის ზურგზე და ისევ ჩამოუშვა ტუჩები.

— როგორ დიდი ხანი?

— არ ვიცი, ღმერთმანი... რვა თუ ცხრა დღე იქნება, მგონი...

— ოჰო! მაშ ეგრე... ერთი ეს მითხარით, ხშირადა ჰხედებოდით ხოლმე ოლიმპიადასთან პოლუეკტოვსა?

— აი რომ მოჰკლეს?.. დაეკითხა ილია და პირდაპირ თვალეში შეჭხედა გამომძიებელს

— დიად, დიად! იმასა...

— არასოდეს არ შევხვედრივარ...

— არასოდეს?! ჰჰმ...

— არა...

გამომძიებელი კითხვას კითხვაზედ იძლეოდა, მაგრამ ისე გულცივად, თითქოს ყურადღებასაც არ აქცევს მის პასუხებსაო, და როცა ილია დინჯათ ლაპარაკით დაუგვიანებდა პასუხს,



მოხელე მოუთმენლათ მოჰყვებოდა ხოლმე მაგიდაზედ თითებით რაკა-რუკს.

— თქვენ იცოდით, რომ ოლიმპიადა პეტროვნა საყვარელი იყო პოლუეკტოვისა? — ჰკითხა მოულოდნელად გამომძიებელმა და სათვალეების ზევიდამ შიგ თვალეებში ჩააცქერდა ილიას.

ამ გადმოხედვამ ლუნევი გააწითლა, ეს ეწყინა მას.

— არა, — ურუდ მიუგო ილიამ.

— დიად, საყვარელი იყო იმ მოხუცისა, — გაიმეორა გამომძიებელმა, — ჩემის აზრით, ეს კარგი არ არის, — დაუმატა, რაკი დაინახა, რომ ილია არაფერს ეუბნებოდა პირველ შენიშვნაზე.

— კარგი რა არის ამაში?! — ხმა დაბლა წაილაპარაკა ილიამ.

— ხომ ეგრა?

ილიამ ამ კითხვაზედაც არა უპასუხა რა.

— თქვენ დიდი ხანია იცნობთ იმ ქალსა?

— წელიწადზე მეტი იქნება...

— მაშასადამე, თქვენ პოლუეკტოვზე ადრე გაუცვნიხართ?

„დიდი გაიძვერა ხარ!“ — გაიფიქრა ილიამ და დინჯად მიუგო.

— მე საიდან უნდა ვიცოდე ეგა, თუ ისიც არ ვიცი, რომ ოლიმპიადა იმისი საყვარელი ყოფილა?

გამომძიებელმა ტუჩები მოკუმშა, დაუსტვინა და რალაც ქალადებს თვალიერება დაუწყო. ლუნევი ისევ სურათს დააცქერდა, ჰგრძნობდა, რომ იმ სურათზე ფიქრი ჰშველიდა და ამწვიდებდა. საიდანღაც ბავშვის მხიარული, წკრიალა სიცილი მოისმა. შემდეგ ქალის ალერსიანმა ხმამ გააბა:

„ჩემო კარგო საყვარელო ფუნჩულავ!“

— როგორცა ვხედავ, მაგ სურათმა ძალიან გაგიტაცათ! გაისმა გამომძიებელის ხმა.

— სად მიდის მაცხოვარი? — ნელის ხმით დაეკითხა ილია.

გამომძიებელმა შეჰხედა მოწყენილის, იმედ-გაცრუებულის თვალეებით და, პატარა სიჩუმის შემდეგ, მიუგო:

— ჩამოსულა ქვეყნად და უყურებს ხალხი როგორ ასრულებს მის მცნებებს. ომის ველზე მიდის და ირგვლივ დახოცილ ხალხს, სახლების ნანგრევებს, ცეცხლ წაკიდებულ და დაბუგლს სარჩო-საბადებელს, ყაჩაღობას და მტაცებლობას ჰხედავს...

— განა ზეციდან კი ვერა ჰხედავს მაგეებსა, მერე?— დაეკითხა ილია.

— ჰმმ... მაგას ალღეგორიას ეძახიან... უფრო ადვილ გასაგებად არის დახატული... იმ აზრით, რომ უფრო აშკარად ჰყონ რამდენად განსხვავდებიან ნამდვილი ცხოვრება და ქრისტეს მცნებანი... ე. ი. მაგრამ, ცოტაოდენი რამე კიდევ მინდა გკითხოთ

ილიამ მოაშორა თვალი სურათს და გამომძიებელს დაუწყო ცქერა. უკანასკნელმა ისევ მიაყარა წვრილი უმნიშვნელო კითხვები, რომლებმაც შემოდგომის ბუზებსავით მოაბეზრეს ლუნევს თავი. ისინი ჰტალავდნენ მას, ყურადღებას უჩლუნგებდნენ და თავისს სიფუჭით და ერთგვარი რახარუხით თითქოს აძინებდნენ და სიფრთხილეს აკლებდნენ. მას ბრაზი მოსდიოდა გამომძიებელზე და ცხადათა ჰხედავდა, რომ უკანასკნელი ძალათი აძლევდა ამისთანა კითხვებს, რომ მიეყუჩებინა და მიეძინებინა.

— ვერ მეტყვიოთ,— დაუდევნელად, მაგრამ უცხად დაეკითხა გამომძიებელი,— სად იყავით ხუთშაბათს ორსა და სამს ღაათს შუა?

— დუქანში, ჩაისა ვსვამდი,— მიუგო ილიამ.

— რომელ დუქანში, ხომ არ გახსოვთ? რომელ ქუჩაზე?

— ჰლევნაში.

— ეგრე დაბეჯითებით რად ამბობთ, რომ სწორედ ამდროს დუქანში ვიყავიო?

გამომძიებელს სახე შეუკრთა, გულით მაგიდას გადააწვა და გაელვებული თვალები ლუნევს სახეში ჩააჩერა. ილიამ უცხად არ უპასუხა. ის რამდენსამე წამს ჩუმად იყო, მერე ამოიოხრა და აუჩქარებლივ მიუგო:

— დუქანში შესვლის წინ პოლიციელსა ვკითხე რომელი საათია მეთქი.

გამომძიებელი ისევ გადაწვა სკამის ზურგზე; ყარანდაშს წააგლო ხელი და ფრჩხილებზე კაკუნს მოჰყვა:

— პოლიციელმა მითხრა მეორე საათიაო... ოცი წუთიაო... თუ რაღაც...— დინჯად განაგრძო ილიამ.

— ის პოლიციელი გიცნობთ?

— მიცნობს...

— თქვენ კი არა გაქვთ საათი?

— არა...

— წინათაც გიკითხავთ როდისმე რომელი საათიაო?

— შემთხვევია...

— ქალაქის მმართველობა ხომ იქვეა და რატომ კედლის საათს არ შეხედეთ?

— ხშირად დამავიწყდება შეხედვა...

— პლენაში დიდი ხანი იჯექით?

— სანამ არ დაიყვირეს, კაცი მოჰკლესო...

— მერე სადღა წახველით?

— მოკლულის სანახავათ.

— განახათ ვინმემ იქა... დუქანთან?

— იმავე პოლიციელმა მნახა... გამომავლო კიდეცა... ხელი მკრა...

— კარგი!— მოწონებითი კილოთი სთქვა გამომძიებელმა და ლუნვეს არც კი უყურებდა, დაუდევნელად ჰკითხა:

— დროს შესახებ პოლიციელს მკვლელობის წინა ჰკითხეთ თუ შემდეგ?

ილია მიუხვდა კითხვის მნიშვნელობას. ის უცბად უკმეხად შეინძრა სკამზედ და გულში სიძულვილი და ბრაზი იგრძნო. გამომძიებლისადმი, მის სპეტაკ თეთრ პერანგისადმი, წვრილ თითებისა, სუფთა ფრჩხილების, ოქროს სათვალეების და მის შავ თვალებისადმი. კითხვაზედ კითხვითვე მიუგო.

— მე როგორ შემიძლიან მაგის ცოდნა?

გამომძიებელმა ხმელად ჩაახველა და ისე ძლიერ დაისრისა ხელები, რომ თითებმა ლაწა-ლუწი ასტეხეს.

— ჩინებულა! — უკმაყოფილოთ განაგრძო გამომძიებელმა. — ჩინებულა... დიად. და ისევ გადაესვენა სავარძელში.

— მშენიერია... რამდენიმე კითხვა კიდევ და გავანთავისუფლებთ კიდევ... მერე... იქნება. — მმ... რა გვარია პოლიციელი?

— ერემინი, მატვეი ივანიჩ...

ეხლა კი გამომძიებელი მოწყენილის ხმით დაუჩქარებლივ აძლევდა კითხვებს, ეტყობოდა, საინტერესოს აღარას მოელოდა; ილია კი უგებდა კითხვებზედ და თან კი ეშმაკურ კითხვებს მოელოდებოდა. ყოველი სიტყვა, ყოველი მისი დახმაურება ზარივით ისმოდა მის გულში, თითქოს დაჭიმულ სიმებს ედებიანო. მაგრამ გამომძიებელი აღარ იძლეოდა წინანდებურს კითხვებს.

— იმ დღეს, ქუჩით რომ მიდიოდით, ხომ არ შეგიძინეთ მალალი ტანის კაცი, ქურქში გამოწყობილი და შავი ფაფახით თავზედ?

— არა... — მკაცრად მიუგო ლუნევმა.

— კარგი. აბა გაიგონეთ თქვენი ჩვენება და მერე ხელი მოაწერეთ... მიიფარა სახეზედ დაწერილი ქალაქი და აჩქარებით, გაბმით დაიწყო კითხვა. რომ გაათავა, ლუნევს კალამი მიაჩნია ხელში. — ილია დაიხარა, ხელი მოაწერა, მერე აუჩქარებლივ წამოდგა ფეხზედ და მკვახედ უთხრა:

— მშვიდობით!..

გამომძიებელმა უკმეხად დაუკრა თავი, დაიხარა და ისევ წერას მიჰყო ხელი. ილია იდგა. იმას უნდოდა იმ კაცისთვის, რომელმაც ამდენი სტანჯა, რითიმე ჯავრი ამოეყარა. სიჩუმეში კალმის კრაჭუნი მკაფიოდ ისმოდა და რომელიღაც ოთახიდან სიმღერის ხმა მოდიოდა:

„იცეკვეთ, იცეკვეთ, ჩემო პატარა დედოფლებო“....

— რაღა გინდათ? — უცბათ აიღო თავი და დაეკითხა გამომძიებელს.

— არაფერი... — მკვახედ მიუგო ლუნევმა.

— მე გითხარით, მგონი — შეგიძლიანთ წახვიდეთ-მეთქი.

— მივდივარ...

— ჰო და ეგრე...

ორთავენი დაშტერებით უყურებდნენ ერთმანერთს და ლუნევემა იგრძნო, რომ გულში რაღაცა ეზრდებოდა მძიმე და საშინელი, მაგრამ დროზედ მიბრუნდა კარებისაკენ და გავიდა. ქუჩაზედ როცა ცივმა ქარმა შემოჰკრა, მან მხოლოდ მაშინ იგრძნო, რომ სულ მთლად დასველებულიყო ოფლისაგან. წახევარ საათს უკან ილია ოლიმპიადასთან იყო უკვე. იმან თითონვე გაუღო კარები, რადგან ფანჯრიდანვე დაენახა, რომ ილიამ მარხილი გააჩერებინა და ჩამოდიოდა. ქალს სახე გაჰფითრებოდა, თვალები გაგანიერებოდნენ და მოუთმენლად, მოუწვენრად იყურებოდნენ.

— ჩემო ჭკვიანო! — შეჰყვირა იმან, როცა ილიამ უთხრა გამომძიებელისაგან მოველ ეხლაო. — ეგრე უნდა, ეგრე! რაო, რა მინდაო?

— გაიძვერა რაბა ყოფილა! — სთქვა ბრაზით ილიამ. — სულ მახეებს მიგებდა...

— რა ჰქნას, იმას უმაგისოთ არ შეუძლიან, — დაბეჯითებით შენიშნა ქალმა, — რა იმის ბრალია, ეგრეთი საძაგელი სამსახური აქვს...

— სთქვი რაღა პირდაპირ — აი ესე და ესეა საქმე და თქვენ გაბრალებენო...

— მერე შენც ხომ არ ეუბნებოდი პირდაპირ?! — ღიმილით მიუგო ოლიმპიადამ.

— მე? — გაკვირვებული დაეკითხა ლუნევი, — მართლა, ეე! დასწყევლოს ღმერთმა!... — ის რაღაცამ ძრიელ გააკვირვა და ცოტა ხნის სიჩუმის შემდეგ სთქვა:

— იმასთან რომ ვიჯექი, ღმერთმანი, მართლადა ვგრძნობდი თავსა. და საზოგადოთ, მართალი რომ სთქვას კაცმა...

— ჰო და მადლობა ღმერთსა! — შესძახა გახარებულმა ოლიმპიადამ. — საქმე ხომ კარგათ დაგვიბოლოვდა!..

ილიამ ღიმილით გადაჰხედა და დინჯათ განაგრძო:

— ტყუილის თქმაც რომ ბევრი არ დამქირდა... ეჰ, ბედი მაქვს, ლიპა, ბედი...



და საოცრად გაიცინა.

— მე ჯაშუშები ძალიან მადევენებენ თვალსა,— დაბალის ხმით აუწყა ოლიმპიადამ,— უსათუოდ შენც არ დაგტოვებენ უზრუნველად...

— მა-რა!— ბრაზიანად და დაცინვით შესძახა ლუნევა. ძალიან დაძრწიან, უნდათ მგელსავით მიყენონ ყოველ მხრიდან და მერე გამოთოკონ. ვერაფერს გახდებიან!.. იმათი საქმე არ არის! ამასთანაც მგელი კი არა, უბედური კაცი ვარ... მე არავის დახრჩობა არ მინდოდა, მე თვითონ მარჩობს ჩემი ხვედრი... პაშკა რომ ამბობს თავისს ლექსში, ისე... პაშკასაც ახრჩობს, იაკობსაც... სუყველას!..

— არა უშავს-რა, ილოჯან,— ამბობდა ქალი და თან ჩაის აკეთებდა.— სუყველაფერი კარგათ დაბოლოვდება...

— ლუნევი წამოდგა სავარძლიდან, მივიდა ფანჯარასთან, ქუჩაში დაიწყო ცქერა და ბრაზიანის, დაღვრემილის კილოთი განაგრძო:

— მთელი ჩემი სიცოცხლე სულ სისაძაგლეს ვეხეჩები... რაც არ მიყვარს, რაც მეჯავრება, სწორედ იმას უნდა შევხვდე, იმას უნდა წავაწყდე ცხოვრებაში. ერთი ისეთი კაცი ვერა ვნახე, რომ სიხარულით და სიამოვნებით შეეხედნა მისთვის კაცსა... ნუთუ არაფერია ქვეყნად წმინდა!.. აი, დავახრჩე ის. შენი... რისთვის? მხოლოდ ჩირქი მოვიცხე, სული შევიბღალე. ფულები წამოვიღე... ეს მაინც აღარ მექნა.

— ნუ დარდობ!— ანუგეშებდა ოლიმპიადა.— მის დამნაწებელს გული არ უნდა ჰქონდეს:

— მე არ მენანება... მე... თავი მინდა გავიმართლო. ყველა ასე თუ ისე იმართლებს თავსა,— იმიტომ რომ ცხოვრება უნდა კაცსა!.. აგერ გამომძიებელი— სცხოვრობს, როგორც კანფეტი მშვენიერ კოლოფში... ის, რასაკვირველია, არავის დაახრჩობს. იმას შეუძლიან მართლით ცხოვრება... ირგვლივ სისუფთავეს ჰხედავს...

— დაიცა... მოდი წავიდეთ ამ ქალაქიდან...

— არა, მე არსად არ წავალ!— გადაწყვეტით მიუგო ლუ-

ნევმა და მობრუნდა ქალისკენ. შემდეგ მუქარის, კილოთი განაგრძო:

— არა, ჯერ დამაცადე! მე აქ მოვიციდი, ვნახოთ რა იქნება...

ოლიმპიადა ჩაჰფიქრდა ერთი წუთით. ის სამოვარს მოსჯდომოდა მაგიდასთან და განიერს, სუფთა კაპოტში ვარდსავით გამოიყურებოდა.

— მე ჯერ კიდევ შევეჯიბრები და შევებრძოლები ბელსა, — თავის ქნევით ამბობდა ლუნევი და ოთახის ერთის კუთხიდან მეორეში გადიოდა.

— ჰაა! — წამოიძახა გულ-ნაკბენმა ქალმა, — იმიტომ არ გინდა წამოსვლა, რომ ჩემი გეშინიან? შენა გგონია, სამუდამოდ დაგიქერ ხელში, გგონია, რა კი ის... ვიცი — მე ვისარგებლებ? შემცდარი ხარ, ჩემო კარგო, დიად, შემცდარი ხარ!.. ძალით არ წაგათრევ, ნუ გეშინიან...

ქალი თუმცა დამშვიდებული ლაპარაკობდა, მაგრამ ტუჩები ისე უთრთოდნენ, თითქო მეტის-მეტ მწარე ტკივილებს ჰგრძნობსო.

— რაიო, რას ამბობ? — დაეკითხა გაკვირვებული ლუნევი.

— ძალას არ დაგატან, ნუ გეშინიან. საითაც გნებავდეს, იქით წაბრძანდი!

— დაიცა! — მოუჯდა გვერდით, ხელი გამოართვა და დაიწყო ლუნევი: — არ მესმის, რად დაიწყე მაგახედ ლაპარაკი?

— ვერ მომატყუილებ! — შეჰყვირა ოლიმპიადამ და ძალით გამოჰგლიჯა ხელი. — ვიცი, შენ ამაყი, გულ-ქვა კაცი ხარ და ჩემი მოხუცთან დაახლოვება ვერ გიპატიებია ჩემთვის... ჩემი ცხოვრება გეზიზღება... ეხლა შენა ჰფიქრობ — სულ ამის ბრალია, რომ ეს საქმე შემემთხვაო... და გეზიზღები...

— სტყუი! — ამაყად მიუგო ილიამ. — სტყუი, მე შენ არაფერშიაც არ გამტყუნებ. მე განა არ ვიცი, ჩვენისთანა ხალხს სუფთა და უმანკო ქალებს არავენ მიაართმევს... ჩვენთვის მეტად ძვირნი იქნებიან ისინი. მაშ! იმათ ჯვარის დაწერვა უნდათ: ამათ მერე შვილები ეყოლებათ... რაც სუფთაა, სულ

მდიდრებისთვისაა გაჩენილი... ჩვენ კი ნახორხაღიძის ნაწიწი შეგინებული და შელახული...

— ჰო, და მანებე შელახულს თავი! — დაუყვირა აოლიმპია დამ და წამოხტა სკამიდან. — წაბრძანდი! — მაგრამ აქ ცრემლები წასკდა და ნახვერდალსავით მწვავი სიტყვები მიაყარა:

— მე ჩემის ნებით შევლოხე თავი, როგორც შენ ამბობ. მე ჩემის ნებით ჩავვარდი ამ... იმიტომ რომ ამ ორმოშობიერი ფული მიგულებოდა... ამ ფულის შემწეობითვე როგორც კიბეზე, ისე ამოვალ ორმოხდან... და ისევ ვარც ცხოვრებას დავიწყებ. შენც მიშველე ამ საქმეში. ვიცი... მაინც მეყვარები, თუ გინდათი სხვა დაახრჩევი კიდევ, მე შენი გულკეთილობა კი არ მიყვარს შენში — გამაყობა მჩყვარს, შენი სიყმაწვილე, შენი ხუჭუჭ თმანი ლამაზი თავი, ომღაერი ხელები, შენი მკაცრი თვალები... შენი საყვედურები, ხანჯლებსავით რომ მესობიან გულში... და ამიტომ... სიკვდილამდინ შენომადლობელი ვიქნები... ფეხებს დაგიკოცნი თუ გინდა აჰა!

— ამ სიტყვებთან ერთად ქალი ჩაუვარდა ფეხს ფეხთ ქვეშ მუხლებს დაუწყო კოცნა და თან იძახდა:

— მთელი ჰხედავს, მე ჩემ სასხნელადვე შევცოდე, ხომ იმისთვისვე ვარც, რომ შე მთელ ჩემ ცხოვრებას ტალახსა და წუმბეში არ გავატარებ... ამ ტალახსა და წუმბეში გავფიქვლი მაგრამ ისევე გავიწმინდებო მაშინ ისიც მაპატიებს... მე არ მინდა მთელი ჩემი სწოცხლე ვიტანჯო! სულ მთლად გამთვარეს... გ გამაფახსირეს, ეხლა ჩემი ცრემლებიც კი ველარ გამბანენ...

ილია სცდილობდა როგორმე მოეშორებინა ქალი ფეხზე დაეყენებინა, მაგრამ ის მაგრა ჩაპბლაუქებოდა მუხლებში, სახით ეხახუნებოდა მას და აღელვებულის, ყაუ ხართ ლაზარაკობდა. არ იქნა და ვერას გზით ვერ მოიშორა ილიამ ქალი, მართოლვარე თითები თმაში შეუყო, აღერსიფ წამოაყენა, მოეხვია და გულზე მიისვენა. ქალის მხურვალე ლოყა ილიას ლოყას შეეხო, ქალი თითქმის ჩურჩულით განაგრძობდა: — გნე ვისთვისმე უკეთური იქნება, რომ რაკი კაცმა ეოახელ შენცრდა, მთელი თავისი სწოცხლე და ცემული დარ-

ჩეს?... ჯერ პატარა გოგო ვიყავი, როცა მამინაცვალის სისამაგ-  
ლის წინდენას ჩიპირებდა, მე ხელოვნურ დაფარტყიკას არ მინდო-  
და, მერმე — მამერივინეში დამჭედვრეს, ეს პატარა გოგო ვიყავი. ა-  
სუფთა... თურა შაულ რა შოხსა ვით ვყვადრეს, მე ბეჭრეც დამოვი-  
ტირე, თხვიც მენახებოდა ჩემი, უმანკობით სისუფთავე... მე  
არ მინდოდა არაფერი მერე კი დავინახე... რომ სულ ერთია...  
უკან დაბრუნება ხლარ შევიძლებოდა... უფვიქრე, მოლო უქვე-  
რად მაინც დაუსვამ ჩემ თავსა მეთქი. სუყველა შევიძულე,  
ფულებს ვარაზდინ, ვლოთობდი... შენ შეწვეტრამდინ გულით  
მე არავისთვის მიგწინა... შენინაფეტ ილროტნი იგიც... თომბრ  
ინც სიტყვები ჩუშის ჩურჩულში დავათვა და უცბად გაიწინა,  
უნდოდა ხელიდან გასხლტომოდნ ილიას: მცმეოცბო თეჯბით

— გამიშვი! მცმეოცბო თეჯბით სიბინამ მცმე

ილიამ უფრო მაგრა მოჰხვია ხელები და გატაცებით, მხურ-  
ვალედ დაუწყო კოცნა.

— გამიშვი, გვერდები შეტკინა! — ერთი კიდევ შესთხვია  
ქალმა.

— მე შენ სიტყვებზე ვერაფერს გეტყვი... — დაიწყო გა-  
ტაცებით ლუნევა. — ერთს გეტყვი — ჩვენ არავის ვებრალე-  
ბით... ჰო და ნურც ჩვენ შევიბრალებთ იმათ... კარგათ ლა-  
პარაკობდი... მოდი გაკოცო მაინც... მაშ სხვა რითი გადა-  
გიხადო? ჩემო კარგო... მიყვარხარ, მიყვარხარ... ისე რომ...  
ეჰ, სიტყვით ვერ გამოვსთქვამ, სულ ერთია...

იმის ლაპარაკმა და საჩივრებმა მართლა გაუღვიძეს ილიას.  
გულში სუფთა და მძლავრი გრძნობანი ქალისადმი. მისი ნა-  
ღველი თითქოს შეუერთდა მის უბედურებას, შეუსისხლხორცდა  
და თითქოს ესენიც დაანათესავაო, მკიდროდ ჩახვეულნი ისი-  
ნი კიდევ დიდი ხანი უამბობდნენ ერთმანერბს თავიანთ წყენას,  
უბედურებას და დაჩაგრულს გულს უხსნიდნენ ერთმანერთს.  
ლუნევს გულში რაღაც მძლავრი და გადაწყვეტილი გრძნობა  
ებადებოდა...

— მე და შენ ვერ ვიქნებით ბედნიერნი, — ოხვრით და  
თავის ქნევით ეუბნებოდა იმედ-გადაწყვეტილი ქალი.

— არ ვიქნებით და უბედურება ვიდღესასწაულოთ... კატორღაში მოგვიხდება წასვლა—ერთად წავიდეთ! გესმის? მანამ კი ვარამი სიყვარულში ჩავკლათ... ეხლა გინდა ცეცხლში ჩამავდე... არ გავტყდები და კარგათაც ვგრძნობ თავსა!

შემფოთებულნი ლაპარაკით და აღერსით აღელვებულნი ისინი თითქოს ბურუსში ჰხედავენ ეხლა ერთი-ერთმანეთს, მათ სცხელოდათ ხვევნა-კოცნისგან და ტანთსაცმელი ევიწროებოდათ...

კარში ზეცა ჩამობნელებული და დაღვრემილი გამოიყურებოდა. ცივი ბურუსი დედამიწას ეხვეოდა და თეთრ რთვილად ედებოდა ხეებზედ. ფანჯრის წინ არყის ხის ახალგაზდა ტოტები დინჯად ირხეოდნენ ჰაერში და თეთრ თოვლის ფერფლს აყრიდნენ დედამიწას. ზამთრის სალამო ახლოვდებოდა...

(შემდეგი იქნება)



# მეფე ლიარი

ქართული ენის განვითარებაში მისი როლი უმნიშვნელოა. მისი მიზანმიმართული გამოყენება იწყება მხოლოდ XIX საუკუნის ბოლოს. მისი გამოყენება იწყება მხოლოდ XIX საუკუნის ბოლოს. მისი გამოყენება იწყება მხოლოდ XIX საუკუნის ბოლოს.

მეფე ლიარის უმთავრესი საგანია დახატვა ძლიერ ვნებათა შეზღუდვებისა ბუნებისა და ზნეობის კანონებთან, ჩვენს ტრაგედიაში ეგ საგანი გაერთიანებულია; ა. ი. მაშინ როდესაც სხვა ტრაგედიები გვიხატავენ ცალ-ცალკე ვნებებს, ეს ტრაგედია გვიხატავს საზოგადოებრივ ვნებას, და „ლიარს“ ყველაზედ უფრო ეკუთვნის ტრაგედიის სახელიც არ არის მეორე ტრაგედია ასეთის, სულის უსაზღვრო მღვდლოვანობით, ძლიერის გრძობებით და უძლიერის ვნებებით რომ ცხადათ დაინახოთ ყველაფერი ეს ერთგვარ შეხედვით, საკმარისია წარმოვიდგინოთ მხოლოდ უმთავრესი შემქმელი პირები ერთის რომელიმე თვისებით შეუძლებელია უფრო ძლიერი და საზიზღარი სურათი, როგორც სურათი გონიერისა, როდესაც თავის ქმრის თვალში წინ უნდა წაგაჩაღოს ახლათ დაქვრივებულს დასაყვარელი. ამ მხრივ მას აღემატება მხოლოდ ედმუნდი, რომელსაც მამისა და ძმის განდევნის შემდეგ უნდა შეფრობა წაართვას ლიარის სიძეებს და ამიტომ ჩუმად დაუხლოვდება რუსსავე დას. არ არის მეორე ისეთი ფიციბი აღამიანი და სასტიკი შურის მძივებელი, როგორც არის კორნვალი, როდესაც ფენით გასრესაფს იმ კაცის თვალში, რომლის სახლში ამას წინათ მოიპოვა თავმესაფარი; ამას შეგვიძლია ამოუყენოთ გვერდში მხოლოდ მისის ცოლის სიბოროტე, რომელიც აქვსებს მას ამ საძაგელ საქმისათვის წარმოუდგენელია მეორე უფრო ცოცხალი სურათი სამართლიანის რისხვისა და წყრომის, როგორც არის წინამდებობა, რომელსაც უწევს კენტი ლიარს, და კენტის გაბრაზება მსახურის თავ გასულობის გამო; ამას შეგვიძლია შევეუდაროთ მხოლოდ კორნვალის მსახურის გამწარება, როდესაც იგი ჰკლავს თავის ბატონს გლოსტერის დაბრძანებისათვის. ვერაფერი ვერ დანატრავს ისე ძლიერ მთელის თაობის გამაგებებს, როგორც ის წუთები, როდესაც ბუნების წინამდებელი და ყოველს სამზღვარს ვადასქელი საქმეები აღეღვებენ ყვე-

ლაზედ მშვიდს და წყნარს ადამიანებსაც-კი, როგორც არის, მაგალითად, კეთილი გროსტერი, რომელიც წყევლით და კრულვით იხსენიებს რეგინას იმისათვის, რომ სახლიდან გააგდო მამა ქარიშხლის დროს, მაშინ, როდესაც „მგლებიც კი გაულებდენ მას კარს“; ან კეთილშობილი ჰერცოგი ალბანიისა, როდესაც იგი ძალათ შეიკავებს თავს, რომ არ გასრისოს თავისი გონერითა, რომელმაც სასოწრკვეთილებამდის მიიყვანა მამა, ის მამა, რომელსაც „დათვიც კი პატივს სცემდა.“ მაგრამ ყველა ამ სურათს თავს დაჰყურებს სახე მოხუცის ღირისა, რომელმაც მისცა თავისი სახელი ტრაგედიას.

ღრმათ მოხუცებული და ქკუაზე შერყეული ღირი თვალს ზადაავლებს იმ დროს, როდესაც მასში ყველაფერი მეფე იყო, როდესაც მტრები გაურბოდენ მის ხმალს; ამ შეშლილობის დროსაც ბრწყინავს მასში სხივი მეფურის და გმირულის სულისა. დიდებულს სურათს წარმოადგენს იგი, როდესაც დამშვიდებულია: მის სახეზე აღბეჭდილია მეფური სიდიადე. მაგრამ როდესაც მას გააჯავრებენ, მაშინ მისნი ქვეშევრდომნი კანკალებდენ. თუ მისი ხარისხი და მდგომარეობა ვერ იტანდა წინაამდევობას, მით უმეტეს აუტანელი იყო ეს წინაამდევობა მისის ტემპერამენტისათვის. ღირი მუდამ ექსცენტრიულია: ქალიშვილები ამბობენ მის შესახებ, რომ იგი ძალიან ნაკლებათ იცნობდა თავის თავსო; ეს, სხვანაირათ რომ ვსთქვათ, იმას ნიშნავს, რომ ღირმა არ იცოდა თავის შეკავება, ყველაფერს გაცხარებულ გულზე აკეთებდა. ამგვარი იყო მისი ბუნება, ამგვარი იყო მისი ჩვეულებაც, რომელიც მოიპოვა ძლიერების და მუდმივის ბედნიერების გავლენით, იმ ბედნიერებისა, რომლის გამო იგი არასოდეს არ ჰფიქრობდა გაქირვებასა და უბედურებაზე. ფარისევლობა და პირფერობა—აი რა აღზარდა ასეთმა მამამ თავის შვილებში; ეს პირფერობა კიდევ უფრო ხელს უწყობს მის სიფიცხეს და მგძინვარებას. თან დაყოლილი თავმოყვარეობა ყოველთვის ვითარდება და მაგრდება ასეთ ადამიანებში და მახინჯდება ძალ დატანებულს ოჯახურის კერპთაყვანის მცემლობის ზედგავლენით. ჩვენს ტრაგედიაში ამაზე დიდი გავლენა აქვს იმასაც, რომ უმცროსს ქალს გულწრფელათ უყვარს მამა. თუ ეს მიუკარებლობა ოჯახისა და ქვეყნის ბატონის, რომელსაც არ შეეძლო მართლის გავონება და სიტყვის შებრუნების ატანა—თუ არა ხუმარისაგან, თუ ეს უცილობლობა ბუნებრივი ნაკლულევანება იყო ღირისა, რომელიც თანაც

განვითარდა ცხოვრების ჩვეულებით, — ადვილათ გასაგებია, რომ ეს ბიწიერება უკიდურესობამდის გაძლიერდა მასში შეუპოვარის თვითნებობისა, სისუსტისა და მგრძნობიერობისა გამო, რომელიც სჩვევია მოხუცებულობას.

ამას მიუმატეთ უზომო ვნების ძალა, რომლის გამო ეს ადამიანი არამც თუ უბრალო მონაწილეა, არამეთ მეფეა იმ გმირულ ცხოვრებისა, და მაშინ ადვილათ გაიგებთ ლირის საქციელს პირველ სცენაში, რომელსაც ხშირათ იწუნებდა კრიტიკა. გეტე სთვლიდა ამ სცენას შეუსაბამოთ, ჩემის აზრით-კი იგი იმ გვართვე ქეშმარიტია და ბუნებრივი, როგორც სხვა ყველაფერი, რაც რამ დაწერილა შექსპირის ხელით. თუ რომელს ქალს რამდენათ უყვარდა ლირი, ეს უკვე არსებული ფაქტი იყო შექსპირისათვის; მას არ უნდოდა მეტი სინამდვილე მიეცა ამ ფაქტისათვის, როგორც ეს სჩვევია ძველს პიესებს. შექსპირმა თვითონ მაყურებელს და მის წარმოდგენითს ნიქს მიანდო, ახსნას ეს სამკვიდროს განაწილება მაშინდელის დროის ზნე-ჩველებს და მეფის მოხუცებულობის და ხასიათის შემწეობით. მოხუცს მეფეს უნდა დასთმოს თავისი ხარისხი და ქონება ქალიშვილების სასარგებლოთ. მისის ხასიათის არსებიდან სჩანს, რომ ასეთი საქციელი არის გამომხატველი მისის თავგანწირულობისა და სიყვარულით აღსავსე ნდობისა. მას უნდა წინდაწინვე იგემოს სიტყვით გამოთქმული მადლობა თავის მსხვერპლისათვის. რადგან მისი სიყვარული ცოტა ეგოისტიურია, ამიტომ ებადება სურვილი—გაახაროს თავისი თავი შვილების ხბრივ სიყვარულის გამოცხადებით და, როგორც კოლრიჯი ამბობს, რადგან ლირი მიჩვეულია ბრძანებლობას, მისი სურვილი მოთხოვნის ხასიათს მიიღებს. და აი აქ ბრწყინვალე კრებაზე მიიღებს თავის უმცროს ქალისაგან, რომელსაც უწოდებდა თავის სიხარულს და რომლის შვილურ მზრუნველობის იმედი ყველაზედ უფრო ჰქონდა, ამ ქალისაგან მიიღებს პასუხათ ცივს „არარასა“ და შერცხვენილი ასეთის პასუხით საშინლათ გაფიცდება. აქ ნათლათ გამოაშკარავდება არსება იმ ადამიანისა, რომელიც არასოდეს არ ცდილა შეეკავებინა თავისი გულის თქმა. მთელს



სამეფოს გარდასცემს ორს უფროს ქალიშვილს, რომ ამით ერთხელ და სამუდამოდ, როგორც ეს ნათქვამია ძველს პიესაში, გზა შეიკრას სინანულისაკენ და არ წაიღოს უკან ის, რაც ერთხელ მისცა. განდევნის თავის უერთგულეს მოსამსახურეს — კენტს; გააგდებს თავის შვილს და ნაცვლათ ხანგრძლივის სიყვარულისა უცბათ სიძულვილით აღიჭურვება მის წინააღმდეგ, გულმოსულობის დროსაც შორს გამჭვრეტელი, ადვილად მოიშორებს თავიდან ბურგუნდიის მთავარს და ცდილობს ხელი ააღებინოს კორდელიაზე საფრანგეთის უანგარდ მეფესაც, მაგრამ ამას ვერ მოახერხებს და მიათხოვებს ამ მეფეს თავის ქალს, მზითვბათ წყვეა კრულვას გააყოლებს და ბოლოს თავის თავსაც შეაჩვენებს: „საფლავისა ქვა ნეტა ისე გამიმსუბუქდეს, როგორც ადვილათ გულით ჩემით შენ გარგანინე“ ის შინაგანი კარგი შხალი, რომელიც ამძინვარებდა მის გულში მაშინ, თვითონ დაახასიათა სასუცხოვრებ შემდეგ „კორდელიის მცირე დანაშაულმა ძირიანათ შეარყია ყველაფერი ჩემში; მან ამოგლიჯა ჩემის გულიდან მთელი სიყვარული და აღაესო იგი ნაღველით“. არ შეიძლება არ დავეთანხმოდ ღირის უფროსს ქალიშვილებს, რომ მისი განაჩენი, რომლითაც განდევნის ქალს, ცუდი გზაჩენია; მაგრამ ამის გამო ეს სცენა შეუსაბამი როდია. სიფიცხის თვისება ისაა, რომ უსაბუთოდ იწვევს სულს საშინელს მღელვარებას. პოეტს მშვენიერათ ენაა და ეს და ამიტომაც დაუპირდაპირა ღირის წუთიერს სიფიცხესა შართლიანი და სრულიათ საფუძვლიანი წყრომა პატროსანის კენტისა, რომელიც მაჯაროდ ჰკიცხავს მეფეს უსამართლობისათვის, და როდესაც მეფე სიკვდილს ემუქრება, სასტიკათ აფრთხილებს: „მოჰკალ, მოჰკალ შენი შკურნალი და საზარისა სენსა შენსა მიმეცი საზრდოთ“!

ეს საზიზღარი სენი შეიპყრობს ქალა შოხბეს გმირს: სასჯელი ჩადენილ დანაშაულობისათვის კვალ და კვალ მიზღვეს მას და სჯის მრავალის შეცთომისათვის, რომელიც სამკვიდროს გაყოფის დროს მხოლოდ უფრო განვითარდა. რაკი უარი განაცხადა ბატონობაზე, დიდის ხნის განმავლობაში

დაჯაბნებული უფროსი ქალიშვილები უპატივცემულოთ ეპყრობიან. ეხლჳ და მათი ფარისევლობა და მატყუარობა უცებ შეიცვლება უმადურობით. წინათ ისინი ეალერსებოდენ მამას არაგორც ძაღლები, ეთანხმებოდენ ყოველს მხჳ სიტყვას, ძლიერ გვიან გაიგო, რომ ეს თავიდანვე „ცუდმ თეოლოგია“ იყო. მოიქმუხნებიან სახეები, რომლებიც წინჳდ მეგობრულად გამოიყურებოდენ; ეხლა უნდათ წაართვან ღირს უკანასკნელი ღირსება და ქონება მას შემდეგ, რაც ყველაფერი დაუთმო მათ; ეხლა მიუურიდებლად აფვედრდენ მოხუცებულობას და გონების სიჩლოუნგეს; უსინდისო და უსირცხვილო დები ცემასაც კი უპირებენ მამას. პირველი შეხედვიტ კაცს ეგონება, რომ ორივე და ერთნაირად არის დახატული; მათ შორის არ არის არავითარი დამახასიათებელი განსხვავება (ორივე ერთნაირი მაქალოები არიან, ამბობს ხუმარა); მაგრამ როდესაც ახლო დაუკვირდებით, მეტად გაგაკვირებსთ ის ღრმა განსხვავება, რომელიც არსებობს მათ შორის. უფროსი გონერილას, მგლის სახისაჳ, მოქმუხნულის წარბებით საშინელის სულის მდგომარეობას გვიხატავს, მამაკაცის მსგავსი ქალია და დამოუკიდებელი; რეგანჳ კი უფრო ქალური ხასიათისაჳ: უფრო ჰასივური ადამიანია, დამოკიდებულია გონერილასაგან, რომელიც მას აქეზებს. გონერილას ხასიათის უზომო აღვირაშვებულობა, რომელიც ჰქმნის მას საშინელ საუკუნის ნამდვილ შვილად; გამოიხატება საზიზღარ საქმეებში, რომელთაც თვითონვე მოიფიქრებს, მაშინ როდესაც რეგანას სიბოროტე სჩანს მხოლოთ იმაში, რომ გადამეტებულ სასტიკობს უღვიძებს სხვებს, როგორც მაგალითათჳ მაშინ, როდესაც ბორკილს გაუყრიან კენტს და აბრმავებენ გლოსტერს. უარესი მათ შორის — გათხრევილია კეთილშობილ ადამიანზე (მთავარი აღბანიისა), რომელსაც ცოლი ვინებით ეძახის ზნეობრივ სულელს, რომლის სიწყნარე და სიმშვიდე მის ცოლს ეჩვენე ანამეტან სისუსტეთ; მხოლოთ შემდეგ აკვირვებს ცოლს ქმრის წყნარ სიძლიერე და სიმამაცე. უკეთესს მათგანს ქმრად ჰყავს მთავარი კორნვალისა — უარესი ღრ ქმარს შორის, ავი გუ-



ლის ადამიანი, რომელსაც არ ძალუძს აიტანოს არც წინააღმდეგობა, არც სიტყვის შებრუნება. თავში გონერძი ბატონია ქმრის, რომელიც აღიარებს მის შორს-მჭვრეტელობას და ერიდება მასთან შეტაკებას, მაგრამ შემდეგ კარგათ შეიგნებს მის ბუნებას. გონერძი აკეთებს საქმეებს თავისათვის, ყურადღებას არ აქცევს ქმარს, ძლივსღა ხდის პასუხის გაცემას ღირსათ; რეგანა კი შედარებით კორნვალის მთავართან, რომელიც ძალმომრეობას მომხრეა, ნაკლებათ ლაპარაკობს და ყოველთვის მოწყენილათ იყურება, დამოკიდებული და გამგონი არსებაა. ყოველთვის საქმის დამწყები გონერძია. გონერძი პირველი ეპყრობა ცუდათ ღირს, დაითხოვს მის ნახევარს ამაღას; რეგანა კი დარცხვენით ერიდება თავის მამას. მაგრამ კიდევ უფრო ეშინია თავის დის, ვიდრე რცხვენია მამის: უფრო ადვილათ მიაყენებს შეურაცხყოფას მამის მიერ გამოგზავნილ კაცს, ვიდრე დის მოსამსახურეს. გონერძი იცის დის სისუსტე; საკმარისათ არა სთვლის მარტო წერილის გაგზავნას: თავათ მოდის მასთან პირადათ, რომ დააჯეროს და ერთნაირი ზომები მიიღონ ორივემ მამის წინააღმდეგ. რეგანას არ შეუძლია წარმოსთქვას ისეთი ანჩხლი და მოუფიქრებელი სიტყვები, როგორც გონერძის; მას არა აქვს ისეთი ეკლიანი თვალები, როგორც გონერძის; მისი შეხედულება უფრო სანუგეშოა; მთელი მისი არსება უფრო წყნარია და კეთილი და ღირს არა სჯერა, რომ კარგად შეეძლოს მისი გაგება; ამიტომ გასამართლების დროს (სიგიჟეში) თხოულობს, „შუა გასქერით რეგანა და ნახეთ, გულზე რა აკრავსო“. გულუბრყვილოთ ეუბნება მამას უფრო სამწუხარო ამბებს, ვიდრე გონერძი, მაგრამ მამა ვერ ბედავს ისეთის წყევლით შეაჩვენოს იგი, როგორითაც შეაჩვენა გონერძი. მხოლოთ მაშინ, როდესაც გონერძი რეგანასთან გამოიჩენს საზიზღარ უსირცხვილობას და ბარბაროსობას მამისადმი, რეგანაც მოურიდებელი შეიქნება და დაითხოვს მამის ამაღას: თანახმაა მარტო მამა დაიტოვოს. მაგრამ რადგან გონერძის უნდა რომ მოხუცმა იგემოს თავის თვითნებობის და

სისულელის ნაყოფი და გლოსტერს ჩააგონებს, რომ ლირი არ დააკავოს სახლში, თუმცა გარეთ საშინელი ქარიშხალია, სუსტი რევანაც დას მიემხრობა. როდესაც ეს ექიდნები თავიდან მოიშორებენ მამას, მათ ოჯახებს შორის ჩუმი უთანხმოება ჩამოვარდება. გონერილა ამზადებს უფრო ღრმა ნაღმებს, უნდა მთელი სამეფო ჩაიგდოს ხელში; ქმარის სიცოცხლეშივე დაინიშნება ჩუმათ ედმუნდზე, სიხარულით მიეგება კორნვალის მთავრის სიკვდილს, მოსწამლავს რევანას; შემდეგ განიზრახავს თავის ქმრის მოკვლასაც; რომლის ეშინია, რადგან ქმარმა გაიგო ცოლის ბოროტი საქმეები. რევანა გონერილასთან შედარებით ყველაფერში უფრო წყნარი და თავ დაჭერილია: მხოლოდ კორნვალის მთავრის სიკვდილის შემდეგ დაუახლოვდება ედმუნდს; ენდობა და ედმონდის წერილს გადასცემს გონერილას საექვო მსახურს; კვდება გონორილას მიერ მოტანილ საწამლავისაგან, სრულიათ უდანაშაულოთ თავის დის ბოროტ საქმეებში; საზოგადოთ რევანა გონებითაც თავის დაზედაბლა სდგას. პიესის ცენტრს შეადგენს ის გარემოება, თუ როგორ ვითარდება ლირის ხასიათი ქალიშვილების დეენისა და შევიწროვების ზედგავლენით. მთელი ვნებით აღსავსე ბუნება ამ ადამიანისა, რომელიც დიდებულათ სდგას ჩვენს წინ, როგორც ნამდვილი წარმომადგენელი თავის დროისა, გამოიხატება აქ თავის სიდიადით და ძლიერებით. სურათი ისეთის მჭრელი ფერადებით არის დახატული, რომ არც კი მოითხოვს განმარტებას; ამიტომ ჩვენ გვინდა მივაქციოთ ყურადღება მხოლოდ იმ უმთავრეს თვისებებს, რომელშიაც იხატება ჩვენის ტრაგიკულის გმირის თავდაუჭერლობა, უსაზღვრობა მისი პასივიურ და დაუმშვიდებლობა მის აქტიურ ვნებათა. როდესაც ლირი პირველათ ხედავს მოღრიდებლობას ქალიშვილების მხრივ, არ უნდა დაინახოს სინამდვილე და ყველაფერს თავის ექვიანობას აწერს; მხოლოდ მაშინ ჰგრძნობს შეურაცხყოფას, როდესაც მსახურებიც კი მიაქცევენ ყურადღებას. როცა გონერილას კუდი—ოსვალდი პირდაპირ აგრძნობინებს ამ შეურაცხყოფას, ლირი გამოდის მოთმინებიდან და იმდენათ ივიწყებს

თავის ღირსებას, რომ სცემს უღირსს მსახურს. უგაფიცებას ყოველთვის დაწყნარება და სიმშვიდე მოსდევს. მოხუცი ვაჟი ზუმდება და დაფიქრდნდება; უკვე შეიგნოთ რომ სისულელე ჩაიდინა, როდესაც ყველაფერი ქალაშვილებს გადასცა; სტანჯავს სინანული, რომ კორდელია განდევნა; მწუხარებით მოიხგონებს ქალიშვილს, რომელთანაც მოიპოვებდა მშვიდს და უშიშარ ცხოვრებას. ხუმარა სწუხს კორდელიის განდევნის გამო და ყველაზე უფრო ეს სტანჯავს ღირის სინილისს. სულელის ხუმრობა, რომ სიგიჟეა ყველაფერი სხვას გადასცე, მწარე ფიქრებს უფრო მოგვრის, ვიდრე გაართობს ღირსს. მაგრამ დიდხანს არ გაგრძელებულა ასეთი დაფიქრებულნი სულის მდგომარეობა: ქალიშვილების უმადურობამ მალათ მოსპო ღირსს არსებობა. მას შემდეგ რაც სამარცხვინო დასაჯა ღირმა გონერილას მსახური, გონერილი ნილაბს მოიხდის და წარმოუსდგება მამას ნამდვილის სახით. ერთი წუთით და მთელი მისი ფიზიკური და ზნეობრივი არსება მთლათ შეირყევა. ამ სცენაში ისე როგორც პირველ სცენაში, როდესაც ღირის მძაფრი და აღვირაშვებულის სიფიცხის ენერგია ჯერ კიდევ მოტეხილი არ არის, აქტიორმა უნდა გამოიჩინოს დიდი სიძლიერე. როდესაც პირველად ღირს არ ესმის თავის ქალის სიტყვები, როდესაც თითქოს არ იცის, ვინ არის თვითონ, როდესაც ასე გაკვირვებით ეკითხება, რა არის შენი სახელიო: ყველაფერი ეს წინ და წინვე მოასწავებს ღირის სიგიჟეს, ისე როგორც მყუდროებას ქარიშხალი მოსდევს ხოლმე. ჯერ გონერილას არა ჩაუდენია რა იმის მეტი, რომ ითხოვა ამალის შემცირება, ჯერ კიდევ ალბანის მთავარი არწმუნებს ღირსს, რომ არაფერში არა ვარ დამნაშავეო, არც მესმის თქვენი აღფლავების მიზეზიო. ღირი კი საშინლათ სწყევლის უფროსს ქალს სწყევლის იმ გვართვ რომ ამის მსგავსი წყევლა არ არის არც ედიპსა, არც სხვა რომელიმე ტრაგედიაში; ამ წყევლას იმეორებს შემდეგ რევანასთან. ამის შემდეგ იგრძნო სირცხვილი იმის გამო, რომ ქალებს უმადურობამ იმდენად შეარყია მისი სიმამაცე, რომ ტრადიციული დაიწყო; ამ უმადურობის

მოგონებზე ზსეთნაირათ სტანჯულს, რომ ამას ვერ იფიქრებს სი-  
 ვთუის დროსაც. მერე იძის ფიქრი დაიწყო, რომ დაინახოს,  
 თუ რაგზარა აღუდგება ერთი და მეორეს, რომ მოიკლას ყო-  
 ველივე კეთილი თვისება, ძალით წაართვას გონებრილას სამ-  
 ვვიდრო, კვლავ წარსდგეს მის წინაშე, როგორც ბატონი და  
 შურის მძიებელი და, როგორც თვითონ ამბობს შემდეგ, ჩაი-  
 დინოს საშინელი და შემადრწუნებელი საქმეები. ამ უსაზღვრო  
 განზრახვებიდან სჩანს, თუ რამდენი უბედურების მიზეზთ ეს  
 ძეგნება აღამიანი კიდევ რომ არ დავდვით მას თვდა-პირ-  
 ველი ბრალი იმისა, რომ ცუდათ ეპყრობიან ქალიშვილები: თუ  
 გონებრილში ცოტადენი აღამიანური გრძნობა კიდევ იყო  
 დარჩენილი, მან მოსპო იგიც თავის აჩქარებულის დაწყევლით.  
 გლოსტერის ციხე-დარბაზს რომ უახლოვდება, ხედავს, რომ  
 მისი მსახურისათვის ფეხში ხუნდი გაუყრიათ, და კვლავ გაბ-  
 რაზდება მეტის ჯაფრისაგან. დაეძებს მეორე ქალს, რომელსაც  
 არ უნდა ეჩვენოს მამას; ღირსეულნდა, ნახოს ქალიც და მისი  
 ქმარიც. გლოსტერი ამართლებს კორნვალის მთავარს იმით,  
 რომ ავით არისო და ფიცში ხასიათის კაცივით, ეს აღგილი  
 საუცხოვოთ ახასიათებლ ღირს, რომელიც დორბლსა ჰყრის პი-  
 რიდან იმდენათ ქალიშვილებს გაუგონრობისა გამო კი არა,  
 რამდენათ იმის გამო, რომ მისის მოთხოვნის წინამდეგ გასა-  
 მართლებელ საბუთათ ასახელებენ ვისიმე ხასიათის სიფიცხეს. აქ  
 უკიდურეს საზღვრამდის მიღწევს მისი ფიზიკური ძალა; სული-  
 ერი მღელვარება დაწყნარდება, სიფიცხე სუსტდება. კაცს ეგო-  
 ნება, თავის აღუდებულს გულს აწყნარებს გონების შემწეო-  
 ბითო; მაგრამ მალე გამოამკარავდება, რომ ღირს მხოლოთ  
 სული უწუხდება წამეტანის აღელვებისაგან; მისი სიმამაცე  
 მოტეხილია, ძარღვებს აღარა აქვთ სიმამაცე, ღირს ეშინია,  
 მთლად არ გაწყდნო. რომ რეგანასათვის ვერ მოუპოვებია  
 წყევლა-კრულვა, ამის მიზეზი იგივე მოქანცვაა; რისხვა გადა-  
 ექცევა უბრალო კარკაზმათ; დაეცემა უძლიურობამდის, თხოვნასა  
 და ცრემლებამდის. გონებრილასთან ჯერ კიდევ შეეძლო ისე  
 ძლიერ გაჯავრება, რომ ხმა მალაღის სამდურავის დროს რცხვე-



ნოდა თავის ცრემლების, ეხლა ღმერთებს კი ევედრება ამ „კეთილშობლურ წყრომისათვის“ და ცრემლებიც სდის, თუმცა სწყევლის მათ. ჯერ კიდევ გონერილასთან პირველ შეტაკების დროს სთხოვს ღმერთებს თავისდაქერას, რომელიც, როგორც კარგათ იცის თვითონ, არ მოეპოვება; ეხვეწებოდა მათ, გადამარჩინეთ სიგიჟეს, რომელიც აუცილებელი შედეგი იქნებოდა უზომო გაცხარებისა და მწუხარებისა; ეხლა კიდევ უფრო ჰგრძნობს ასეთის ბოლოს მოახლოვებას! ჩვენ წინ გადაიშლება საკვირველი, საშინელი, მაღალი და დიდებულებით აღსავსე სურათი, როდესაც უშემწეო მოხუცი, გარეთ გაგდებული ქალი შვილებისაგან ღამე, ელვა ქუხილის დროს, უდაბურ მინდორში, ანუ უკეთ რომა ვსთქვათ საკუთარის ნებით გაძევებული ნამეტანის დაჟინებულობისა გამო, დაეხეტება უბინაო, თავშიშველა, მოკლებული ყოველგვარს საღსარს, ოდესღაც მეფე—ღღეს გლახა, ბედნიერებიდან გაჭირვებაში ჩავარდნილი, დამონებული უზომო მღელვარებისაგან, რომელსაც ეხლა არც ჰგრძნობს ზნეობრივი შერყევისა გამო. არც ერთ დრამაში არ მოიპოვება მსგავსი რამ, როგორცაა ეს სცენები, სადაც გაგიჟების წინ ლირი ცრუ-გიჟის ედვარსა და თავის ხუმარასთან არის, რომელიც თუმცა გულ-გატეხილია, მაგრამ მაინც ცდილობს ითამაშოს ხუმარის როლი. ამ სცენებში არ არის არაფერი გადამეტებული, სასტიკი, და ყველგან და ყოველთვის იქონიებენ ისინი ღრმა (მაგრამ არა მტანჯავ) შთაბეჭდილებას, თუ ლირის მხლებელებს სახის გამომეტყველება ექნებათ ნამდვილი, თუ ედვარის სიტყვებს ექნება შესაფერი ინტონაცია, კარგათ იქნება მომზადებული ხუმარას უკანასკნელი სიტყვები, რომლითაც, უეჭველია, ავტორს უნდოდა დაეხატა ერთგულის მსახურის სულის მდგომარეობა. მეფის სიგიჟე იწყება გიჟ ედვართან საშინელ შეხვედრის დროს. პოეტმა არ დაუმონა შერყეული მეფის გონება ერთს რომელიმე *idea fixa*-ს, რომელიც ეტყობა ედვარს. თავში ისე სჩანს, თითქოს ნამდვილათ ასეთი იყოს შექსპირის განზრახვაო. ვიდრე ლირი ჯერ კიდევ არ გაგიჟებულა მთლათ, სულ მუდამ ქალიშვილების უმადურობაზე ჰფიქ-



რობს; მას სტანჯავს გაქირვების და სიღარიბის ფიქრი, საყვედური საკუთარის თავის წინააღმდეგ იმის გამო, რომ წინათ, როდესაც ბედნიერი იყო, არა ზრუნავდა მშვიერთა და შიშველთათვის, რომელთაც, როგორც მას ეხლა ქარიშხალში, არ გააჩნიათ არც სახლი, არც ტანისამოსი. აი სწორეთ ასეთი ფიქრების დროს შეიშლება ღირსი, რადგან ხედავს ერთს უშემწყო ადამიანთაგანს, ხედავს თვითონ სავგანს, შიშველ ადამიანს და რომ მიუახლოვდეს მის სიშიშველეს, თვითონ იგლეჯს ტანიდან ტანსაცმელს. როგორც სიგიჟემდის, ისე შემდეგ მისი ფანტაზია შეპყრობილია იმის ფიქრით, რომ შური აგოს ქალიშვილებს. წინანდელი დაჟინებულობა, წინანდელი ახირებული მამაცური ხასიათი ეხლაც შერჩება. ხან ოცნებობს გახურებული შუბებით შეიარაღებულ ჯარისკაცთა ლეგიონზე, რომ წარგზავნოს ისინი ქალიშვილების წინააღმდეგ; ხან ეჩვენება, რომ ქალიშვილებს ასამართლებს; სულ მშვილდ-ისრები ახსოვს, შუბ-ნაჯახები, მეომრები, პაროლები, გამოწვევა, რეკრუტთა სიები და ტყვეები. აქაც არ უმონებს პოეტი გაგიჟებულ მეფეს მარტო შურის ძიების ფიქრს. მის წყურვილს რომ შესასრულებელი საშუალება ჰქონდეს, მაშინ ამ სურვილის დაკმაყოფილება მის ფიქრებს სხვა საგნებზე უაღაიტანდა: საშინლად აგებდა შურს და ამ გვართ დააკმაყოფილებდა თავის ბუნების უსაზღვრო მოთხოვნილებას. მაგრამ ეხლა ეს მისთვის შეუძლებელია, მისი ვნება მიმართულია შიგნით და ჯავრის მოსაკლავათ იგი იგონებს შურისძიების სხვა და სხვა სურათებს. მხოლოდ აქაც მისი მოუსვენარი ბუნება არ კმაყოფილდება მარტო ამ გვარის სურათებით. შურისძიების სიტკბოება წითელი ძაფივით გატარებულია ყველა მის არეულ-დარეულ სიტყვებში; მაგრამ განზე გადაუხვევს ხან და ხან, მის ცხოვრებაში გამოერევა ფხიზელი მომენტები, უაზრობა და გონიერება ერთმანეთში არეული აქვს: ხან სულ უგრძობლად ეპყრობა გარშემო არსებულ სინამდვილეს; ხან სრულებით ამახინჯებს; ხან სრულიათ შეუფერებელ სიტყვებს ლაპარაკობს, ხან კი სწორს და კვიანურს აზრებს. ხან და ხან



გაიარა კორინთის ყელი, სადაც მის შესაჩერებლად გამოგზავნილი იყო აფინელი სარდალი იფიკრატე და მივიდა თებაში. აქ მის წინააღმდეგ საქმე შეაყენეს, სარდლობის ვადას სამის თვით რათ გადააცილათ: „დამსაჯეთო, უთხრა ეპამინონდამ მსაჯულებს, მაგრამ თქვენ დადგენილებაში მოხსენებული უნდა იყოს, რომ მე სიკვდილით მსჯიან იმიტომ, რომ თებელებს ლევკტრასთან გაფამარჯვებინე სპარტანელებზე, რომელთაც წინეთ პირდაპირ შეხედვასაც ვერ უბედავდნენ“. მშვენიერი სიტყვებია, მაგრამ აგეზილაოსის არ იყოს, ეპამინონდამაც დააძინა კონონი.

**11. თესალიის საქმეები; მეფე იაზონის განზრახვა.**  
 ამასობაში თებელებს ახალი სამოქმედო ასპარეზი გამოუჩნდათ თესალიაში. ეს ქვეყანა თითქმის სრულებით მოწყვეტილი იყო საბერძნეთს, რომელიც იშვიათად თუ ჩარევიდა ადგილობრივ საქმეებში. თესალია რამდენიმე პატარა მეფეების ხელში იყო და ხალხის დიდი უმრავლესობა მიწაზე იყო მიკრული. მიუხედავად თავის კარნაკეტილობისა, ბერძენთა თემების უკანასკნელი ამბები აქაც შეიქნა საგრძნობელი. ათინის დაცემის შემდეგ სპარტამ ხელთ იგდო თესალიის სამხრეთი ნაწილი; მაგრამ მალე იძულებული შეიქნა ისევ თავი მიენებებინა და და მის მაგიერ აქ გაბატონდა ფერეს ტირანი ლიკოფრონი. მის შემკვიდრეს იაზონს უფრო ვრცელი განზრახვა ჰქონდა: მას უნდოდა მთელ თესალიის გაერთიანება რომ ძლიერ ბერძნულ სახელმწიფოდ გაეხადნა. იაზონს არც აქ უნდოდა გაჩერება: იგი ოცნებობდა სპარსელებთან ომიანობის განახლებას თესალიისა და საბერძნეთის შეერთებულ ჯარების საშუალებით, რაც შემდეგ ასე ბრწყინვალედ შეასრულა ალექსანდრე მაკედონელმა. გონიერმა და საქმიანმა იაზონმა იმდენი მოახერხა, რომ მთელ თესალიის მთავარ სარდლად იცვინეს. დაუღალავმა სარდალმა მალე შეჭრა დაქირავებული ჯარი, რომელიც შესდგებოდა 20,000 ქვეითა ჯარისკაცისაგან და 8000 თესალიელ ცხენოსანისაგან, რომელთაც იმ დროს დიდათ აფა-

სებდნენ. მალე ევბეაშიც მოიკიდა ფეხი იაზონმა. მაგრამ სცა-  
და თუ არა შუა საბერძნეთის საქმეებში ჩარევა, გზაზე თება  
გადაეღობა. იაზონის ძლიერება საშიში შეიქნა და ვინ იცის,  
როგორ გათავდებოდა საქმე, რომ იგი არ მოეკლათ იმ დროს,  
როცა პითიის დღეობაზე აპირებდა წასვლას. მასთან ერთად  
განქრნენ დიადი განზრახვანიც. მისი ადგილი დაიკავა ერთმა მისმა  
ნათესავმა ალექსანდრემ, მაგრამ იმან ისე წაიყვანა საქმე, რომ  
თესალიელებმა თებელებს სთხოვეს დახმარება მის წინააღმ-  
დეგ.

**12. ზელოპიდა თესალიაში.** თესალიაში პელოპიდა წავიდა-  
ასეთი თავბედური გალაშქრება სწორედ პელოპიდას შესაფერი  
იყო: გიჟური მამაცობა მისი ეთანასწორებოდა მხოლოდ მის  
სულგრძელებასა და კეთილშობილებას. რამდენიმე პატარა გა-  
მარჯვების შემდეგ, ეს გმირული დიდი ბავშვი მიდის მარტოდ-  
მარტო და უიარალო ალექსანდრეს ბანაკში. ალექსანდრეს მაინც  
და მაინც არაფრად მიაჩნდა არა ჩვეულებრივი რაინდული გრძნო-  
ბები და პელოპიდა დაატყვევა; მაგრამ პელოპიდას გაკვირვება  
ადვილი არ იყო. იგი გულ დამშვიდებით იჯდა საპატიმროში  
და დინჯად ეუბნებოდა მნახველებს, რომ ტირანი მალე დარ-  
სჯება, და თან გულკეთილად ურჩევდა ალექსანდრეს, ნუ დამ-  
ტოვებ ცოცხალს, თორემ თუ ხელიდან გაგისხლტი, უთუოდ  
შურს ვიძიებო. ალექსანდრემ არ იცოდა, რა ეფიქრა, რადგან  
ვერ გაეგო, რა ადამიანთან ჰქონდა საქმე. „ფვიცავ ძევს, ვერ  
გამიგია, რათ ეჩქარება ასე პელოპიდას სიკვდილი“, უთქვამს  
ალექსანდრეს თავის ახლობლებისათვის. გმირის ასეთმა სიმტკი-  
ცემ და უზრუნველობამ ცნობისმოყვარეობა გაუღვიძა თვით  
ალექსანდრეს ცოლს; იგი მივიდა ტყვის სანახავად და რადგან  
არ უნდოდა ეჩვენებინა პელოპიდასთვის თავისი სიბრალოუ-  
ლი, ნამდვილ ქალურის სიფაქიზით უთხრა: „რა მებრალემა,  
პელოპიდა, შენი ცოლი!“—„მე თქვენ უფრო მებრალეებით“,  
უპასუხა პელოპიდამ, რადგან ტყვე არა ხართ და ისეთ ავ კა-  
ცთან სცხოვრობთ, როგორც ალექსანდრე არის“. ამასობაში



თებამ ჯარი გამოაგზავნა თავის გმირის დასახსნელად, მაგრამ ეს ჯარი დამარცხდა. მაშინ სარდლობა მიიღო ეპამინონდამ, რომელიც უბრალო ჯარის კაცად იყო წინა ლაშქრობის დროს, და მალე თავისი მეგობარი განათავისუფლა. მაგრამ პელოპიდა საბოლოოდ არ გამოთხოვებია ალექსანდრეს. დაბრუნდა თუ არა სუზიდან, სადაც თებასათვის ნაკლებად საქებური ტიტული „სპარსეთის მემკვიდრეობით მეგობრისა“ იშოვა, მისებურის უზრუნველობითა და უანგარიშობით სულ პატარა ჯარით გასწია თავის სასიკვდილო მტრის წინააღმდეგ. მოპირდაპირენი შეხვდნენ ერთმანერთს კინოკეფალესთან და ალექსანდრე დამარცხდა. მაგრამ პელოპიდა პელოპიდა არ იქნებოდა, რომ ამით დაკმაყოფილებულიყო: დაინახა თუ არა ალექსანდრე თავის ჯარით გარშემორტყმული, პირდაპირ მიიჭრა მასთან და ხმალში გამოიწვია. ალექსანდრემ არ მიიღო გამოწვევა; პელოპიდა კი მეფის ამაღამ მოჰკლა (364). გმირი დიდის ამბით დაასაფლავეს. დიდხანს არც ალექსანდრეს უცხოვრია: იგი მოჰკლა ცოლმა ძმების დახმარებით.

**13. ახალი ბრძოლა პელოპონესში.** სანამ ჩრდილეთით ეს ამბები იყო, პელოპონესში ისევ ომიანობა დაიწყო. არკადიელები, რომელთაც იგემეს თავისუფლების მაგარი ღვინო, თავბრუ დახვეულები იყვნენ: სპარტანელებზე ზიზღით ლაპარაკობდნენ და ჰფიცავდნენ, რომ ლაკედემონელების მთელ ჯარს ერთ ყლუპზე გადაჰყლაპავდნენ. ასეთ კვებხნას საკადრისი სასჯელი მოჰყვა.

სპარტანელებს ბლომა დაქირავებული კელტები მოუვიდათ (გალიის—ეხლანდელი საფრანგეთი —ძველი მკვიდრი) დიონის სიცილიელისაგან. ეს პირველად იყო, რომ ეხლანდელ ფრანგების წინაპრები საბერძნეთის ნიადაგზე იბრძოდნენ. დიდ ვაჟკაცობასთან ბევრი ცუდი თვისებაც გამოიჩინეს კელტებმა. იმის მომიზეზებით, რომ ვადა გაუვიდათ, კელტებმა სპარტანელების ბანაკი მიატოვეს; ერთ ხეობაში მათ გარს შემოერტყა მტრის ჯარი და იძულებული გახდნენ შველა ეთხოვათ იმათ-



თვის, ვინც ეხლახან მიატოვეს. საშველად მივიდა აგეზილაოსის შვილი არხილამოსი და ისეთის სიმძლავრით დაეტაკა პელოპონოზლებს, რომ ერთს წუთს გაჰფანტა. კელტებმა დაასრულეს გამარჯვება: 10,000 პელოპონეზელი ბრძოლის ველზე დარჩა; ლაკედემონელებს კი არავითარი ზარალი არ მოსვლიათ. სპარტაში ყველა სტიროდა, მაგრამ ეს სიხარულის ტირილი იყო. ამ ბრძოლას „უცრემლო ბრძოლას“ ეძახდნენ.

ასეთმა დამარცხებამ ვერ გატეხა არკადიელების ახლად შექმნილი სიამაყე: თავიანთ მეზობელ ელიდელებს დაეტაკნენ და ოლიმპიის დღეობის დღესასწაულიდან განდევნეს. ბრძოლა თვით ტაძრის წმინდა ადგილზე მოხდა და საკურთხეველამდეც მივიდა; გამარჯვებულმა არკადიელებმა ტაძრის ფულები იგდეს ხელში. ეს კი საშინელი ღვთის გმობა იყო. მანტინეელებმა უარი სთქვეს თავიანთ წილზე და ბოლოს მოკავშირეთა კრებამაც გადასწყვიტა ხელი არ ახლონ მოპარულ ფულებს. ელიდამ დაიბრუნა თავისი უფლება ოლიმპიაზე და ტეგეოსზე დიდი დღესასწაული გადაიხადეს მშვიდობიანობის ჩამოგდების გამო. ბეოტიელ გარნიზონის უფროსიც და აქვე იყო სცადა დღესასწაულის დროს წარჩინებულ პირების ხელში ჩაგდება, მაგრამ მიზანს ვერ მიაღწია; სულ უბრალო პირები დარჩა დაჭერილი. არკადიელები დიდათ აღშფოთდნენ და თებას გარნიზონის უფროსის თავი მოსთხოვეს.

**14. ეპამინონდა და არკადელები.** ეპამინონდა ამ დროს მთავარ-სარდალი იყო და სახელოვნობის უაღრეს ხარისხამდე მიღწეული. მთელი ეგეის ზღვა შემოიარა ეპამინონდამ და ყველგან კარგად მიიღეს. როცა არკადიელი მოციქულები მივიდნენ მასთან და საჩივარი უთხრეს, მთავარ სარდალმა ცუდათ მიიღო ისინი. „რას ითხოვთ? თქვენ ლალატზე ლაპარაკობთ? მოლაღატენი თქვენ თითონა ხართ, რადგან ჯერ ომში ჩაგვიტორით და შემდეგ ზავი ჩამოგდეთ ჩვენდა შეუტყობინებლად. კარგად იცოდეთ, რომ ჩვენ არკადიაში მოვალთ; მაგრამ ბერი-

ძოლებთ მხოლოდ იმათთან ერთად, ვინც ჩვენ მხარეზეა“ ასეთმა მიღებამ არკადია მოაშორა თებას. სპარტამ ამითი ასარგებლა და არკადია შეიკავშირა დაპირებით, რომ მის მოკავშირეთა შორის ის იქნება შეერთებულ ჯარების ხელმძღვანელი, ვისიც ტერიტორიაზე ბრძოლა იქნება. ათინელებმაც ირწმუნეს ასეთი დაპირება და შეუერთდნენ ხებას წინააღმდეგ შემდგარ კოალიციის.

**15. მანტინეას ბრძოლა.** ერთხელ კიდევ შემოვიდა ეპამინონდა პელოპონეზში და ტეგეოსამდე მივიდა, სადაც თავისი ბანაკი მოაწყო. აქედან უცბად ერთ მშვენიერ ღამეს სპარტასაკენ გასწია, აგეზილაოსი კი მას მანტინეასთან ელოდებოდა. რომ მოღალატე არა, სპარტა სრულებით მოუშვადებელი დახვდებოდა მტერს. როცა ეპამინონდა ახლო შივიდა ქალაქთან, ყველაფერი მზად იყო ქალაქის დასაცველად: ქუჩები გამაგრებული იყო, ქალები, ბავშვები და მოხუცები სახლის ბანებზე ასულიყვნენ და ჯარის კაცები კი ქუჩებზე იდგნენ. აგეზილაოსი შეუერთდა თავის შვილს, და, მიუხედავად ღრმა მოხუცებულობისა, ერთხელ კიდევ შეებრძოლა მტერს სამშობლოს წმინდა ნიადაგის დასაცველად. ეპამინონდა ქალაქის შუა მეიდანამდე მივიდა და დაიკავა იგი; მაგრამ როცა გაიგო, რომ მტერს მაშველი ჯარი მოუვიდა, უკან გაბრუნება არჩია; ბანაკში ანთებული ცეცხლი დასტოვა და თვითონ კი ღამე წავიდა და არკადიაში მივიდა. სპარტანელებიც უკან გაყვნენ და ბრძოლა თვით მანტინეას კედლებთან მოხდა. ეპამინონდას ტაქტიკამ ერთხელ კიდევ იჩინა თავი სახელოვნად და გამარჯვება თებელების იყო, მაგრამ ეპამინონდა სასიკვდილოთ დაიჭრა. თებას გმირი მამაცურად მოკვდა, სიკვდილის წინ მან ურჩია თებელებს ზავი ჩამოეგდოთ სპარტასთან. ეპამინონდასთან ერთად გაჭრა თებას დიდებაც.

**16. დიდი საბერძნეთის (სამხრეთი იტალია) ანკული ძდგომანება.** კანთაგინელები სიცილიაში. დიდი საბერძნეთი ნამდვილ საბერძნეთზე უფრო არც დაწყნარებული ყოფილა და

არც ბედნიერი. სიცილია თუ ასცდა ათინელების ბატონობას, ეხლა შიში სხვა მხრიდან და სხვა ხალხიდან მოელოდა. კართა-გინელები, რომელთაც მცირე მანძილი ჰყოფდა სიცილიიდან, დიდი ხანია სცდილობდნენ ხელში ჩაგდებას და ბერძენების განხეთქილებამ აქაც ისე, როგორც სხვაგან, ხელი შეუწყობა ბარბაროსების განზრახვას. ჯერ კუნძულის დასავლეთი ნაწილი იგდეს ხელში და შემდეგ ნელ-ნელა აღმოსავლეთისაკენ წაიწიენ: სელინონტი აიღეს 409 წელს, ჰიმეროსიც ამავე წელს, აგრიგენტი 406-ში; სირაკუზსაც ესევე დღე მოელოდა, მაგრამ იგი იხსნა სარდალმა დიონისმა, რომელმაც ხელში იგდო სირაკუზის მართვა-გამგეობა თავის გამარჯვებათა და დაქირავებულ ჯარების საშუალებით.

### 17. დიონის უფროსი, სირაკუზის ტირანი (405—368).

ჩვეულებრივი პიროვნება არ იყო დიონის სირაკუზელი, რომელსაც ისტორიკოსები საზარელ ვინმედ გვიხატავენ. იგი იყო უბრალო გადამწერლის შვილი და ასეთ ამბღლებსათვის მარტო თავის ნიჭისა და ღირსების მადლობელი იყო. დიონისი ნიჭიერი მხედართ-მთავარი იყო, თან მეტად ცნობის მოყვარე და დიდებულ საქმეთა მოტრფიალე; მის ტირანიის დროს გამოიგონეს კატაპულტა (დიდრონ ქვების მსროლელი მანქანა) და ხუთ სართულიანი სამხედრო ნავი. დიონისის გონებრივი უპირატესობა იქიდანაც სჩანს, რომ დაცინვით უყურებდა თავის დროის სარწმუნოებრივ ცრუმორწმუნეობათ. ისტორიკოსებმა შეგვეინახეს რამდენიმე მისი სიტყვა, სადაც მისი ხასიათის სკეპტიკური და დამცინავი მხარე იხატება. დიონისმა გახადა ოქროს მოსასხამი სირაკუზის ოლიმპიელ ძევს და სამაგიეროდ შალის მოახურა. „ოქროს მოსასხამი ცივია ზამთარში და მეტად მძიმე ზაფხულში“. ესკულაპსაც მოაძრო ოქროს წვერი. „ესკულაპის მამას არა აქვს წვერი და შვილს რაღათ უნდა ჰქონდეს?“—ო. ამ იუმორისტიულ სიტყვებს გარდა მისგან დაგვრჩენია უფრო დინჯი და ღირსეულიც. იფეთქა აჯანყებამ; სასახლეს ალყა ჰქონდა შემორტყმული; ახლობლები სთხოვდნენ ტახტზე უარი ეთქვა-

„მეფემ არ უნდა დაანებოს თავი სასახლეს, თუ არ ფეხებით“-ო, ე. ი. მკვდარი. ერთი თვისება კიდევ: როგორც რიშელიესა და ფრიდრიხ მეორეს, დიონისსაც უყვარდა ლექსების წერა და ძალიანაც მოსწონდა თავისი ნაწერები. მკითხველები კი სხვა აზრის იყვნენ, რაც ძალიან გულს სტკენდა მას; ხანდახან სურვილი მოუვლიდა. ესარგებლნა თავის მდგომარეობით და ძალით გამოეწვია თავის ლექსების მოწონება. ფილოქსენემ, რომელსაც მინდობილი ჰქონდა ერთი მისი პოემის გასწორება და, როგორც ვოლტერი ფრიდრიხ მეორეს ნაწერებზე ამბობდა, „ჭუჭყიან საცვალის გარეცხა“, მთელ თხზულებას ხაზი გადუსვა. „ეხლავ საპატიმროში უკარით თავი“-ო, ბრძანა დიონისმა. მეორე დღეს ტირანმა მოაყვანიდა დაპატიმრებული, რომ მეორე პოემა წაეკითხვინებია. „ძვესო მაღალო! ისევ საპატიმროში წამიყვანეთ“-ო, დაიყვირა ფილოქსენემ. შემდეგში ათინელებმა, როცა დიონისი დასჭირდათ, გაუცინებლად პოეზიის ჯილდო მიუსაჯეს და დიონისიც სიხარულით ფეხზე ვერ დგებოდა.

**18. დიონისის ბძმალა კართაგინელებთან.** დიონისი მეფობდა 404-იდან 368-ამდე. მთელი ეს დრო სირაკუზს თითქმის განუწყვეტელი ომი ჰქონდა კართაგინელებთან. დიონისმა ორჯელ საშინლად დაამარცხა კართაგინელები და ერიქსის მთამდე მირეკა. აქედან კი ვერ შესძლო თუ არ ინდომა მათი განდევნა. დიონისს ბრალს დებენ, ვითომც განზრახ გაეჭიანურებინოს ეს ომი, რათა იგი ყოველთვის საჭირო ყოფილიყო სირაკუზისათვის. დიონისი ჩაერთა აგრეთვე დიდა საბერძნეთისა და მეტროპოლის (ჰელადის) უთანხმოებაში; სპარტაც კი გაუგზავნა, როგორც ვიცით, დაქირავებული ჯარი. სიკვდილმა არ დააცალა დიონისს სისრულეში მოყვანა თავისი ვრცელი განზრახვები.

**19. დიონის უმცროსა.** უბრძოლველად და უომრად მიიღო დიონის უმცროსმა მამის ტახტი; მაგრამ ისე წაიყვანა თავისი საქმე, როგორც ვინმე მეტიჩარას შვილმა, რომელიც სცდილობს გაფლანგოს მამისაგან შეძენილი ქონება. ერთხანს ვი-



თომ კეთილმოქმედებას სცდილობდა; ფილოსოფოსი პლატონი თან ჰყავდა; მაგრამ მალე თავიდან მოიშორა სიკეთეცა და ფილოსოფოსიც და საბერძნეთის და იტალიის ღვინოების შესწავლაში ისე ჩაეფლა, რომ მთელი თვეები მთვრალი იყო. ყველა ზიზღოთ უყურებდა ასეთ მართველს. ამით ისარგებლა დიონისის ცოლის ძმამ და სიძეს ტახტი წაართვა. ოთხი წელიწადი შინაური ბრძოლა და განხეთქილება იყო სირაკუზში; დიონი მოჰკლეს და დიონისი ისევ დაბრუნდა. მეორედ და უკანასკნელად წაართვა მას ტახტი ტიმოლეონმა. დიონისმა დიდხანს იცოცხლა კიდევ.

**20. ტიმოლეონი.** ტიმოლეონმა გაითქვა დიდი სახელი იშითი, რომ კართაგინელები განდევნა სირაკუზიდან; და დროც იყო, რომ უბედურ ქალაქს მშვიდობიანობა ღირსებოდა: ქალაქის ზოგიერთი განაპირა ადგილები, ისე აოხრებული და გაუდაბნოებული იყო, რომ ირემზე და შველზე ნადირობდნენ, რაც ჩვეულებრივი მოვლენა არ არის დიდის ქალაქისათვის. ტიმოლეონმა მიზნია კართაგინელებს კუნძულის დასავლეთ პუნქტამდე და დევნის დროს ათი-ათასი კაცი მოუკლა მათ, მაგრამ, სიცილიიდან მაინც ვერ განდევნა (342). მშვიდობიანობასთან კანონებიც აღადგინა ტიმოლეონმა და დემოკრატიული წეს-წყობილება დაამყარა. მაგრამ სირაკუზელები არ იყვნენ ღირსი თავისუფლებისა, რადგან ტიმოლეონის სიკვდილის შემდეგ არ გაუვლია 17 წელიწადს, რომ აგათოკლე ტირანად გახდა (317).



მაკედონიის ამაღლება—ფილიპეს მეფობა.  
(360—336) \*).

სარჩევი. 1. მაკედონია ფილიპემდე.—2. მაკედონიის სამეფოს უკმნა.—3. ფილიპე II მაკედონელი (360-336).—4. ფილიპეს გამარჯვების მიზეზები.—5. ფილიპეს პირველი საქმეები. ამფიპოლისის დაპყრობა; დაარსება ქ. ფილიპესი.—6. მაკედონიის მეფის განზრახვა; თესალიის დაპყრობა.—7. ათინის პოლიტიკური და სამხედრო დაცემა.—8. დემოსთენე.—9. დემოსთენეს პირველი სიტყვა ფილიპეს წინააღმდეგ.—10. ოლინთის საქმე.—11. მაკედონიის მომხრე პარტია ათინაში. ორატორი ესხინოსი.—12. ფილიპე ათავებს ფოკიდის წმინდა ომიანობას.—13. ლოჯინისა და მომხადების პოლიტიკა ფილიპეს შხრივ; ათინის მართო დარჩენა.—14. ომიანობის მომხრე პარტია ათინაში; დემოსთენეს პატრიოტისმი და მოღვაწეობა.—15. ხელსონესის საქმე; ფილიპეს დამარცხება (340).—16. საბოლოო ბრძოლა ფილიპესთან; ელატეას აღება.—17. ბეოტიის ლაშქრობა; ხერონეს ბრძოლა (338).—18. ფილიპე გამარჯვების შემდეგ. სპარტას დამცირება.—19. მაკედონიის მეფის მომხადება სპარსეთის წინააღმდეგ გალაშქრებისათვის; მისი სიკვდილი (336).

1. მაკედონია ფილიპემდე. სამმა თემმა—ათინამ, სპარტამ, თებამ—იშოვეს და დაპყარგეს საბერძნეთის ჰეგემონია. მანტინეის ბრძოლის შემდეგ საბერძნეთის ჰეგემონის (პირველის, გამძღოლის) ადგილი ცალიერი იყო. იგი დაიკავა მაკედონიის მეფემ ფილიპე მეორემ. ამ დღიდან იწყობა საბერძნეთის პოლიტიკისა და ცივილიზაციის დიდ-მნიშვნელოვანი ხანა.

\*) ბიბლიოგრაფია: ძველი ავტორები—დემოსთენეს სიტყვები; პლუტარხოსი—დემოსთენეს ბიოგრაფია; დიოდორ სიცილიელის თხზულების მე-XV-ე წიგნი; ეხლანდელი ავტორები—კურციუსის მე-V ე ტომი, გროტის მე-XVII-ე ტომი, დედევის დიუ დეზერ—„მაკედონიის ძველი გეოგრაფია“; პერრო—პოლიტიკური და სასამართლო მკერმეტყველება ათინაში, ეირარა—მკერმეტყველება ათინაში.

რა ქვეყანა იყო მაკედონია? ეკუთვნოდა იგი საბერძნეთს თავის ტრადიციებითა და ენით, თუ „ბარბაროსების“ ქვეყანა იყო? ბერძნისთვის რომ გეკითხათ, მაკედონელი ბარბაროსი იყო; მაკედონელი კი წინააღმდეგს ამტკიცებდა. ზმეტი საბუთიც ჰქონდა. მაკედონელების ენა ეოლიელების კილოკავს ჩამოჰგავდა; მათი ზნე-ჩვეულება პირვანდელ ბერძნების ზნე-ჩვეულება იყო. და თვითონ ბერძნებიც ხომ ჩრდილოეთის მთებიდან იყვნენ მოსული? ასე რომ მაკედონელები ბერძნების ძველი ძმები იყვნენ; მაგრამ დიდის ხნის განმავლობაში ოჯახ გარეთ ცხოვრებდნენ და ველურ მეზობლებიდან, განსაკუთრებით ილირიელებიდან, ბევრი ცუდი ზნე ისწავლეს, ბერძნის შეხედულებით მაკედონელი ველური და მოუხეშავი იყო და ცივილიზაციის ვერ დამფასებელი. „მაკედონელს ისიც კი არ შეუძლია, რომ მონა რიგიანად გაწვრთნას“-ო, ამბობდნენ ათინელები ზიზლით.

**2. მაკედონიის სამეფოს შექმნა.** ამ ლონიერ და მაგარ მთიულებში ბევრი ენერგია და მომავალისათვის საჭირო თვისებები იყო. მაკედონელი დიდხანს იყო დამწყვდეული თავის ღრმა ხეობებში, მაგრამ მოთმინებისა და სიმტკიცის საშუალებით იგი იქიდან გამოვიდა. მაკედონელის ასეთი დაწინაურება უმთავრესად შედეგი იყო ტემნიდების სამეფო გვარის გონიერ პოლიტიკისა. ამ დინასტიის პირველი მეფე პერდიკას I იყო (700 წ. ქრისტეს დაბადებამდე). როგორც პერდიკას, ისე მის მემკვიდრეებსაც კარგათ ესმოდათ ზღვის მნიშვნელობა მაკედონიისათვის და ამიტონაც სცდილობდნენ ზღვის პირზე ფეხის მომაგრებას. მაკედონიის მეფეების პირველი სატახტო ქალაქი ეგეა ან ედესა (ვოდენა) იყო, ლუდიასის ველის ზემოთ, საიდანაც კარგად სჩანს თესალონიკის უბის ცისფერი ტალღები. შემდეგ, ქსერქსეს დროს, როცა მაკედონიის მეფე ალექსანდრე ორპირ პოლიტიკას ადგა, სატახტო ქალაქი გადაიტანეს პიდნაში, ჰალიაკმონის სამხრეთით, ნაპირის ახლო. აქ მაკედონია შეხვდა ათინელებს, რომელთაც ახალშენების მთელი წყება ჰქონდათ ჩამწყკრივებული თესალიიდან ხ ლკიდიკამდე და თრაკიამდე. სპარტასა და ათინას მეტოქეობის გამო

პელოპონეზის ომიანობის დროს პერდიკა მეორე უზრუნველყოფილი იყო. მისმა შემკვიდრემ არხელაოსმა „ბერძნობა“ დაიწყო: დიონში საკურთხევლები აუგო ჰელინების უძველეს ღმერთს ძევს და მუზებს, რომელთა პირველი სამშობლო მაკედონია იყო. მის სასახლეში მიწვეული იყვნენ ძევქსისი; აგათონი და ევრიპიდე; ეს კი იყო, რომ ფრიდრიხ II-სა და ვოლტერის არ იყოს, მეფის ქვეშევრდომთ არ ესმოდათ და არც აფასებდნენ ასეთ სტუმრების ყოლას. არხელაოსის შემდეგ მაკედონია ერთ ხანს ანარხიამ მოიცვა. მაკედონიის მოუხეშავი თავადაზნაურობა ხარბად ღვრიდა სისხლს სამცფო ტახტის გამო ატეხილ შინაურ ომიანობაში. ტემენიდ ამინტამ ერთ ხანს აღადგინა მაკედონიის ძლიერება, მაგრამ მის სიკვდილის შემდეგ ისევ არეულობა გამეფდა; ორი მისი შვილი მოჰკლეს; მესამემ კი ჩაჰყარა ნამდვილი საძირკველი მაკედონიის დიდებისა. ეს იყო ფილიპე II.

3. ფილიპე II მაკედონელი. აღზრდით ფილიპე ბერძენი იყო. ახალგაზდობისას სამი წელიწადი დაჰყო ფილიპემ თებაში (368—365), სადაც ამ დროს ბევრი ფილოსოფოსი, მეცნიერი და სამხედრო ხელოვნების მკოდნე პირები იყრიდნენ თავს. იგი იცნობდა ეპამინონდას და შეიძლება პლატონსაც. ფილიპე განვითარებულ და ცნობის მოყვარე გონების პატრონი იყო, მაგრამ ბევრი ხეხვა არ იყო საჭირო, რომ დაგენახათ ნამდვილი მაკედონელი, გულის - თქმათა ამყოლი, ფიზიკურ ვარჯიშობის უკიდურესი მოყვარე და ქეიფისა და ღვინის სმის გატაცებული მოტრუიალე. ბარბაროსობა ეტყობოდა კიდევ ფილიპეს ცბიერობაში და მატყუარობაში, რაც პირვანდელ აღამიანის დამახასიათებელი თვისებაა.

4. ფილიპე: გამარჯვების მაჰეზა. ფილიპეს გამარჯვების მიზეზი სხვა და სხვა იყო: დაუსრულებელი განხეთქილება ბერძნულ თემებ შორის, მათი სამხედრო ძალის შესუსტება, მაკედონელების საღი ენერგია და ძალღონე და ყველაზე უფრო კი თვითონ ფილიპეს საქმიანობა, გაუტეხელი ხასიათი და ნამდვილი ცოდნა იმისი, თუ რა შეეძლო ან რის მოვალე

იყო. უმთავრესი იარაღი ფილიპესი მაკედონური ფალანგა იყო, რომელიც მან შესცვალა და ახალ წესზე მოაწყო. ფალანგა ბერძნულ სამხედრო ხელოვნების უუსრულებელი გამომხატველია; მან დაიპყრო ქვეყნიერობის ერთი ნაწილი და მხოლოდ რომაელების ლეგიონის წინ მოიხარა ქედი. ფალანგა საშინელი საომარი მანქანა იყო და ამიტომ ადვილი გასაგებია, თუ რატომ ამოიხენემა პავლე ემილიუსმა პიდნაში, როცა დაინახა ეს უზარმაზარი წყობა გრძელ-შუბიან ჯარისკაცებისა. მაგრამ თუ ფალანგა კარგი იყო საშინელ იერიშის მიტანისა და მიღებისათვის, სამაგიეროდ მას აკლდა სიმსუბუქე და მოძრაობა, განსაკუთრებით უსწორო ნიადაგზე. ეს იყო უმთავრესი მიზეზი ფალანგის დამარცხებისა შემდეგ დროებში.

5. ფილიპეს პირველი საქმეები. ამფიპოლისის დაპყრობა; დაანსება ქ. ფილიპესი. ფილიპეს ჰყავდა გაწვრთნილი და მოწყობილი ჯარი და საქმესაც მალე შეუდგა. ჯერ, ხმელეთის მხრივ, ილირილიები ჩადენა მათ საზღვარში. ზღვისაკენ კი მას სამი მტერი ჰყავდა: ათინა და საზღვაო ლიგა თერმაციის უბეში, ოლინთი ხალკიდიაში და ამფიპოლისი მდ. სტრიმონზე. ეს სამი ქალაქი იყო, რომ ფილიპეს ზღვისაკენ არ უშვებდნენ.

ათინელების ახალშენ ამფიპოლისის დავიწყებული ჰყავდა თავისი დედა-ქალაქი; მაგრამ გაჭირვების დროს, როცა დაინახა, რომ ფილიპე მაკედონელი ემუქრება, ახალშენლებმა დახმარება სთხოვეს ათინას. ათინამ ყურიც არ გაიბერტყა: მაკედონის მეფე ჰკუას ასწავლის ამფიპოლისს და მერე ისევ ჩვენ დაგვიბრუნებსო, ჰფიქრობდნენ ათინელები. რა საფიქრბელი იყო ფილიპეს ასეთი გულუბრყვილობა! მან აიღო ამფიპოლისი და თავისთვის დაიტოვა (მწ7). ეს პირველი გამარჯვება იყო. ამფიპოლისი გზას უხსნიდა მას პანგეის მთის ოქროს მადნებისაკენ; ეს ოქროს მადნებიც ხელში იგდო და ააგო აქ პატარა სიმაგრე, რომელსაც ფილიპე დაარქვა. ფილიპე მადნების ექსპლოატაციის ცენტრო იყო. ამ გვარად ფილიპეს ჰყავდა ჯარიც და ფულიც ჰქონდა (1000 ტალანტი) ჯარის გასასტუმრებლად და ფლოტის შესაქმნელად. ათინა მოტყვილდა და



ბევრიც დაჰკარგა. გარდა ამფიპოლისისა და ოქროს მადნებისა, მან დაჰკარგა კიდევ თერმადიკის უბის ნაპირზე მეტონა, რომელიც სრულებით დაანგრის. მთელი ნაპირი, გარდა ხალკიდისა, ფილიპე მაკედონელის ხელში იყო.

6. მაკედონიას შეფის განზრახვანი. თესალიის დაზღუდვა. რაც აქამდე გააკეთა ფილიპემ, ეს მხოლოდ მომზადება იყო უფრო ვრცელ განზრახვების აღსასრულებლად. მისი სურვილი იყო გამხდარიყო მთელ ჰელადის ხელმძღვანელი და შეუდგა კიდევ მიზნის მიღწევას. მაგრამ მას არ უნდოდა გამოცხადებულიყო როგორც დამპყრობელი, მზგავსად დარიოსისა და ქსერქსისა: დამოუკიდებლობის დასაცველად შეერთებული საბერძნეთი საშიში იქნებოდა მაკედონისათვის. უფრო სასარგებლო და ხელსაყრელი იყო ბერძნულ თემების განხეთქილებით სარგებლობა და მათ საქმეებში გარევა. ფილიპეც ამ გზას დაადგა.

ნამდვილ საბერძნეთამდე მისვლისათვის მაკედონიის მეფე საჭიროებდა თესალიას. პირველად საქმე ვერ წავიდა კარგად. შემდეგ კი ყველაფერი ფილიპეს სურვილისამებრ დატრიალდა. დაამარცხა ფოკიდელები, რომელთაც მისი შეჩერება სცადეს, და დაიპყრა თესალიის უმთავრესი ადგილები — პაგაზიკი, ნახევარი კუნძული მაგნეზია, მაგრამ თერმოპილის კარს ჯერ არ გასკლიდა. სხვა საზრუნავი საგანი გამოუჩნდა. ხალკიდის ქალაქები შეიძრნენ, რადგან დაინახეს, თუ რას მოასწავებდა მათთვის მაკედონიის გაძლიერება. ქ. ოლინთმა, რომელიც სხვაზე ძლიერი იყო და რომელსაც მეტი შიში მოელოდა, მოციქულები გაგზავნა ათინაში მაკედონიის წინააღმდეგ კავშირის შესაკვრელად.

7. ათინას პოლიტიკური და სამხედრო დაცემა. ფილიპე მაკედონელის მოძრაობის შეჩერება ხალკიდის მხრივებული ზე უფრო სასურველი ათინისათვის იყო. მაგრამ ბრძენ და მელიც იყო და დარჩა მთელ ძველ ისტორიის განჯოს არ იყოს რძნულ ცივილიზაციის სატახტო ქალაქად, პოზიციობა ნამდვილებით გამოიცივალა. ათინელ ბურჟუაზიამ ამაღლა ხმა, რომე-



ტი არაფერი უნდოდა და შიშით უყურებდა ყოველგვარ ომი-  
ანობას. ათინაში იყო ბეოტიელების პარტია და სპარტას მომ-  
ხრეები, მაგრამ არ იყო ისეთი პარტია, რომელიც ათინის დი-  
დებაზე და დამოუკიდებლობაზე ზრუნავდა. საზღვაო ლიგა,  
რომელიც დროებით გაძლიერდა ხაბრიასის, ტიმოთესა და  
იფიკრატეს წყალობით, ეხლა სპარსეთის მეფისა და მცირე  
აზიის სატრპების გავლენის ქვეშ იყო. ამ გვარად ათინა არც  
ზღვაზე იყო ძლიერი და არც ნიჭიერი სარდლები ჰყავდა და  
ეს იმ დროს, როცა ჩრდილოეთით საშიშმა ძალამ წამოიპყრო  
თავი. იყო ერთი კაცი, რომელიც ოცნებობდა ათინისათვის  
ფილიპეს წინააღმდეგობას, სამშობლოს აღდგენასა და საბერ-  
ძნეთის მეთაურად გახდომას. ეს კაცი დემოსთენე იყო.

8. დემოსთენე. დემოსთენე დაიბადა დაახლოებით 383  
წელს; მამა მისი იყო მდიდარი მექარხნე. დედა სკითელი  
ქალი. დემოსთენე დაობლდა შეიდი წლისა და იზრდებოდა  
მზრუნველების ზედამხედველობის ქვეშ. მაგრამ ეს მზრუნველები  
უფრო დემოსთენეს ქონების მითვისებაზე ჰფიქრობდნენ.  
როცა ობოლი წამოიზარდა და თავის მზრუნველების არა კეთილ-  
სინიდიისიერობა დაინახა, შეურაცხყოფილად იგრძნო თავი და  
გადასწყვიტა ნილაბი ჩამოეხადა მატყუარა და ფლიდ კეთილის-  
მყოფელთათვის. ამ მიზნისათვის იგი შეუდგა მქერმეტყველების  
შესწავლას. მისი მასწავლებელი იყო სხელოვანი იურისტი ისე-  
ოსი. შესანიშნავ მასწავლებლის გაკვეთილებს ფუჟად არ ჩაუვ-  
ლია. დემოსთენე ოცი წლისა იყო, როცა სამართალში გამოიწვია  
თავისი მზრუნველები და შექმული ქონება პირიდან წამოან-  
თხევინა. ეს დემოსთენეს პირველი საქმე იყო. მაგრამ ჯერ  
კიდევ ბევრი აკლდა, რომ ნამდვილი ორატორი ყოფილიყო.  
უხერხული და გაუბედველი მანერები, ხალხის ხმაურობის შიში,  
შეუფერებელი ხმა და ცოტათი ენა ბლუც, აი ამდენი ნაკლი  
უნდა მოეშორებინა თავიდან ახალგაზდა ორატორს. დემოსთენე  
მემ განსაცვიფრებელი ენერგია და ნების ძალა გამოიჩინა  
ორატორის ტრიბუნაზე ასვლის უფლების შესაძენად. მაგრამ

არც ეს ენერჯია და ნების ძალა იქნებოდა საკმარისი დემოს-  
თენესათვის, რომ იგი მხურვალე და გულწრფელი მამულის-  
შვილი არ ყოფილიყო.—ხედავდა ათინის დამცირებას და სამ-  
შობლოს თავდადებული სამსახური ჰქონდა გადაწყვეტილი.  
დემოსთენე დიდებული ორატორი გამოვიდა. იმ დროს, როცა  
ბრწყინავდნენ ისეთი შესანიშნავი ორატორები, როგორც  
იყვნენ ლიკურგოსი, ჰიპერიდე და განსაკუთრებით ესხინოსი,  
დემოსთენე ყველასაგან, მეტოქეთაგანაც კი, პირველ ორა-  
ტორად იქმნა ცნობილი.

9. დემოსთენეს პირველი სიტყვა ფილიპეს წინააღმ-  
დეგ. თავის მოღვაწეობის დაწყებისათანავე დემოსთენე მიმ-  
ხვდარი იყო, რომ მაკედონიის მეფე ათინის საშიში მტერია;  
იგი ხედავდა, რომ ფილიპე ნელ-ნელა მოდიოდა, უფრო  
მოძვრებოდა საბერძნეთისაკენ შეუჩერებლად. ამიტომაც, როცა  
ათინაში აღიძრა კითხვა სპარსეთის წინააღმდეგ ახალ ომიანო-  
ბის დაწყების შესახებ, დემოსთენემ ამ ომის დაწყების წინა-  
აღმდეგ ილაპარაკა, რადგან ხედავდა, რომ ფილიპე სანთლით  
ექებდა ისეთ შემთხვევას, რომ საბერძნეთის მეთაურად გამხ-  
დარიყო. ეს იყო პირველ მისი „ფილიპიკა“, თუმცა ის სიტყ-  
ვა, რომელსაც ეს სახელი უწოდეს, უფრო გვიან (ჰ51) წარ-  
მოსთქვა დემოსთენემ.

დემოსთენემ იცოდა, თუ რა საშიშ საქმეს ჰკიდებდა  
ხელს. იგი პირდაპირ ეხებოდა ისეთ კითხვას, რომელსაც მთე-  
ლი ექვსი წელიწადი უფრთხოდნენ; მისი წინააღმდეგი იყვნენ  
ათინის მართველები, მათ შორის ევბულოსი, რომელიც მზად  
იყო ყველაფერი გაეწირა მშვიდობიანობისათვის, მხდლები  
და შეშინებულები, „ხვალე-ხვალ“-ეს მოტრფიალენი, ფილი-  
პეს მეგობრები, მოყიდული ორატორები, როგორც მაგალი-  
თად ესხინოსი, მოლალატენი, შურიანები და დამწუხრებული  
პატრიოტები, მაგალითად ფოკიონი, რომელნიც ბრძენ და  
გონიერ პატრიოტისმზე ლაპარაკობდნენ, თითქოს არ იყოს  
ისეთი შემთხვევები, როცა ბრძენობა და გონიერობა ნამდვი-  
ლი დანაშაულობაა. დემოსთენემ მაინც აამაღლა ხმა, რომე-

ლიც ათინელების ყურს ისე მოხვდა, როგორც საომარი ნაღარა. „ათინელებო, როდის გააკეთებთ, რაც უნდა გააკეთოთ“? სთქვა დემოსტენემ თავის პირველ ფილიპიკაში; „როდის დაანებებთ თავს მოედანზე სეირნობას და ერთმანეთის ჰკითხვას—ახალი ამბავი რა იციფო? განა იმაზე ახალი საქმე შეიძლება, რომ მაკედონელს ათინაზე გაემარჯვოს და მთელ საბერძნეთში გაბატონებულიყოს? „ფილიპე მოკვდა?“—„არა, ავად არის“. მკვდარია თუ ავად არის თქვენ რა? თუ ფილიპე გაჰქრება, თქვენი დაუდევრობა მეორეს შექმნის; თუ ფილიპე ეხლა ძლიერია უფრო თქვენის უსაქმურობით\*. ორატორის სიტყვას მაშინვე არ მოუტანია თვისი ნაყოფი. ათინელებს ისე არ უნდოდათ ბრძოლა, რომ ერთ დამარცხების შემდეგ ევბეაზე შემდეგი სამარცხვიწო დადგენილება მოახდინეს: ვინც მოითხოვს, რომ დღესასწაულების ფული სამხედრო საჭიროებას მოხმარდეს, სიკვდილით იქნება დასჯილიო (350).

**10. ოლინთის საქმე.** მაგრამ ბოლოს ხომ მანც უნდა დაენახათ, რაც ხდებოდა. ოლინთმა (ხალკიდიკაში), რომელსაც პირდაპირ ემუქრებოდა ფილიპე, დახმარება სთხოვა ათინას; ოლინთთან ერთად მთელი ნახევარი კუნძული მაკედონიის მეფის შეიქნებოდა. დემოსტენემ სამი სიტყვა წარმოსთქვა ზედიზედ, რომ ათინელებისათვის შეეგონებინა ოლინთის დახმარება. მიადწია კიდევ მიზანს; მაგრამ საქმეს სიზნატიდა და უგულოდ შეუდგნენ; მოქალაქეთ არ სურდათ ჯარში სამსახური, დაქირავებული ჯარი კი საიმედო არ იყო, ოლინთი მალე აიღო ფილიპემ მოლაღატის საშუალებით. სახლები სულ გადასწვეს, მცხოვრებნი კი დაჰყიდეს მონებად (347).

**11. მაკედონიის მომხრე პარტიის ათინაში. ორატორი ესხინოსა.** ოლინთის აღებამ ააღელვა ათინელები, მაგრამ სერიოზული ბრძოლა მაინც ვერ დაწყებინა. პირიქით, მშვიდობიანობის მომხრე პარტიამ მეტი თანაგრძნობა მოიპოვა და ამ პარტიის ორატორმა ესხინოსმა იმდენი მოახერხა, რომ ათინელებმა მოლაპარაკება გამართეს ფილიპესთან. ესხინოსი სკოლის მასწავლებლის შვილი იყო; ერთხანს იგი გადამწერლად იყო, შემდეგ

აკტიორობდა, მაგრამ მოქნილ ენისა და გონების საშუალებით იგი მალე ხალხის საყვარელი ორატორი გახდა. ჯერ ესხინოსი ფილიპეს შეურთებელი მტერი იყო და ომის გამოცხადებას თხოულობდა. მაგრამ ერთბაშად გამოიცივალა აზრი და მიმართულება, უეჭველად ფილიპეს ოქროების ზედგავლენის ქვეშ. დემოსთენესთან ერთად ესხინოსიც იყო გაგზავნილი მაკედონიის მეფესთან და როცა იქიდან დაბრუნდა, სულ ფილიპე მაკედონელის წყნარ ხასიათისა და გულკეთილობის ქებაში იყო. ესხინოსის მჭერმეტყველებას მშვიდობიანობის პარტიის მოთავემ ევზულოსმა ის არგუმენტი დაუმატა, რომ ორში ერთი უნდა იქნეს არჩეულიო—ან ზავი და მშვიდობიანი ცხოვრება ანა და სამხედრო ბეგარა და ომიანობის ათასგვარი სიძნელენიო. უმრავლესობამ ზავი ირჩია; ამის შემდეგ ფილიპეს, რასაკვირველია, შეეძლო თერმოპილის კარის გავლახე ფიქრი.

12. ფაღბჟე ათაგებს ფოკიდის წმინდა ომიანობას. მალე მიზეზიც იშოვა თავის განზრახვის ასრულებისათვის. რამდენიმე წლის წინად ფოკიდელებმა ჰემეს ღმერთი და დელფის ტაძარი გაძარცვეს. ამფიქტიონიამ ომით დასჯა გადუწყვიტა ფოკიდელებს და ამ გადაწყვეტილების ასრულება თებელებს მიანდო. მაგრამ რადგან ვერა გააწყვეს რა, თებელებმა ფილიპე-მაკედონელს სთხოვეს დახმარება. მაკედონიის მეფე სიხარულით დასთანხმდა და სულ მოკლე ხანში გაათავა საქმე. მაგრამ მაკედონიის მეფემ სამაგიეროდ შრომის ჯილდო მოითხოვა: სამფიქტიონიო რჩევაში ცვლილება მოახდინეს—ორი ხმა, რომელიც ფოკიდელებს ჰქონდათ, მაკედონიის მეფეს მისცეს; ამ გვარად ფილიპე გახდა საბერძნეთის მთავარი და თერმოპილის კარიც ხელში ჰქონდა. ათინელები სიბრაზით პირიდან ცეცხლსა ჰყრიდნენ. „მაგრამ რა უნდა ჰქნათ“—ო, უთხრა მათ დემოსთენემ. „ამფიპოლისი და სხვა ქალაქები მსხვერპლად შესწირეთ მშვიდობიანობას და ეხლა რაღაც უბრალო უპირატესობისათვის, დელფის აჩრდილისათვის, დაიწყებთ ომიანობას?“ ათინელებმა იგრძნეს დემოსთენეს სიტყვების სიმართლე და გაჩუმდნენ.



13. ლადინისა და მომხადების პოლიტიკა ფილიპეს მხრივ; ათინის მატრო დაწინა. შემდეგი წლები ფილიპე სცდილობდა თავის მდგომარეობის განმტკიცებას და აჩვენებდა ბერძნებს იმ აზრს, რომ მაკედონია საპერძნეთის ერთი ნაწილი იყო. თესალია, რომელიც შეიძლება, საშიში გამხდარიყო მაკედონიისათვის, უფრო მჭიდროდ შეუკავშირა მეფემ თავის სამკვიდროს. პელოპონეზში ელიდის არისტოკრატთა ფილიპეს მთარველობა მიიღო; მესენია, მეგალოპოლისი და არგოლიც მაკედონიის მეფის მხრუნველობის ქვეშ შემოვიდნენ; ეგეის ზღვის კუნძულებსა და ეგეასაც ნებისთ თუ უნებლიეთ ესევე ბედნიერება ხვდა წილად. თან და თან, ფილიპეს ინტრიგებისა და ხერხიანობის მიზეზით, ათინა სრულებით მარტო დარჩა და მშვიდობიანობის მომხრე პარტიაც ეხლა ადვილად ამტკიცებდა ომის გამოცხადების შეუძლებლობას: ვის შეუძლია ასე გაძლიერებულ მტრის შეჩერებაო? ზოგი მოყიდული იყო, როგორც მაგალითად ესხინოსი, დემადე, ჰეგემონი და ფილოკრატე და ეს მთელმა ათინამ იცოდა; ზოგი გულწრფელად იყვნენ მშვიდობიანობის მომხრე და ამიტომ უფრო საშიშიც, მაგალითად ევბულოსი, რომელიც ვაჭრობის წარმომადგენელი იყო, რიტორი ისოკრატე, მეტად მოხუცებული და დაქანცული, ფოკიონი, ვიწრო გონების პატრონი, რომელიც მუდამ ამას ამბობდა: „შეგვწევს იმდენი ძალა, რომ ვიბრძოლოთ? არა; მაშ დავთმოთ ყველაფერი და წყნარად ვიყვნეთ“.

14. ომიანობის მომხრე პარტია ათინაში; დემოსთენეს ჰატრიარქისძი და მოღვაწეობა. მაგრამ ყველა არ ყოფილა დათმობისა და მშვიდობიანობის მომხრე; კიდევ იყვნენ ისეთები, რომელთაც გული უცემდათ საბერძნეთის დაკარგულ თავისუფლებებისა და ათინის წარსულ ბრწყინვალეობის მოგონებაზე. ახალი თაობა მეტად შეურაცხყოფილად გრძნობდა თავს ფილიპე მაკედონელის ასეთ გაძლიერების გამო და დემოსთენეს ამ ახალ თაობაში პოულობდა თანაგრძნობასა და საიმედო დახმარებას. დიდებული ორატორი სულით არ დაცემოდა; პირიქით, გაორკეცებულის გნერგიით სცდილობდა ხე-



ლიდან გამოეთხრიშა მისი ნადავლი მაკედონიის მეფისათვის. მას გვერდში უდგნენ მხურვალე მამულის შვილები, ალტაცე-ბით ისმენდნენ მის სიტყვას და ყველაფერში მხარს აძლევდნენ. ესენი იყვნენ — ჰეგეზიპე, ორატორები ლიკურგოსი და ჰიპერიდე. ტიმარქოსი, რომელმაც სახალხო კრებას მიაღებინა კანონი, რომ ვინც მაკედონიის მეფეს იარაღს მიაწვდის, სიკვდილით დაისჯება. დემოსთენე ლაპარაკთან მოქმედებდა კიდევ: დაანიშნინა თავის ბავი იმ მოციქულების მეთაურად, რომელთაც უნდა დაენახვიებიათ მესენიისა და არგოსის მცხოვრებთათვის, თუ რამდენად საშიშია ფილიპესთან. კავშირი: „ყველაზე სასურველი რა არის თქვენთვის? უთხრა მათ დემოსთენემ. თავისუფლებაო, მეტყვით თქვენ. ძალიან კარგი, მაგრამ ნუ თუ ვერ ხედავთ, რომ თვით თანამდებობა ფილიპესი ყოველად შეუფერებელი და შეურიგებელია თავისუფლებასთან: ვინც მეფე ან ტირანია, იგი თავისუფლებისა და რესპუბლიკურ წესწყობილების მტერია. ამიტომ ფრთხილად იყავით და გეშინოდესთ, რომ ომის შიშით ბატონი არ დაისვათ თავზე.“ ფილიპე გულდამშვიდებით ვერ უყურებდა ასეთ მტრობას და ელჩები გაგზავნა ათინაში საჩივლელად. დემოსთენემ მკაცრად უბასუხა მოციქულებს: „ფილიპე არ არის ისეთი მეფე, რომელსაც სამართალი სურს: იგი მართო თავის გაბატონებაზე ჰტიქრობს. საბერძნეთის ყოველი სიმაგრე; ყოველი კარი მიზანში აქვს მას ამოდებული და ნელ-ნელა მის ხელში გადადის; ეხლა პელოპონესშიაც გადაიტანა თავის ინტრიგების ასპარეზი. ფილიპე მტერია ყველა ბერძნებისა, განსაკუთრებით ჩვენი“.

**15. ხერსონესის საქმე; ფილიპეს დამარცხება (340).** მიუხედავად დემოსთენეს ასეთ მოქმედებისა, მშვიდობიანობა გარეგნათ არ დარღვეულა; საქმით კი ბრძოლა იყო. ფილიპემ კუნძული ჰალონესოსი აიღო და ხერსონესშიაც ინტრიგების ბადე მოჰფინა. ათინელებმა მოთმინება დაჰკარგეს. და, დემოსთენეს რჩევით, გადასწყვიტეს ჰელესპონტში ჯარის გაგზავნა. „საქმე ჩვენ სიკვდილ-სიცოცხლეს ეხება, ათინელებო; ეს დასამალი არ არის. კარგად უნდა გვესმოდეს, რომ ფილიპეს

სძულს ჩვენი ქალაქი, მიწა, რომელზედაც იგი აგებულია, ყველა მისი მცხოვრებნი, ისინიც კი, ვისაც ღღეს მისი მეგობრობით თავი მოაქვს, და, განსაკუთრებით, ჩვენი წესწყობილება“. ათინელებმა თვითონ დემოსთენე გაგზავნეს ბიზანტიონში, რომ ეს ქალაქი ათინის კავშირში შემოსულიყო. ფილიპე იერიშით მივიდა პერინთოსზე და ბიზანტიონზე, მაგრამ უკუ აქციეს. მაკედონიის გაბრაზებული მეფე იძულებული შეიქნა სახლში დაბრუნებულიყო (340).

### 16. საბოლოო ბრძოლა ფილაპესთან; ელატეას აღება.

ფილიპე ისეთი კაცი იყო, რომ ადვილად უარს არ იტყოდა თავის განზრახვაზე. ერთგან იგი დამარცხდა, მაგრამ ეხლა მეორე ადგილას გამონახა და შექმნა ისეთი შემთხვევა, რომ მოწინააღმდეგეს სამაგიერო გადაუხადა. პარნასის დასავლეთ ფერდობზე მდებარე პატარა ქალაქმა ამფისამ ბრალი დასდო ათინას, ვითომც მან დელფის საკურთხეველის განწმენდამდე ადგილი გამოუცვალა ტაძრისთვის შეწირულ ფარებს; ასეთი მოქმედებების გამოზად ითვლებოდა. საქმე საამფიკტიონიო რჩევას უნდა განეხილა; ათინის დამცველად სასამართლოს წინ ესხინოსი დანიშნეს. ესხინოსმა არა თუ გაამართლა ათინა, პირიქით ამფისელებს დაუმტკიცა დანაშაული (წმ. კირას მიწას ამუშავებთ, როცა იგი ღმერთს შეწირული აქვსო). მჭერმეტყველ ორატორის ზედ-გავლენის ქვეშ დელფის მცხოვრებნი კირაში წავიდნენ და ამფისელების შენობები გადასწვეს. მაგრამ მალე ამფისელებმა მოუსწრეს და იფრინეს ესხინოსიც, ამფიკტიონებიც და სხვებიც. დაიწყო ხელ-ახლავ ეგრედ წოდებული წმინდა ომიანობა. ფილიპეც ასეთ შემთხვევას ექებდა: საამფიკტიონიო რჩევამ მას მინდო ომის გაძლოლა. მაკედონიის მეფემ დაუყოვნებლივ გადმოიარა თერმოპილის კარი; მაგრამ ამფისასაკენ წასვლის მაგიერ ბეოტიაში მივიდა და აიღო ელატეა, რომელსაც მისთვის დიდი სტრატეგიული მნიშვნელობა ჰქონდა. საშინელი შთაბეჭდილება მოახდინა ამ ამბავმა ათინელებზე; სახალხო კრებაზე ვერავინ ბედავდა ხმის ამოღებას და რჩევის მიცემას, რადგან ყველას პასუხის გების ეშინოდა; საქმე ათინას თავისუფლებასა და,

შეიძლება, არსებობასაც ეხებოდა. ბოლოს მხოლოდ დემოს-  
თენემ გამოიჩინა იმდენი მოქალაქობრივი ვაჟაკობა, რომ  
წამოდგა, ავიდა ტრიბუნაზე და გაბედვით, მტკიცედ უთხრა  
ათინელებს, თუ რას მოითხოვდა მათგან მათი უზრუნველყოფა  
და სახელი. ხალხმა ყურადღებით მოისმინა მისი რჩევა და მიიღო  
კიდევ: კავშირი თებასთან, ყველა ათინელ მოქალაქეთ ჯარში  
გაწვევა და საგანგებო ათწევრიან კომიტეტის დაარსება თემის  
საქმეების გასაძღოლად ასეთ მძიმე გარემოებათა დროს. კომი-  
ტეტის<sup>1</sup> თავმჯდომარედ დემოსთენე აირჩიეს და იშვიათად  
შომხდარა, რომ მოღვაწეს დემოსთენესავით დაემსახურებინოს  
ასეთი ადგილი.

**17. ბეოტიის ღაშქრობა; ხერონის ბრძოლა.** დემოსთენე  
თითონ წავიდა ბეოტიაში და მოიმხრო ეს თემი ფილიპეს  
წინააღმდეგ. ათინისა და თებას ჯარები შეერთდნენ და  
ფილიპე მაკედონელიც გაჩერდა, წინ აღარ წამოწეულა. მთე-  
ლი ათი თვე მაკედონიის მეფეს იერიში არ მიუტანია მტერზე.  
ბოლოს, ვჰჰ წლის გაზაფხულზე, ფილიპე წამოვიდამოკავში-  
რე ჯარებისაკენ, რომელნიც ხერონის ახლო იდგნენ. ათინე-  
ლებს მარცხენა მხარე ეჭირათ და მათი სარდლები იყვნენ  
სტრატოკლეს, ხარეს და ლიზიკლეს; დემოსთენეც ჯარში  
იყო; ბეოტიელებს ეკავათ მარჯვენა მხარე; მათ სარდლობდა  
თეაგენეს; ჯარის შუა ნაწილს შეადგენდნენ ფოკიდელები,  
აქეელები და კორინთელები. ორივე მხარე მამაცურად იბრძო-  
და: თებელების წმინდა ბატალიონი სულ ერთიანად გაწყდა-  
ომის ველზე. მაგრამ ფილიპეს სამხედრო ნიჭმა, მისი შვილის,  
ალექსანდრეს, მამაცობამ და მაკედონურ ფილანგის ძალამ და-  
სძლიეს მოკავშირეები. საღამოს ყველაფერი გათავებული იყო  
და გაქცევაზე ფიქრი იყო საჭირო. ხერონის ბრძოლის ველ-  
ზე ამოხდა სული საბერძნეთის თავისუფლებას. ამ წლიდან იწყება  
სულ ახალი ხანა საბერძნეთის ისტორიისა; მაგრამ ბერძნულ თე-  
მების დამოუკიდებლობა საბოლოოდ იყო დაკარგული (338).

**18. ფილიპე გამარჯვების შექმნა. სპარტას დამცირება.**  
ფილიპეს ცუდათ არ მოუხმარია თვისი გამარჯვება; მხოლოდ

თება დასაჯა და ათინას კი ისე მოეპყრა, როგორც ვითომდა დამოუკიდებელ თემს. ამ გარეგანმა დაკმაყოფილებამ ათინა განათავისუფლა ბრძოლის გაგრძელების ზრუნვიდან, რაზედაც იგი შიშითა და ძრწოლით ჰფიქრობდა, თვით დემოსთენეს იძულებული შეიქნა შერიგებიყო მდგომარეობას, რომელიც მისი შექმნილი არ იყო და რომლის წამლობაც არსებულ პირობებში შეუძლებელი იყო. ამ საქმის გათავების შემდეგ ფილიპემ მოიარა საბერძნეთი და პელოპონესში ძირს დასცა სპარტას ძლიერება: წაართვა ყველა ის ადგილები, რომელიც მას დაეპყრა და ხელში ჰქონდა; დარჩა მარტო ევროტასის ქალა და დამოუკიდებლობა.

**19. მაკედონიის მეფის მომზადება სპარსეთის წინააღმდეგ გალაშქრებისათვის. მისი სიკვდილი (336).** თება თითქმის სრულებით დანგრეული იყო, ათინა დამცირებული ნაძალადევ კავშირით ძლიერ მაკედონიასთან და სპარტა ტერიტორია წართმეული; ვინდა გაუწევდა წინააღმდეგობას ფილიპე მაკედონელს? სწორედ ამ დროს მოახდინა მან კორინთში ჰელინების საერთო კრება. ფილიპე იქცეოდა არა როგორც გამარჯვებული; პირი იქით, მან გამოაცხადა, რომ აქედან თვითონ ისა და მისი ხალხი საბერძნეთის ნაწილს შეადგენენ და რომ საბერძნეთის ინტერესის სამსახურს მოანდომებს თავის ჰეგემონობას; ამასთანავე შეატყობინა ბერძენთა კრებულს, რომ იგი იწყებს ომს სპარსეთის წინააღმდეგ შურის საძიებლად. ეს მეტად ხერხიანი პოლიტიკა იყო: ერთის მხრივ ბერძნების თავმოყვარეობის დაკმაყოფილება და მეორე მხრივ საბერძნეთის ტრადიციის განახლება. ფილიპე ემზადებოდა ამ დიდ ლაშქრობისათვის, რომ იგი მოჰკლა ერთმა მისგან შეურაცხყოფილმა მაკედონელმა (336).

ალექსანდრეს ცხოვრება და ლაშქრობანი \*)

საჩქევი. 1. ალექსანდრეს ბავშვობის დრო.—2. ალექსანდრეს სიყმაწვილე და უსიამოვნება ფილიპესთან.—3. ალექსანდრეს მეფობის დასაწყისი.—4. საბერძნეთის აჯანყება; თებას აღება და დანგრევა.—5. ალექსანდრეს დაწყებულების სიძნელე; სპარსეთის სამეფოს მდგომარეობა და ძალა.—6. ალექსანდრეს გადასვლა აზიაში.—7. გრანიკის ბრძოლა.—8. ლიდის, იონიის და კარიის დაპყრობა.—9. მცირე აზიის შუა და სამხრეთ ნაწილების დამორჩილება.—10. გალაშქრება კილიკიასა და სირიაში; ისოს ბრძოლა.—11. გალაშქრება ფინიკიაში; ქ. ტირის აღება.—12. ალექსანდრე ეგვიპტეში.—13. ასირიაში გალაშქრება; არბელას ბრძოლა.—14. ალექსანდრე ბაბილონში. მეფის ახალი პოლიტიკა.—15. სიმდიდრისა და ფუფუნების განვითარება მაკედონიის ჯარში. ალექსანდრე პერსეპოლისში.—16. ალექსანდრე დარიოსს მისდევს. დარიოსის სიკვდილი.—17. ალექსანდრეს ამაყობა და ახალი პრეტენზიები. მაკედონელ სარდლების უკმაყოფილება.—18. შუა აზიის დაპყრობა. კლიტოსის მოკვლა მარაკანდაში.—19. ახალი შეთქმულებანი ალექსანდრეს წინააღმდეგ; კალისტენეს გასამართლება.—20. ინდოეთისაკენ გალაშქრება.—21. მაკედონელები უარს ამბობენ წინ წასვლაზე.—22. ალექსანდრეს დაბრუნება.—23. საბერძნეთის თემების მტრული განწყობილება.—24. ალექსანდრეს სიკვდილი ბაბილონში.—25. ალექსანდრეს პიროვნება და მისი საქმე.

1. ალექსანდრეს ბავშვობის დრო. ფილიპე ნიქიერი და ბედნიერ ვარსკვლავზე დაბადებული მთავარი იყო; მისი შვილი და მემკვიდრე ალექსანდრე დიდი და დიდებული კაცი იყო. ყველაფერი არა ჩვეულებრივი და განსხვავებული იყო

\*) ბიბლიოგრაფია: ძველი ავტორები—1) ალექსანდრეს ანაბაზისი არიენისა, 2) ალექსანდრეს ცხოვრება პლუტარხოსისა, 3) დიოდორ სიცილიელის მე-XVII-ე წიგნი, —4) იუსტინის მე-IX ე და მე-XII-ე, 5) კვინტ კურციუსის „ალექსანდრე დიდის ისტორია“.

ებლანდელი ავტორები: 1) გროტის მე-18-ე ტ. 2) დროიზენის ჰელინიკისმის ისტორია.



მასში. დაბადების დროს მოხდა რამდენიმე არა ჩვეულებრივი მოვლენა, რომელიც ბერძნულმა ცრუმორწმუნოებამ მაშინვე აღნიშნა. დაბადების დღეს ერთმა გიჟმა, სახელით ჰეროსტრატემ, გადასწვა აზიის უშესანიშნავესი სიწმინდე—ტაძარი დიანა ეფესელიისა, ფილიპეს სამი გამარჯვების ამბავი მოუყვდა. ალექსანდრე გაიზარდა პელაში, მეფის სასახლეში, რომელიც ნახევრად ბარბაროსული იყო და სადაც მუდამ იარაღის ხმა ისმოდა. იმ თავითვე ეტყობოდა მეფის შვილს, თუ რა გახდებოდა შემდეგში: ფიზიკურად იგი თან და თან უფრო შევნიშნებოდა, რაც, ბერძნის წარმოდგენით, აუცილებელი პირობა იყო პიროვნების წარჩინებულობისა და უადრესობისა; ხასიათი მხურვალე და მოუდრეკელი ჰქონდა; სულ უბრალო ძალდატანება აუტანელი უღელი იყო ალექსანდრეს სიცოცხლით სავსე, მოძრაობით გაუმადლარ და ჰაერითა და თავისუფლებით მთვრალ ბუნებისათვის. სულ პატარა ნაპერწკალიც რომ მოხვედროდა მის ადვილად ასაფეთქებელ ტვინს, იქ მთელი რევოლიუცია ხდებოდა. ერთხელ ერთ სამხედრო სასიმღეროს მოსმენამ ისე იმოქმედა პატარა ალექსანდრეზე, რომ გიჟივით წამოვარდა, იარაღს ხელი მოაგლო და ქნევა-ბრიალი დაუწყო. როცა მის წინაშე ქებით იხსენებდნენ ფილიპეს საგმირო საქმეებს, ალექსანდრე გაფითრდებოდა და იტყოდა: „ნუ თუ ყველაფერს შეასრულებს მამაჩემი და დიდებულსა და სასახელოს არაფერს დამიტოვებს, რომ თქვენთან ერთად შევასრულო?“ ასეთი ძალა მორეულობა და ძლიერი გულისთქმანი, საოცარი ნიჭიერება და თან ველოური თავდაუკაველობა დიდათ მოსწონდა ფილიპეს, მაგრამ თანაც აშინებდა. მეფე ხედავდა, რომ თავის გავლენით ვერას გააწყობდა და ამიტომ უფრო ძლიერი პიროვნება მოიწვია ცამეტის წლის ალექსანდრეს აღსაზრდელად; ეს იყო შესანიშნავი ღრმა მოაზრე და ფილოსოფოსი არისტოტელე. ალექსანდრემ დაამტკიცა, რომ ღირსი იყო ასეთ მასწავლებლისა: ხარბად დაეწაფა სახელოვან მასწავლებლის გაკვეთილებს, სწავლასაც მისებურის გატაცებითა და მოუდრეკელ ნების ძალით შეუდგა. შემდეგ ცხოვრებაშიც შერჩა

ალექსანდრეს მწერლობისა და მეცნიერების ღრმა სიყვარული; შუაგულ აზიაში ლაშქრობის დროს ხმალთან ერთად ჰომიროსიც განუშორებლად თან დაჰქონდა. მაგრამ არისტოტელისაგან სხვა რამ უფრო ძვირფასი ისწავლა ალექსანდრემ: გულის თქმათა მორევნა ან, უკედ რომ ვსთქვათ, მათთვის მიმართულების მიცემა, რაც მას წინეთ ყოველთვის აკლდა. დიდებულ ფილოსოფოსის მაგალითმა და დარიგებამ ასწავლეს ალექსანდრეს. ზიზღი დაბალ სიამოვნებისადმი. „რომ ვცხოვრობ, მამა ჩემის მადლობელი უნდა ვიყო, მაგრამ კარგად რომ ვცხოვრობ, ეს არისტოტელეს საქმეა“ო, უთქვამს ალექსანდრეს.

2. ალექსანდრეს საემაწვილე და უსიამოვნება ფილიპესთან. ალექსანდრე წამოიზარდა და მშვენიერ შეხედულების ახალგაზდა დადგა: შეყრილი ტანი, წმინდა სახე, ამაყი და ხან და ხან საშინელი თვალები, სქელი დახუჭუქებული ქერა თმა. გულისთქმათა მთელი ცეცხლი ღვიოდა ამ ახალგაზდა სხეულში.

ფილიპესა და ალექსანდრეს დედის—ოლიმპიას შუა დიდი უთანხმოება იყო. ალექსანდრე დედის მხარეზე იყო და მამას ამტყუნებდა. ამის გამო ერთ ნადიმის დროს საშინელი ამბავი დატრიალდა: დამთვრალმა ფილიპემ იძრო ხმალი და შვილზე მიიწია; მაგრამ სანამ ალექსანდრემდე მიაღწევდა, მძიმედ წაიქცა. შვილი დაცინვითა და დამცირებით დაჰყურებდა მამას. „შეხედეთ მეგობრებო“, წამოიძახა ალექსანდრემ, „აი ის კაცი, რომელიც ევროპიდან აზიაში ჰფიქრობს გადასვლას და ის კი ვერ მოუხერხებია, რომ ერთი სტოლიდან მეორემდე მივიდეს!“ ამ ამბის შემდეგ ალექსანდრემ დედასთან ერთად მაკედონია მიატოვა. შემდეგ ისევ დაბრუნდა, მაგრამ, შეიძლება, მამას მისთვის მემკვიდრეობა წაერთმია, რომ დასცლოდა. ფილიპე აზიაში წასასვლელად ემზადებოდა; ჩვეულებრივ, დელფის მისანს შეეკითხა განზრახულ ლაშქრობის შესახებ; მისინსაგან შემდეგი პასუხი მიიღო: „ყვავილების გვირგვინით შემკული ხარი სიკვდილის მოლოდინშია, ქურუმიც საკურთხე-

ველშია; რაღა დროის დაგვიანებაა?“ მაგრამ საქმე ისე დატ-  
 რიალდა, რომ დასაკლავი ხარი სპარსეთის მეფე კი არ გამოდ-  
 გა, არამედ თვით ფილიპე. ერთმა მაკედონელმა აზნაურმა  
 პავზანიასმა მოჰკლა იგი პირად-შეურაცხყოფისათვის და, ამბო-  
 ბენ, ალექსანდრეც ერია ამ საქმეშიო.



ალექსანდრე მაკედონელი.

ალექსანდრეს მეფობის დასაწყისი. ოცი წლის ახალგაზდა, თითქმის ბავშვი, ავიდა მაკედონიის ტახტზე. ბერძნებმაც იფიქრეს, რომ დადგა მათი განთავისუფლების საუკეთესო შემთხვევა. დემოსთენეს ძახილზე შეინძრა ათინა, მას მოჰყენებოდა, არგოსი, კორინთი და სპარტა. ალექსანდრეს რყევა არ დაუწყია: თვალი შესანიშნავად უშრიდა, მოქმედების უნარიც ღიმილი ჰქონდა და ნების ძალაც. სანამ ბერძნები რასმე დაიწყებდნენ, იგი თერმოპილში გაჩნდა; აქედან თებასთან მიიჭრა და ქალაქსაც დამორჩილების მეტი აღარაფერი დარჩენოდა; ათინამაც მოიხარა ქედი და კორინთში ალექსანდრე მაკედონელი ყველა ბერძნების სტრატეგად (მთავარ-სარდლად) გამოაცხადეს და თან განუსაზღვრელი უფლება მანიჭეს. ალექსანდრეს ჰქონდა აქ გამართული თავისი ჭასახლე, სადაც ბუზებივით ირეოდნენ



დიოგენე.

მგოსნები, ხელოვანები, დამკვრელები და ფილოსოფოსები, ქება-დიდებას ასხამდნენ ახალგაზდა მეფეს და წყალობას მოელოდნენ მისგან. არ შეიწუხა თავი მეფის ნახვისათვის მარტო დიოგენემ, რომელიც არხეინად სცხოვრობდა თავისთვის.



ბოქკაში მზეზე ფეხებ გაშვერილი; მეფე თვითონ წავიდა ფილოსოფოსის სანახავად, მაგრამ კინიკოსისაგან მხოლოდ შემდეგი, მეფის თავმოყვარეობისათვის მწარე, პასუხი მიიღო: „მზეს ნუ მიფარებ, ალექსანდრე!“

დაბრუნდა საბერძნეთიდან თუ არა, ჰემოსის (ბალკანი) მთებს იქით გადავიდა იქაურ ველურ ხალხების დასამშვიდებლად: არ უნდოდა, რომ სპარსეთში წასვლამდე შეუშინებელი დაეტოვებინა ეს ხალხები. მეფემ დაიმორჩილა ტრიბალები (ეხლანდელი ბალგარია) და გადავიდა მდ. დუნაის მეორე ნაპირზე, მიუხედავად გეტების (რუმინია) წინააღმდეგობისა. ამ გაბედულის ლაშქრობით დაიწყო ალექსანდრეს სახელოვნობა, როგორც სარდლისა: ველურმა ხალხებმა მოციქული გამოუგზავნეს მაკედონიის მეფეს; კელტებიდანაც კი იყვნენ მოსული დესპანები. „რისი უფრო გეშინიათო,“ ჰკითხა მათ ალექსანდრემ. — „არაფრის, თუ ცა არ დაგვეცა თავზეო“, უპასუხეს კელტებმა. ალექსანდრეს გაეცინა თურმე ასეთ მკვებარა პასუხზე.

4. საბერძნეთის აჯანყება; თებსა ადებს და დანგრევა. ალექსანდრეს წასვლის შემდეგ ბერძნებმა ისევ დაიწყეს განთავისუფლებაზე ფიქრი. დარიოსმა ბევრი ფული დაარიგა ათინაში და სხვაგანაც. დემოსთენე ერთხელ კიდევ შეუდგა თავგამოდებით სამშობლოს განთავისუფლების საქმეს. მან წარუდგინა ხალხს ერთი კაცი, რომელიც ჰფიცავდა, რომ ვითომ მან ნახა, როგორც მოჰკლეს ერთ ბრძოლაში ალექსანდრე. ხალხსაც ხომ ის სჯერა, რაც სურს, რომ იყოს. თებამ იარაღი აისხა და კადმეას, სადაც მაკედონელების გარნიზონი იყო, ალყა შემოარტყეს. ყველას იმედი ჰქონდა განთავისუფლებისა. მაგრამ უეცრად გაჩნდა ალექსანდრე და ყველაფერი დაიღუპა: თება აიღეს და ძირიანად დაანგრიეს, დასტოვეს მხოლოდ მგოსან პინდაროსის სახლი; მიწა მოკავშირეებს გაუყო ალექსანდრემ და 30,000 თებელი მონებად გაჰყიდეს (335). ნუ თუ ათინასაც იგივე ბედი მოელოდა? შეშინებულ ხალხს უნდოდა დემოსთენეს გაცემა, მაგრამ ორატორმა იგი გონს მოიყვანა:



„ნუ მიჰბაძავთ არაკის იმ ფარას, რომელმაც თავის დარაჯი ძაღლები მისცა მეგლს“. ალექსანდრემ აპატია მასაც და ათინასაც და მაკედონიაში დაბრუნდა და დიად საქმის—სპარსეთზე გალაშქრების—მზადებას შეუდგა მთელის თავის ძაღლონით. სამეფოს მართველად ანტიპატერი დასტოვა და თვითონ კი 334 წლის გაზაფხულზე 35 ათას ჯარის კაცით აზიისაკენ გასწია. ალექსანდრე თითქო სამუდამოდ მიდიოდა ისე იქცეოდა: თავისი ქონება, შემოსავალი, ვერცხლეულობა მეგობრებს დაურიგა. „შენთვის რაღას იტოვებო“, ჰკითხა პერდიკამ.—„იმედს“-ო, უპასუხა მეფემ. „ძალიან კარგი, მაგრამ გაგვიყავი ეს იმედი ჩვენც, ვინც შენთან ერთად საბრძოლველად მოვდივართ“-ო.

**ნ. ალექსანდრეს დაწყებულების საიმედი; სპარსეთის მდგომარეობა და ძალა.** რა სიძნელე უნდა შეხვედროდა ალექსანდრეს დაწყებულ საქმეში? სპარსელების წინააღმდეგობა იმდენად არ იყო ანგარიშში ჩასაგდები, რამდენად სპარსეთის ტერიტორიის სივრცე, ხასიათი სივრცისა და ამ ხასიათის უცოდნელობა. სპარსეთის სამეფო თუ არსებობდა ამ დროს, ეს იმიტომ რომ წინადაც არსებობდა: ჰისტასპოსის შვილის დარიოსის სიკვდილის შემდეგ სპარსეთი სრულებით შეიცვალა; დარიოსის მემკვიდრეები ნაძღვილი აღმოსავლეთის სულთნები გახდნენ: ჰარამხანის მოტრფიალენი და სასტიკები შიშით ან უსაქმურობით; სატრაპებს ყურის მგდებელი არავინ ჰყავდა და თან-და-თან უფრო დამოუკიდებელ მეფეებად იქცნენ; თვით სპარსელებმა დაჰკარგეს მხნე და ძლიერ მეომრის თვისებები და წინანდებურად ბრმად აღარ ერთგულებდნენ თავიანთ მეფეებს. იყო ფაქტები, რომელნიც ცხადათ ამტკიცებდნენ ამ უზარმაზარ შენობის სისუსტეს; მაგალითად „ათი ათასის უკან დახევა“ და აგეზილაოსის ლაშქრობანი მცირე აზიაში. რომ ბერძნების შინაური განხეთქილება არა, რომლითაც ხერხიანად სარგებლობდა სპარსეთის დიპლომატია, სპარსეთის სამეფო ალექსანდრემდე არ მოაღწევდა. თვით სამეფოს შუაგულში მზად იყვნენ აჯანყებისათვის; სხვა-და-სხვა ნაწილი გამოყოფას ჰფიქრობდა: ეგვიპტე მუდამ აჯანყებული იყო; არც ფინიკია და

არც მცირე აზია საიმედო არ იყო. სამხედრო საქმის მხრივ ალექსანდრეს დაწყებული საქმე ძრვილადვილი სჩნდა, მაგრამ სამაგიეროდ რამდენ სიძნელეს წარმოადგენდა სპარსეთის უზარ-მაზარი სივრცე, გეოგრაფიულ ცნობების ნაკლები გავრცელება, გაუვალი ადგილები და მცხოვრებლების სხვა და სხვაობა. სპარსეთის დამცველი მხოლოდ მისი უზარ-მაზარი სივრცე-ლა იყო. სწორედ აქ იყო ალექსანდრეს დაწყებულების ნამდვილი სიდიადე.

**6. ალექსანდრეს გადასვლა აზიაში.** სპარსეთის მეფედ იყო ამ დროს დარიოს III კოდომანი. იგი წყნარი და მშვიდობიანობის მოყვარე ადამიანი იყო, ე. ი. სწორედ იმის წინააღმდეგი, რასაც გარემოება მოითხოვდა. მის მომზადებას ალექსანდრეს დასახვედრად ზედვე ეტყობოდა დაუდევრობა და ხასიათის სისუსტე; უდიდესი შეცდომა მისი ის იყო, რომ ჯარი სატრაპებ შუა გაჰყო, იმის მაგიერ რომ იგი ჩაებარებინა ერთად ერთნიჭიერ სარდლისათვის, რომელიც მას ჰყავდა; ეს სარდლი იყო ბერძენი მემნონ როდოსელი. ალექსანდრე გზაში იყო; ოც დღეზე ჰელესპონტის ნაპირას მივიდა, სადაც უკვე მისული იყო მისი სამხედრო ფლოტი. ზღვაზე არავითარი წინააღმდეგობა არ შეხვედრიათ მაკედონელებს. ალექსანდრეს თვითონ ეჭირა სამეფო ნავის საჭე და იმ კონცხს მიადგა, სადაც აქილესის, პატროკლოსის და აიაქსის საფლავები იყო. ნაპირზე პირველად ალექსანდრე გადავიდა და მიწას შუბი დააჩრტყა ნიშნად დაპყრობისა. ძველ ტროას ნანგრევები ახლო იყო. მეგობრებითა და ჯარისკაცებით გარ-შემორტყმული ალექსანდრე მივიდა ჰომიროსის გმირების საფლავებთან და მსხვერპლი შესწირა აქილესის სულს; ეგრევე მოიქცა მისი მეგობარი ჰეფესტიონი პატროკლოსის სულის პატივსაცემლად.

**7. გრანიკის ბრძოლა.** მაკედონელების ჯარი გაემართა მტრის საძებნელად აღმოსავლეთით ლამპსაკისაკენ. სპარსელების ჯარი გრანიკის უკან იყო თავმოყრილი; სატრაპების გადაწყვეტილებით აქ უნდა მომხდარიყო მტერთან შეტაკება წინააღმდეგ მემნონის აზრისა, რომელიც უკან დახევას არჩევდა.

მდინარე ჩქარი და ღრმა იყო, ნაპირები კლდიანი და მიუვალი, თან ღამეც ახლოვდებოდა. პარმენიონის აზრით გათენებამდე ადგილზე უნდა მდგარიყვნენ. „ჰელესპონტი გადმოვცურეთ და პატარა რუმ როგორ შეგვაშინოს“ო, სთქვა ალექსანდრემ და ცხენი გრანიკის ტალღებში გადააგდო. მიაღწია თუ არა მეორე ნაპირს, სპარსელები მიცვინდნენ; ერთმა მხარში დაჭრა, მეორემ მუზარადი გაუპო ცულით; მესამე ხმლით უპირებდა გათაფებას, მაგრამ ამ დროს გაჩნდა კლიტოს შავი, ხმლიანი ზელი მოსჭრა სპარსელს და ძეფე სიკვდილს გადაარჩინა. გამოვიდნენ სხვა მაკედონოლებიც და სულ მოკლე დროში სპარსელები გააბნეეს; აქ სამხედრო ხელოვნება და ტაქტიკა არაფერ შუაში ყოფილა: მაკედონოლებმა პირადის ვაჟკაცობით გაიმარჯვეს. დავლა აუარებელი დასტოვეს სპარსელებმა. ალექსანდრემ ჩამოასხმევიწა ლიზიპოსს ოცდახუთი ბრინჯაოს ძეგლი ოცდახუთ მხედრის სახსოვრად, რომელნიც პირველად მოუკლეს მტერს და გაგზავნა ათინაში, ათინაპალადას პატივსაცემლად, 300 სრული იარაღი შემდეგის წარწერით: „აზიის ბარბაროსებზე გამარჯვება ფილიპეს შვილის ალექსანდრესი და ბერძნებისა, სპარტანელებს გარდა (სპარტანელებმა არ ისურვეს ლაშქრობაში მონაწილეობის მიღება)“.

8. ღიღის, იონიის და კანდიის დაპყრობა. გრანიკის ბრძოლამ ბოლო მოუღო სპარსელების ძალასა და გავლენას მცირე აზიაში; ალექსანდრე თამამად წავიდა კრეზის ძველ სატახტო ქალაქ სარდისაკენ; ქალაქი შესანიშნავ სიმაგრედ ითვლებოდა: ალექსანდრე იმდენად ბედნიერი იყო, რომსარდში კიდევ მიუსწრო კარის გამღებს. სარდიდან მაკედონიის მეფე იონიისაკენ წავიდა; ფლოტიც ეფესისა და მილეტისაკენ ჩამოიწია. ეფესის კარები ხალხმა გაუღო ალექსანდრეს. აქ იყო, რომ სახელოვანმა მხატვარმა აპელესმა დახატა ალექსანდრეს სურათი. მილეტი იერიშით აიღეს; სპარსეთის ფლოტი იქვე იყო, მაგრამ ვერავითარი დახმარება ვერ აღმოუჩინა ქალაქს. სპარსეთის ფლოტი მაინც საშიში იყო ალექსანდრესთვის: იგი, ბევრად ძლიერი იყო მაკედონიის ფლოტზე და რომ თავზე და-

სხმოდა და დაემარცხებინა, მეტად ცუდ შთაბეჭდილებას მოახდენდა მთელ მცირე აზიაში და საბერძნეთში. ამიტომ მეფემ ფლოტი გაუშვა, რამაც დიდი შეღავათი მისცა მის კასას. დარჩა კარია და მისი სატახტო ქალაქი ჰალიკარნასი. აქ მემნონი იყო სპარსელ ჯარების ნარჩენით და სასტიკ წინააღმდეგობას უწევდა მაკედონელ ჯარს. ბოლოს იძულებული შეიქნა წასულიყო, მაგრამ წასვლამდე ჰალიკარნასი გადასწვა.

9. მცირე აზიის შუა-და სამხრეთ ნაწილებს დამორჩილება. ზამთარი იწყებოდა, მაგრამ ამას არ შეუჩერებია სამხედრო მოქმედება. ლიკია და პამფილია უომრად დაიპყრეს; მაგრამ ნიაღვრებმა და უვარგისმა გზამ დიდ განსაცდელში ჩააგდეს მაკედონელი ჯარი. მხნე და მხიარული ალექსანდრე ჯარის პირველ რიგში იდგა და ამხნევებდა ჯარის კაცებს თავის მაგალითით და ხერხიანობით. ბერძნები, რომელნიც ბუნებით ტრაბახები არიან, ამბობდნენ შემდეგ, რომ ალექსანდრემ ფეხით გაიყვანა ჯარი ზღვაში და რომ ზღვამ თავყვანი სცა. მას ალექსანდრემ მაინც თავი დაანება ასე ზრდილობიან ოკეანეს და ფრიგიისაკენ გასწია ტავრის მთის ვიწრო ხეობებით, სადაც მას არავინ დახვედრია გასაჩერებლად. გორდიონში ალექსანდრემ მიაღწია მდ. სანგარიოსის ქალას. ეს ადგილი იყო დანიშნული ევროპიდან მომავალ მაკედონელ ჯარების თავმოსაყრელად. ჯარებიც მოვიდნენ შვივ წლის გაზაფხულზე. გორდიონში ალექსანდრემ ხმლით გასკრა გორდიოსის ცნობილი ნასკვი და ამ გვარად ხერხიანად ასრულა მისნის წინასწარმეტყველება—ვინც ნასკვს გახსნის, აზიის მბრძანებელი შეიქნებაო.

10. გალაშქრება კილიკიასა და სირიაში. ისოს ბრძოლა. შევესებული ჯარი ალექსანდრემ სამხრეთისაკენ წაიყვანა. იწყებოდა ახალი ლაშქრობა. კაბადოკია გაუჭირვებლად გაიარეს; ტავრის მთების გასავალი ეხლაც თავისუფალი იყო და ალექსანდრეც მალე ხმელთა შუა ზღვის მხარეზე გაჩნდა. აქ იგი კინელამ სიცოცხლეს გამოესალმა: კილნოსის ყინულიან წყალში იბანა და მძიმე ავადმყოფი შეიქნა. სიკვდილისაგან იხსნა



მკურნალმა ფილიპემ, რომელსაც უსაზღვროდ ენდობოდა, თუმცა პარმენიონმა იგი დააბეზლა. მორჩა თუ არა მეფე, ნაპირებს გაჰყვა და გაიარა ბერძნული ქალაქები, რომელთა მცხოვრებთ დავიწყებოდათ კიდევ თავისი ბერძნობა. ამ დროს ალექსანდრემ შეიტყო, რომ დარიოსი მოდიოდა მის წინააღმდეგ და თან ჰყავდა ასი ათასი ქვეითი ჯარის კაცი და 30 ათასი დაქირავებული ბერძნის ჯარი; ქალები, საჭურისები და მსახურების მთელი ჯარი კიდევ სხვა იყო. ალექსანდრეს არ უნდა მიეტოვებინა ჩრდილოეთისაკენ მიმავალი გზები, რომ მტერს მისთვის გზა არ შეეკრა; მაგრამ იგი ასე არ მოიქცა; მტერმაც ისარგებლა ამით, შემოუარა მაკედონელ ჯარს და დაიკავა ისოსი, სადაც სპარსელებმა სულ გაჟლიტეს იქ დატოვებული დაჭრილი მაკედონელები. ალექსანდრე შესცდა და ეს არ გამოეპარა მის ძველ მეომრებს, რომელნიც თავიანთ უკმაყოფილებას არ მალავდნენ. მეფემ მალე გაასწორა თავისი შეცდომა თავის გაბედულებითა და სიმტკიცით; გარდა ამისა მას შეველოდა ის გარემოება, რომ ბრძოლის ველი უხერხული იყო სპარსეთის მეფის უზარ-მაზარ ჯარისათვის. აქაც იგივე განმეორდა, რაც გრანიკასთან მოხდა: ალექსანდრეს შეუჩერებელმა იერიშმა შეარყია და გააქცია სპარსეთის ჯარი. დარიოსი გაიქცა, მაგრამ დედა, ცოლი და შვილები მტერს ჩაუვარდნენ ხელში. ალექსანდრე ნამდვილ რაინდულად მოეპყრა ტყვევნილებს, რაც სრულებით არ ყოფილა ჩვეულებად იმ დროს; მაკედონიის ახალგაზდა მეფე სხვა ბუნებისა იყო და გარდა ამისა ასეთ ქცევის მიზეზი პოლიტიკაც იყო. ისოს ბრძოლის შემდეგ ალექსანდრე თავის თავს აზიის მბრძანებლად სთვლიდა. „როცა შემდეგში მოციქულებს გამომიგზვნით, სწერს ალექსანდრე დარიოსს, მომმართავთ როგორც აზიის მეფეს და მომწერთ არა როგორც თქვენ სწორს, არამედ როგორც ყველა თქვენი კუთვნილის ბატონს“. მეტად საყურადღებო სიტყვებია ალექსანდრეს მხრივ: მაკედონელის ლაშქრობის მიზანი სპარსეთის სამეფოს დანგრევა კი არ იყო, არამედ განახლება ახალ მბრძანებელის ხელმძღვანელობით.



**11. გალაშქრება ფინავიაში; ქ. ტირის აღება.** ალექსანდრე არ გამოდევნებია დარიოსს; მან არჩია ზღვის პირების დაპყრობა, რომ სპარსელებს გზა არ ჰქონებოდათ ბერძნებისაკენ. სიდონი დამორჩილდა მაკედონელებს; ქ. ტირი კი გაძალიანდა, რადგან კუნძულზე აშენებული იყო და ალექსანდრეს ფლოტი არ ჰყავდა. მაგრამ ტირმა არ იცოდა, ვისთან ჰქონდა საქმე; ეს ქალაქი დაღუპულად უნდა ჩათვლილიყო მას შემდეგ, რაც ალექსანდრეს თავმოყვარეობას შეეხო. მეფემ ამოავსებინა ზღვა ნაპირსა ჭეკუნძულ შუა; თვითონაც იღებდა მონაწილეობას მუშაობაში. პირველად ტირელებმა დაუნგრის დაწყებული საქმე; მაგრამ შემდეგ უფრო ვრცელ და მკვიდრ კედლის ამოყვანას შეუდგნენ; გარდა ამისა სიდონმა, როდოსმა და კიპროსმა გემები ათხოვეს ალექსანდრეს და ამგვარად ტირი ალყა შემორტყმული შეიქნა ყოველის მხრივ. მიუხედავად ტირელების თავგამოდებულ ბრძოლისა, ქალაქი მალე ჩაუვარდა მტერს ხელში. ტირი სურსათისა და იარაღის საწყობად გაიხადეს მაკედონელებმა (332). ქ. გაზასაც იგივე ბედი მოუვიდა, რაც ტირს.

**12. ალექსანდრე ეგვიპტეში.** გაზადან ეგვიპტემდე სულ პატარა მანძილია. ნილოსიც დაიკარგა სპარსელებისათვის, რაკი აქ ალექსანდრე მივიდა. ქ. მემფისს სულ უბრალო წინააღმდეგობაც არ გაუწევია. ალექსანდრემ აქაც არ უღალატა თავის პოლიტიკას; ხელი არ უხლია ადგილობრივ დაწესებულებათათვის და დიდის პატივისცემით ეპყრობოდა ეგვიპტელების სარწმუნოებას; ქურუმებს კარგად იღებდა; მსხვერპლიც კი შესწირა აპისს; ინახულა ამონის განთქმული ტაძარი, რომელიც ლიბიის ერთ უდაბნოს ოაზისში იყო აგებული. გადმოცემით ქურუმებმა მიიღეს ალექსანდრე ღმერთ ამონის შვილად და ალექსანდრეც ხელს არ უშლიდა ასეთ ხმის გავრცელებას; თუ ბერძნებს სასაცილოდაც არ ჰყოფნიდათ ასეთი ამბავი, სამაგიეროთ მას დიდი მნიშვნელობა ჰქონდა ახლად დაპყრობილ ხალხების თვალში. სანამ ეგვიპტედან წავიდოდა, ალექსანდრემ

მარეოტისისა და ზღვას შუა დაარსა ქალაქი, რომელიც ეხლაც არსებობს; ეს ქალაქი ალექსანდრია არის.

**13. ასინიაში გაღაშქტება. ანბელას ბრძოლა.** ალექსანდრემ დიდი ტერიტორია დაიპყრა, მაგრამ დარიოსს ჯერ კიდევ მეტი სივრცის სამფლობელო ჰქონდა. სპარსეთის მეფე ბევრს სცდილობდა ახალ ჯარებისათვის თავი მოეყარა და მართლაც დიდ-ძალი ჯარის კაცები ჰყავდამდ. ტიგროსის იქით, არბელას ახლო. ალექსანდრეც აქეთკენ გამოეშურა. პირველი შეტაკება მოხდა 331 წლის 24 სექტემბერს; ნამდვილი ბრძოლა მოხდა ექვსი დღის შემდეგ გავგამელას ვრცელ ველზე. სპარსეთის ჯარი მეტად დიდი იყო, მაგრამ არეულ-დარეული, სულ სხვა და სხვა ხალხებისაგან შემდგარი. მაკედონელების ჯარი პატარა იყო, მაგრამ მტკიცედ შეკავშირებული და დისციპლინის მცოდნე; თან გამოცდილი აფიცრები ჰყავდა და მთელ ჯარს ალექსანდრე სარდლობდა. გარდა ამისა მაკედონელები კარგად ხედავდნენ, რომ ან უნდა გაემარჯვათ ან სიცოცხლეს გამოთხოვებოდნენ, სხვა გზა არ იყო.

ალექსანდრემ კარგად დააწყო თავისი ჯარი: შუაგულ—ფალანგის ექვსი რაზმი; მარჯვნივ და მარცხნივ—ცხენოსანი ჯარი; უკან სათადარიგო ჯარი, რომელსაც თვალ-ყური უნდა ედევნებინა მტრისათვის, რომ უკან არ მოეარა. ალექსანდრე ცხენოსან ჯარის თავში დადგა მარჯვნივ. ვაცხარებულ ბრძოლის შემდეგ სპარსელების ჯარის შუაგული გააპეს. ალექსანდრე მიისწრაფოდა პირდაპირ დარიოსისაკენ, რომელსაც გარს ერტყა საუკეთესო ცხენოსანი ჯარი. მაკედონელ მეფეს წინ ვერავინ უმაგრდებოდა, მაგრამ დარიოსი მაინც გაუსხლტა ხელიდან. ამ დროს დიდი არეულობა იყო დანარჩენ ბრძოლის ველზე; მაკედონელების ბანაკში შეცვინულიყვნენ ინდოელები და ცხენოსანი სპარსელები. პარმენიონი შევლას თხოულობდა. არაფერიაო, შეუთვალა ალექსანდრემ პარმენიონს; თუ დაემარცხდით, აღარა დაგვჭირდება რა და თუ გავიმარჯვეთ, მტრის ჭონებაც ჩვენი იქნება“ო. სპარსეთის მეფე ომის გათავებამდე გაიქცა. ალექსანდრემ შუა ღამემდე სდია, მაგრამ

ვერ მოსწვდა. არბელაში ყველაფერი დაეტოვებინა დარიოსს; იარაღი, ფულები, ეტლები და ურმები, ერთის სიტყვით აუარებელი დავლა. სპარსელების ზარალი აუწერელი იყო; მაკედონელებს კი, როგორც გადმოგვცემენ, სულ 500 კაცი მოუკლეს.

**14. ალექსანდრე ბაბილონში.** მეფის ახალი პოლიტიკა. ალექსანდრე ბაბილონისაკენ წავიდა; ჯარი მისი ცას ეწეოდა სიხარულით და მთვრალი იყო ამდენ გამარჯვებითა და ნადავლით. როგორც ქალაქს მიუახლოვდნენ, წინ მოეგებნენ მოხუცი ბაბილონელები მდიდარ საჩუქრებითა და გვირგვინებით; უფრო მხიარულად დამარცხების მიღება შეუძლებელი იყო. მზისგან დამწვარი და ხანგრძლივ ლაშქრობით მოქანცული ჯარი თავდავიწყებით დაეწაფა აღმოსავლეთის მომხიბლველ სიამოვნებასა და განცხრომას. დღე ღამედ ჰქონდათ გადაქცეული და გრილი ღამე დღედ. ალექსანდრეს ავჯიციები, მეფის მიბაძვით, გადაიქცნენ ნამდვილ სატრაპებად: მათ სიამაყესა და ანგარებას საზღვარი არა ჰქონდა. იწყებოდა აღმოსავლეთისა და დასავლეთის ერთმანერთში გადადნობა. ალექსანდრეს ცხოვრებისა და პოლიტიკის ასეთი ცვლილება ერთის მხრივ აუცილებელიც იყო: როგორ შეიძლება გავლენა არ იქონიოს წრემ, სადაც ადამიანი ცხოვრობს? როგორ შეიძლებოდა ამ უზარმაზარ ქვეყნის მართვა, თუ მართველი ცოტათი მანც არ შეითვისებდა ადგილობრივ ზნე-ჩვეულებას, ტრადიციას. მაგრამ ალექსანდრე შეუგნებლად როდი დამორჩილებია ახალ ცხოვრებას; მისი სურვილი და ნება იყო, რომ ყოველ ახლად დაპყრობილ ხალხის მართვა-გამგეობა შეფერვებული ყოფილიყო მის ჩვეულებასთან, კანონებთან და სარწმუნოებასთან. თავისი ასეთი განზრახვა ცხად ჰყო მაკედონიის მეფემ ჯერ კიდევ ეგვიპტეში, ტირში და ბაშილონში, სადაც მან ააშენა ბელოსის კოშკი და ძველი პატივისცემა დაუბრუნა ბაბილონის ღმერთებს. ბაბილონშივე მიიღო ალექსანდრემ დამარცხებულ არისტოკრატის სამსახური; სომხითის სატრაპია ერთ სპარსელს მისცა, ბაბილონისა მეორეს. მართალია, ამ სატრაპების მეთ-

თვალყურებად მაკედონელ ჯარის უფროსები იყვნენ. მაგრამ ბერძნები მაინც უკმაყოფილო იყვნენ: ამდენი სისხლი გვიღვრია, ამდენი გაქირვება გამოგვივლია და კარგ ადგილებს ისევ სპარსელებს აძლევენო.

**15. სამდადრასა და ფუფუნების განვითარებას მაკედონელ ჯარში.** ალექსანდრე პერსეპოლისში. ძალიანაც რომ მოესურვებია ალექსანდრეს ჯარში ფუფუნებისა და განცხრომით ცხოვრების არ შეშვება, ვერას გახდებოდა. ლარიბი მაკედონელი ჯარი უფრო და უფრო მდიდრდებოდა, რაც წინ მიდიოდა: სუზაში, რომელიც უომრად აიღეს, აღურიცხველი სიმდიდრე იგდეს ხელში; სპარსეთის მეფეთა საგანძურში მარტო ოქრო და ვერცხლი იყო 50.000 ტალანტი (75.000.000 მილიონი მანეთი); ფას დაუდებელი ქვები, ძვირფასი ავეჯი და ანდრიანტები კიდევ სხვა იყო. კიდევ მეტი სიმდიდრე ნახეს პასარგადაში, სადაც კიროსის საფლავი იყო; 20.000 ჯარი და 3,000 აქლემი შეიქნა საჭირო ამ სიმდიდრის გადასაზიდად. პერსეპოლისში კიდევ სულ სხვა იყო; გონება და თვალ დაბნეულ მაკედონელებმა ყვირილი ვერ შეიკავეს, როცა ამ ქალაქის საუცხოვო სასახლეები, უზარ-მაზარი ძეგლები, ლომები, ხარები და მარტორქები დაინახეს. აქ იყო სპარსეთის სამეფოს ნამდვილი გული, სრული გამოხატვა საოცარ ცივილიზაციისა, რომელსაც არც გემოვნება და არც ზომიერება ჰქონდა, მაგრამ მოკლებული არ იყო სიდიადეს. ნამდვილად არ ვიცით, მართლა გადაწვა ალექსანდრემ ეს საკვირველი ქალაქი თუ არა, მაგრამ ის კი ეჭვს გარეშეა, რომ ძირიანად გაძარცვეს და მცხოვრებლები დახოცეს ან გაჰყიდეს. აუარებელ სიმდიდრით დატვირთული მაკედონელები შეუდგნენ ჩრდილოეთის გზას, მაგრამ ესენი წინანდელი მაკედონელები აღარ იყვნენ: სიმდიდრემ, რომლის არსებობაც კი არ იცოდნენ ორი თვის წინეთ, უკვე გარყვნა ისინი.

**16. ალექსანდრე დარიოსს მიდევს. დარიოსის საეკდალი.** ალექსანდრეც დაემორჩილა ცოტათი ამდენ გამარჯვებათა დამასუსტებელსა და თავბრუს დამხვევ გავლენას, მაგრამ მაკე-

დონელ გმირს კიდევ შერჩა მოძრაობისა და ცხოვრების მო-  
თხოვნილება, ახალ, უცნობ საქმეთა წყურვილი, გონების  
სინათლე და მისებური ენერგია.

დარიოსი ეკატანაშიაც ვერ გაჩერდა და ბაქტრიანასაკენ  
გაიქცა. ალექსანდრე შეუსვენებლად დღე და ღამე მისდევდა  
უკან თავის ცხენოსან ჯარით. ასეთ თავგამოდებულ დევნით  
მაკედონელმა დაღალა თავისი საუკეთესო მხედრებიც კი და  
ბოლოს მხოლოდ 500 ცხენოსნით გამოეკიდა დარიოსს უდაბ-  
ნოში ისე, რომ ერთი საათიც კი არ დაუსვენებია. ერთ დი-  
ლას, როგორც იქნა, მეფის ქარავანი დაინახეს; მაგრამ გვიან-  
და იყო: სპარსეთის მეფე მკვდარი იყო; იგი მოეკლა სატრაპ  
ბესოს, რომელსაც ამით ალექსანდრეს გულის მოგება უნდოდა.

**17. ალექსანდრეს ამაყოფილება და ახალი პრეტენზიები. მაკედონ-  
ელ სანდლების უკმაყოფილება.** გათავდა: ალექსანდრე მთელ  
დასავლეთ აზიის ბატონი იყო ხმელთა შუა ზღვიდან კასპიის ზღვა-  
მდე და სპარსეთის ყურემდე. მაგრამ მაკედონელი გაჩერებას არ  
ჰფიქრობდა: ძლიერებასთან იზრდებოდა მისი პატივმოყვარეო-  
ბაც—სპარსეთის მეფეთა მეფის ტრადიციებმა უკვე შეიპყრეს  
იგი. წინეთ ალექსანდრე უბრალო, მოსიყვარულე და კარგი  
ამხანაგი იყო თავის მხედრებისათვის; ეხლა კი დიდის გაჭირ-  
ვებით ითმენდა ამხანაგების ჩვეულებრივ თავისუფალ ქცევას;  
ძვირფას აღმოსავლეთურ ტანისამოსს იცვამდა, სამეფო დია-  
დემას იხურავდა; სასახლეში ნამდვილი აღმოსავლეთური ეტი-  
კეტი შემოიღო და თხოულობდა, რომ თავყანი ეცათ მისთვის  
როგორც ღმერთ ამონის შვილისათვის. ალექსანდრეს ასეთი  
ქცევა ბავშვურ თავმოყვარეობის დაკმაყოფილება არ ყოფი-  
ლა; ალექსანდრე კარგად მიხვდა ადგილობრივ ზნე-ჩვეულე-  
ბისა და ტრადიციების ხასიათს და დაინახა, რომ ხანგრძლივ  
ბატონობისათვის საჭიროა ამ ზნე-ჩვეულებისა და ტრადიციე-  
ბის დამორჩილება. მაგრამ როგორ უნდა მიეღოთ ასეთი პო-  
ლიტიკა ბერძნებს, რომელნიც იმ თავითვე ზიზღით უყურე-  
ბდნენ ბარბაროსებს და დარწმუნებული იყვნენ თავიანთ უსა-  
ზღვრო უპირატესობაში? ჯარს გამდიდრება სურდა, მაგრამ



მისივე სურვილი იყო წმინდა ბერძნულ ჯარად დარჩენილიყო. მეფის ახლობლებ შორის უკმაყოფილება დაიბადა და ამ უკმაყოფილებას არ უმაღავდნენ მეფეს: მოხუცი პარმენიონი, ერთგული კრატერი და კლიტოს შავი მალა, დაუფარავად უსაყვედურებდნენ ალექსანდრეს მის ქცევას. ლაპარაკიდან მალე საქმეზე გადავიდნენ: პარმენიონის შვილმა ფილოტასმა გადასწყვიტა მეფის დაღუპვა; ალექსანდრემ შეიტყო და შეუბრალებლად მოეპყრა დამნაშავეთ: ფილოტასი აწამეს და თავი მოჰკვეთეს; პარმენიონი, რომელიც ამ დროს ეკატანაში იყო, ალექსანდრეს ემისარებმა (საგანგებოდ გაგზავნილი პირი) მოჰკლეს.

**18. შუა აზიის დაპყრობა. კლიტასის მოკვლა მარაკანდაში.** შეთქმულთაგან განთავისუფლებული ალექსანდრე შეუდგა შუა აზიის დაპყრობას. 330 წლის სექტემბრიდან 329 წლის აპრილამდე ალექსანდრემ თითქმის უომრად მოიარა არია (ჰერატის სახანო), დრანგიანა (ავღანისტანის დასავლეთი) და არახოზია (ავღანისტანის აღმოსავლეთი); ყველგან აარსებდა სიმაგრეებს, რომელთაგან ზოგიერთი, როგორც მაგალითად ჰერატი და კანდაჰარი, დღეს დიდი ქალაქია. შემდეგ მეფე დაბრუნდა ბაქტრიანაში, სადაც დარიოსის მკვლელ სატრაპს ბესოს მეფედ გამოეცხადებია თავი. ეხლანდელ ქაბულისტიანიდან ალექსანდრემ საშინელის გაჭირვებით გადაიარა ინდოელ კავკასიის (ჰინდუ-კუში) მთები, მივიდა ბაქტრაში (ბალქი), გავიდა ოქსუსზე (ამუ-დარია) და მივიდა სოგდიანაში (ბუხარა). ბესოს უღალატეს და მისცეს ხელში ალექსანდრეს, რომელმაც იგი მოჰკლა. მარაკანდაში (სამარკანდი) ცოტა ხანს შეჩერდა. დიდი ცვლილება ეტყობოდა ალექსანდრეს. გადამეტებული მოქმედებამა და საქმიანობამ მის ბუნებრივ ტემპერამენტთან ერთად გაზადეს იგი ნერვებ აშლილ, მოუსვენარ და მეტად ანჩხლ კაცად; ხშირმა ნადიმებმა და ქეიფმა შეარყია მისი სხეული და გონების სწორ - წონაობაც. ერთ ასეთ ქეიფის დროს ალექსანდრემ მოჰკლა საუკეთესო თანამშრომელი და მეგობარი კლიტოს შავი, რომელმაც სიკვდილს გადაარ-

ჩინა მეფე გრანიკის ბრძოლის დროს. პლუტარხოს ასე აქვს მოთხრობილი ეს სამწუხარო ამბავი, რომელიც სავსებით მოგვყავს, რადგან იგი კარგად ხატავს ბერძნებსა და ბარბაროსებს შორის არსებულ ანტაგონიზმს და ალექსანდრეს საქმის (ბერძნებისა და ბარბაროსების შეთანხმება) სიძნელეს.

„მონადიმენი კარგად ნასვამი იყვნენ, რომ ვილაცამ იმდერა პრანიკოსის ან პიერიონის ლექსი, რომელშიაც მაკედონელ სარდლების მწარე დაცინვა იყო. უფრო მხცოვანები, აღშფოთებულნი ასეთის შეურაცხყოფით, ლანძღავდნენ ავტორსაც და მომღერალსაც; მაგრამ ალექსანდრემ და მის საყვარელ პირებმა, რომელნიც სიამოვნებით უსმენდნენ ლექსებს, ბრძანეს სიმღერის განგრძობა. ღვინო მორეული კლიტოსი, რომელიც ბუნებითაც სასტიკი და ამაყი კაცი იყო, ყველაზე უფრო ჯავრობდა და ჰყვიროდა, რომ უღირსობაა შეურაცხყოფის მიყენება მაკედონელ სარდლებისათვის მტრულად განწყობილ ბარბაროსების თვალწინ, იმ სარდლებისათვის, რომელნიც უბედურები არიან, მაგრამ შეურაცხყოფელებზე ბევრად უკეთესები. ალექსანდრემ ამაზე შენიშნა კლიტოსს, რომ რასაც ის უბედურებას ეძახის, ლაჩრობაა და სხვა არაფერი. კლიტოსი წამოვარდა და ალექსანდრეს მიაძახა: „სწორედ ჩემმა ლაჩრობამ გიხსნა სიკვდილისაგან, როცა ზურგი უჩვენე სპითრიდატის ხმალს მიუხედავად იმისა, რომ ღმერთის შვილი ბრძანდები. მაკედონელების სისხლმა, მათმა ჭრილობებმა გაგხადეს შენ ისე დიდებული, რომ ფილიპეს მამობაზე უარს ამბობ და ძევს ამონის შვილობას ჩემობ!“ „უბედურო, მიაძახა ცეცხლ-მოკიდებულმა ალექსანდრემ, იმედი გაქვს, რომ დიდხანს შეგეძლება ასეთი ლაპარაკი და მაკედონელების აჯანყება ჩემ წინააღმდეგ?“ კლიტოსი არ ჩუმდებოდა. — „სიხარულის მეტი რაღა დავგრჩენია მაკედონელებს, როცა ასეთ საზღაურს ვიღებთ ჩვენის ღვაწლისათვის, როცა გვშურს იმათი ბედი, ვინც მოკვდა და როცა სპარსელის ქომაგობა გვჭირდება ჩვენის მეფის სანახავად“. სანამ კლიტოსი ასე მოუერიდებლად ლაპარაკობდა, ალექსანდრეს მახლობლები ილანძღებოდნენ, უფრო მხცოვა-

ნები კი მშვიდობიანობის ჩამოგდებას სცდილობდნენ. ალექსანდრე მიუბრუნდა ქსენოდოხოს კარდიელსა და არტემიოს კოლოფონელს: „როგორ გგონიათ, ბერძნები ისე არ არიან მაკედონოლებ შორის, როგორც ნახევრად-ღმერთები მხეცებ შორის?“ კლიტოსი არ დაცხრა და უთხრა ალექსანდრეს, რომ იგი არ უნდა იწვევდეს თავის სუფრაზე თავისუფალ და გულახდილ პირებს, არამედ უნდა სცხოვრობდეს ბარბაროსებთან და მონებთან, რომელნიც სიამოვნებით სცემენ თაყვანს ალექსანდრეს სპარსულ ქამარსა და თეთრ სამოსელს. ალექსანდრემ გონება დაჰკარგა, ვაშლი ესროლა თავში კლიტოსს და ხმაღს დაუწყო ძებნა. მაგრამ ხმალი წინდაწინვე დაემაღათ სიფრთხილის გამო; დანარჩენი მონადიმენი გარს შემოერტყნენ მას და ამშვიდებდნენ. მეფე გაუსხლტა მათ ხელიდან და თავის მკველებს დაუძახა. კლიტოსი მაინც არ გაჩუმდა; მეგობრებმა იგი გარედ გაიყვანეს, მაგრამ მეორე კარებით ისევ შემოვიდა, თვალი გაუყარა ალექსანდრეს. და ევრიპიდეს „ანდრომახიდან“ შემდეგი ლექსი სთქვა: „რა გარყენილი ჩვეულება შემოიღეს ბერძნებმა!“ ალექსანდრემ გამოსტაცა შუბი ერთ მკველს და ჩასცა კლიტოსს, რომელიც იქვე წაიქცა და მოკვდა.“

**19. სხალი შეთქმულებანი ალექსანდრეს წინააღმდეგ. კალისტენეს გასამართლება.** ზამთარი ალექსანდრემ მარაკანდაში გაატარა და აქ ემზადებოდა ინდოეთზე გალაშქრებისათვის. წასვლამდე მან შეირთო ცოლად მშვენიერი როქსანა, წარჩინებულ სპარსელის ქალი. არც ეს მოეწონათ ბერძნებს. სულ რამდენიმე პირის გარდა მეტი წილი წინააღმდეგი იყო ალექსანდრეს პოლიტიკისა და კლიტოსსავით უყურებდა საქმეს. ამიტომ იყო, რომ უკმაყოფილება არ სცხრებოდა და რამდენიმე შეთქმულებაც გაიმართა ალექსანდრეს წინააღმდეგ. ერთ ასეთ შეთქმულებაში ერია კალისტენე ოლინთელიც, არისტოტელეს ძმისწული და მოწაფე, რომელიც თან დაჰყვებოდა ალექსანდრეს, რომ მისი საქმენი აეწერა. პირველ ხანებში მეფეს მოსწონდა კალისტენე, მაგრამ შემდეგ თავი შეა-

ძულა თავის დამცინავ ხასიათითა და მაკედონოლებისადმი ზიზლის გამოცხადებით. გარდა ამისა კალისტენე არ დაემორჩილა მეფის თაყვანისცემის შემოღებას. ეს აღმოსავლეთური ჩვეულება იმდენად გასაოცარი იყო ბერძნებისათვის, რომ კალისტენემ სიცილი ვერ შეიკავა, როცა პირველად დაინახა ეს ცერემონია. კალისტენე გაასამართლეს და სიკვდილით დასაჯეს.

**20. ინდოეთისაკენ გალაშქრება.** ალექსანდრე პირველი ევროპიელი იყო, რომელმაც საკუთარის თვალთ ნახა საიდუმლოებით მოცული ინდოეთი, სადაც ამდენი მილიონი ხალხი სცხოვრობდა და ასეთი მდიდარი ბუნება იყო. როგორი მომხიბლველი შთაბეჭდილება უნდა მოეხდინა ალექსანდრეს მხურვალე გამოხატულებაზე ამ განსხვავებულ ქვეყნის შესახებ არსებულ მდიდარ ლეგენდებს და რა მწარე გრძობა უნდა გამოეცადა მას, როცა ჯარის კაცებმა უარი უთხრეს უფრო შორს წასვლაზე და ეს „აღთქმული ქვეყანა“ ხელიდან გამოეცალა. ამ დროს ალექსანდრეს ჯარი ასი ათასამდე მეომარს შეიცავდა, მაგრამ ნამდვილი მაკედონოლები ცოტანი იყვნენ; მეტი წილი ადგილობრივ მცხოვრებთ ეკუთვნოდნენ. 327 წელს ალექსანდრე წამოვიდა ბაკტრიანადან, გაიარა პაროპამისოსის ხეობები და მივიდა არიელების სატახტო ქალაქში (ჰერატი), რომელსაც ალექსანდრია დაარქვა. აქედან იგი გაემართა აღმოსავლეთისაკენ და გაჰყვა კოფინეს (ქაბულ) ვიწრო და ბნელ ქალას, რომელიც ინდუსისაკენ მიდიოდა. ბევრი ბრძოლა შეხვდა მაკედონელის ჯარს ადგილობრივ მთიულებთან და ბოლოს, როგორც იქნა მიაღწიეს მდ. ინდუსის ნაპირებს. გაზაფხულზე ინდუსის მეორე ნაპირზე გადავიდნენ და შეჰყვნენ ისეთ ადგილებს, სადაც ყველაფერი უცნობი იყო მათთვის; პირველად ნახეს გაშიშვლებული ფაკირები, რომელნიც უმოძრაოდ და ღრმა ფიქრებში გართულნი, მთელი დღეები ისხდნენ მზის მხურვალე სხივებ ქვეშ. ტაქსილის რაჯა (მთავარი) ოფისი წინ მოეგება ალექსანდრეს სპილოებითა და ბრწყინვალე ამალით. ალექსანდრე დაეხმარა ოფისს მეორე რაჯას პაუსაკატას. ან პოროსის წინააღმდეგ, დაამარცხა იგი და ტყვედ



წაიყვანა; მაგრამ მალე თავისუფლებაცა და სამთავროც დაუბრუნა. მაკედონელმა დაიპყრო მთელი პენჯაბი (ხუთი მდი ნარეს ქვეყანა) და მიაღვა ჰიფასოსს (გორრა).

**21. მაკედონელები უაზრს ამბობენ წინ წასვლასზე.** ჰიფასოსს იქეთ მდ. განგის ხეობა იყო—ღწყებოდა ახალი ქვეყანა, ახალი ცა და ახალი საქმეები. მაგრამ მაკედონელები იმის მაგიერ, რომ წინ ეცქირათ ალექსანდრესავით, უკან—საბერძენთისაკენ იცქირებოდნენ ოხვრით, და არც დიდი დანაშაული იყო ეს მათ მხრივ. ამდენი გზა გამოიარეს, ამდენი ბრძოლა გადაიხადეს, სისხლის ტბები დაღვარეს და მიზანი კიდევ შორს იყო, მოსვენებას ველარ ეღირსნენ. დაქანცულობისა და უბედურებათა მიზეზით თმა გაუთეთრდათ, ხელები დაუსუსტდათ და ფეხები აღარ ემორჩილებოდნენ. მარტო ალექსანდრე, მუდამ ახლოგაზდა, მუდამ დაუკმაყოფილებელი, თხოულობდა წინ წასვლას. საერთო ჩივილი გაისმა ბანაკში. ალექსანდრე, რომელიც მიჩვეული იყო ყველაფრის დამორჩილებას, მეტად გაბრაზდა ჯარის-კაცების ასეთ წინააღმდეგობის გამო. მაგრამ რა ღონისძიება უნდა ეხმარა ცრემლებსა და მუდარასთან? სამი დღე მეფე ჩაკეტილი იჯდა თავის კარავში და არავის დანახვებია: ეს დიდი სასჯელი იყო მაკედონელის ძველ მემორებისათვის; მაგრამ სახლში დაბრუნების სურვილი ისე ძლიერი იყო, რომ ამანაც არ გასჭრა. ბოლოს ალექსანდრე იძულებული შეიქნა დაეთმო და უარ ეყო ახალი დიდება და სახელი, რომელზედაც დიდი ხანია ოცნებობდა.

**22. ალექსანდრეს დაბრუნება.** დაბრუნდნენ 326 წლის აგვისტოში, მაგრამ სხვა გზით: ალექსანდრე ახალის ნახვას და გამოცდას სცდილობდა ყოველთვის. ჯერ ინდუსის შესართავთან მივიდნენ. აქ ფლოტის უფროსობა ჩააბარა მეფემ ერთს თავის საუკეთესო მეგობარს ნეარხოსს და დაავალა სპარსეთის ყურეში მისი მიყვანა. თვითონ გედროზიის (ბელუჯისტანი) გზით, სადაც შიმშილითა და წყურვილით კინაღამ დაიხოცნენ, სპარსეთისაკენ დაბრუნდა. ნეარხოსი სრულებით უცნობ ზღვით ნაპირებს გაყვდა და ნიჭიერად შეასრულა მძიმე მონდობილო-



ბა; მაგრამ როცა იგი ალექსანდრეს წარუდგა, მეფემ ძლიერ იცნო, იმდენად გამოცვლილიყო დაღალვისა და მგზავრობის სიძნელეთა გამო. ბრწყინვალე დღესასწაულები გადაიხადეს სუზაში ჯარისა და ფლოტის დაბრუნების გამო. ალექსანდრემ შეირთო ცოლად სპარსეთის მეფის ქალი სტატისა და თავის სარდლებსაც წარჩინებულ სპარსელების ქალები შერთო; მეფეს არ ავიწყდებოდა ბერძენ-სპარსელების შერიგებისა და შეთანხმების პოლიტიკა. ჯარის კაცებიც არ დაივიწყა მაკედონელმა: გამოუცხადა, რომ გადაიხდის ყველა მათ ვალებს; ტაბლებით გამოიტანეს ოქროები და ისე დაურიგეს მთხოვნელებს.

**23. საბერძნეთის თემების მტრული განწყობილება.** მაკედონელი ჯარის კაცები მაინც უკმაყოფილო იყვნენ და ალექსანდრე იძულებული შეიქნა 10 ათასი მეომარი სახლში გაეგზავნა.

არც საბერძნეთში მიდიოდა საქმე სასურველად. პატარა თემები ვერ გასცილებოდნენ თავიანთ ვიწრო წარმოდგენასა და შეხედულებას და ალექსანდრეს პოლიტიკის სიღიადე მათთვის სრულებით გაუგებარი იყო. „უნდა რომ ღმერთი იყოს და ბრძანდებოდეს“, ამბობდნენ ბერძნები და დასცინოდნენ იმ „მაკედონელს“, რომელიც დიდი მეფე შეიქნა ბერძნების მორჩილება იძულებული იყო; ძველი ცეცხლი კიდევ ღვიოდა ფერფლ ქვეშ და ეს ყველასათვის ცხადი შეიქნა, როცა ალექსანდრე მოკვდა.

**24. ალექსანდრეს სიკვდილი ბაბილონში.** ალექსანდრე ბაბილონში დაბრუნდა. მეფე ჯერ ახალგაზდა იყო, მაგრამ იგი გატეხა ამდენმა ლაშქრობამ, მგზავრობამ და ამ სოფლის სიამეთა ხარბად დაწაფებამ. მეგობრებიც შემოეცალნენ. ეკატანაში მან დაჰკარგა თავისი საუკეთესო მეგობარი ჰეფესტიონი. ალექსანდრე ავად გახდა, მაგრამ მაინც არ ისვენებდა და სცდილობდა განეხორციელებინა ვრცელი პროექტები: მისი განზრახვა იყო ბაბილონი იმპერიის ცენტრად და თავის სატახტო ქალაქად გაეხადა; აკეთებინებდა და ათხრევინებდა უხარ-მაზარ

აუზს, რომელიც ნავსადგური უნდა ყოფილიყო, ამზადებდა ახალ ლაშქარს და სპარსელი მეომრები შეჰყავდა თავის ჯარში. ამდენმა შრომამ და ბაბილონის ცუდმა ჰავამ ბოლო მოუღეს მაკედონელს. მკურნალებმა ვერა გააწყვეს-რა და ალექსანდრე მოკვდა 323 წელს 19 აგვისტოს. იგი მხოლოდ 32 წლისა იყო.

**25. ალექსანდრეს შინაჯვრება და მისი სიჭკმე.** ხალხის მკლევტ მხედართ-მთავრებ შორის არც ერთი არ არის ისე მიმზიდველი, როგორც ალექსანდრე მაკედონელი, ნამდვილი ადამიანი, ენერგიითა და სიცოცხლით აღსავსე, ხან მკაცრი და შეუბრალებელი, ხან რაინდი და მოსიყვარულე, ცუდისა და კარგის ერთგვარად ამყოლი, უკიდურეს გულისთქმათა და უკეთილშობილეს მისწრაფებათა განსაცვიფრებლად შემზავებული. ბევრჯერ უთქვამთ, ვითომც ხალხთა ასეთი საშინელი ხელმძღვანელები მოკლებული იყვნენ კერძო ადამიანის ღირსებათ— გულახდილობას, გულითაღობას, სხვის უბედურების თანაგრძნობას, მეგობრობის ღრმა და უცხო გრძნობას. ალექსანდრე ცოცხალი მაგალითია ასეთ თეორიას სიყალბისა, რომლის მიხედვით ალექსანდრესებური პირები ყოველთვის უკიდურესი ეგოისტები არიან, ცხოვრობენ განკერძოებით დაპყრობილ ხალხებ შორის და გულგრილად შესცქერიან მათ სიხარულსა თუ მწუხარებას. ლამარტინმა სთქვა ნაპოლეონ პირველზე: „მის სქელ ჯავშან ქვეშ ადამიანური არაფერი ყოფილა“ო. ლამარტინი უნდა სცდებოდეს; ყოველ შემთხვევაში ასეთი საყვედური ალექსანდრეზე არ ითქმის. ალექსანდრესი ის არის საყვარელი და სიმპატიის ღირსი, რომ მას ჰქონდა ღია გონება და გული, რაც ყოველ მის მოქმედაბაში ჩიანს, ნაზი და გულის-თქმიანი სული, რომელიც სავსებით ვერ დაემალა მეომრის ცოტა მოუხეშავ ტყავს, სულგრძელი ნდობა სხვის პატიოსნებისადმი და ჩადენილ შეცდომის ან ცოდვის გულწრფელი მონანიება. ალექსანდრე უძლიერესი და უდიდებულესი მბრძანებელი იყო, უამრავი ხალხი განრთხმული იყო მის წინაშე—ასეთ სიმაღლის მიღწევას ყველა გაურყვნია და გაუ-

ფუტებია; მაკედონელმა კი აქაც იცოდა სიყვარული, დანაშაულის პატიება და ცოდვის მონანიება. ეს საკმარისია ალექსანდრეს სახელისათვის.

რაც შეეხება მის საქმეს, მიუხედავად იმისა, რომ დასრულება არ დასცალდა, ძველებსაც დიდებულ რამედ მიაჩნდათ. პლუტარხოსი ამბობს: „ალექსანდრემ არ დაუჯერა არისტოტელეს, რომელიც ურჩევდა მას ბერძენისათვის მთავრად და ბარბაროსებისათვის ბატონად ყოფნას: ბერძნებს მოეპყარი როგორც მეგობრებსა და ოჯახის წევრებს, ბარბაროსებს კი როგორც პირუტყვებსა და დაბალ იარაღსო, ეუბნებოდა თავის გაზრდილს სახელოვანი ფილოსოფოსი. მაგრამ ალექსანდრე ჭეჭრობდა, რომ ღვთაებამ მას არგუნა ყველას მბრძანებელად და ყველას შემაერთებლად ყოფნა; ამიტომ იარაღით დაიმორჩილა, ვისთანაც სიტყვა არ გაუვიდა, და მეგობრობის ფილაში აურია ზნე-ჩვეულებანი, დაქორწინება და კანონები. მისი სურვილი იყო, რომ ყოველ ადამიანს სამშობლოდ მსოფლიო ჩაეთვალა, თანამოქალაქედ და ძმად—ყოველი კეთილი კაცი, უცხოელად—ავი; არ უნდოდა, რომ გარჩევა ყოფილიყო ბარბაროსსა და ბერძენ შუა ტანისამოსისა და იარაღის მიხედვით: ყოველი კარგი კაცი ბერძენია, ყოველი ცუდი—ბარბაროსი“. ალექსანდრეს საქმის უკედ დაფასება შეუძლებელია. მართლაც, მიუხედავად იმისა, ხედავდა თუ არა ალექსანდრე თავის საქმის ყველა შედეგს, ეს საქმე ძველ ისტორიაში დასაწყისია სულ ახალ ევოლიუციისა: ალექსანდრემ სამუდამოდ დაამსხვრია ბერძენულ თემის პატარა ნაჭუჭი, რომელიც მეტად ვიწრო შეიქნა ადამიანისათვის; ჩააჩუმა მძულვარება, რომელიც არსებობდა არათუ ტომებ შორის, თემებსა და კერძო სახლებ შორისაც კი; უჩვენა ნამდვილი ადგილი კაცობრიობის ერთ ნაწილს, რომელსაც თავისი თავი სხვაზე მაღლად მიაჩნდა, და განათავისუფლა მეორე ნაწილი უფლებისა და გონებრივ კულტურის გავრცელებით. ალექსანდრეს შემდეგ საბერძნეთი საბერძნეთში აღარ არის, იგი მთელ ქვეყანაზე და რომაელები, რომელთაც შემდეგ დაიპყრეს ეს ქვეყანა, იყვნენ მხო-

ლოდ საბერძნეთის იდეებისა და ცივილიზაციის იარაღი, რაც მათ არც იცოდნენ და არც სურდათ.

## თ ა შ ი XXVII

### აღექსანდრეს შემკვიდრეები \*)

**სარჩევი.** 1. ანარხია აღექსანდრეს სიკვდილის შემდეგ.—2. შემკვიდრეობის პირველი გაწესრიგება.—3. პერდიკა და აღექსანდრეს უმთავრესი სარდლები.—4. ლამიას ბრძოლა.—5. დამარცხება და სიკვდილი პერდიკასი ეგვიპტეში.—6. დამარცხება და სკვდილი ეგმენისა.—7. ოლიმპია და კასანდრი საბერძნეთში.—8. დიმიტრი პოლიორკეტე.—9. კოალიცია ანტიგონის წინააღმდეგ. იფსოს ბრძოლა (301).—10. დიმიტრის უკანასკნელი დღეები.

**1. ანარხია აღექსანდრეს სიკვდილის შემდეგ.** აღექსანდრე ჯერ კიდევ არ იყო დასაფლავებული, რომ ბაბილონის ქუჩებში ბრძოლა ატყდა. რაც მაკედონელის ძლიერ ხელის შიშით მიჩუმებული იყო—სარდლების პატივმოყვარეობა, მძულვარება და შური—ეხლა წამოაპყო თავი წარმოუდგენელის სიმკაცრითა და სისასტიკით. აღექსანდრეს ჯერ კიდევ დაუმთავრებელ და მოუნელებელ საქმის უწყსო ელემენტები ეხლა გამოჩნდნენ დღის სინათლეზე. საბერძნეთისა და დასავლეთ აზიისათვის დაიწყო ხანა ანარხიისა, განუწყვეტელ ომიანობისა, სისხლის ღვრისა და ხოცვა-ჟლეტისა.

**2. შემკვიდრეობის პირველი გაწესრიგება.** ვის უნდა დარჩენოდა აღექსანდრეს სამკვიდრო? თვითონ მაკედონელს არავითარი განკარგულება არ მოუხდენია; არავინ არ დაუნიშნავს შემკვიდრედ. მაგრამ კანდიდატები მაინც არ აკლდა დაცალიერებულ

\*) ბიბლიოგრაფია: ძველი ავტორები—დიოდორ სიცილიელი; წ. XV<sup>III</sup>, XIX და XX; იუსტინი, წ. XIII და XIV; პლუტარხოსი, დემეტრიოსის და ეგმენის ცხოვრება.

ეხლანდელი ავტორები: დროიზენი, ჰელინისმის ისტორია, ტ. II; გროტუს XIX ტ.

ტახტს: ოცი, ასი ხელი იყო გაწვდენილი მემკვიდრეობის ხელში ჩასაგდებად. ალექსანდრეს ყოველი სარდალი თავისად სთვლიდა სამეფო ტახტს და უკვე ხმაღს იღებდა თავის პრეტენზიის განსახორციელებლად. პირველად ეს მძიმე კითხვა გაიჩა სარდლების რჩევაში, რომელსაც თავმჯდომარეობდა პერდიკა, რადგან ალექსანდრემ მას გადასცა სიკვდილის წინ თავისი ბეჭედი. რჩევამ გადაწყვიტა, რომ მოუცადონ დედოფალ როქსანას მოლოგინებას და თუ მას ვაჟი ეყოლება, ალექსანდრეს მემკვიდრეც იგი იქნება. მაგრამ ჯარი, რომელმაც თან და თან ნამდვილ დაქირავებულ ბრბოს ხასიათი მიიღო, ლოდინის გუნებაზე არ იყო და მეფედ ალექსანდრეს ძმა არიდაოსი გამოაცხადეს. სარდლები იძულებული შეიქმნენ ჯარის ნებას დაყოლოდნენ. როქსანასაც ვაჟი ეყოლა, რომელსაც მამის სახელი დაარქვეს, და ამ გვარად ერთის მაგიერ ორი მეფე იყო. მაგრამ მათი მეფობა უფრო სახელი იყო, ვიდრე სახრავი. როქსანას შვილი ძუძუ მწოვარა ბავშვი იყო, არიდაოსი კი მეტად ჭკუა მოკლე. მკვლელობის სამეფო სარდლების ხელში იყო. ცალკე ქვეყნების მართველები და თანამდებობის პირები არ გამოუცვლიათ: საბერძნეთი ანტიპატერს დარჩა, კრატერი სამეფოს პრეზიდენტის საპატიო სახელს ატარებდა, მელეაგრი ცხენოსან ჯარის უფროსი იყო; ლომის წილი პერდიკას ხვდა: იგი ხილიარხი იყო, მეფის შემდეგ პირველი პირი, ეხლანდელი პირველი მინისტრი ან უფრო რეგენტი. ხილიარხი მეფეს არ შორდებოდა.

3. ზერდაკა და ალექსანდრეს უმთავრესი სარდლები. პირველ ხანებში პერდიკამ იმდენი ენერგია გამოიჩინა, რომ თავის თანამდებობის ღირსი სჩნდა. ჯარის კაცებს არ უყვარდათ ხილიარხი; პერდიკამ დააჭერინა ყველაზე უფრო მოუსვენარები და ჯარის თვალ წინ სპილოებს გააჰყლეთინა; მელეაგრი ავიწროებდა პერდიკას და ესეც მალე მოაკვლევინა. თუმცა ასეთი ქცევა შეეფერებოდა ნამდვილ ბატონს, მაგრამ იგი მოსაწონი არ იყო მაკედონელ წარჩინებულთათვის და პერდიკაც იძულებული შეიქნა სუქანი ადგილები დაერიგებინა თავის მდგომარეობის გასამაგრებლად. თავისთვის დაიტოვა ჯარების



მთავარ-სარდლობა და მეფის ბეჭედი; ცხენოსან ჯარის უფროსობა მისცა ახალგაზდა სელევკოსს. სელევკოსი გონიერი, მოფიქრებული და მტკიცე ხასიათის ადამიანი იყო, თან დიდი ვაჟკაცი და არა ჩვეულებრივ ფიზიკურ ძალის პატრონი; ანტიპატრის შვილს კასანდრს წარჩინებულთა რაზმის უფროსობა ერგო. მდიდარი და დიდმნიშვნელოვანი ეგვიპტე ირგუნა ლაგოსის შვილმა პტოლომემ, რომელიც ლაგიდების დინასტიის დამაარსებელი იყო; სირია, ეფრატსა და ზღვის ნაპირ შუა, მისცეს ნაკლებად ცნობილ ლაომედონს; კილიკია—ფილოტასს, დიდი ფრიგია—ანტიგონს, რომელიც უკვე ათი წელიწადი იყო ამ ქვეყნის მართველად. ანტიგონი, რომელიც ამ დროს სამოცის წლისა იყო, აუჩქარებელი, გონიერი და საქმის ჩქარა მიმხედრი იყო. პაფლაგონიისა და კაპადოკიის მართვა-გამგეობა ჩააბარეს ევმენ კარდიელს, ალექსანდრეს მდივანს. ხერხიანი, მოქნილი და ფოლადივით მტკიცე ევმენი, შეიძლება, ყველა თანამედროეებზე გონიერი და ნიჭიერი იყო და თუ ვერ გაიმარჯვა, ამისი მიზეზი ის იყო, რომ ჩამომავლობით მაკედონელი არ ყოფილა. ევმენის წილი პროვინციები ჯერ კიდევ დასაპყრობი იყო, მაგრამ ეს გარემოება მას ვერ შეაფერხებდა. ჰელესპონტის ფრიგია, რომელიც აზიისა და ევროპის შემაერთებელ გზაზე მდებარეობდა, ლეონატოსს მისცეს; თრაკია, რომელიც მოაშორეს მაკედონიას, არგუნეს ლიზიმახოსს, რომელიც კარგ სარდლად იფელეობდა და პერდიკას ერთგული იყო. ესენი იყვნენ ის პირები, რომელთაც ალექსანდრეს იმპერია გაინაწილეს.

**4. ღამიას ბრძოლა.** ადვილი წარმოსადგენია, თუ რა შთაბეჭდილება მოახდინა საბერძნეთში ალექსანდრეს სიკვდილის ამბავმა. რაც ალექსანდრე აზიაში წავიდა, ყოველ სამ თვეში ერთხელ მაინც გაავრცელებდნენ მეფის სიკვდილის ამბავს; ასე რომ, როცა მართლა მოკვდა მაკედონელი, მაკედონიის მომხრეებს აღარ სჯეროდათ. „შეუძლებელიაო, ჰყვიროდა დემადეს რომ მართალი იყოს, ქვეყანა ალექსანდრეს ცხედრის სუნით აივსებოდაო.“ მაგრამ ათინელები პირში დასცინოდნენ მას;

მთელი ქალაქი გიჟურმა სიხარულმა მოიცვა. ამ საერთო სიხარულის ფერხულში არ ჩაბმულა მოხუცი ფოკიონი, რომელსაც უკეთეს მომავლის რწმენა დაკარგული ჰქონდა. „ძალიან კარგი, თუ ის დღეს მკვდარი არისო, ამბობდა ფოკიონი; მაგრამ ხვალაც და ზეგაც ხომ მკვდარი იქნება და ჩვენც დრო გვექნება, კარგათ მოვიფიქროთ, თუ რა გზას უნდა დავადგეთო.“ ათინელები თამაშობდნენ და მღეროდნენ ქუჩებში და გაიძახოდნენ— კიკლოპს თვალი ამოთხარესო. ჰიპერიდე გრგვინავდა და ჰქექდა ტრიბუნაზე ანტიპატერის წინააღმდეგ, „მართალია, კარგი ბატონია ანტიპატრი, მაგრამ ჩვენ სრულებით არ ვსაჭიროებთ ბატონს თუნდ კარგსაცო.“ ფოკიონი ურწმუნოდ თავს აქნევდა. „როდისღა გვირჩევ, ფოკიონ, ომის დაწყებას“ო, ეკითხებოდნენ. „როცა დავინახავ, რომ ახალგაზდანი მოვალეობის ასრულებას არ გაურბიან, მდიდრები ომისთვის ქონებას იძლევიან და ორატორები არ იპარავენ საზოგადო ფულსო.“ ასეთი კაცი აუტანელი იყო! დააბრუნეს განდევნილი დემოსთენე, გამოაცხადეს ომი და ჯარის სარდლად ლეოსთენე დანიშნეს. ათინელებს ათრობდა მართონისა და სალამინის მოგონება, რომელიც ეხლანდელ ბერძნებსაც კი, ოცის საუკუნის შემდეგ, თავბრუს ახვევს. ლეოსთენე ჯარით თერმოპილში მივიდა და გაჩერდა, მაგრამ რაკი დაინახა ანტიპატრის სისუსტე, იერიშით მივიდა, დაამარცხა და ლამიასში მოამწყვდია. შიმშილით შეწუხებული ანტიპატერი მზად იყო დანებებოდა მტერს, მაგრამ ამ დროს ლეოსთენე მოჰკლეს და ყველაფერი შეიცვალა: ათინელებმა თავი დაანებეს ლამიას ალყას და ატიკაში დაბრუნდნენ. ზღვაზედაც დამარცხდნენ ათინელები და მეტი წინააღმდეგობაც აღარ შეეძლოთ: მაკედონელი გარნიზონი მუნიხიაში დადგა, მოქალაქის უფლება დაუტოვეს მხოლოდ იმ ათინელს, რომელსაც 2000 დრაჰმაზე (600 მ.) მეტი ჰქონდა—ათინელების ნახევარს ამაზე ნაკლები ჰქონდა; მაკედონიის წინააღმდეგ ორატორებს სიკვდილი გადაუწყვიტეს და დახოცეს. დემოსთენემ თავი მოიწამლა, რომ ანტიპატრის ხელში არ ჩავარდნილიყო.

**5. პერდიკას დამატება და სიკვდილი ეგვიპტეში.** ბევრი რამ მოხდა შემდეგ წლებში, დიდი არეულობა იყო გამეფებული, მაგრამ დაწვრილებით ყველაფრის მოთხრობა ინტერესს მოკლებულია. აზრი ყველა ამბებისა ერთი იყო—ვინ იქნება ალექსანდრეს მემკვიდრე, ვინ მოიშორებს თავიდან მეტოქეებს და განაახლებს დანაწილებულ იმპერიას?

ლეონატოსი მოკვდა. ყველაზე უკეთეს მდგომარეობაში პერდიკა იყო, რომელმაც ალექსანდრეს და კლეოპატრა შეერთო და რომელსაც ეხმარებოდა ეგვიპტის ხმალი და ჭკუა. მაგრამ ვინც ყველაზე გაბატონებას ჰფიქრობს, მისი წინააღმდეგია ყველა. ანტიპატრმა ოლიმპიას (ალექსანდრეს დედა) სიძულვილითა და შიშით, კავშირით შეეკრა ანტიგონს, კრატერსა და პტოლომეს პერდიკას წინააღმდეგ სამოქმედოდ. ეგვიპტე დაამარცხა ანტიგონი და კრატერი; ეს უკანასკნელი მოჰკლა კიდევ. თვითონ პერდიკა პტოლომეს წინააღმდეგ წავიდა.

პტოლომე მეტად მოხერხებული პოლიტიკოსი იყო. იგი არ იყო ამაყი მკედონელი, რომელიც ზიზლით უყურებდა დამორჩილებულ ხალხს. პტოლომე ძალიან კარგად გრძობდა თავს ეგვიპტეში და უფრო ვრცელ იმპერიაზე არ ჰფიქრობდა. თავის ქვეშევრდომებს ეფერებოდა, პატივს სცემდა მათ ზნეჩვეულებას და ნამდვილი ეგვიპტელი გახდა; აზის ნამდვილ ფარაონსავით სცემდა თაყვანს. ამაყი პერდიკა ვერას გახდებოდა ასეთ მეტოქესთან. მდ. ნილოსის გადასვლის დროს მან დაჰკარგა 2000 კაცი და თვითონაც მოჰკლეს მისმავე სარდლებმა. პერდიკას რეგენტობა ანტიპატერს დარჩა.

**6. ეგვიპტის დამატება და სიკვდილი.** ლეონატოსი, კრატერი და პერდიკა აღარ იყვნენ სცენაზე; ჯერი მიდგა ეგვიპტეზე, რომელიც პერდიკას სიკვდილის შემდეგ სრულებით განმარტოებული დარჩა. შეუდარებელი ნიჭი და მოხერხება გამოიჩინა ეგვიპტეში უამრავ მტრებთან ბრძოლის დროს, მაგრამ ვერას გახდა. ბოლოს მისივე ჯარის კაცებმა უღალატეს და მტერს ჩაუგდეს ხელში. ბორკილ გაყრილი და შეკრული ჩაუტარეს ეგვიპტი ჯარს; ეგვიპტეში ზიზლით თვალებში მიაფურთხა

მოლაღატეებს. ანტიგონმა დაახრჩობინა დატყვევებული გმირი (316).

7. ოლიმპია და კასანდრა საბერძნეთში. რა ხდებოდა ამ დროს საბერძნეთში? პერდიკას სიკვდილის შემდეგ ანტიპატერი დაბრუნდა საბერძნეთში და მალე მოკვდა კიდეც. მართველად პოლისპერხონი დატოვა და ხილიარხად საკუთარი შვილი კასანდრი. პოლისპერხონი კარგი ჯარის კაცი იყო, მაგრამ მეტად უყვარდა ქეიფი და მხიარულება; კასანდრი, მუდამ მოღუშული და ავგულა, ისეთი კაცი იყო, რომელსაც სულ უბრალო იძულების ატანაც კი არ შეეძლო. ეს ის კასანდრი იყო, რომელმაც იშვიათი ბარბაროსობა გამოიჩინა ათინას დამარცხების შემდეგ: ათინელ ორატორის დემადეს შვილები მამის თვალწინ დახოცა და შემდეგ შვილების სისხლში მოსვრილი მამაც მოაკვლევინა. ასეთ ბუნების პატრონ კაცს მეორე პირობა არ შეეძლო აეტანა; მან მიატოვა მაკედონია და ანტიგონთან მივიდა ფულისა და ჯარის საშოვნელად.

პოლისპერხონი იმით სცდილობდა თავის მდგომარეობის გამაგრებას, რომ ბერძნებს თავისუფლება დაუბრუნა და ოლიმპია მიიხსრო. განდევნილები დაბრუნდნენ თავიანთ ქალაქებში და ყველგან დემოკრატია გამეფდა. საშინელი სისხლის ღვრა იყო ყოველ ქალაქში, როგორც ეს ჩვეულებრივ ხდებოდა ხოლმე, როცა განდევნილი პარტია იმარჯვებდა. ათინაში სხვათა შორის აწამეს მოხუცი ფოკიონი, რდმელსაც მოსამართლეებმა გასამართლებელი სიტყვაც კი არ ათქმევინეს. რაც შეეხება ოლიმპიას, ამან კიდევ უფრო გაუტეხა სახელი პოლისპერხონის პოლიტიკას. ეს ბებერი ურცხვი დედაკაცი ეპირიდან ჯარით მოვიდა, დაიჭირა თავის ქმრის უკანონო შვილი არიდაიოსი და მოიკლა შურისძების წყურვილი: მოჰკლა არიდაიოსი და მისი დედა ევრიდიკე და კასანდრის ბევრი მომხრე. არიდაიოსი და ევრიდიკე კედელში ამოაშენებინა გამხეცებულმა დედაბერმა. სისხლით მთვრალი მეგერა ამითი არ კმაყოფილდებოდა და უფრო უმატებდა სიბრახეს; სხვათა შორის მოაკვლევინა კასანდრის ძმა. მოვიდა კასანდრი და



ანგარიში მოსთხოვა ამდენ მხეცობის ჩამდენს. ოლიმპია პიდნაში მოემწყვდა; კასანდრმა ალყა შემოარტყა; ქალაქში საშინელი შიმშილობა შეიქნა; დაიხოცნენ სპილოები და ჯარის კაცები; მძოვრის სუნი ყველას სულს უხუთავდა; ოლიმპია კიდევ ფეხზე იდგა. ბოლოს იგიც დაატყვევეს. მისგან დახოცილების ნათესავები შურისძიებას თხოულობდნენ და კასანდრმა ბრძანა მისი მოკვლა. როცა ოლიმპიამ დაინახა მის მოსაკლავად მომავალი ჯარის კაცები, ბრწყინვალედ გამოაწყობილი დედოფალი, ორ მსახურ ქალზე ხელებით დაყრდნობილი, პირდაპირ მათკენ გაემართა. ჯარის კაცებმა ვერ გაუძლეს მის თვალების ელვარებას და უკან დაიხიეს. „არ შეგვიძლია, ალექსანდრეს დედა მოვკლათ“ო, გამოაცხადეს. თვითონ მის მსხვერპლების ნათესავებმა ჩაჰქოლეს იგი ქვებით: ოლიმპია ისე მოკვდა, რომ ერთი კრინტი არ დაუძრავს, ერთი ცრემლი არ გადმოვარდნია; პირიქით, სიკვდილის წინ იმას სცდილობდა გაწეწილი თმები გავსწორებია და ტანი კარგად გაეხგია მანტიაში. სამეფო სახლიდან დარჩენილი იყვნენ კიდევ—ალექსანდრეს და კლეოპატრა და ალექსანდრეს ორი შვილი, ერთი კანონიერი და მეორე უკანონო. კლეოპატრა ანტიგონმა მოაკვლევინა; შვილები ერთი კასანდრმა მოჰკლა, მეორე პოლისპერხონმა. მაკედონიის ძველი დინასტია სრულე-ბით მოისპო.

**8. დიმიტრი პოლიორკეტე.** შემდეგი ომები დიდ ინტერესს არ წარმოადგენენ, მაგრამ ცოტა ხანს მაინც უნდა შევჩერდეთ, რომ გავცნოთ დიმიტრი პოლიორკეტეს, მეტად სიმპატიურსა და მიმზიდველ ბედისმადიებელს, როგორიც ამ გვარ ტიპებით მეტად მდიდარ საბერძნეთშიაც არ ყოფილა. დიმიტრი ანტიგონის შვილი იყო და მისი პირველი თავისებურობა ის იყო, რომ ამ რკინისა და სისხლის ხანაში მამას აღმერთებდა; არც მამას უყვარდა შვილი ნაკლებად. სიმპატიური და გონება მახვილი პოლიორკეტე (ქალაქების ამღები), მოქმედებით გაუმაძღარი და თანაც თავისუფალ დროის მოხმარების კარგი მცოდნე, დიად მისწრაფებათა ამყოლიც იყო და სულ უბრა-



ლო სისუსტისაც; ბუნებით დიმიტრი ნამდვილი ჯარის-კაცი იყო, მაგრამ თან წარჩინებულ და განათლებულ ხელოვნანს ბუნება ჰქონდა. ასეთი პირი რომ სხვა დროს დაბადებულყო, უფრო დიდი ადგილი ეკავებოდა ისტორიაში. დიმიტრი პოლიორკეტე სანახავი ათინაში იყო: ყოველ ღონეს ღონობდა, რომ თავისაკენ მიეზიდა მასავით ფაქიზი და ხელოვნების მოყვარე ათინელები, მაგრამ მასავითვე ჟინიანი და დაუდგარი, სახელის აჩრდილის უფრო მოყვარე, ვიდრე ნამდვილ დიდებისა. დიმიტრი მამის მინდობილობით მივიდა ათინაში ქალაქის კასანდრისაგან განსათავისუფლებლად: ასეთ მდგომარეობაში იგი იყო ხალხის განმათავისუფლებელი გმირი, რომელიც ყველას თავისაკენ იზიდავდა; ხალხი აღტაცებით შეხვდა მას და არ იცოდა, როგორ გამოეხატა თავისი უაღრესი სიხარული და კმაყოფილება: გაუკეთეს დიმიტრისა და მის მამას ოქროს ქვადრიგა (ორ ბორბლიანი ეტლი), აუგეს საკურთხეველი, როგორც მხსნელ ღმერთებს, ორ უბანს ანტიგონიდა და დემეტრიადა დაარქვეს, ერთ თვეს დიმიტრის სახელი უწოდეს, აგრეთვე ყოველ თვის უკანასკნელ დღესაც; დიონისის დღესასწაულიც დიმიტრის დღესასწაულად მონათლეს. დიმიტრი სიამოვნებით იღებდა ასეთ პატივის ცემას და მეტად კმაყოფილი იყო. მაგრამ ამ დროს მამის ამბავი მოუვიდა და პოლიორკეტემ ყველაფერს თავი დაანება; გაჩნდა ომის ველზე კიპროსის ახლო და პტოლომეს ფლოტი დაამარცხა (306). სხვა მის ადგილს ამით დაკმაყოფილდებოდა, დიმიტრი კი ეგვიპტეში მიდის მტრის დასასჯელად. აქ დაამარცხეს, მაგრამ ეს მისთვის არაფერია: მუდამ მხიარული, დაუღალავი და ცნობის მოყვარე დიმიტრი ეხლა როდოსის წინ დგას, იგონებს ახალ-ახალ ხერხს და ახალ მანქანებს ქალაქის ასაღებად. როდოსელები დიდის ვაჟკაცობით იცავენ თავიანთ სამშობლოს და დიმიტრი იმიტომ კი არ ანებებს თავს ქალაქის აღყას, რომ მისი დამორჩილება უნდა, არა, იგი გულ მოსულია როდოსელებზე, რადგან ცოლის გამოგზავნილი წერილები და ხალიჩები წაართვეს. მაგრამ არც დიდი გულმოსულობა იცოდა დიმიტრემ; მართალია, იგი

როდოსლებს ეომებოდა, მაგრამ მათ ხელოვანებს კი არა დიმიტრიმ აიღო როდოსის ერთი განაპირა ნაწილი, სადაც ცნობილი მხატვარი პროტოგენე თავის სურათს ათავებდა; მიჰმართეს პოლიორკეტეს თხოვნით ხელი არ ეხლო ხელოვნების ამ ნაწარმოებისათვის. „ბარბაროსი ხომ არ გგონივართო, უპასუხა დიმიტრიმ, მე ვარჩევ მამიჩემის პორტრეტები დავწვა, იდრე ხელი ვახო პროტოგენეს სურათს“ განა შეიძლებოდა არ ჰყვარებოდათ ისეთი პირი, რომელსაც ასეთი პასუხის მოცემა შეეძლო; მიუხედავად ყველა მის ნაკლისა.

ბოლოს დიმიტრი იძულებული შეიქნა მბეტოვებინა როდოსი და დაბრუნებულიყო ათინაში, სადაც იგი კიდევ უფრო დიდს ამბით მიიღეს; ბინა პარტენონში მისცეს და თან თავის თავს დასცინოდნენ და ამბობდნენ, რომ ასეთისტუმარი ვერაფერი საკადრისი იყო ქალ-ღმერთისათვის. ის კი არ მოეწონათ ათინელებს, რომ საყვარელმა სტუმარმა 250 ტალანტი (375000 მანეთი) მოსთხოვა, მაგრამ რას გააწყობდნენ. ამ ფულით დიმიტრიმ სულ კოსმეტიკა და სხვა-და-სხვა სურნელება იყიდა..

**9. კოალიციის ანტიგონის წინააღმდეგ. იუსტოს ბრძოლა (301).** ეს ყველაფერი კარგი და მშვენიერი იყო, მაგრამ დიმიტრი იმისთვის ხომ არ ყოფილა მოსული საბერძნეთში, რომ ათინელებისათვის თავი შეეყვარებია. მას უნდა გაეგდო პელოპონეზიდან პელისპერზონი და მაკედონიიდან კასანდრი. დიმიტრიმ დაიკავა პოლოპონეზი და მოკავშირეებმა მთავარსარდლად გამოაცხადეს იგი კორინთში. მაგრამ ამ დროს მას მოუვიდა ამბავი ახალ კოალიციისა ანტიგონის წინააღმდეგ. მიუხედავად იმისა რომ ოთხმოცი წლისა იყო, ანტიგონი მაინც ვერ დაწყნარებულიყო: მას უნდოდა აღექსანდრე მაკედონელის მთელ სიმკვიდროს ხელში ჩაგდება. ლიზიმახოსმა, კასანდრმა, პტოლომემ და სელევკოსმა დაინახეს, რომ ანტიგონი მათი საერთო მტერი იყო, და ამიტომ ერთმანერთს კავშირით შეეკრენ საერთო მტრის წინააღმდეგ სამოქმედოთ და აღექსანდრეს იმპერიის საბოლოო დასანაწილებლად (301). ანტიგონი ამ დროს ანტიგონიაში იყო ორონტზე. გვიანობის დრო

აღარ იყო და მხცოვანი სარდალი ლიზიმახოსის წინააღმდეგ წავიდა. მაგრამ ლიზიმახოსი იმდენს ეცადა, რომ სელევკოსის მოსვლამდე ანტიგონს არ შეებმია. მოკავშირენი შეერთდნენ მდ. ჰალისთან; ამ დროს დიმიტრიც მოვიდა მამასთან. 301 წლის გაზაფხულზე ორივე ჯარი შეხვდნენ ერთმანერთს ფრიგიის ველზე იფსოსთან. ანტიგონი ომის ველზე მოკვდა; დიმიტრი იძულებული შეიქნა გაქცეულიყო ჯერ ეფესში და შემდეგ თავის საყვარელ ათინისაკენ, მაგრამ მაზე აღრე ანტიგონის დამარცხების ხმა მისულიყო ათინაში და ცხვირ წინ კარები დაუკეტეს. არც მამის სიკვდილი, და არც სამეფოს დაკარგვა არ სწყენია დიმიტრის, როგორც ათინელების ასეთი უმადური ქცევა.

10. დამიტრის უკანასკნელი დღეები. ბედმა, რომელიც მეტად მოწყალეა თავის განებივრებულ შვილებისათვის, ერთხელ კიდევ გაუღიმა დიმიტრის. ანტიგონის წინააღმდეგ შემდგარ კოალიციამ სულ მოკლე ხანი გასტანა. სელევკოსი, რომელიც ეჭვის თვალით უყურებდა თავის მეტოქეებს, დიმიტრის დაუახლოვდა და ცოლად სთხოვა მისი ქალი სტრატონიკა. დიმიტრი ისევ ძლიერი გახდა და პირველი მისი საზრუნავი საგანი იყო მის სატრფიალო ქალაქისათვის სამაგიეროს გადახდა. ათინა ამ დროს ვილაც ლახარეს ხელში იყო. მან ვერ შეძლო წინააღმდეგობა გაეწია დიმიტრისათვის და ალყა შემორტყმულ ქალაქში მწარე შიმშილი ჩამოვარდა. ათინელები იძულებული შეიქნენ ქალაქის კარები გაეღოთ. დიმიტრი პირდაპირ თეატრში წავიდა და იქ მოუყარა ხალხს თავი. საკვირველი სცენა იყო დიმიტრისა და თავმოყრილ ათინელების მთელი მოქმედება, სცენა, ღირსი დიდ ბავშვ დიმიტრისა და ათინელ ხალხისა, რომელიც მაზე ნაკლები ბავშვი არ ყოფილა. ნაღვლიანის ხმით მიჰმართა დიმიტრიმ მსმენელებს, უსაყვედურა მათი უმადურობა, „მაგრამ მაინც მიყვარხართ და მიპატიებია თქვენთვის ყველაფერი; კიდევ მეტსაც ვიზამ: თქვენ შიმშილსაგან შეწყუხებული ხართ და მიჩუქებია თქვენთვის ასი ათასი საწყაო პური.“ ლაპარაკის დროს დიმი-

ტრიმ ერთი წინადადება სწორედ ვერა სთქვა და რომელიღაც მსმენელმა გაუსწორა. „გმაღლობო, სთქვა დიმიტრიმ, ხუთი ათას საწყაო პურს გიმატებთ ამ გაკვეთილისათვის“ო. კრებულს სიხარულის ცრემლები მოერია, ყველა ყვიროდა და ერთმანეთს ეხვეოდა; დიმიტრი ისევ უსაყვარლესი პირია ათინელებისათვის და ორატორმა დემოკლიდემ მუხლ მოდრეკილი სთხოვა მას მიეღო საჩუქრად ათინელებისაგან მუნხია და პირეოსი. დიმიტრიმ მიიღო საჩუქარი და ორივე ნავსადგური თავისთვის დაირჩინა. მაგრამ მისი მოუსვენარი გონება ერთ საგანზე დიდხანს ვერ შეჩერდებოდა. ერთ ხანს იგი მაკედონიის ბატონი იყო, მაგრამ ქვეშევრდომებს არ მოსწონდათ ასეთი უცნაური მართველი. ერთხელ დიმიტრი ქუჩაში მიდიოდა; რამდენიმე მაკედონელი მივიდა მოსეირნე მეფესთან და თხოვნები შიართვეს. მეფემ მძიმეთ მიიღო მთხოვნელები, გამოართვა თხოვნები და თავის მოსასხამის კალთაში გახვია. მთხოვნელები გახარებული იყვნენ, მაგრამ ამ დროს დაინახეს, რომ მეფემ, რომელიც უკვე ხიდზე ასულიყო, გაშალა მოსასხამის კალთა და თხოვნებიც წყალში გადავარდა. ეს, შეიძლება, სასაცილო იყო, მაგრამ მეფეს არ შეეფერებოდა. ბოლოს დიმიტრი განდევნეს მაკედონიიდან და, ათასგვარ შემთხვევების შემდეგ, ხელში ჩაუვარდა სელევკოსს, რომელმაც სირიის ერთ ქალაქში დაამწყვდია მოუსვენარი ბედის მძიებელი. დიმიტრი მოკვდა 34 წლისა. მას დარჩა ერთი შვილი—ანტიგონი, რომელიც მამაზე გონიერი და ფრთხილი იყო. მისი ჩამომავლობა მეფობდა მაკედონიაში პერსეოსამდე, როცა მაკედონია რომაელებმა დაიპყრეს.

## თ ა შ ი XXVIII

## ლაგიდები და სელეგკიდები

საჩქევი. 1. პტოლომე I, ეგვიპტეს მეფე, ლაგიდების დინასტიის დამაარსებელი (306-283).—2. პტოლომეს მემკვიდრეები.—3. ლაგიდების დინასტიის მოსპობა. ეგვიპტეს რომის პროვინციად გახდომა.—4. სელეგკიდების იმპერია.—5. სელეგკიდების იმპერიის დაცემა და დანაწილება.—6. პერგამისა და ბითინიის სამეფოები.—7. პონტის სამეფო.—8. გალატები.—9. ბაქტრიანის სამეფო.—10. პართების მონარხია.

1. პტოლომე I, ეგვიპტეს მეფე, ლაგიდების დინასტიის დამაარსებელი (306 - 283). პტოლომე პირველს, რომელიც პირველი ბერძენი მეფე იყო ეგვიპტისა, სოტერს—მხსნელს ეძახოდნენ, მაგრამ უფრო შესაფერი იქნებოდა, რომ მას პტოლომე გონიერი ჰქვიებოდა. ეს ცბიერი და ხერხიანი მართველი თავის დღეში არ აპყოლია ოცნებასა და ფანტაზიას. მას ზედა წილად ეგვიპტე და აქვე გაჩერდა; სხვასავით არ დაუწყია ოცნებობა ალექსანდრეს იმპერიის ხელში ჩაგდებაზე. ეს კი ქნა, რომ ეგვიპტეს შეუერთა მეზობლად მდებარე ქვეყნები—კირენაიკა (აფრიკაში), ფინიკია, პალესტინა, სირია და კუნძული კიპროსი.

პტოლომე ბერძენი იყო, მაგრამ იმდენი ეცადა, რომ ეგვიპტელი გახდა, გარეგნობით მაინც. რამდენიმე მოხერხებულ ღონისძიებით პტოლომემ დაუკავშირა თავისი დინასტია ეგვიპტის ეროვნულ დინასტიას. იგი ნამდვილი ფარაონი გახდა, გვირგვინი მემფისში იკურთხა ძველ ეგვიპტურ წესზე, დიდ პატივსა სცემდა ძველ ეგვიპტის ღმერთებს და მათ მსახურებს.



ქურუმებს. ეგვიპტის ხალხი, რომელიც იმ თავითვე ღრმა მორწმუნე ხალხი იყო, მადლიერი იყო თავის მეფისა.

არსებითად პტოლომე და მისი მემკვიდრეები მაინც ბერძნები იყვნენ. ოფიციალური ენა ბერძნული იყო, ჯარის კაცები ბერძნები იყვნენ; სატახტო ქალაქი ალექსანდრია—ბერძნული ქალაქი იყო. ქ. ალექსანდრია მარტო სავაჭრო ქალაქი როდი იყო: იგი ათინის მეტოქე ვახდა და შეიქნა საბერძნეთის ცივილიზაციის შესანიშნავი ცენტრი. ალექსანდრიის ლიტერატურულ მოქმედებას ვერ შეედრებოდა ნამდვილ საბერძნეთის ვერც ერთი ქალაქის ლიტერატურული ცხოვრება: დიდძალი მგოსნები, გეოგრაფები და მეცნიერები იყვნენ ალექსანდრიის სასახლეში.

**2. პტოლომეს მემკვიდრეები (283 - 221).** პტოლომეს ტახტი დარჩა მის უფროს შვილს პტოლომე ფილადელფს, რომელიც განთქმული იყო თავის განვითარებულ გონებით, ფაქიზ გემოვნებით და მჭერმეტყველებით. ერთი თვისებით სრულებით არ ჰგავდა იგი თანამედროეებს: ფილადელფი მელანხოლიურ, სევდიან ხასიათის კაცი იყო; ერთ დღეს ავადმყოფი და დამწუხრებული იცქირებოდა ფანჯარაში და დაინახა საბრალო მათხოვრები, რომელნიც სიცილით შეექცეოდნენ თავიანთ ხმელ პურს: „ნეტავი ერთი ამ მათხოვართაგანი გამხადაო“, წამოიძაგა სევდიანად მეფემ.

პტოლომე ფილადელფის დროს ეგვიპტე მეტად ძლიერი სახელმწიფო იყო: მას ჰქონდა 90 მილიონი წლიური შემოსავალი, აღურიცხველი ფლოტი, 200 ათასი ჯარის კაცი, 40 ათასი ცხენი და 300 სპილო.

სახელმწიფოს ეს დიდი შეძლება მოიხმარა ფილადელფის მემკვიდრემ პტოლომე ევერგეტმა. ამან ააშენა განთქმული ტაბარი ესნეჰ, სადაც ჰიეროგლიფებით მოთხრობილია ყველა გამარჯვება ტაძრის ამშენებელისა.

**3. ჯაგიდებს დინასტიის მოსაზობა. ეგვიპტეს დამის პროვინციად გახდომა.** ევერგეტის სიკვდილის შემდეგ პტოლომე ფილოპატორის დროს ეგვიპტე შეიქნა ნამდვილი აღმო-

სავლეთის ქვეყანა, რომელიც ქალებისა და საჭურისების ხელში ჩაგარდა. შექმდეგი მეფეები დაქირავებულ ჯარების მორჩილი მონები იყვნენ, რადგან მათ ხელში იყო ტახტზე აყვანა და იქიდან ჩამოგდება. ამას მოჰყვა რომაელების საქმეში ჩარევა და კლეოპატრას ცნობილი მეფობა. ეგვიპტემ დაიწყო ნიქიერის ჯარის კაცით და გაათავა უზნეო დედაკაცით; ეგვიპტე რომის პროვინცია გახდა (30 წ. ქრისტეს დაბადებამდე).

4. **სელევკიდების იმპერია.** სელევკიდების იმპერია არსებითად განისხვავებოდა ეგვიპტესაგან. სელევკოს პირველი გაბატონდა ბაბილონში მხოლოდ 312 წელს; შემდეგ დაიპყრო ტიგრის აღმოსავლეთით მდებარე სატრაპიები და ალექსანდრესავეთ ინდუსამდე და იაქსარტამდე მივიდა. იფსოსის ბრძოლის შემდეგ მას დარჩა სირია; შემდეგ მცირე აზიაც დაიფლო. სელევკოს პირველი მოჰკლეს 280-ში. მისი შვილი ანტიოხ სოტერი იმის ცდაში იყო, რომ თავის მრავალფეროვან იმპერიისათვის ერთობა მიეცა, მაგრამ ვერას გახდა. სამეფოს ძველი დაყოფა სატრაპიებად უცვლელად დარჩა, მხოლოდ მათ რიცხვს მიემატა. ჯარი და სასახლე ბერძნული იყო. ახალი ცივილიზაცია მხოლოდ ცოტათი შეეხო ირანსა და ტურანს (სპარსეთი ავღანისტანი, თურქესტანი), სამაგიეროდ ღრმა ფესვები გაიდგა მცირე აზიაში, სადაც ბერძნული კულტურა დიდი ხანია იყო შემოსული.

სელევკიდების შინაური პოლიტიკა ნაკლებად არის ცნობილი. ვიცით მხოლოდ, რომ დიდათ ხელს უწყობდნენ ვაჭრობის განვითარებას ინდოეთთან და ჩინეთთან. სელევკოსი ცნობილი იყო როგორც ქალაქების დამაარსებელი; უმთავრესი მათგანი არის—სელევკია ტიგრზე, რომელიც ცენტრო იყო ზემო აზიისა და სპარსეთის უბის ვაჭრობისა, და ანტიოხია, სირიაში, სადაც დიდძალი ქარავნები იყრიდა თავს.

5. **სელევკიდების იმპერიის დასრულება და განაწილება.** სელევკიდები სპარსეთის მეფეების ნამდვილი მემკვიდრეები იყვნენ: ახემენიდებსა და სელევკიდებ შორის გარდა ენისა დიდი განსხვავება არ ყოფილა; აზიამ შური იძია ალექსანდრე მაკედონელის მიმართ.

დონელის სარდლების შვილებზე და შვილიშვილებზე—გარყვნა და გადაავარა ისე, როგორც საშუალო საუკუნოებში ჯვაროსნები დაასუსტა და გადაავარა. ამიტომაც იმპერია მალე დანაწილდა. ჯერ კიდევ სელევკოსის შვილების დროს ბითინია გახდა დამოუკიდებელი სამეფო; მცირე აზიაში გალატები გამაგრდნენ; შემდეგ პერგამის სამეფო დაარსდა. დანაწილება თან და თან უფრო ძლიერდებოდა: ვილაც არსაკმა (ჩამომავლობა მისი არ იცინ) დაარსა ეხლანდელ სპარსეთში პართების სამეფო; დამოუკიდებელი გახდა აგრეთვე პაროპამიზის იქით მდებარე ქვეყანა (ეხლანდელი თურქესტანი). სელევკოს II, გამარჯვებულად წოდებული, მუდამ დამარცხებული იყო; „მეხთა მცემ“ სელოვკოს III-ეს მეზი არაგისთვის დაუცია და თვითონ კი მოჰკლეს; ანტიოხ III ძალიან დიდი აზრისა იყო თავის თავზე, თავის ქონებაზე და უძლეველ ჯარზე; მის მნახველსა და მსმენელს გაახსენდებოდა ქსერქსესი ბერძნებთან შებამდე. უბრალო შეხვედრამ რომაელებთან დაანახვა მას, რამდენად უნიადაგო იყო მისი წარმოდგენა. დამარცხებული ანტიოხი რომის ვასალი იყო და სხვა არაფერი. დინასტია და იმპერია მოიხსრა 64-ში.

**6. პერგამისა და ბითინიის სამეფოება.** პერგამის პირველი მეფე ალექსანდრე (ატალი) იყო. მან დაამარცხა გალატები და ააშენა პერგამში მშვენიერი ტაძარი, რომლის ნანგრევები ეხლა ხან აღმოაჩინეს. ალექსანდრე კარგად ხედავდა რომაელების ნამდვილ ძლიერებას და მათი მეგობარი იყო, რომ მათი მსხვერპლი არ გამხდარიყო.

ბითინიაში განუწყვეტელი ბრძოლა იყო გალატებთან. ბითინიის მეფეთაგან ცოტათი ცნობილია პრუზიასი, რომელიც პერგამის მეფესავით რომაელების მეგობარი იყო.

**7. პონტის სამეფო.** პონტში მიტრიდატის დინასტია მეფობდა. ეს დინასტია წმინდა სპარსული იყო. მიტრიდატები კულტურით ნახევრად ბერძნები იყვნენ, ნახევრად ბარბაროსები. ალექსანდრემ არ წაართვა მათ სამეფო, რომელიც ჰალიისს ორივე ნაპირზე მდებარეობდა. პონტსაც მოუხდა რომა-

ელებთან შეტაკება, რომელმაც ამ დინასტიას დიდი სახელი შესძინა.

8. **გალატები.** მცირე აზიის ამდენ ბერძნულ და სპარსულ სამთავროებ შორის უცბად გაჩნდა სულ სხვა ტომის ხალხი; გალატები გალები \*) (კელტები) იყვნენ და არავინ იცის, თუ საიდან ან როგორ მოვიდნენ მცირე აზიაში. ჯერ ალექსანდრეს ჰქონდა მათთან საქმე, შემდეგ ლიზიმახოსს. ბიზანტიონი მათ ხარკს აძლევდა; ბითინიამ ადგილები დაუთმო, რომელიც ატალ პერგამელმა წაართვა მათ. ამის შემდეგ გალატები დაფუძნდნენ ჰალისის სათავესთან, რომელსაც გალათიას ეძახდნენ. გალატები დაქირავებულ ჯარის კაცებად მიდიოდნენ მცირე აზიის მთავრებთან. ბოლოს ისინი რომაელებმა დაიმორჩილეს.

9. **ბაკტრიანის სამეფო.** ბაკტრიანის მართველი, რომელმაც დამოუკიდებლობა იშოვა (254), დიოდოტოსი იყო. იგი ჩამომავლობით ბერძენი იყო და ბერძნულ გავლენამ აქ დიდხანს გასტანა (ეხლანდელ თურქესტანის სამხრეთ-დასავლეთი). ბაკტრიანის მართველთა შორის ყველაზე ცნობილი, რაც ძალიან ცოტას ნიშნავს, იყო ევკრატიდასი. ბაკტრიანის სამეფო მოისპო 126 წელს; იგი პართელებმა დაიპყრეს.

10. **პართების მონაწილეობა.** პართელი და კიდევ უფრო მათი ისარი მეტად განთქმულია; სამაგიეროდ პართების ისტორია ძალიან ნაკლებად არის ცნობილი. ესენი, ალბად, თურქესტანის ნომადები (ეული ხალხი) იყვნენ. პართების სამეფო დაარსებულია დაახლოებით 250 წელს. ამ სამეფოს სატახტო ქალაქი იყო ჰეკატომპილე—სპარსეთში, შემდეგ კტეზიფონი მდ. ტიგრზე. მთელ თავის არსებობის დროს პართების სამეფო რომაელების შეურიგებელი მტერი იყო და რომაელებმაც ბევრი ვერაფერი დააკლეს მას. არსაკრდების ადგილი დაიკავა სპარსეთის ეროვნულმა დინასტიამ—სასანიდებმა.

\*) ეხლანდელი ფრანგების წინაპარნი.

## თ ა შ ი XXIX

### თავისუფალ საბერძნეთის უკანასკნელი დღეები— აქეელების ღიგა.

საწყევო. 1. საბერძნეთის ანარხიული მდგომარეობა ალექსანდრეს სიკვდილის შემდეგ.—2. მაკედონია. ახალი დინასტია.—3. ეპირის მეფე პიროსი.—4. თესალია და ბეოტია.—5. ათინა.—6. ეტოლიელების ღიგა.—7. აქეელების ღიგა.—8. აქეელების ღიგა და სპარტა.—9. არატოსი.—10. აქეელების ღიგის მნიშვნელობის ზრდა.—11. სპარტას მეფე აგისი. რეფორმის ცდა და აკისის სიკვდილი.—12. კლეომენე. პოლიტიკური და სოციალური რეფორმის ცდა სპარტაში.—13. არატოსის ღიგა; კლეომენეს დამარცხება (222).—14. გალების შემოსევა საბერძნეთში (280—279).

1. საბერძნეთის ანარხიული მდგომარეობა. ალექსანდრეს სიკვდილის შემდეგ საბერძნეთი აუწყრელ არეულ მდგომარეობაში იყო: გარდა სპარტასა და ეტოლიისა, არ იყო საბერძნეთში ისეთი თემი, სადაც წესწყობილება, მთავრობა და პოლიტიკა რამდენჯერმე არ შეცვლილიყოს და ყოველთვის ძალმომრეობისა და სისხლის ღვრის გზით. ამიტომ უნდა აღინიშნოს მხოლოდ უმთავრესი დამახასიათებელი მოვლენები.

2. მაკედონია. ახალი დინასტია. მაკედონია გალარიბებული იყო ხალხით, რადგან განუწყვეტელ ომიანობის გამო დიდძალი ჯარისკაცები მიდიოდნენ აქედან ნებისთ თუ უნებლიეთ. ჯერ ანტიპატერი იყო მაკედონიის მართველი, შემდეგ კასანდრი და დიმიტრი პოლიორკეტე. ბოლოს პოლიორკეტეს შვილმა ანტიგონ გონატამ დაარსა. 272 წელს ახალი დინასტია, რომელიც მეფობდა მაკედონიაში (დიმიტრი II, ანტიგონ დოზონი, ფილიპე V, პერსეოსი) 168 წლამდე, როცა ბოლო მოეღო მაკედონიის ნამდვილ დამოუკიდებლობას.



3. **ეპიდას ტეფე ზადასი.** პინდის მეორე მხარეს ეპირმა მოულოდნელად მნიშვნელობა მოიპოვა თავის შეფის პიროსის წყალობით. პიროსი (მოლოსების დინასტია) ჩვეულებრივი პიროვნება არ იყო. ჯერ კიდევ 15 წლისა იყო პიროსი, რომ ანტიგონმა უწინასწარმეტყველა პირველი მხედართ - მთავარი შეიქნებო. ეპირის მეფე მოსული და ტანადი ვაჟკაცი იყო; სახით და მიხვრა - მოხვრით ალექსანდრე მაკედონელს ჩამოჰგავდა და სცდილობდა კიდევ მისთვის მიეზამნა; ბუნებით გონიერი და შორს გამქვრეტი იყო, მაგრამ ამასთან გაუნათლებელი და განუვითარებელი; როგორც პოლიორკეტეს, პიროსსაც აკლდა გონების თანდათანობა და სიმტკიცე. და ეს იყო მისი უბედურება. პიროსის ცხოვრება, როგორც პოლიორკეტესი, უცხო რომანი იყო, გიჟურ და თავხედურ მოქმედებით აღსავსე. პიროსში ყველას სჭარბობდა რაინდობა - ნარევი ბრძოლის სიყვარული; მეფის შვილი იყო ჩამომავლობით, ნამდვილად კი დაქირავებულ ჯარის სარდალი იყო, რომელიც მუდამ ბრძოლას ეძებდა. პიროსი ყველგან იყო, მაგრამ არსად გაჩერებულა. იფსოს ბრძოლის დროს იგი ანტიგონის მხარეზე იყო; შემდეგ მაკედონიაში მოვიდა და დიმიტრისთან ერთად მეფობდა; მაგრამ ამათ ერთად რა გააძლებინებდათ? პიროსმა გაიმარჯვა: მაკედონელები ამბობდნენ, რომ მათ მობეზრდათ მუდამ გარედ წოლა დიმიტრის სიამოვნებისათვის; მაგრამ ნუ თუ იმის იმედი ჰქონდათ, რომ პიროსი მათ მოასვენებდა? ათინაში, სადაც იგი ქალაქს იცავდა პოლიორკეტეს წინააღმდეგ, მსხვერპლის შესაწირავად ავიდა აკროპოლისში. აზრად მოუვიდა ხელში ეგდო ეს სიმაგრე და დაპატრონებოდა, მაგრამ მალე ქალაქში ჩამოვიდა და ათინელებს უთხრა: „მეგობრებო, თუ გინდათ, რომ გონიერები იყვნეთ, ნურასოდეს ნუ გაუღებთ მეფეს ქალაქის კარებს“.

პიროსი შვიდი თვე მაკედონიაში დარჩა, შემდეგ აქედან გამოაგდეს და ეპირში დაბრუნდა. ვერც აქ დარჩა დიდ ხანს; ჰლუტარხოსი ამბობს. „თუ თვითონ მას არ აწუხებდნენ ან აღარ აწუხებდა სხვას, ისე არ იცოდა დრო როგორ გაეტა“.

რებინა“. ტარენტმა (სამხრეთ იტალიაში) სთხოვა დახმარება რომის წინააღმდეგ და იქ წავიდა. ორჯელ დაამარცხა რომაელები, შემდეგ სიცილიაში გადავიდა, იქიდან ისევ იტალიაში დაბრუნდა, რომაელებმა დაამარცხეს და საბერძნეთში წამოვიდა. აქ იგი კრამიტით მოჰკლა (272) ერთმა ქალმა, როცა ძალათ არგოსში შევიდა. ასე გათავდა ბრწყინვალე, მაგრამ უსარგებლო კარიერა ეპირის მეფისა. კიდევ რომ ეცოცხლა, იგივე მოუვიდოდა, რაც მის მტერ-მოყვარე პოლიორკეტეს. პიროსის შემდეგ ეპირი ისევ დაუბრუნდა თავის უმნიშვნელო არსებობას.

**4. თესალია და ბეოტია.** თესალია მაკედონიას ეკუთვნოდა და ეს გარემოება, როგორც არ იყო მაკედონიის მთავრობა, დიდი სიკეთე იყო ამ ქვეყნისათვის, სადაც მცხოვრებლების მოუსვენარობის გამო შეუძლებელი იყო ყოველი თავისუფალი ცხოვრება.

ბეოტია თითქმის თავისუფალი იყო; თება ისევ აღადგინა კასანდრმა; მაგრამ გარყვნილება, ლოთობა და სიზარმაცე არსად ისე არ ყოფილა განვითარებული, როგორც ამ ქვეყანაში. პოლიტიკას სრულებით დაანებეს თავი ბეოტიელებმა და სულითა და ხორციით ლოთობაში და გარყვნილებაში ჩაეფლენ.

**5. ათინა.** ათინა ისევ იყო გონებისა და ხელოვნების სატახტო ქალაქი, მაგრამ მისი პოლიტიკური მნიშვნელობა დიდი არ ყოფილა. სალამინი, პირეოსი, მუნისხია მაკედონელების ხელში იყო. ფუფუნება და განცხრობა, უთუოდ აღმოსავლეთის ზედგავლენით, მეტად განვითარებული იყო.

**6. ეტოლიელების ღიგა.** შუა საბერძნეთში ამ დროს მარტო ეტოლიელებს ჰქონდათ ცოტაოდენი მნიშვნელობა. საკვირველია, რომ ხალხი, რომელზედაც აქამდე არც კი ულაპარაკნიათ, ეხლა ასე წამოიწია წინ. რამდენიმე საუკუნის განმავლობაში ეტოლიელები მოშორებული იყვნენ დანარჩენ ბერძნებს და მათ ცივილიზაციას; ისინი სცხოვრობდნენ თავიანთ მთებში და მწყემსობდნენ ან ყაჩაღობდნენ. ეტოლიელები და-

ყოფილი იყვნენ რამდენიმე ნაწილად, რომელთა შორის თითქმის არავითარი კავშირი არ ყოფილა. როცა ეს გაბნეული ნაწილები მჭიდროდ შეკავშირდნენ, ეტოლია შეიქნა ძალა. პირველად ეტოლიელების ლიგა გამოჩნდა დიმიტრის შვილის ანტიგონ გონატას დროს. ლიგის ცენტრო იყო თერმოსი, სადაც შენახული ჰქონდათ იარაღი, ფული, ფიალები და ძვირფასი ტანისამოსები. აქ შეკრებილი ეტოლიელები სვამდნენ, თვრებოდნენ; აქვე ჰქონდათ თათბირი, თუ სად ან ვის დასახმოდნენ თავზე. ეს იყო ლიგა საბერძნეთის იარაღით ექსპლოატაციისა. არავითარი პოლიტიკური აზრი ამ ლიგას არ ჰქონია. იგი უფრო ავაზაკების ბრბო იყო, ვიდრე პოლიტიკური კავშირი.

7. **აქეელების ლიგა.** პელოპონეზშიაც იყო ერთი ლიგა. მაგრამ იგი უფრო მნიშვნელოვანი და, რასაკვირველია, უფრო პათიოსანიც იყო. აქაიის ოთხმა ქალაქმა განდევნეს თავიანთი ტირანები და მათი გარნიზონები; რამდენიმე სხვა ქალაქიც შეუერთდა მათ და განაახლეს გარეშე მტრისაგან თავის დასაცვლად აქეელების ძველი კონფედერაცია. შეერთებული თემები წარმოადგენდა ფედერაციულ სახელმწიფოს, როგორც ეხლანდელი შვეიცარიაა. ჰქონდათ ერთი ფული, ერთი საზომი და საწყაო, მაგრამ თავ-თავიანთი განსხვავებული ზნეჩვეულებაც. ლიგის ჯარების უფროსად ირჩევდნენ ყოველ წელს ორ სტრატევს; აღმასრულებელი უფლება ჰქონდა გრამატევს, რომელიც ეხლანდელ ფედერატიულ რჩევის თავმჯდომარეს ჰგავს. გრამატევსს რიგ-რიგად ირჩევდნენ ყოველ თემში და წელიწადს მისი სახელი ერქვა. წელიწადში ორჯელ სამის დღის განმავლობაში ლიგის საზოგადო კრება იყო ხოლმე ეგიონში.

8. **აქეელების ლიგა და სპარტა.** ლიგა მარტო თავის ძალ-ღონით ბევრს ვერას გააწყობდა, მით უმეტეს, რომ მუდმივი მტრობა ჰქონდა მაკედონიასთან, რომელიც თავისთვის ოცნებობდა ლიგის დაარსებას. ამიტომ აქეელებისათვის საჭირო იყო დანარჩენ პელოპონეზის შემოერთება, მაგრამ უმთავრესი

თემი სპარტა უძლევველ წინააღმდეგობას უწევდა ლიგას. სპარტაში ჯერ კიდევ მოქმედებდა ლიკურგოსის კონსტიტუცია, რომელიც დიდი ხანია ხალხის მოტყუილება იყო და მეტი არაფერი. სულ დიდი ასი ოჯახის ოლიგრხია მართავდა სპარტას და მის ხელში იყო მთელი საკუთრება.

სპარტას წინააღმდეგობის გამო აქეელების ლიგას გავლენა არ ჰქონია; ასეთ მდგომარეობიდან ლიგა არატოსმა გამოიყვანა. ამ დროს ჯარის ხელ-მძღვანელობის ერთიანობისათვის ლიგამ გადასწვევითა ორის მაგიერ მხოლოდ ერთის სტრატეგის არჩევა.

**9. არატოსი.** კლინიას შვილი არატოსი სიკიონელი იყო; სიკიონი ამ დროს პელოპონეზში ყველაზე ბრწყინვალე და ცოცხალი ქალაქი იყო. არატოსის მამა მოჰკლა 264-ში აბანტიდასმა, რომელიც სიკიონის ტირანად გახდა. არატოსი ამ დროს შვიდი წლისა იყო; იგი შეიბრალა ერთმა ნათესაჲმა ქალმა და დამალა, რადგან ბავშვების დანდობაც არ იცოდნენ ამ საშინელ შინაურ ომიანობის დროს. პატარა ობოლი არგოსში წაიყვანეს და იქ გაიზარდა. სიკიონის ტირანებს არ დაფიწყებიათ იგი და შორიდან თვალყურს ადევნებდნენ მის ყოფა-ქცევას. როცა არატოსი დავაჟაკადა, მიჰმართა მაკედონიასა და ეგვიპტეს, მაგრამ არა გამოუვიდა-რა. მაშინ გადაწყვიტა თვითვე ემოქმედნა; იგი შეუერთდა სხვა დევნილებს და შეთქმულება მოახდინა. მიზანს სისხლის დაუღვრელად მიაღწიეს: ტირანი განდევნეს და განდევნილები, რიცხვით ექვსასამდე, დააბრუნეს. არატოსის მეცადინეობით სიკიონი აქეელების ლიგაში შევიდა. ძველი დორიული ქალაქი აქეელების მხარეზე გადავიდა და შესძინა ლიგას დიდი მატერიალური დახმარება და თავისი ხერხიანი გეოგრაფიული მდებარეობა. მაგრამ ამასთან ლიგამ უფრო მეომარი ხასიათი მიიღო და მაკედონიის მტერი შეიქნა; სამაგიეროდ იგი გახდა მეგობარი ეგვიპტესი და პტოლომესა, რომელმაც 150 ტალანტი გამოგზავნა დაბრუნებულ გადახვეწილების სასარგებლოდ: არატოსი თვითონ იყო ეგვიპტეში კავშირზე მოსალაპარაკებლად.



**10. აქეელების ლიგის მნიშვნელობის ზრდა.** არატოსმა სხვა უფრო დიდი სამსახური გაუწია ლიგას. როცა ლიგამ პირველად ამოიჩნია იგი სტრატეგად, კავშირით შეეკრა ბელტიელებს ეტოლიელების ლიგის წინააღმდეგ და ბრძოლა შუასაბერძნეთში გადაიტანა. არატოსს ვაჟკაცობას უწუნებდნენ— პირდაპირ მტერს ვერ შეეხებოდა, მისი საქმე ქურდული სათარეშოში არისო, მაგრამ მალე წინააღმდეგი დაამტკიცა: როცა მეორედ აიჩინეს სტრატეგად, ერთის იერიშით აიღო აკროკორინთი, სადაც ანტიგონ გონატა იყო გამაგრებული. კორინთი, რომელიც მთელ საუკუნის განმავლობაში თავისუფლებას იყო მოკლებული, აქეელების ლიგაში შევიდა. ამითი ლიგამეტად დიდმნიშვნელოვანი ხდებოდა—პელოპონეზის გასაღები მის ხელთ იყო; ლიგას შეუერთდნენ აგრეთვე მეგარა, ტრეძენა და ეპიდავრი. ესლა აქეელების კონფედერაციამ ათინისაკენ და არგოსისაკენ დაიწყო ყურება.

მაგრამ არატოსი ახალ სკოლის პოლიტიკოსი იყო; იგი უნდო თვალთ უყურებდა აქაიის გატაცებას თავისუფლების სურვილით, რადგან კარგად ხედავდა, რომ ლიგა ვერ გაუმკლავდებოდა მარტო მაკედონიას; ამიტომაც მან შემოიყვინა ლიგაში პტოლომე ევერგეტი და ამოარჩევინა იგი ჯარისა და ფლოტის უფროსად. ეს გარემოება ხსნის აგრეთვე არატოსის ქცევას სპარტას მეფე აგისისადმი.

**11 სპარტას მეფე აგისი. რეფორმის ცდა და აგისის სიკვდილი.** ლაკონელების თემი ძალიან გამოცვლილი იყო: სახელით კიდევ არსებობდა ლიკურგოსის კონსტიტუცია, მაგრამ ეს მხოლოდ გარეგნობა იყო, რომელიც ჰფარავდა რიცხვით მცირე არისტოკრატიის ტირანიას. სპარტიატების რიცხვი სულ შეიდასი იყო; მთელი ადგილ-მამული ასი ოჯახის ხელში იყო. დანარჩენი გაღარიბებული სპარტიატები ვერ იღებდნენ მონაწილეობას სისიტიაში (საერთო ნადიმი) და, მაშასადამე, ვერ სარგებლობდნენ სპარტიატის უფლებებით. მრეწველობა და ვაჭრობა პერიეკების ხელში იყო, მაგრამ ამათ არავითარი პოლიტიკური უფლება არ ჰქონდათ; ჰილოტები, როგორც წინეთ,



ეხლაც ყმები იყვნენ. გასაკვირველი არ უნდა იყოს, რომ ასეთმა მდგომარეობამ რევოლიუცია გამოიწვიოს. როგორც სხვაგანაც მომხდარა, საქმე აქაც უპირატესობიან წრიდან დაიწყო. მეფე აგის IV ოცნებობდა სპარტიატების ძველ კანონებისა და დისციპლინის დაბრუნებაზე. ხალხი, რომელსაც სახელოვანი წარსული აქვს, ხშირად უკან იხედება და სცდილობს წარსულის განახლებას, რაც ცხოვრების ახალ პირობების გამო შეუძლებელი ხდება. აგისი გატაცებული თაყვანის მცემელი იყო სპარტას წარსულისა. პირველად მან სცადა სპარტას სამხედრო მდგომარეობის აღდგენა პელოპონესში; არატოსმა და აქეელებმა გააჩერეს იგი. მეფეს რამდენიმე მასავეთ გატაცებული ახალგაზდა ეხმარებოდა, მაგრამ მისი წინააღმდეგი იყვნენ—მეორე მეფე, მთელი ოლიგარხია და განსაკუთრებით ქალები, რომელნიც გამდიდრებულ იყვნენ და, რასაკვირველია, არ სურდათ ძველ სასტიკ წესებს დამორჩილებოდნენ. აგისმა გადააყენა მეორე მეფე, გამოსცვალა ეფორები და საპატრიმოდან გამოუშვა, ვინც ვალში იყო დატუსაღებული; მისი განზრახვა იყო ვალების მოსპობა და მამულების ახალი განაწილება. მაგრამ აქ ბიძამ აგეზილაოსმა მოატყუილა: აგეზილაოსი ძალიან დავალიანებული იყო და მისი ინტერესი მოითხოვდა, რომ აგისის რეფორმის პირველი ნახევარი განხორციელებულიყო უმეორით. ამავე აგეზილაოსმა, აგისის სპარტაში არ ყოფნის დროს, ნამდვილ მტარვალურად მართა სახელმწიფო და როცა აგისი დაბრუნდა, ყველაფერი დაღუპული იყო. იგი გამოიტყუილეს ათინის ტაძრიდან, სადაც შეფარებული იყო და თავის დედასთან ერთად მოჰკლეს (241). აგისი სულ ოცდა სამის წლისა იყო.

**12. კლეომენე: ზოლიტიკური და სოციალური რევოლუცია სპარტაში.** აგისი საყვარელი არ მომკვდარა. აღმოჩნდა მისი შურის მაძიებელი; ეს იყო კლეომენე, რომლისთანა საინტერესო და სიმპატიური პირი სპარტას არ ჰყოლია. კლეომენე გაიზარდა იმ დროს, როცა ახალგაზდობა გატაცებული იყო აგისის სახელით; თვითონ კლეომენეს მამა ლეონიდასი

იყო გმირის მკვლელი და მისი ქვრივის ცოლად შემრთველი. აგისის ქვრივს დიდი და კეთილი გავლენა ჰქონდა კლეომენეზე. გარდა ამისა მისი მასწავლებელი იყო სტოიკ ზენონის ერთი მოწაფე, რომელმაც ასწავლა ახალგაზდა სპარტიატს თავის ფიციხელ ტემპერამენტის მორევნა. აგისსავით კლეომენესაც სურდა სპარტას განახლება და საბერძნეთის სათავეში დაყენება; მაგრამ აგისისავე მაგალითმა უჩვენა მას, რომ მიზნის მიღწევა მხოლოდ ძალით შეიძლებოდა. ერთ ხანს კლეომენე მალავდა თავის განზრახვებს. მხოლოდ მეგალოპოლისის ბრძოლის შემდეგ, რომელიც მან აქელებს მოუგო, გადასწყვიტა თავის განზრახვის განხორციელება. უმთავრესი მუხლები კლეომენეს პროგრამისა იყო— ეფორატის მოსპობა და ადგილ-მამულის ახალი განაწილება. ეფორები შეკრებილი იყვნენ სისიტიონში; კლეომენე რამდენიმე მეგობრით თავს დაესხა მათ და ყველა დახოცა ერთის გარდა, რომელმაც ტაძარს შეაფარა თავი; მეორე დღეს ოლიგარხიის 80 წევრი გააძევა და სახალხო ყრილობა მოახდინა თავის გასამართლებლად, ეფორების უსამართლო ქცევის დასამტკიცებლად და იმის გამოსაცხადებლად, რომ ვალები მოსპობილი იქმნება და ადგილ-მამულის ახალი განაწილება მოხდება.

მართლაც, ვალები მოისპო (რა სახით, არ იციან), ადგილ-მამული ხელ-ახლად გაანაწილეს; სპარტიატების ჯარი შეაიარაღეს მაკედონურ წესზე; ბავშვების ძველებური აღზრდა შემოიღეს: ვარჯიშობა და საერთო პურის ჭამა ისევ დააწესეს. კლეომენემ დაიწყო მეფობა ძველ სპარტანულ წესზე; მაგრამ ეს იმას კი არ ნიშნავს, რომ იგი მკაცრი და მოუხეშავი იყო; პირ იქით, როგორც ამბობენ, კლეომენე მეტად მოსიყვარულე და მიმზიდველი იყო თურმე.

**13. არატოსის დიდი ღალატი; კლეომენეს დამარცხება (222).** მაგრამ კლეომენეს მტრები ჰყავდა და პირველი მათ შორის არატოსი იყო. არატოსს ეშინოდა ლიგისათვის, რომელსაც კლეომენემ უკვე წაართვა მანტინეა; მას ეშინოდა უფრო თავის ლიგისათვის და მოამზადა თავისი დიდი ღალატი. რომ პელოპონეზი კლეომენეს არ რგებოდა, მან არჩია მისი

გადაცემა მაკედონიის მეფისათვის, რომელმაც გირაოდ აკროკორინთის დაბრუნება მოითხოვა. არატოსი ჯერ დიდ რყევაში იყო. ამ დროს კლეომენე სიკიონს მიადგა. არატოსმა ქალაქს თავი დაანება და მივიდა ეგიონში, სადაც ლიგას მაკედონიის მეფის მოწვევა გადააწყვეტინა. მაკედონელი ჯარი მაშინვე დაიძრა პელოპონეზისაკენ, გადაიარა კორინთის ყელი და დაიკავა აკრო-კორინთი; კლეომენე იძულებული შეიქნა გაბრუნებულიყო თავის ჯარით. მაკედონიის მეფე ანტიგონი ისე იქცეოდა აქაიაში, როგორც მეფე; არატოსი კი იყო მისი მორჩილი მსახური; ლიგას უნდა ერჩინა თელი ზამთარი მაკედონელების ჯარი. 222 გაზაფხულზე მაკედონელი ჯარი ისევ შეუდგა მოქმედებას, ძირიანად დაანგრია მანტინეა და ბოლოს კლეომენეც დაამარცხა სელაზისთან (221). უბედური მეფე ძლივს გადარჩა სიკვდილს და სპარტაში მოვიდა. იგი დაქანცული და სასოწარკვეთილი იყო. ცოტა ფიქრის შემდეგ კლეომენე ისევ შეჯდა ცხენზე და გითიონში წავიდა; აქედან ეგვიპტეში გადავიდა, სადაც ორი წლის შემდეგ დაიღუპა, ანტიგონი მივიდა სპარტაში და ისევ ოლიგარხიული წესი აღადგინა.

14. **გაღების (კელტების) შემოსევა საბერძნეთში.** საბერძნეთისამდენ შინაურ უბედურებას ზედ დაერთო გალების შემოსევა (280). ეს ხალხი, რომელთანაც ალექსანდრე მაკედონელს მეფობის დაწყებისათანავე ჰქონდა საქმე, მოდებოდა მდ. დუნაის ქალებს. ერთი ნაწილი პირდაპირ მაკედონიაში ჩამოვიდა; აქ მათ მოჰკლეს მეფე პტოლომე და გაიარეს ბერძნები თერმოპილთან უცდიდნენ ბარბაროსებს; მაგრამ, როგორც სპარსელების დროს, მტერმა შემოუარა თერმოპილის კარს და პირდაპირ დელფისაკენ გასწია, სადაც დიდძალი სიმდიდრე ეგულებოდა. გალები მივიდნენ დელფთან, იერიშით აიღეს იგი და შეუდგნენ კიდევ ტაძრის გაძარცვას, რომ ამ დროს საშინელი ქარიშხალი ამოვარდა. თითონ ღმერთი კისრულობდა თავის ტაძრის დაცვას. ქექა-ქუხილი საშინელის ხმაურობით ისმოდა ღრმა ხეობაში და შიშს გვრიდა ცრუმორ-

წმუნე ბარბაროსებს; პარნასის მწვერვალი, რომელიც დაფარული იყო ბნელის ღრუბლებით, განათდებოდა ხოლმე ერთ-ბაშად ელვის გამო და ბარბაროსებს კი ღმერთის საშინელ ძალად ეჩვენებოდათ. გალები შიშმა აიტანა, მიატოვეს თავიანთი ნადავლი და უგზო-უკლოდ გაიქცნენ; უკან ბერძნები მისდევდნენ და ხოცდნენ. 30 ათასი გალი დაიღუპა; ცოცხალი სულ ცოტადა გადაარჩა.

## თავი XXX

### თავისუფალ საბერძნეთის უკანასკნელი დღეები. (რომაელები საბერძნეთში\*)

საჩქევი. 1. საბერძნეთის ვითომდა დაცემა; რომაელების გამარჯვების მიზეზი.—2. მაკედონია-საბერძნეთის კონფედერაციის ცდა ანტიგონ დოზონის მხრივ.—3. ფილიპეს უმოქმედობა. რომაელებს თვითონ ბერძნები იწვევენ.—4. ფილოპომენი.—5. რომაელების ჩარევა მაკედონიის საქმეებში.—6. ფლამინიუსი.—7. თესალიაში გალაშქრება; კინოკეფლას ბრძოლა.—8. ბერძნების განთავისუფლება.—9. რომაელების ზომები; ბერძნების უკმაყოფილება.—10. რომაელების დაბრუნება საბერძნეთში; ეტოლიელები. სირიის მეფე ანტიოხოს.—11. ბრძოლა საბერძნეთსა და მცირე აზიაში.—12. აქეელების ლიგა და რომაელები. ფილოპომენის სიკვდილი.—13. მაკედონია და რომაელები. პერსეოსი.—14. რომაელების ბრძოლა პერსეოსთან. პავლე ემილიუსი. პერსეოსის დატყვევება.—15. აქეელების ლიგის უკანასკნელი დღეები. კორინთის აღება და დაქვევა.

1. საბერძნეთის ვითომდა დაცემა; რომაელების გამარჯვებას მიზეზი. ორი შემოსევა იყო საშიში საბერძნეთის დამოუკიდებლობისათვის; ერთი სპარსელების შემოსევა იყო აღ-

\*) ბიბლიოგრაფია: ძველი ავტორები—1) პლუტარხოსი—ფილოპომენის, პავლე ემილიუსის და ფლამინიუსის ცხოვრებანი; 2) პოლიბიოსი—წ. IV, V, VI, XVI, XVII, XVIII, XX, XL.

ახლანდელი ავტორები: 1) დროიზენი 2) ჰერცბერგი (საბერძნეთი რომაელების მფლობელობის ქვეშ), 3) კულანგი—პოლიბიოსი და საბერძნეთის დაპყრობა რომაელების მიერ 4) მომზენი—რომის ისტორია ტ. III, წ. III, თ. VII, ტ. IV, წ. III, თ. X.



მოსავლეთიდან, მეორე — რომაელების დასავლეთიდან. ბერძნებმა უკუაქციეს სპარსელები სპარტასა და ათინას ერთობის, მხურვალე მამულის შვილობისა და, განსაკუთრებით, მტრის უვარგის ორგანიზაციის მიზეზით. რომაელებმა კი გაიმარჯვეს, რადგან უკეთესი მეომრები იყვნენ და სამხედრო ხელოვნებით იმდენად მაღლა იდგნენ ბერძნებზე, რამდენად სხვა მხრივ ჩამორჩენილები იყვნენ. როცა რომაელები მოვიდნენ საბერძნეთში, არც მატერიალური და არც გონებრივი ძალა არ აკლდა ბერძნეთს. საბერძნეთი იყო და დარჩა ბოლომდე ცივილიზაციის სული და გული: მისი ენა, ხელოვნება და გავლენა გაბატონებული იყო იტალიიდან დაწყებული, საიდანაც რომაელები მოვიდნენ, ინდუსამდე, რომელიც ალექსანდრემ გადაიარა. საბერძნეთი იმიტომ კი არ დაეცა, რომ საზოგადოთ დაცემული იყო; არა, აქ იგი დაემორჩილა „უფრო ძლიერის“ კანონს, და თუ მართალია, რომ ხან-და-ხან სკოლის მასწავლებელი იგებს ბრძოლას, საბერძნეთში ეს არ გამართლდა. რომაელმა ლეგიონერმა გაიმარჯვა და სკოლის მასწავლებელმა ბერძენმა შემდეგ გადაუხადა სამაგიერო: მიაღებინა რომაელებს თავისი ცივილიზაცია, რომელიც რომაელმა ცენტურიონმა (ასისტავი) დაიმონავა.

**2. მაკედონია-საბერძნეთის კონფედერაციის წდა ანტიგონ დოზონის მხრივ.** საბერძნეთს ემუქრებოდა პირველ ხარისხიანი სამხედრო სახელმწიფო და მისი ხსნა შეუძლებელი იყო, თუ რომელიმე მეორე ძლიერი სახელმწიფო არ დაეხმარებოდა. ბალკანეთზე მარტო მაკედონიას შეეძლო წინააღმდეგობა გაეწია რომისათვის. მარტო საკუთარის ძალ-ღონით იგი ვერაფერს გააწყობდა, მაგრამ თუ ბერძნების კოალიციის მოთავე გახდებოდა, ბრძოლა შესაძლებელი იყო. ანტიგონ დოზონი ამას მიმხვდარი იყო. კლეომენეს დამარცხების შემდეგ მან სცადა სიმახის ან მაკედონია-საბერძნეთის კონფედერაციის შექმნა; კონფედერაციის წევრები უნდა ყოფილიყვნენ — მაკედონია, თესალია, ბეოტია, ფოკიდა, ეპირის თემები, აკარნანია, აქეელების ლიგა და ლაკონია. მაგრამ ანტიგონი მალე



მოკვდა; მის შემკვიდრე ფილიპე V-ს კი კიდევ რომ შესძლებოდა ანტიგონის განზრახვების გაგება, ვერ შეასრულებდა, რადგან მოკლებული იყო ენერჯიასა და სიმტკიცეს.

კარგი მრჩეველები არ აკლდა ფილიპეს. მისმა მეგობარმა დიმიტრი ფაროსელმა მიუთითა მას იტალიაზე, სადაც ამ დროს დიდი ღუელი იყო რომსა და ჰანიბალ შორის. 217-ში ნავპაქტის საერთო კრებაზე აგელაოს ეტოლიელმა ცხადათ უწინასწარმეტყველა ბერძნებს, თუ რა იყო მოსალოდნელი: „მე ვხედავ დასავლეთით შავ ღრუბელს, რომელიც სულ იზრდება; მოესპოთ ჩვენი ბავშვურე კინკლაობა, სანამ იგი თავზე არ დაგვცემია.“

**3. ფილიპეს უძოქმედობა. რაჰაკლებს თვითონ ბერძნები აწვევენ.** დიდი განსაცდელი უახლოვდებოდა საბერძნეთს. ბოლოს ფილიპესაც აეხილა თვალი და ჰანიბალს საიერიშო და საგერო ტრაკტატით შეეკრა. ამ ხელშეკრულების პირობები მართლა რომ შეესრულებინათ, რომის საქმე კარგად ვერ იყო. მაგრამ ფილიპე ეტოლიაში იბრძოდა და დრო გაუშვა; რომაელები მტკიცედ და ფრთხილად იყვნენ, ჰანიბალის ვარსკვლავი ჩაჰქრა და როცა მაკედონელებმა მოისურვეს სცენაზე გამოსვლა, გვიანლა იყო. ბერძნებმა დაივიწყეს ნავპაქტში დადებული ფიცი და აღარ მოინდომეს მაკედონიის მეფესთან ერთად მოქმედება, არატოსი, რომელმაც სრულებით დაჰკარგა ფილიპეს იმედი, მოკვდა ან, შეიძლება, თვითონ ფილიპემ მოაწამვლინა. ღარიბი და ნაკლებად პატიოსანი ეტოლიელები, რომელნიც უკვე იცნობდნენ რომის ოქროს, პირობით შეეკრნენ რომაელებს. ამ პირობის ძალით, რამდენ მიწასაც არ დაიპყრობდნენ კორცირამდე, ეტოლიელების იყო, მოძრავი ქონება და მცხოვრებლები კი რომაელების. სპარტა და ატალ I პერგამელიც შეუერთდნენ ამ ხელ-შეკრულებას, თვითონ ბერძნებს შემოჰყავდათ მტერი თავიანთ ტერიტორიაზე. ბოლოს აქეელებიც ჩამოშორდნენ ფილიპეს და ფილოპომენტთან ერთად სკდილობდნენ პელოპონესზე გაბატონებას.

4. ფილოზოფიკა. ფილოზოფიკი პირველად ყოვლისა ჯარის კაცი იყო. ჩვეულებრივ ისე ყავთ იგი წარმოდგენილი, თითქოს თავის დროისათვის განსხვავებულ რასმე წარმოდგენდეს. ნამდვილად კი ფილოზოფიკი ღვიძლი შვილია ამ დროის საბერძნეთისა, სადაც სამხედრო ნიჭი არა თუ არ შესუსტებულა, პირიქით კიდევ უფრო ბრწყინავდა. არასოდეს საბერძნეთს ამდენი არ უომნია და თუ სამხედრო მამაცობის გაჭირობაა ხალხის დაცემის ნიშანი, ამ დროის ბერძენს ეს თვისება არ ჰკლებია.

ფილოზოფიკი (მეგალოპოლისიდან იყო) ცხოვრებდა მხოლოდ ბრძოლისათვის; გატაცებული ემზადებოდა იგი ბავშვობიდან ამ ხელობისათვის; რადგან მეგალოპოლისს განუწყვეტელი ბრძოლა ჰქონდა ლაკონელებთან, ფილოზოფიკს გასაწვრთნელი სამხედრო სკოლა არ აკლდა. იმ თავითვე შეაჩვი მან თავისი სხეული ყოველგვარ გაჭირვებას და ტაროს: ნადირობდა, მიწას ამუშავებდა და იქვე მიწაზე იძინებდა მუშებთან ერთად. ყველა ამის მიზანი ერთი იყო—სხეულის გამაგრება. ფილოზოფიკს გატაცებით უყვარდა თავისი ხელობა—ჯარის კაცობა და ომი; მეტი ლაპარაკის საგანი მას არ ჰქონია; ზიზლით უყურებდა ყველას, ვინც ჯარის კაცი არ იყო, და უსარგებლო ხალხად სთვლიდა. მართალია, ფილოზოფიკი პატრიოტი იყო და ემსახურებოდა თავის სამშობლოს, მაგრამ ისიც კი ყოფილა, რომ მხოლოდ ბრძოლისათვის უბრძოლნია; მაგალითად იგი კრეტაში იყო როგორც დაქირავებული ჯარის კაცი. ყველა ამასთან არ შეიძლება არ ითქვას, რომ ფილოზოფიკს უბრალო ცხოვრება უყვარდა და გონებაც უჭრიდა; მას კარგად ესმოდა საბერძნეთის იმ დროინდელი მდგომარეობა: კრეტიდან დაბრუნების შემდეგ ფილოზოფიკი აირჩიეს ცხენოსან ჯარის უფროსად. ჩაბარებულ საქმეს მშვენიერად გაუძღვა ახალი სარდალი; ჯარი მშვენიერად დააყენა; კიდევ მეტიცა ჰქნა—მან შეაყვარა აქეელებს სამხედრო საქმე; მის დროს ახალგაზდობა სიამოვნებით შედიოდა ჯარში და იწვრთნებოდა. ასეთ მოღვაწეობას შედეგიც მალე მოჰყვა: ლიგამ დაამარცხა ლაკედემონის ტირანი მახანიდასი, რომელიც თვითონ ფილოზოფიკ-

ნმა მოჰკლა. ბრძოლიდან დაბრუნებული სარდალი თავის ჯარით ნემის დღესასწაულს დაესწრო. საღღესასწაულო კრება თეატრში იყო გამართული, სადაც დამკვრელები ჯილდოს ეჯიბრებოდნენ ერთმანერთს. როცა ფილოპომენი შევიდა თეატრში ბრწყინვალე სამხედრო ამალის თან - ხლებით, ასტყდა საერთო ტაშის ცემა, რომელიც კიდევ უფრო გაძლიერდა, როცა მომღერალმა პილადემ წარმოსთქვა სიტყვები „მან შეგვიძინა სახელი თავისუფლებასთან ერთად“ო. მთელ თეატრში სიხარულის ყიჟინა გაისმა და ყველამ ფილოპომენისაკენ მიიხედა.

საზღბედუროთ ამ გამარჯვებას საბუთიანი არა მოყოლია რა. მახანიდასის მაგიერ კიდევ უარესი ტირანი დაჯდა სპარტაში: ნაბისის დროს სრულებით დაინგრა სპარტას ძველი კონსტიტუცია; აიღეს ჰილოტების სისხლი, რომელთაც ასე საშინელად აწვალებდნენ სპარტიატები რამდენიმე საუკუნე; წარჩინებული სპარტიატები ან დახოცეს ან განაძევეს; შექმნეს ახალი ოლიგარხია, რომელიც სულ დაბალ პირებისაგან შესდგებოდა. ძველი სპარტა აღარ არსებობდა.

**5. რომაელების ჩაჩევა მაკედონიის საქმეებში.** რომაელებთან მოსალოდნელ ბრძოლის დროს ფილიპეს მარტო თავისი იმედი უნდა ჰქონებოდა. აქეელებს აღარ სურდათ მას გაჰყოლოდნენ; ეტოლიელები, როდოსელები და ათინელები რომის სენატში უჩიოდნენ მაკედონიას. 200 წელს, ზაფხულზე, ფილიპემ ალყა შემოარტყა აბიდოსს; ამ დროს მოვიდა რომის დესპანი ემილიუს ლებიდუსი, წარუდგა ფილიპეს და გამოუცხადა სენატის ბრძანება, რომ ხელი არ ეხლო საბერძნეთის არც ერთ ქალაქისათვის. ფილიპემ დაცინვით უპასუხა დესპანს, რომ უპატიებია ასეთი თავხედობა მის ახალ გაზღობისა, სილამაზისა და რომაელობისათვის. ომი თითქმის მაშინვე დაიწყო.

**6. ფლამინიუსი.** 199 და 198 წლებში რომაელმა ჯარმა მიზანს ვერ მიაღწია. ამიტომ რომი მეტის ენერგიით შეუდგა საქმეს. კონსულად ამოირჩიეს ახალგაზდა ტიტუს ფლამინიუსი და ეს არჩევანი მეტად გონიერი იყო: ძველი ტიპის რო-

მაელი, სასტიკი და მოუხეშავი ვერას გააწყობდა გონება-მანვილ, ფაქიზ და ბავშვისებურ ხასიათის პატრონ ბერძნის ხალხთან. ეშმაკი, გაქნილი და განათლებული რომაელი ფლამინინუსი, რომელმაც კარგად იცოდა ბერძნული ენა და ბერძნის ხასიათი, ზედ გამოჭრილი იყო საბერძნეთში მოქმედებისათვის. ახალმა სარდალმა ბრძოლის ველი თესალიაში გადაიტანა და ზამთარი ანტიკირაში დარჩა. ფლამინინუსი ძალიან მოეწონათ ბერძნებს; სიამოვნებით ისმენდნენ რომაელ სარდლის ლამაზ ბერძნულს და დიდათ კმაყოფილი იყვნენ მის ზრდილობიან, ტკბილ ქცევით, რომლის ქვეშ გულწრფელი ზიზლი იფარებოდა ენაქარტალა ბერძნისადმი. მშვენიერი იყო ფლამინინუსის ხერხი, რომელიც მან თებაში შესასვლელად იხმარა; მსხვერპლებიც კი ალტაცებაში იყვნენ ამ ხერხით: რომაელმა სარდალმა ქილაქის წინ გაიარა; მას შეხვდნენ მაგისტრატები; მიესალმნენ ერთმანერთს და მასლაათი დაიწყეს; სარდალი ჩაერია მათ, ჰკითხა რამეები, თვითონაც მოჰყვა ამბებს; თებელები ალტაცებაში იყვნენ რომაელის ზრდილობიან და საინტერესო საუბრით. ამასობაში ქალაქის კარებსაც მიუახლოვდნენ; სარდალი ვითომდა ლაპარაკით გართული და გატაცებული შეჰყვა თებელებს ქალაქში, ისე რომ არავის ყურადღება არ მიუქცევია; სარდალს აფიცრები მიჰყვნენ; აფიცრებს ჯარის კაცები და ქალაქიც რომაელების ხელში ჩავარდა. მომხიბლველმა რომაელმა იმდენი მოახერხა, რომ აქეელების ლიგა რომისაკენ გადავიდა. ნაბისი კი ვერ მიიმხრო; მეფემ განურჩევლად ამოღლიტა მაკედონოლები და რომაელები, ვინცკი ხელში მოხვდა. მისმა ღირსმა მეუღლემ, აპეგამ, სხვა საქმე იკისრა — ყველა არგოსელი ქალები გააძარცვინა.

7. **თესალიაში გაღაშქრება; კინოკეფალეს ბრძოლა (197)**  
 საბოლოო ბრძოლა 197-ის ზაფხულში მოხდა სკოტუსას ახლო, კინოკეფალეს („ძაღლის თავები“) გორაკებზე. პირველი არ იყო რომაელებისა და ბერძნების ომის ველზე შეხვედრა, მაგრამ აქ პირველად გადაწყდა კითხვა ლეგიონსა და ფალანგას შუა, ფალანგა დამარცხდა; მაგრამ არა მარტო იმიტომ, რომ ლეგი-



ონი სჯობდა: რომაელების მხარეს ბევრი ბერძენი იყო და გარდა ამისა მასინისამ სპილოები მოუყვანა მათ აფრიკიდან. ფილიპემ მოლაპარაკება გამართა და ტახტი შეიჩინა, მაგრამ როგორის პირობებით! სამხედრო ფლოტი რომაელებს გადასცა, თვითონ მაკედონიის გარეთ ერთი კვალი მიწა აღარ დარჩენია და ჯარი მისი ხუთას ჯარის კაცს ვერ აღემატებოდა.

8. ბერძნების განთავისუფლება. როგორღა უნდა მოგვარებულიყო ბერძნულ თემების საქმე? ესენი ხომ მაკედონიის მეფეს ეკუთვნოდნენ. ეტოლიელებმა ფილიპეს დამარცხებისათანავე დაიწყეს ლაპარაკი, რომ ბერძნებმა მხოლოდ ბატონი გამოიკვალეს და რომ ფლამინინუსი ბერძნების კეთილმოყვებად ვერ ჩაითვლება, რადგან ბორკილი, რომელიც მათ ფეხებზე ჰქონდათ, ეხლა კისერზე დაადო მათ. ბოლოს ფლამინინუსმა გამოაცხადა გადაწყვეტილება, რომელსაც არავინ მოელოდა. ისტმის დღეობა იყო; დიდ-ძალი ხალხი იყო თავმოყრილი საბერძნეთის ყოველ კუთხიდან. უეცრად ბუკის ხმა გაისმა; წინ წამოდგა ჰეროდოტი (ოფიციალური გამომცხადებელი) და ხმა მალღა გამოაცხადა: „რომის სენატისა და რომაელების სარდალის ფლამინინუსის გადაწყვეტილებით, ფილიპესა და მაკედონელების დამარცხების შემდეგ, საბერძნეთის თემები თავისუფალი არიან გარნიზონის ჩაყენებისა და ყოველგვარ გადასახადისაგან.“ პირველად კარგად არ ესმოდათ ჰეროდოდის სიტყვები, მაგრამ როცა მეორეთ გაიმეორეს და ყველამ კარგად გაიგო, ხალხი სიხარულით თავდავიწყებას მიეცა: ჰყვიროდნენ, სტიროდნენ, იცინოდნენ, ცეკვავდნენ. ფლამინინუსს იმდენი და ისეთი მადლობა უთხრეს, რომ ძლივს დაბრუნდა კარავში. მთელი ღამე გატაცებული ბერძნები იდგნენ სარდალის კარავთან და ჰყვიროდნენ. მეორე დღიამდე ხალხი არ დაწყნარებულა. ყველაზედ უკედ აქეელები მოიქცნენ: გამოიყიდეს ათას ორასი ტყვე რომაელი და გაუგზავნეს რომაელ სარდალს ნიშნად მადლობისა. მიუხედავად ბევრ ნაკლულევანებისა ბერძენი ფაქიზ გრძნობათა პატრონი იყო. მზგავსს ფაქტს ვერ ნახავთ რომაელების ისტორიაში.



9. **რომაელების ზომები; ბერძნების უკმაყოფილება.** ასეთ გატაცებისა და აღტაცების შემდეგ დადგა დრო შეცვლილ გარემოებათა დაფასებისა; ბერძნებმა გაიცნეს რომაელები და დაინახეს სინამდვილე. თესალია ოთხ პატარა ავტონომიურ რესპუბლიკად იქნა გაყოფილი; ეტოლიელებს ნება არ ჰქონდათ ოთრისს გამოსცილებოდნენ და თავს იმით ინუგეშებდნენ, რომ ფლამინინუსზე სასაცილო ლექსებს თხზავდნენ და კინოკეთაღეს გამარჯვებას თავის-თავს აწერდნენ; კორინთი აქეელების ხელში გადავიდა, მაგრამ სპარტაში ისევ ნაბისი დარჩა, რომ აქეელებისათვის ედარაჯნა. ყველა ამის შემდეგ ფლამინინუსი წასასვლელად მოემზადა. წასვლის წინ სარდალმა თავი მოუყარა ბერძნებს კორინთში (194), დიდი ქება დიდება შეასხა რომაელების სულგრძელებასა და პატიოსნებას და ურჩია ბერძნებს მშვიდობიანად ეცხოვრათ და სიფრთხილით მოეხმარათ ახალი თავისუფლება. ამ კრებაზე ნაკლები გატაცება იყო და ფლამინინუსს შიში აღარ ჰქონდა, რომ აღტაცებული ბერძნები მას მოხვედრით დაახრჩობდნენ; ბერძნებმა გაიცნეს რომაელები.

10. **რომაელების დაბრუნება საბერძნეთში; ეტოლიელები.** სიწაის მეფე ანტიოხოს III. რომაელებს მალე დასჭირდათ საბერძნეთში დაბრუნება, მაგრამ არა მეფესთან საბრძოლველად: უბედური ფილიპე მწუხარედ იჯდა თავისთვის სასახლეში; რომაელებს ეხლა ეტოლიელებთან ჰქონდათ საქმე, რომელნიც სირიის მეფე ანტიოხოს III-ეს შეეკვრენ კავშირით. ამათ მეტად მოჰქონდათ თავი კინოკეთაღეს გამარჯვების შემდეგ; ჩიოდნენ, რომ ასე დიდის სამსახურისათვის რომაელები უსამართლოდ მოექცნენ მათ და თან იმუქრებოდნენ, რომ სამაგიეროს უზღავდნენ ომს. ეტოლიელების სარდალი დამოკრიტოსი ნამდვილი მკვებარა ჯარის კაცი იყო. როცა საბერძნეთში დაბრუნებულმა ფლამინინუსმა მოთხოვა მას პირი იმ დადგენილებისა, რომლითაც ეტოლიელებმა სირიის მეფე მოიწვიეს, დამოკრიტოსმა ამაყად უთხრა: „ეხლა უფრო საჭირო საქმეები მაქვს; მაგრამ სულ მოკლე ხანში შეგატყობინებ ჩემ გადაწყვეტი-

ლებას, როცა ეტოლიელი ჯარები მდ. ტიბრის ნაპირზე იქნებთან დაბინავებული“-ო. ასეთი პასუხი რომაელს სიცილადაც არ უნდა ყოფნოდა.

არც ეტოლიელების მოკავშირე ანტიოხოსი იყო უკეთესი. ამ „მეფეთა-მეფესთან“ იყო მოხუცი ჰანიჭალი; მაგრამ ყურსაც არ ათხოვებდა მის გონივრულ რჩევას. იგი დარწმუნებული იყო, რომ მთელი საბერძნეთი მზა-მზარეულად ჩაუვარდება ხელში; რაც შეეხება რომაელებს, სრულებით არაფრად აგდება. მისი ელჩები მოვიდნენ აქაიაში და დიდხანს ილაპარაკეს თავიანთ მბრძანებელის უთვალავ ჯარებზე. ფლამინიუსიც აქ იყო და დამცინავის კილოთი შემდეგი უთხრა შეკრებილი აქეელებს: „მახსოვს, ერთ დღეს სადილად დაპატივებული ვიყავი მეგობართან; ბევრი სულ სხვა და სხვა საქმელები მოიტანეს სუფრაზე და მე მეგობრულად ვუსაყვედურე ჩემ მასპინძელს.— ნუ სწუხარო, მიპასუხა მან; რასაც ხედავ, სულ ღორის ხორცია და თუ სულ სხვა და სხვა საქმელად გეჩვენება, ეს ჩემი მზარეულის ხელოვნების მიზეზი არისო. მეშინია, რომ ანტიოხოსის ჯარებიც ამ ჩემ მასპინძლის საქმელებს არ ჰგავდეს: ეს მაგნეზიელები, ლიკიელები, კარიელები; პამფილელები სირიელები არიან და სხვა არაფერი.“

**11. ბრძოლა საბერძნეთსა და მცირე აზიაში.** ფლამინიუსი მართალი იყო, როცა ასე დაცინვით ლაპარაკობდა სირიის მეფის ძლიერებაზე. ანტიოხოსი შემოესია საბერძნეთს 192 წელს და იმის მაგიერ, რომ ენერგიულად განეგრძო სამხედრო ოპერაციები, ვიღაც კლეოპატოლემოსის ქალი შეუყვარდა და დიდის ამბით ქორწილისათვის ემზადებოდა. ჯარისკაცებიც მასავით იქცეოდნენ: ხელში ღვინით სავსე ფიალა ეჭირათ და თავი ყვავილების გვირგვინით აქონდათ მორთული. რომაელები კი დროს არ ჰკარგავდნენ; კონსული მანიუს აცილიუს ელაბრიონი, ფილიპე მაკედონელთან შეთანხმებით, დროზე შეუდგა სამხედრო მოქმედებას. ანტიოხოსს უკვე გონება დაებნა და თერმოპილის კარს ამოეფარა, მაგრამ მისი ქცევა ლეონიდასის ქცევიდან შორს იყო. რომაელებმა შემოუარეს თერ-

მოპილს და ანტიოხოსი ისეთის სიჩქარით გაიქცა, რომ ჯარი საბერძნეთში დაავიწყდა. მიტოვებულ ეტოლიელებმა გადასწყვიტეს განეგრძოთ ბრძოლა, სანამ ერთი ჯარის კაცი ეყოლებოდათ; მაგრამ ვერას გახდნენ: 189-ში იძულებული შეიქნენ განეთავისუფლებიათ ყველა ტყვედ-წაყვანილები, ეხადნათ ხარკი და შემდეგისათვის რომის მეგობრები და მტრები თავიანთ მეგობრებად და მტრებად მიეჩნიათ. რაც შეეხება ანტიოხოსს, ზღვის მეორე ნაპირას ასეთ არა საქმე სიჩქარით გადასვლამ მას ვერ უშველა. ლუციუს კორნელიუს სციპიონი გადავიდა მცირე აზიაში და ანტიოხოსს მაგნეზიასთან, სმირნის ახლო, შეხვდა. ერთი მუქა ლეგიონერები საკმარისი შეიქნა მეფეთა-მეფის დიდი ჯარის გასათანტავად. ანტიოხოსმა დაჭკარგა 50.000 ჯარის კაცი და რომაელებმა კი მხოლოდ 300. დამარცხებული და დამცირებული მეფე თანახმა იყო ხელი მოეწერა ყოველ პირობაზე (188): წაჭრთვეს მცირე აზიის ყველა პროვინციები, გარდა კილიკიისა, და ერთი წილი რომაოსლებს მისცეს, ერთი პერგამის მეფეს; გადაახდევინეს კონტრიბუცია; უფლება აღარ ჰქონდა საბერძნეთში ჯარის კაცები დაეპირავებინა და ეტოლიელებსავით რომის მეგობარი და მტერი მასაც მეგობრად და მტრად უნდა მიეჩნია.

**12. აქეელების ღიგა და რომაელები.** ფილოპომენის სიკვდილი. ამ ხნის განმავლობაში აქეელების ღიგას არ უღალატნია რომაელების კავშირისათვის, მაგრამ ესენი მაინც ექვის თვალით უყურებდნენ მას. ფლამინინუსმა მეტად გაუწყრა ღიგის სარდალს რომაელების ნება დაურთველად მესენიის შემოერთებისათვის, ნება არ მისცა ღიგას ზაკინთი მისი ყოფილიყო: რომაელებს აქეელების ინტერესებისათვის კი არ დაუღვრიათ სისხლით; დასცინოდა კიდევ: თუ პელოპონეზს გარეთ გამოგიყვიათ თავი, იგივე მოგიწვიათ, რაც კუს მოდის, როცა ქერქიდან თავს გამოჰყოფსო. რომაელები განსაკუთრებული ექვის თვალით ფილოპომენს უყურებდნენ. ფილოპომენი კარგად ხედავდა, თუ რას უქადიდა აქეელებს რომაელების მუდმივი საქმეში ჩარევა. ღიგის საბჭოში რომაელების ერთი

მომხრე ბევრს ლაპარაკობდა მათ სასარგებლოდ. „მეომარო, რათ გეჩქარება საბერძნეთის ბოლო დაინახო“ო, უთხრა ფილოპომენმა. 188-ში აქეელების სარდალმა სპარტა შემოიერთა, მაგრამ ბევრი არ დასცლია მას. მესენიელმა დინოკრატოსმა, რომელიც ფლამინინუსთან ერთად მოვიდა რომიდან, ააჯანყა მესენია ლიგის წინააღმდეგ, ალბად ფლამინინუსისავე რჩევით. ამ დროს ფილოპომენი ავად იყო და არგოსში იწვა. გაიგო თუ არა მესენიის აჯანყების ამბავი, მოხუცი და ავადმყოფი მეომარი მაშინვე ფეხზე წამოდგა, მოახტა ცხენს და შეუსვენებლად მეგალოპოლისში მივიდა (50 ვერსტია). აქ მან შეპკრიბა რამდენიმე ჯარის კაცი და დაუყოვნებლივ მესენიაში შევიდა. ბედმა უღალატა მხცოვან სარდალს: იძულებული შეიქნა უკან გამობრუნებულიყო თავის პატარა რაზმით; სამშვიდობოში მინც ვერ გამოაღწია—იგი მესენიელებს ჩაუვარდა ხელში. შეპყრობილი სარდალი ერთ გამოქვამულში ჩააგდეს, სადაც არც პაერი და არც სინათლე შედიოდა. შებრალეობა არ იცოდნენ იმ დროის ბერძნებმა: რამდენიმე წლის წინად თვითონ ფილოპომენმა 63 სპარტანელი დაახოცვინა გულგრილად. ღამე ჯალათი შევიდა მასთან და საწამლავი გაუწოდა. მწუხარე და ავადმყოფი ფილოპომენი თავის ნოსახამზე იწვა და არ ეძინა. როცა ჯალათი დაინახა, წამოდგა, გამოართვა საწამლავი და დაღევამდე ჰკითხა ჯალათს თავის ამხანაგების ამბავი, განსაკუთრებით ლიკორტასისა. „ყველა გადარჩა“ო, უპასუხა ჯალათმა. ფილოპომენმა მადლობა გადაუხადა და დამშვიდებით სთქვა: „რა კმაყოფილი ვარ, რომ ყველა არ ვყოფილვართ უბედურები“ო.

ფილიპომენის სისხლი მალე გადაახდევინეს მესენიელებს: აქეელები ისევ შემოვიდნენ მესენიაში, დინოკრატოსმა თავი მოიკლა და ფილოპომენის ნაშთი დიდის ამბით გადმოიტანეს მეგალოპოლისში. ჯარი, ხალხი, ქალები, ბავშვები და მოხუცები ყველა ტიროდა ასეთ კაცის დაკარგვის გამო.

**13. მაკედონა და რომაელები. პერსეოსი.** ფილიპე მაკედონელი ვერ შეურიგდა თავის დამარცხებას; ყოველ დღე



ჰკითხულობდა იგი რომაელებთან დადებულ ხელშეკრულების პირობებს. მან კარგად იცოდა, რომ აღრე თუ გვიან ისევ უნდა მომხდარიყო შეტაკება რომსა და მაკედონიას შუა. ანტიოქოსთან ბრძოლის დროს ფილიპე მხარში უდგა რომაელებს, მაგრამ მაინც ეჭვის თვალით უცქეროდნენ. მოსწრებით კი არ მოსწრებია მას ეს შეტაკება, რომლისთვისაც იგი ჩუმად ემზადებოდა. მიუხედავად ბევრის ნაკლისა, ფილიპე ჩვეულებრივი პიროვნება არ ყოფილა: ესმოდა და აფასებდა თავის მდგომარეობას, მტკიცე ნების ძალა ჰქონდა და პატრიოტი იყო. ესევე შეიძლება ითქვას მის მემკვიდრე პერსეოსზედაც, რომელსაც რომის ისტორიკოსებმა ბევრი ცილი დასწამეს. პერსეოსი თავის მამასავით კარგა ხელადედა, რომ მაკედონია მხოლოდ საბერძნეთთან დაკავშირებით გახდებოდა ძლიერი, რომ მაკედონია უნდა გახდეს საბერძნეთის თავისუფლების ფარი წინააღმდეგ რომაელებისა, რომელნიც ყველგან გაბატონებას სცდილობდნენ.

ბერძნებმაც გაახილეს თვალები, იგრძნეს რამდენი სისასტიკე, ეგოიზმი და სიმკაცრე იყო რომის პოლიტიკაში, ცხადად დაინახეს, თუ რამდენად შეუფერებელი იყო ბერძნის ზრდილობიან და ფაქიზ ბუნებასთან რომაელის მოუხეშავობა და აუტანელი სიამაყე. ეხლა ბერძენი უფრო მაკედონიისაკენ მიიწევდა—რაც უნდა იყოს, მაკედონია მაინც საბერძნეთის ნაწილი იყო. გარდა ამისა ბერძენს კიდევ არ ჰქონდა ნამდვილად გათვალისწინებული არც თავის ქვეყნის სისუსტე და არც რომის ნამდვილი ძალა.

პერსეოსმა იმით დაიწყო რომაელების წინააღმდეგ მოქმედება, რომ თავს დაესხა დოლოპებს, რომელნიც რომაელების მფარველობის ქვეშ იყვნენ. შემდეგ თავის ჯარით დელფში წავიდა ვითომ მისნის საკითხავად; ნამდვილად კი იმისთვის, რომ ეჩვენებინა ბერძნებისათვის მაკედონიის აღორძინებული ძალა; გააკრა ყველგან განცხადება, რომლითაც იწვევდა თავისთან ყველა სამშობლოდან განდევნილ ბერძნებს. აქეელების



ლივის მიმხრობაც სცადა; მაგრამ ლივის საბჭოს უმრავლესობა წინააღმდეგი შეიქნა მაკედონიის წინადადებისა.

რომაელები თვალს არ აშორებდნენ პერსეოსის მოქმედებას. ეგრეც არ ყოფილიყო. მაკედონიის მეფის მტრები აუხელდნენ მათ თვალებს. პერგამის მეფე ევმენოსი, ისეთივე საზიზღარი ჯაშუში როგორც მამა მისი, რომში წავიდა და დააბეზლასენატს პერსეოსი. დაგვიანების დრო აღარ იყო; ჯერ დესპანები გაგზავნეს მაკედონიაში (172) და გაახსენეს მეფეს ის მოვალეობანი, რომელნიც ფილიპესთან დადებულ ხელშეკრულების ძალით უნდა აესრულებინა მას. „ეს ხელშეკრულება აღარ არსებობს. თუ რომს სურვილი აქვს მოლაპარაკება გამართოს, მე მზად ვარ მოვილაპარაკო როგორც სწორი სწორთან“. ასეთი პასუხი მისცა პერსეოსმა რომის დესპანებს.

**14. რომაელების ბძმელა პერსეოსთან. შავლე ემილიუსი. პერსეოსის დატყვევება.** ამაყი პასუხი იყო პერსეოსის პასუხი, მაგრამ როცა საქმე საქმეზე მიდგა, მეფემ დრო გაუშვა. ამით ისარგებლეს რომაელებმა და იმდენი მოახერხეს, რომ პერსეოსი მარტო დარჩა. არც აზიაში და არც პელოპონესში არავინ აღმოჩნდა მისი დამხმარე. საბერძნეთი გაშეშებული იყო და თვითონ პერსეოსსაც ისე შეეშინდა მისგანვე გამოწვეულ ქარიშხალისა, რომ მოციქულები გაგზავნა რომში თავის გასამართლებლად. სენატმა არ მიიღო ისინი.

დაიწყო ომი. რომაელ ჯარის სარდალი ლიცინიუს კრასუსი უნიჭო კაცი იყო და იგი ადვილად დაამარცხა პერსეოსმა მდ. პენეოსის ნაპირას, ლარისას ქვემოთ. მაგრამ მეფე ისე შეშინებული იყო, რომ მაშინვე ზავი შოითხოვა იმ პირობებით, რომელნიც ფილიპეს მიაღებინეს რომაელებმა. ლიცინიუსმა, თითქოს ის ყოფილიყოს გამარჯვებული, მოსთხოვა პერსეოსს სრული დამორჩილება. კონსული ჰოსტილიუსიც ასეთივე უნიჭო გამოდგა და რამდენჯერმე დაამარცხდა. უფრო ბედნიერი არც ქვინტუს მარკუსი იყო (169). მაგრამ პერსეოსის საქმეს ეს ცოტას შეელოდა.

რომი საღელვა ამდენმა დამარცხებამ და სარდლობა პავლე ემილიუსს ჩააბარეს, ახალი სარდალი, რომელმაც თავი ისახელა ესპანიასა და ლიგურიაში, ნამდვილი ძველი რომაელი იყო—სასტიკ დისციპლინის მოყვარე და ბევრის მომთხოვი. როგორც სხვისაგან, ისე თავის თავისაგანაც, მაგრამ კატონსავით როდი სძულდა ბერძნული ზნე-ჩვეულება და კულტურა. ემილიუსი მტკიცედ და ენერგიულად შეუდგა საქმეს. საბოლოო ბრძოლა პიდნას ახლო მდებარე ვრცელ ველზე (168) მოხდა. მაკედონიის სქელმა ფალანგამ დიდი შთაბეჭდილება მოახდინა რომაელ სარდალზე, შრშიც შეაპარა გულში. შემდეგში იგი გატეხილად ლაპარაკობდა რომ ჩემ დღეში არ მინახავს ასეთი საშინელი სანახაობაო. ემილიუსის შიში კინალამ არ გამართლდა: რომაელ ჯარის იერიშმა ვერ შეარყია პერსეოსის ფალანგა და უკან დაიხია; გამწარებულმა ემილიუსმა აბჯარი შემოიგლიჯა. ყველაფერი დაღუპული იქნებოდა რომაელებისათვის, რომ ფალანგა მოძრაობის დროს არ გაშლილიყო: ლეგიონერებმა შეატანეს შიგნით და მაკედონლების საქმეც დაიღუპა—25 ათასი ჯარის კაცი დარჩა ომის ველზე. რომაელების სიტყვით, მათ მხოლოდ ასი კაცი მოუკლეს, მაგრამ ეგ, რასაკვირველია, დასაჯერებელი არ არის. ამ ბრძოლას დაესწრო პავლე ემილიუსის შვილი, რომელიც სციპიონებმა იშვილეს და რომელმაც შემდეგ კართაგო და ნუმანციუმი დაანგრია.

პერსეოსი ბრძოლის ველიდან ჯერ პელაში გაიქცა, შემდეგ სამოთრაკიაში. მთელმა მაკედონიამ მიატოვა იგი; ერთმა მაკედონელმა, რომელსაც მეფემ თავის შვილები მიანდო, რომაელებს მიუყვანა ისინი. მეორე დაჰპირდა, მთელის ქონებით გემით გაგაპარებო და უღალატა. ბოლოს იძულებული შეიქნა თვითონ მისულიყო რომაელებთან და თავი დიემცირებინა. სხვათა შორის პერსეოსმა სთხოვა ემილიუსს, აეცილებინა მისთვის სირცხვილი და სატრიუმფო ეტლის უკან არ წაეყვანა. ემილიუსს შემდეგი ნამდვილ რომაულად შეუბრალებელი პასუხი უნდა მიეცეს: „ეს ისეთი საქმეა, რომელიც ყოველთვის შეგეძლოა“.

აგესრულებინა“ო. ამათი რომაელების სარდალმა ის უთხრა პერსეოსს, რომ სირცხვილის ასაცილებლად თავის მოკვლა მის ხელთ იყო.

**15. აქეელების ღიგის უკანასკნელი დღეები. კორინთის აღება და დანგრევა.** საბერძნეთის საქმე გათავებული იყო. პინდას ბრძოლის შემდეგ რომაელები ნამდვილი ბატონები გახდნენ ყოველგან. ეტოლია და ეპირი საშინლად გაანადგურეს; ათასამდე აქეელი იტალიაში გადასახლეს: მათ შორის იყო ფილოპომენის მეგობრის ლიკორტასის შვილი პოლიბიოსი, რომელმაც შემდეგში დასწერა საბერძნეთისა და რომის ისტორია და რომელიც სციპიონ ემილიანისა და კატონის მეგობარი გახდა. გადასახლებულებმა მხოლოდ ჩვიდმეტი წლის შემდეგ ნახეს სამშობლო, როცა დადგა საბერძნეთის უკანასკნელი სულთა ბრძოლა. აქეელების ღიგამ იარაღს მოჰკიდა ხელი, როცა რომმა საუკეთესო ქალაქები ჩამოართვა. საქმე იმ თავითვე წაგებული იყო. უკანასკნელი ბრძოლა მოხდა კორინთის ახლო ლევკოპეტრასთან. აქეელები დამარცხდნენ და კორინთმა კარი გაუღო კონსულ მუმიუსს. რომელი ჯარის კაცები ქარიშხალივით მოედვენ მდიდარ ქალაქს. მუმიუსი მოუხეშავობითა და განათლებით ჯარის კაცებზე მალა არ იდგა. ქალაქი საშინლად გაანადგურეს, მარტო ნანგრევებიღა დარჩა. საბერძნეთი რომის პროვინცია გახდა (146) და მხოლოდ ამის შემდეგ შეიტყვეს რომაელებმა, რა ქვეყანა და ხალხი დაიპყრეს. არ გაუვლია 50 წელიწადს და დამარცხებულმა ბერძნებმა სამაგიერო გადაუხადეს რომაელებს უფრო მშვიდობიან და ხანგრძლივ ომის ველზე. მათი ენა, ლიტერატურა, ფილოსოფია, ხელოვნება, მეცნიერება სავსებით გაბატონდა რომში. საბერძნეთი ბარბაროსების შემოსევამდე და ქრისტიანობის გამარჯვებამდე მსოფლიოს ნამდვილი მბრძანებელი იყო.

სახეკმნეთის ხელოვნება და ლიტერატურა ათინის  
ადებიდან რომაელების გაბატონებამდე \*).

სარჩევი. 1. ბერძნულ ხელოვნების ევოლიუცია მეოთხე საუკუნიდან.—2. ბერძნული ხელოვნება ალექსანდრეს შემდეგ.—3. ბერძნული მხატვრობა მეოთხე საუკუნიდან მეორემდე.—4. ტრაგედია და კომედია მეოთხე საუკუნეში.—5. ისტორიკოსები: ქსენოფონი.—6. მეოთხე საუკუნის ორატორები.—7. ესხინოსი და დემოსთენე.—8. ბერძნულ ცივილიზაციის პროგრესი აზიაში და აფრიკაში მე-III-ე საუკუნეში.—9. ლიტერატურა სიცილიაში: თეოკრიტი.—10. ბერძნული ფილოსოფია სოკრატეს შემდეგ: პლატონი.—11. არისტოტელე.—12. ახალი ფილოსოფიური სექტები: პირონისმი, ეპიკურეისმი და სტოიციისმი.—13. ბერძნული მეცნიერება რომაელების მოხვლამდე. ევკლიდე და არხიმედე.

1. ბერძნულ ხელოვნების ევოლუციას მე-IV-ე საუკუნიდან. ბერძნული ხელოვნება არ დაცემულა მე-IV-ე საუკუნის შემდეგ, როგორც ზოგიერთები ჰფიქრობდნენ; მან მხოლოდ სხვა სახე და მიმართულება მიიღო. მეოთხე საუკუნემდე ხელოვნება სარწმუნოების მსახური და ამხსნელი იყო. კლასიკურ ხანის სკულპტორის ღმერთი უმშვენიერეს და უსრულეს ფორმის პატრონი იყო და ამასთან ზე-ადამიანურ დიდებულებისა და დამშვიდებულ ბრწყინვალეობის გამოხატველი. შემდეგ ხანის ხელოვანს კი აღარ შეეძლო ასე მაღლა აღმაფრენა, იგი ნამდვილ ცხოვრებაში ეძებდა ხელოვნების საგანს და ხატავდა იმას, რასაც ხშირად ხედავდა თვალწინ. იდეალისმის მაგიერ რეალისმი გაბატონდა.

\*) ბიბლიოგრაფია: კრუაზე—ბერძნულ ლიტერატ. ისტორია; ფულიე—ფილოსოფიის ისტორია; რეინაკი—კლასიკური ფილოლოგია; კოლინიონი—ბერძნული არხეოლოგია; დარენბერგის ლექსიკონი.

მეოთხე საუკუნეში ორი ხელოვანი იყო ამ ახალ მიმართულების გამომხატველი—სკოპასი და პრაქსიტელესი. სკოპას პაროსელის გაკეთებული იყო ათინას ტაძრის (ტეგეიზე) ორი ფრონტონი (სვეტის თავის ბალიში, სამკუთხი და, იშვიათად, ნახევარი სიმრგვლის ფორმისა); რომელთა ნამტვრევები ამ რამდენიმე წლის წინად იპოვეს; განთქმული იყო აგრეთვე სკოპასის ერთი ქანდაკება, რომელიც წარმოადგენდა მენადას (ვაკხანკა—ქალი, რომელიც ბახუსის დღეობაზე რელიგიურ ცერემონიებსა და პროცესიებში იღებდა მონაწილეობას) იმ დროს, როცა იგი ციკანს გლეჯს. პაროსელი ხელოვანი იღებდა მონაწილეობას ეფესის ტაძრის და პალიკარნასის განთქმულ მავზოლეს აგებაშიც. მავზოლე ააშენებია რამდენიმე ხელოვანს კარიის დედოფალმა თავის საყვარელ ქმრის მავზოლის საფლავზე. ეს შესანიშნავი შენობა ხელ-უხლებელი იყო მე-XV-ე საუკუნემდე; ამ საუკუნეში კი იგი დაანგრის თავიანთ სიმაგრეებისათვის როდოსელ რაინდებმა, რომელნიც კარგი ჯარის კაცები იყვნენ, მაგრამ ხელოვნებისა არაფერი გაეგებოდათ. ეხლა ბრიტანიის მუზეუმში ინახება ამ მონუმენტის ბუღაურების რამდენიმე ნატეხი.

პრაქსიტელესი ათინელი იყო და თავის სიცოცხლეს თითქმის სულ აქ გაატარა. ამ ხელოვანის ნაწარმოებში აკვირვებდა მნახველს გრაცია, მოხდენილობა და ფორმათა სიწმინდე-სიფაქიზე. აფროდიტა კნიდელის ქანდაკებით მან შექმნა ტიპი ამ ქალ-ღმერთისა. „ვინ ჩაბერა სული მარმარილოს? ვინ ნახა ამ ქვეყნად კიპრიდა (ვენერა)? იგი პრაქსიტელესის ხელის შექმნილია. ოლიმპზე აღარ არის პაფოსის (კიპრის ქალაქი, სადაც დიდ პატივს სცემდნენ ვენერას) ქალ-ღმერთი, რადგან იგი კნიდში ჩამოვიდა“. ამას ამბობს ერთი ძველი ლექსი. თავის მხრივ აღფრედ დე მიუსეს ლექსებში ვკითხულობთ სხვათა შორის: „და ქერა თმიანი ვენერა, პრაქსიტელესის ქალი, ფეხზე მდგომარე თავის ღვთაებრივობით კიდევ უღიმის უძლოურ საუკუნოებს, რომელნიც მან სძლია თავის მშვენიერებით.“



თვითონ პრაქსიტელესის ვენერას ჩვენამდე არ მოუღწევია; მაგრამ ვენერა კაპიტოლისა, ვენერა მედიჩისა და სხვები ამ ხელოვანის ქანდაკებიდან არიან წარმოდგარი. პრაქსიტელესის დამახასიათებელი ნაზი გრაცია ატყვია საუროკტონის აპოლონს (ლუვრის მუზეუმი) და კაპიტოლის მუზეუმის ფავნს, რომელიც უეჭველად პირი უნდა იყოს. რამდენიმე წლის წინედ ოლიმპიაში აღმოაჩინეს პრაქსიტელესის ნამდვილი ნაწარმოები—ჰერმესი. პატარა ღიონისოთი ხელში.

ამ ეპოქას და ამავე სკოლას უნდა ეკუთვნოდეს ვენერა მილოსელიც\*), ლუვრის მუზეუმის უძვირფასესი განძი. იგი აღმოაჩინეს 1821 წელს კუნძულ მილოსზე; სამწუხაროდ ხელები მოტეხილი ჰქონდა და აქამდე მისი რესტავრაცია ვერ ჩაითვლება ნამდვილ რესტავრაციად. ვენერა მილოსელი, შეიძლება, არ იყოს საუკეთესო ნაწარმოები ბერძნულ ხელოვნებისა, როგორც ბევრი ამბობს, მაგრამ რაც დაგვრჩენია ამ ხელოვნების ნაწარმოებთაგან იგი უკეთილშობილესი და უმშვენიერესია.

ლიზიპოსი ალექსანდრე მაკედონელის საყვარელი სკულპტორი იყო. გადმოცემით ამ ხელოვანს 1500 ქანდაკება უნდა გაეკეთებოდა. ლიზიპოსს უყვარდა დიდებულის და უზარმაზარის რისამე გაკეთება. ასეთი იყო მისი ძევისი, რომელიც სიმძიმის გამო რომში ვერ გადაიტანეს; მას მეტად უყვარდა ჰერკულესის ტიპი. ფარნეზეს ჰერკულესი\*\*), ნეაპოლის მუზეუმში, ლიზიპოსის ქანდაკების პირი უნდა იყოს. რომში არის კიდევ ერთი პირი მის ქანდაკებისა, რომელიც წარმოადგენს ატლეტს. ეს ქანდაკება ტიბერიუსმა ქუჩიდან თავის საწოლ ოთახში შეატანინა; მაგრამ ხალხმა თეატრში უკამაყოფილება გამოუცხადა იმპერატორს და ესეც იძულებული შეიქნა ისევ ძველ ადგილას დაედგა.

2. ბერძნული ხელოვნება ალექსანდრეს შექმნევს. ალექსანდრეს შემდეგ ცხოვრების ახალმა პირობებმა გავლენა იქა-

\*) ბიუსტი ნახე გვ. 48.


\*\*) ნახე გვ. 57.

ნიეს ბერძნულ ხელოვნების განვითარებაზე. გაჩნდა ახალი არტისტიული ცენტრები სპარსეთის ძველ სამეფოში, რომელიც ძალით შემოუერთეს საბერძნეთს და რომელსაც აგემეს ჰელინების ცივილიზაცია. ალექსანდრიის, ანტიოხიის და პერგამის მეფეები და მათი სასახლეები ხელს უწყობდნენ ხელოვნების განვითარებას. ხელოვნების სამი სკოლა — პერგამისა, როდოსისა და ტრალისისა—სხვაზე მაღლა იდგა.

პერგამის სკოლის აყვავება ატალიდების გემოვნებისა და გულუხვობის საქმე იყო. საგანი ამ სკოლის ხელოვნებისა პერგამელ მეფეების გალატებთან ბრძოლაა. ჩვენამდე მოუღწევია ორ მარმარილოს, ერთი კაპიტოლის ეგრედ წოდებული „მომაკვდავი გლადიატორია“, რომელიც ნამდვილად „მომაკვდავი გლადია“ (გალი) და მეორე ვილა ლუდოვიზის გრუზა, „არია და პეტუს“ად წოდებული, ნამდვილად კი ისევ გალატი, რომელიც თავს იკლავს თავის ცოლის შემდეგ. პერგამის სკოლის ნაწარმოებთაგან ყველაზედ მნიშვნელოვანი იყო დიდებული და უზარმაზარი საკურთხეველი ძევისა და ათინისა, რომელიც ევმენ II-ს დროს ააგეს (197—159). ეხლახან იპოვეს ბერგამაში (ძველი პერგამი) რამდენიმე ნანგრევი ამ საკურთხეველისა, სხვათა შორის ერთი ბულაური, რომელზედაც წარმოდგენილია ბრძოლა გიგანტებისა ღმერთების წინააღმდეგ (ბერლინის მუზეუმშია). მთელ ამ ნაწარმოებში არის მოძრაობა, გულის - თქმა, არა ჩვეულებრივი სიცოცხლე შეერთებული შესანიშნავ აღსრულებასთან.

როდოსისა და ტრალისის სკოლებმა სრულებით უარჰყვეს წმინდა კლასიკური ტრადიცია—აღუშფოთველი ბრწყინვალეობა და ჰარმონიული გრაცია, ისინი უფრო უზარ-მაზარის ან ტრადიკულ სცენების გაძოხატვას ეტანებოდნენ. როდოსელ ხელოვანმა ხარესმა გააკეთა მზის ღმერთის ძეგლი, რომელსაც როდოსის კოლოსს ეძახდნენ; ეს ძეგლი მან მეტრის (მეტრი ნახევარი საჟენია) სიმაღლე იყო. იგი მნ-ში წაიქცა მიწის ძვრის გამო. როდოსის სკოლას ეკუთვნის აგრეთვე განთქმული

გრუპა „ლაოკონი“, რომელიც ათენოდოროსისა და აგეზანდროსის ნაკეთებია.



ლაოკონი.

ალექსანდრეს შემდეგ და რომაელების მოსვლამდე ბევრი შესანიშნავი ხელოვანი ყოფილა კიდევ; ამათ ნაწარმო-

ებთ ჩვენამდე მოუღწევიათ: აპოლონ ბელვედერისა \*), სამო-  
თრაკის გამარჯვება, დიმიტრი პოლიორკეტეს ბრძანებით გაკე-  
თებული (ლუვრშია), დიანა შვლით ხელში (ლუვრი), დიანა  
გაბიესისა (ლუვრში). არც რომაელების გაბატონების შემდეგ  
გამქრალა ბერძნული ხელოვნება; პირიქით, იგი უფრო გან-  
ვითარდა და გაბატონებული იყო ბარბაროსების შემოსევამდე.  
ერთი კი ემჩნევა ამ ხანის ხელოვნებას: მიბაძვას მეტი ადგილი  
უკავია ვიდრე წინეთ იყო და თავისებურობის ადგილი დაი-  
კავა ტრადიციის შესწავლამა და ტექნიურმა ცოდნამ.

**3. ბეჭმნული მხატვრობა მეოთხე საუკუნიდან მეოცამდე.**  
მხატვრობაზე ძალიან ცოტა ითქმის, რადგან ჩვენამდე არ  
მოუღწევია არც ერთ სურათს. ვიცით შემდეგი სახელები:  
ქეკქსასი, რომელიც საკვირველის სინამდვილით ხატავდა თურმე  
საგნებს; სხვათა შორის მას დაუხატავს ბავშვი, რომელსაც  
ყურძენი მიაქვს; ჩიტებს მართლა ყურძენი ჰგონებოდათ და  
კენკა დაუწყიათ; ზანაზიფსი, აშელესი, ძველ-დროის უდიდესი  
მხატვარი, ზნატოგენესი, რომელიც ასე უყვარდა დიმიტრი  
პოლიორკეტეს, და სხვანი.

**4. ტრაგედია და კომედია მე-IV საუკუნეში.** ტრაგედია, რო-  
მელიც ასე აყვავებული იყო ესხილოსის, სოფოკლესა და ევრი-  
პიდეს დროს, მეოთხე საუკუნეიდან აღარ არის ან თუ არის,  
მნიშვნელობას მოკლებულია. კომედია უკეთესი გახდა, მაგრამ  
ხასიათი გამოეცვალა. ბუნებრივ ევოლიუციის გამო, რომე-  
ლიც ადვილად აიხსნება ახლისადმი მისწრაფებით და პოლი-  
ტიკურ გარემოებათა გავლენით, გაჩნდა ახალი გვარი კომე-  
დიისა, რომელსაც „საშუალო კომედიას“ ეძახიან. ხორო, ეს  
უკანასკნელი ნიშანი კომედიის რელიგიურ ხასიათისა, სრულე-  
ბით გაჰქრა; მასთან ერთად მოისპო პარაბაზიც, სადაც ავტო-  
რი მაყურებელ საზოგადოებას მიჰმართავდა ხოლმე. რადგან  
ავტორს უფლება აღარ ჰქონდა ცოცხალი პირები გამოეყვანა  
სცენაზე და პოლიტიკურ კითხვებს შეხებოდა, კომედია თანა-

\*) ნახე გვერდი 45.



იგი დაიბადა სირაკუზში, რამდენიმე ხანი ეგვიპტეში იყო და შემდეგ ისევ სამშობლოში დაბრუნდა. ჩვენ გვაქვს თეოკრიტიესი 30 იდილია, ოცდა ორი ეპიგრამა და რამდენიმე პატარა პოემა. თეოკრიტეს იდილია აქამდე შეუღარებელია; იგი ისეთის გულუბრყვილობითა და სიწრფელით ალაპარაკებს მეთევზეებს და მწყემსებს, რომ მზგავსის პოვნა იშვიათია.

თეოკრიტეს ვარდა სიცილიელებს კიდევ ჰყავდათ მწერლები, მაგრამ მასთან შედარებით დიდს არაფერს წარმოადგენდნენ.

**10. ბერძნულა ფილოსოფია სოკრატეს შემდეგ. პლატონი.** სოკრატეს უშესანიშნავესი მოწაფე, რომელმაც ამასთანავე საუკეთესოდ გაგვაცნო თავის მასწავლებლის მოძღვრება, ღვათებრივი პლატონი იყო. პლატონი დაიბადა ათინაში 428 წელს ქრისტეს დაბადებამდე და დაარქვეს ეს სახელი განიერ ბეჭების გამო (პლატონი ბერძნულად განიერს ნიშნავს). ოცის წლის იყო, რომ სოკრატეს გაეცნო და ამ დროიდან მთელის თავის არსებით ფილოსოფიის შესწავლას შეუდგა. პლატონი ბევრს ეცადა სიკვდილიდან ეხსნა თავისი მასწავლებელი; ტრიბუნიდან ძალით ჩამოიყვანეს მეგობრებმა, რომ თავისი თავიც არ გაეხვია საქმეში. სოკრატეს სიკვდილის შემდეგ იგი იყო მეგარაში, იტალიაში, ეგვიპტეში, სიცილიაში. 388-ში პლატონი ისევ ათინაში დაბრუნდა და გახსნა თავისი შესანიშნავი სკოლა ათინელ აკადემოსის ბაღებში; ამ აკადემოსის სახელით მოინათლა შემდეგ პლატონის სკოლა, რომელსაც აკადემიას უწოდებდნენ. პლატონი 82 წლის მოკვდა.

პლატონის თხზულებები ბევრია; იგი დიალოგის ფორმით სწერდა, რომ მეტი ინტერესი და სიცოცხლე მიეცა ნაწერი-სათვის. უმთავრესი დიალოგებია „გორგიასი“ და „პროტაგორასი“, სადაც იგი სოფისტებს ეკამათება; „ფედონი“, რომელიც ყველაზე უფრო მოსწონდათ ძველებს: აქ სოკრატე ესაუბრება თავის მოწაფეებს სულის უკვდავებაზე; „სიმპოზიონი“ (ნადიმი), „რესპუბლიკა“, სადაც პლატონი მართვა-გამგეობის



საუკეთესო ფორმაზე ლაპარაკობს, „კანონები“, სადაც ისევ პოლიტიკურ კითხვებზეა საუბარი, და სხვანი.



პლატონი

პლატონის შეხედულებით, ჩვენი საცხოვრებელი ქვეყანა ჰგავს გამოქვაბულს, რომელსაც ანათებს დიდი ცეცხლი და სადაც სინათლისაკენ ზურგ მიქცეული ტყვეები მთელი თავისი სიცოცხლე მიკრული არიან. საგნები, რომელნიც ამ ტყვეების უკან იმყოფებიან, ჩრდილს ისვრიან გამოქვაბულის კედელზე და ტყვეებს, რომელთაც შეტი არაფერი უნახავთ, აჩრდილი ნამდვილი საგანი ჰგონიათ. ტყვეები—ჩვენ ვართ, გამოქვაბული—ჩვენი მიწა; ჩვენი დამპყერი—ჩვენი ილიუზიები და კრუმორწმუნოებანია; აჩრდილი, რომელსაც ჩვენ ვხედავთ და რომელიც სინამდვილე გვგონია, ჩვენი გრძნობების ფენომენებია (მოვლენა). მხოლოდ ფილოსოფიას შეუძლია გამოგვიყვანოს ჩვენის შეცდომისაგან; იგი გვასწავლის, რომ ადამიანისა და ნივთის მალლა არის ერთი პრინციპი, რომელიც ყოველივე

უაღრესობის განხორციელება და ცოცხალი და მუდმივი მო-  
დელი ყოველივე არსებულისა. ამ პრინციპს პლატონი ადევს  
ეძახის. იდეა არის დასაწყისი, წყარო არსებობისა და ცოდნისა;  
იგი არის უცვლელი, მუდმივი ქეშმარიტება, მუდმივი მშვე-  
ნიერება, მუდმივი სამართლიანობა, უნაკლულო უაღრესობა ან  
ნამდვილი სიკეთე; იდეა ღმერთია ერთობა ღმერთთან ყოველ  
ადამიანის სულის მიზანია. „რა სანატრელია, ამბობს პლატონი,  
იმ მომაკვდავის ხვედრი, რომელიც ეღიროება სქვრიტოს  
შეურეველი, წმინდა და მარტივი მშვენიერება, არა ხორც-  
შესხმული, არამედ მოშორებული ყოველივე იმას, რაც წარ-  
მავალია! რა ბედნიერია იგი, რომელიც პირის-პირ დაინახავს  
თავის ერთად-ერთ უცვლელ სახით ღვთაებრივ მშვენიერებას“.

პლატონის მორალი (სწავლა ზნეობაზე) მის მეტაფიზიკურ  
თეორიასთან არის მჭიდროდ დაკავშირებული. „ჩვენ უნდა  
ესცდილობდეთო, ამბობს პლატონი, რაც შეიძლება მალე  
განვშორდეთ ამ მიწიერ საცხოვრებელ ადგილს. ეს განშორე-  
ბა უნდა იყოს მიმზგავსება ღმერთისა, რამდენადაც შეგვიძლია;  
ღმერთის მიმზგავსება კი შეუძლია ადამიანს სამართლიანობით,  
სიწმინდით და სიბრძნით“. რაც შეეხება პოლიტიკურ კითხვებს,  
პლატონი ჰტიჟრობს, რომ ინდივიდი, პიროვნება არაფერია და  
სახელმწიფო კი ყველაფერი; ასეთ შეხედულებით, პიროვნება  
და ყველა მისი უფლება მსხვერპლად უნდა შეეწიროს უპიროვნო  
არსებას, რომელსაც სახელმწიფოს (ძველად თემს) ეძახიან.  
პირადი თავისუფლება, ინიციატივა, კერძო მფლობელობა  
უნდა მოისპოს, რომ არ შეფერხდეს სახელმწიფოს ყოვლის  
შემძლებლობა.

**11. ანასტოტელე.** პლატონს უნდა დაეუპირდაპიროთ  
არისტოტელე. ეს დიდებული ფილოსოფოსი და დიდებული  
მეცნიერი დაიბადა სტაგირაში (ხალკიდია) 384 წელს ქრის-  
ტეს დაბადებამდე. არისტოტელე პლატონის მოწაფე იყო  
ათინაში და ყოველთვის დიდ პატივს სცემდა მასწავლებელს,  
თუმცა ბევრში მისი თანახმა არ იყო. შემდეგ იგი გახდა ალექ-  
სანდრე მაკედონელის მასწავლებელი. 334 წელს არისტოტე-

ლემ დაარსა ათინაში ფილოსოფიური სკოლა, რომელსაც პერიპატეტიკოსების (მოსეირნეთა სკოლა) სკოლას ეძახდნენ, რადგან მასწავლებელი დადიოდა და ისე ესაუბრებოდა და ასწავლიდა მოწაფეებს. აღექსანდრეს სიკვდილის შემდეგ მაკედონელების მომხრე ფილოსოფოსი იძულებული შეიქნა ათინიდან წასულიყო; იგი მოკვდა ევბეას ხალკისში 322 წელს.

არისტოტელეს თხზულებები ნამდვილი ენციკლოპედია იყო იმ დროის ყოველგვარ მეცნიერებისა. ჩვენამდე მათ უვნებლად არ მოუღწევია, მაგრამ მაინც ბევრი გაქვს ფილოსოფოსის ნაწერებიდან. უმთავრესი ნაწერებია: „ეტიკა“ (ზნეობა), „პოლიტიკა“, „რეტორიკა“, „პოეტიკა“, „ცხოველების ბუნებრივი ისტორია“ და სხვ.



არისტოტელე.

არისტოტელეს არ სწამს უღარესი მიზეზი, არსებულის მოდელი, რომელსაც პლატონი იღვას უწოდებს. მას სწამს

მხოლოდ ის იდგა, რომელიც თვით საგანშია განხორციელებული; არისტოტელეს აზრით, არსება ინდივიდუალურია, ინდივიდუალობაში იმყოფება და ინდივიდუალობა კი მოქმედებაში: რაც არსებობს, მოქმედებს და რაც მოქმედებს, არსებობს. ბუნება განუწყვეტლივ მოქმედებაშია; იგი მიდის მაღლა, დაბალ ფორმებიდან მაღალ ფორმებამდე, მინერალიდან მცენარემდე და ასე ამ გვარად ღმერთამდე. ბუნების უკანასკნელი და უუსრულესი მოქმედება აზრია, ღმერთი უუსრულესი აზრია.

რაც შეეხება ზნეობრივ სწავლას, არისტოტელე ამბობს, რომ ადამიანის უაღრესი აკტი, მოქმედება გონების ვარჯიშობა არის. სათნოება გონების შედეგია. სოციალურ სათნოებათა შორის უდიდესია მეგობრობა და სამართლიანობა; პირველი თანასწორობაა, მეორე ამ თანასწორობის პატივისცემა.

არისტოტელეს პოლიტიკური შეხედულებაც დიდათ განისხვავება პლატონის შეხედულობისაგან: სახელმწიფო უნდა იყოს თავისუფალ და თანასწორ პირების კრებულიო, ამბობს სტაგირიტი. რომ მონობის დაცვა არა, არისტოტელეს შეხედულება 1789 დიდ რევოლიუციის დოკტრინა იქნებოდა. იგი არ თხოულობს პლატონსავით ოჯახისა და საკუთრების მოსპობას; იგი მომხრეა ხალხის სუვერენიტეტისა უაღრეს უფლებიანობა) და ამტკიცებს, რომ ყოველ რევოლიუციის მიზეზი ნამდვილ თანასწორობის დარღვევა არისო.

**12. ხხლა ფილოსოფიურა სკოლები: პირონისძი, ეზი კურეისძი და სტოაჩასძი.** არისტოტელეს შემდეგ ბერძნულმა ფილოსოფიამ თავი მიანება მაღალ მეტაფიზიკურ კითხვებს და ხელი ჩასჰიდა მორალს. გაჩნდა რამდენიმე სკოლა, რომელთაც დიდი გავლენა ჰქონდა ქვეყნის ისტორიაზე.

პირონისძი (დამაარსებელი ფილოსოფოსი პირონი იყო) უკიდურესი სკეპტიციისძია; იგი არც არაფერს ამტკიცებს, არც არაფერს უარყოფს; ბრძენისათვის ყველაფერი ერთია: სისაღე თუ ავათმყოფობა; სიმდიდრე თუ სიღარიბე; ყველა მისი ცდის მიზანი უნდა იყოს სულის სიმშვიდე და აღუშფოთველობა.



ეპიკურეისმი უფრო განთქმული სწავლაა. ამსკოლის დამა-  
არსებელი იყო ეპიკუროს ათინელი (პ27—270). იშვიათად  
ყოფილა, რომ ვინმეს ასეთი თაყვანის მცემლები და ცილის  
მწამებლები ჰყოლოდეს. მოწაფეები აღმერთებდნენ მას; რო-  
მაელი პოეტი ლუკრეციუსი ლაპარაკობს მაზედ, როგორც  
ღვთაებრივ გენიოსზე; მოწინააღმდეგენი კი საშინლად ლანძღავ  
დნენ და მის სწავლას უკიდურეს განცხრომის ქადაგებად  
სთვლიდნენ.

ეპიკუროსი ამბობს, რომ გრძნობიერობაა ერთად-ერთი წყა-  
რო ცოდნისა. დემოკრიტესთან ერთად იგი ამტკიცებს, რომ  
ქვეყნის შექმნა და არსებობა ატომების მოძრაობისა და მათი  
სხვა და სხვა გვარ შეერთების შედეგია. ეპიკუროსი წინააღ-  
მდეგი იყო ბედის წერის თეორიისა და იცავდა სულის თავისუფ-  
ლებას. „რალა გამოსადეგია ღმერთების შიშის მოსპობა, თუ  
მის მაგიერ გავიჩინთ უფრო საშინელ და აუცილებელ ბედის  
წერის შიშს!“

ეპიკუროსის მორალი იმას ამბობს, რომ სიკეთე უნდა  
ვეძიოთ ბუნებაში და ამ ბუნების თანახმად ცხოვრებაში. ზო-  
გიერთ მოწაფემ თავისებურად გაიგო ეს პრინციპი; ბუნების  
თანახმად ცხოვრება მათთვის კუჭის დაკმაყოფილება იყო. ამი-  
ტომაც მოხდა, რომ ეპიკუროსს ამდენი დაუმსახურებელი კი-  
ცხვა და ლანძღვა შეხვდა. ეპიკუროსისათვის სიკეთე წარმავალი  
სიამოვნება კი არ ყოფილა, არამედ წარუვალი.

სტოიციზმი ადამიანის უმშვენიერესი ცდაა ამ ქვეყნის  
უბადრუკობაზე მალლა დადგომისა; იგი დიდებაა ადამიანის  
ნების ძალისა, რომელიც იმარჯვებს უსაშინელეს უბედურე-  
ბაზე და გაჭირვებაზე. სტოიციზმი გაჩნდა ისეთ დროს, რომე-  
ლიც მეტად მდიდარი იყო ყოველ-გვარ უბედურებით, და  
გახდა თავშესაფარი ამაღლებულ სულისა და ძლიერ ხასიათის  
პატრონთათვის; მან იხსნა ადამიანი სასოწარკვეთილებისა და  
განცხრომისაგან. და ამაზედ უკეთეს ქების თქმა ხომ შეუძლე-  
ბელია!



სტოიციზმის დამაარსებელი ზენონი, კაცობრიობის დიდი კეთილის მყოფელი, დაიბადა კუნძულ კიპროსზე 358 წელს. გალარიზების შემდეგ იგი მოვიდა ათინაში და ყურს უგდებდა კინიკ კრატესის ლექციებს. მალე საკუთარი სკოლა გახსნა ერთ გალერეაში ან ბერძნულად, სტოაში, საიდგანაც წარმოსდგა სახელწოდება სტოიციზმი. მიუხედავად იმისა, რომ ანტიგონ გონატა და პტოლომე ფილადელფი ბევრს სცდილობდნენ მის წაყვანას და ამისთვის ბევრს რასმე პირდებოდნენ, ზენონმა არ მიატოვა ათინა. ათინამ მოქალაქის უფლება მისცა ფილოსოფოსს, მაგრამ მან უარი სთქვა. როცა მოკვდა, ათინელებმა ოქროს გვირგვინი დაადვეს და თემის ხარჯზე დაასაფლავეს იგი კერამიკაში.

სამწუხაროდ ზენონის ნაწერებიდან ჩვენამდე არც ერთს არ მოუღწევია. მაგრამ მისი ფილოსოფია დაახლოვებით მაინც ვიცით.

ქვეყანაზე ორი პრინციპი—სული და მატერია—კი არ არსებობს; არის ერთად-ერთი სუბსტანცია; სხეული და სული ერთი და იგივეა. ღმერთი მსოფლიოს განუშორებელი სულია.

ზენონის უმთავრესი დამსახურება მისი მორალია. ადამიანს თვით თავის არსებაში აქვს ერთი პრინციპი, რომელიც შეძლებას აძლევს მას თავიდან აიცილოს ბედისა და ადამიანის დევნა. ეს პრინციპი—ნების ძალაა. ნების ძალა უმთავრესი თვისებაა ადამიანისა; იგი მთელი ადამიანია. ადამიანის დაცემის მიზეზი მის საკუთარ ნების ძალის უარყოფაა. აქედან ზენონს გამოჰყავს შემდეგი აზრი სიკეთეზე: „ჩვენი სიკეთე და სიავე მხოლოდ ჩვენ ნების ძალაში არის“. ნამდვილი სიკეთე სათნოებაა, ნამდვილი სიავე—ბიწიერება. ასეთის სწავლით სტოიკებმა ამაღლეს და გააკეთილშობილეს ადამიანის ბუნება; არასოდეს ფილოსოფიური დოკტრინა არ ყოფილა ისე ვრცელი და კეთილშობილი, როგორც სტოიციზმი. მან არ იცოდა გარჩევა ადამიანთა შორის: რადგანაც გონებით ადამიანები არიან,

თანასწორებიც არიან. თუ ყველა ადამიანი თანასწორია ზნეობრივ კანონის წინაშე, ისინი მოვალენი არიან ერთმანერთს დაეხმარონ; მსოფლიო ვრცელი სამშობლოა, სადაც ჩნდება ერთმანერთის შეწყალება. «მსოფლიოვ, ამბობდა მარკუს ავრელიუსი, მიყვარს, რაც შენ გიყვარს. მომეცი, რაც გსურს, ისევ წაიღე, რაც არ გინდა რომ მქონდეს. ყველაფერი შენგნით არის: ყველაფერი შენია და შენთან ბრუნდება. ბერძნულ პიესის ერთი გმირი ამბობს: „საყვარელო კეკროპისის თემო“ო! და მე კი თამამად ვამბობ: საყვარელო თემო იუპიტრისა!“ სტოიკებს უსაყვედურებდნენ გადაჭარბებულ, არა ბუნებრივ მიდრეკილებას სათნოებისადმი, ავთომყოფობისა და სიკვდილის სრულებით არაფრად მიჩნევას. მაგრამ ნამდვილად კი მხოლოდ ის ესაყვედურება მათ, რომ სუსტ სიკვდილის შვილს ბევრს სთხოვდნენ. სტოიციზმის იდეალის განხორციელება ჩვეულებრივ ადამიანის შეძლებას აღემატება; მაგრამ ისიც დიდი საქმეა, რომ რჩეულებმა გაიგონ იგი და აასრულონ. და განა შეიძლება კიდევ ლაპარაკი საბერძნეთის ეგრედ წოდებულ „დაცემაზე“, როცა იგი ასეთ პირებსა და ისეთ მალალ დოკტრინებს ჰქმნის?

**13. ბერძნული მეცნიერება რომაელების მოსკლამდე. კეკლიდე და ანხიმედე.** მეცნიერება ფილოსოფიასთან იყო გაერთიანებული საბერძნეთში, მაგრამ ჰოლოს იგი გამოიყო და დამოუკიდებელი გახდა. ყველაზე უფრო მათემატიკა განვითარდა. არითმეტიკის წესები, თითქმის იმ სახით, რა სახითაც ეხლა არის, პითაგორას და მის მოწაფეების შემუშავებულია. ერთის ტრადიციით, პითაგორას სიმძიმისა და სიგრძის საზომებიც უნდა შემოეღოს საბერძნეთში. გეომეტრიაც მისი დაწყებული უნდა იყოს აქ. მას შემდეგ მუშაობდნენ ანაქსაგორა კლაძომენელი, ჰიპოკრატე ქიოსელი, რომელსაც პირველად უნდა შეედგინოს გეომეტრის ელემენტები, ევკლიდე და არხიმედე.

ევკლიდეს უმთავრესი დამსახურება ის არის, რომ თავი მოუყარა გეომეტრიის და არითმეტიკის მეცნიერებიდან ყვე-

ლაფერს, რაც კი იყო მანამდე. ევკლიდე ბოლოს ალექსანდრიაში სცხოვრობდა. ერთხელ მეფეს ეთხოვა მეცნიერისათვის, ეჩვენებინა მისთვის გეომეტრიის შესწავლის არსებულზე უფრო ადვილი გზა. „გეომეტრიაში არ არის ისეთი გზა, რომელიც საგანგებოდ მეფეებისათვის იყოს გაკეთებული“ო, ეპასუხნა მოსწრებულად ევკლიდეს.

არხიმედე ნამდვილი გენიოსი იყო. იგი დაიბადა სირაკუზში 287 წელს (მისი მამაც მათემატიკოსი და ასტრონომი იყო). ჯერ არხიმედე ალექსანდრიაში იყო ევკლიდესთან და შემდეგ დაბრუნდა სამშობლოში, სადაც მალე გაასწრო თავის მასწავლებელს. მექანიკურ გამოგონებათა წყალობით იგი მალე სახელგანთქმული შეიქნა; ამ გამოგონებათა საშუალებით იყო, რომ სირაკუზი სამი წელიწადი გაუმაგრდა რომაელებს. არხიმედე მოჰკლეს ქალაქის აღების დროს.

არხიმედე მრავალ-მხრივი მათემატიკოსი იყო: არითმეტიკაც შესანიშნავად იცოდა, გეომეტრიაც, მექანიკაცა და ფიზიკაც. მის გამოგონებათაგან უფრო ცნობილია—მექანიკაში ეგრედ წოდებული არხიმედეს უბოლოო ვინტი, გამოგონებული ჰიერონის ერთ უზარ-მაზარ გემის დასაცლელად, და ფიზიკაში ეგრედ წოდებული არხიმედეს კანონი \*)

\*) ყოველი სხეული ჰვარავს წყალში იმდენ სიმძიმეს, რამდენსაც იწონის ამავე სივრცის წყალი.


ძველ საბერძნეთის ისტორია საზოგადოთ ცივილიზაციის ისტორია იყო. შესაძლებელია, რომ ბერძნებმა ბევრი რამ ისესხეს აღმოსავლეთიდან, მაგრამ ეს ნასესხები დაუმუშავებელი და გამოურკვეველი იყო. მხოლოდ ბერძნის ზენაარმა ნიქმა, მდიდარმა გამოხატულებამ და ნათელმა გონებამ გამოიყენა ეს დიდძალი და, უეჭველად, მნიშვნელოვანი მასალა. ბერძენი კაცობრიობის მასწავლებელი და აღმზრდელი შეიქნა ლიტერატურაში და ხელოვნებაში, სადაც იმ თავითვე შეუდარებელი გახდა, და შეცნიერებაშიაც, სადაც იგი უფრო ნელის ნაბიჯით მიდიოდა. მაგრამ არც ეს არის ბერძნების ნამდვილი უაღრესობა. „ღმერთებს არ ემზავსებიან ბერძნები მაკედონელებშორის“-ო, გულ-მოსულობით სთქვა ერთხელ ალექსანდრემ. ეს სიტყვები სრული ჭეშმარიტებაა. ბერძნები ნამდვილი ღმერთები იყვნენ მაკედონელებსა და სხვა ხალხებ შორის, მაგრამ იმიტომ კი არა, რომ დიდებული ხელოვნები, დიდებული მწერლები და ორატორები იყვნენ, არამედ იმიტომ, რომ პირველად მათ შემოიღეს წინედ გამეფებულ ძალ-მომრეობის მაგიერ ორი პრინციპი, რომელიც დღესაც ორი პოლიუსია ჩვენთვის: პრინციპი ადამიანის თავისუფლებისა და პრინციპი ყველას თანასწორობისა კანონის წინაშე. ბერძნული ხელოვნება თვალს ახარებდა, ბერძნული ლიტერატურა ანვითარებდა გონებას, ფილოსოფია ამაღლებდა სულს; მაგრამ ბერძნებმავე შექმნეს ადამიანის უფლების პირველი პრინციპები. მართალია, ბერძენს იმთავითვე არ ჰქონდა სრული წარმოდგენა პიროვნების უფლებებზე. პლატონმა და არისტოტელემაც კი ვერ გაბედეს საბოლოო დასკვნა გამოეყვანათ მათგანვე წამოყენებულ

პრინციპებიდან. მაგრამ ზენონმა ხომ დაამთავრა მათი საქმე და ეს დიდებული კაცი, რომლის სახელი სამართლით ისევე ცნობილი უნდა იყოს, როგორც იმ ორისა, იყო დამფუძნებელი კაცობრიობის უფლებათა. ზენონმა წამოაყენა ადგილობრივ სამშობლოს მაგიერ ვრცელი სამშობლო კაცობრიობისა, რომელზედაც დღეს ჩვენ ვოცნებობთ; დაჰგმო მონობა, გამოაჯანყდა ყველას ერთობა, თანასწორობა და სოლიდარობა და დაარსა, თუ შეიძლება ვერც ითქვას, ადამიანის ღირსებისა და ნების ძალის რელიგია.


საბერძნეთის დამოუკიდებლობის მოსპობას არ შეუჩერებია ბერძნულ იდეების გავრცელება. ბერძენი ბოლომდე დარჩნენ ქვეყნის მასწავლებლნი მეცნიერებისა და ხელოვნების ყოველ დარგში და ბარბაროსების შემოსევის შემდეგ მათვე იხსნეს ეს მეცნიერება და ხელოვნება დაღუპვისაგან. თუ ბარბაროსებმა ვერ მოსპეს სრულებით კულტურის ელემენტები, ეს მოხდა ბერძნების წყალობით. კონსტანტინეპოლმა შეინახა და დაიფარა ანტიურ კულტურის შემკვიდრეობა, რასაკვირველია, ცოტა შემცირებული, და თავის დროზე მიაწოდა დასავლეთს. საბერძნეთის ლიტერატურისა და ხელოვნების გაბნეულ ნაშთებიდან დაიწყო, ფეოდალურ ეპოქის შემდეგ, განახლების ხანა და ბერძნულ ფილოსოფიის გაკვეთილებიდან შეითვისა ევროპელმა პიროვნების განთავისუფლების აზრი. როცა ბარბაროსებისგან დამონავებული საბერძნეთი აჯანყდა მეცხრამეტე საუკუნის დასაწყისში დამოუკიდებლობის საშოვნელად, მთელი ევროპა მარტო პოლიტიკურ ინტერესებისათვის როდი გამოეჭიმაგება მას; მიზეზი უფრო ღრმა და ნაკლებ წარმავალი იყო: საბერძნეთის დახსნით კაცობრიობამ ვალი გადაუხადა იმ ხალხს, რომელმაც ამდენი კეთილშობილი და ძალადი გრძნობა, ამდენი დიდებული იდეები და დიდებული ნაწარმოებები შემოიტანა მსოფლიოს საღაროში. ამდენი საუკუნე გავიდა და ჯერ კიდევ ძველი საბერძნეთი გვიჩვენებს გზას საბოლოო განთავისუფლებისაკენ. ძველი ათინელები რომ პირველს უახლოვდებოდნენ გემით, აკროპოლისზე დადგმულ პალოდამ და



ათინას ბრწყინვალე ოქროს ჯილას უყურებდნენ და ისე მიჰყავდათ გემი; განა პალადა ათინა ფეხზე არა დვას და ჩვენ არ მივისწრაფით მისაკენ, როგორც უკვდავ ქეშმარიტებისა, სამართლიანობისა და გონებისაკენ?



ათინური ფული — ტეტრადრახმა\* (ორივე მხარე)



ორივე ფული უფრო ძველ დროისა.